


8-47-A-16





*Collegij Recanatenar. Societis Jesu*

# Rationale

## Diuinorum officiorum


Ioanne Beletho Theologo  
Parisiense autore.

*Opus annis abhinc ferè quadringentis conscri-  
ptum, nunc demum opera Cornelij Lauri-  
mani vltraiectini in lucem editum,  
ac diligenter à mendis com-  
pluribus repurgatum.*



ANTVERPIAE,  
Apud Ioannem Bellerum.  
M. D. LXII.

*Ex libris Vassaf M. S. et Pauli  
De Urbe 1818*



ILLVSTRISSI-  
MO PRINCIPI AC RE-  
uerendissimo Domino D. Geor-  
gio ab Austria Episcopo Leodien-  
si, Duci Bullonensi, Comiti Los-  
seni ac Marchioni Francimon-  
tano, &c. Cornelius Lau-  
rimanus Ultra-  
iectinus.  
S. D.

**S**Amus ille Pythagoras, quo viro in  
tota Græcia neque meliorem fuisse,  
neque doctiorem haud iniuria profe-  
rto putandum est, Princeps Illustrissi-  
me, ita me domesticis alioqui negocijs di-  
stractum satis, iam pridem unica senten-  
tia occupatum detinuit, ut qua tandem  
ratione ab ea recederem, ipsemet mecum  
diu multumque dubitauerim. Ea autem  
est huiusmodi, Nimirum tum maximè  
& pietatem & religionem versari in a-  
nimis, cum rebus diuinis operam adhi-  
buerimus. Nam quotiescunque hanc  
voluo ac reuoluo, accuratiùsque mecum  
examino, tantus ilico rerum diuinarum

## EPISTOLA

passim apud omnes subit animum negle-  
ctus, ut iam non mirum mihi adeò vi-  
deatur, si penè infinitos exulceratissimo  
hoc sæculo habeamus, in quorum animis  
non solum pietas, sed & religio tam fri-  
gidis obducta est cineribus, atque ita pe-  
nitus extincta, ut propemodò difficile sit  
ipsam, non dico rursum excitari, sed in  
aliquam fiamillam provocari. Unde pro-  
fectò, qui non hinc temporis huius in-  
iuriam, atque omne bellorum agmen  
proficisci arbitretur, nã ille mentis pa-  
rum compos est. Quanquam enim  
plerique omnes soleamus, quicquid tan-  
dem aduersi nobis contigerit, in Ho-  
mericam nescio quam Arem reijcere:  
nos tamen potius culpandi sumus & ac-  
cusandi. Quotus quisque nostrum est,  
qui aliquem moueat lapidem, quò ipsa  
religio semel velut in integrum resti-  
tuatur, cum tamen fieri non possit, ut  
sine religione ciuitates bene beatèque ad-  
ministrantur. Nam cum DEO Opt.  
Max. honorem & reuerentiam cum ex-  
trinsecus, tum intrinsecus exhibere de-  
beamus, certè quod imperium, quod re-  
gnum, quod oppidum ista duo cumulatè  
Deo

# NUNCUPATORIA.

Deo non tribuerit, illud diutius constare nullo modo poterit. Sunt enim hæc duo, quibus sacer Dei cultus continetur. Vtrunque certè Deo ab hominibus summa cum cura præstandum est: verum id, quod in externis positum est, quas ceremonias vocamus, tanta religione observari debet, quanta res alia fortassis nulla. Nam per has ceremonias alij alijs exemplo sumus, inflammamur mutuo in Deum amore, & (quod præstantissimum est) per has ipsas ceremonias datur etiam nobis summum Dei beneficium, quod Gratia nominatur. His de causis à primo totius orbis initio omnes omnium nationum homines leges instituerunt de interiore Dei cultu, atque etiam externo quæ alij ab alijs quasi per manus ad hunc usque diem acceperunt. Fessem hic à vetustissimis omnium nationum Chaldaeus exempla petere, quæ ad hanc rem plurimum facerent: Itemque ab Assyrijs, ab Aegyptijs, à Græcis, alijsque gentibus, nû vererer hac in parte longior iusto esse. Unius populi Romani exemplo contentus ero. Numa Pompilius (hic enim mihi erit instar omnium) cum

## EPISTOLA.

hoc ipsum de religione tum per se, tum ex Pythagoræ decretis intelligeret, sacra Dijs instituit gratissima, præfecitq; cuique Deorum suos sacerdotes, quos, tametsi & ipse plurima sacra obibat, religiosissimè creauit. Ab hoc fasti dies nefasti q; orti sunt. Ab hoc flamines Iouis, Martis & Quirini sunt instituti, quibus etiam ut perpetuò templi forent antistites, stipendium de publico statuit. Ab hoc in peculiarem codicem relatum est, quibus diebus, & cui Deo, quibus hostijs esset immolandum, cui maioribus, cui laetentibus, cui maribus, cui fœminis. Ab hoc denique innumerabiles natæ sunt ceremoniæ, quas Romani non minus piè, quàm religiosè semper obseruarunt. Quo quidem factum est, ut pace terrarumq; parta uniuersum orbem suo imperio subiectum iam diu tenuerint. Illi enim tanti Deorum, ut dixi, religionem semper fecerunt, ut firmissimas de ea ac saluberrimas leges latas non acceperint modò, verùm unicè etiam præter cæteros custodierint, & præcipuos earum habuerint obseruatores, cuiusmodi νομοφυλάκεις vocant Græci. Quid enim meher-

# NUNCUPATORIA.

meherclè sanius præcipi posset, quàm quum aiunt: Ad Divos castè esse adeundum, pietatem adhibendam, atque opes esse amouendas, quorum si quæ secus fiant, non hominem, sed Deum ipsum vindicem fore? Quid? quod & huiusmodi inter cæteras legem habuère. Nocturna mulierum sacrificia ne sunt: Præter ollas (sic enim veteres loquebantur) quæ populo ritè fient? Taceo nunc duo illa præclara sacerdotum genera, quorum unum præest ceremonijs & sacris: alterum interpretatur fatidicorum & vatum effata incognita. Taceo sempiternum ignem foci publici à Vestalibus diligenter observatum. Taceo demum quod sanctè vota Deo reddenda esse voluerunt: quis enim hîc omnia complectatur? Certè illud diffiteri non possumus maiorem Ethnicos circa suas ceremonias religionem exercuisse, quam nos modo facimus Christiani. Nam si quid ad utilitatem Ecclesiæ, aut diuinorum officiorum conferendum sit, non hic tantum manus contrahimus, verùm etiam clamamus indignum esse, ut quicquam à misera plebe exigatur. Si quæ honestæ donationes

## EPISTOLA

postulentur, quibus Ecclesie ceremonias  
 commodè perficiamus, ex templò ad hoc  
 itur: non velle nos dare, quibus darentur  
 Sacerdotes: eos abundè satis habere, nec  
 opus esse dari, quo illorum augeamus lu-  
 xuriam. Sub huiusmodi prætextu inte-  
 rim perit Ecclesia, & cultus diuinus om-  
 nino extinguatur. Nec etiam si conceda-  
 mus dari sacerdotibus, velut stupidi vo-  
 lumus intelligere, quod sacra inquit scri-  
 ptura, ac repetit Paulus ad Timothe-  
 um: Non obligabis os boui tritu-  
 ranti. Et Dignus est operarius  
 mercede sua. Verùm hæc omnia ideò  
 dixerim, ut cognoscamus non frustra  
 tentas in Repub. Christiana indies na-  
 sci verum perturbationes, si omnis pie-  
 tas & religio ita ex humanis mentibus  
 sublata est, ut eius mentio nusquam fe-  
 rè fiat. Nam quod attinet ad Dei cul-  
 tum interiorem, non opus est dicere,  
 quantis dubitationum tenebris circun-  
 fusus sit, id enim nemo non videt: quod  
 ad externum de ceremonijs cultum spe-  
 ctat, tot fuere opiniones, quot referri nec  
 facile possunt, nec debent. Fuere qui-  
 dam qui illas partim abrogandas, par-  
 tum



## NUNCUPATORIA.

tim imminuendas, quidam prorsus inane  
 illas esse, & propterea tollendas  
 putarent. Contra horum insanam opi-  
 nionem multum nostræ ætatis tum su-  
 periorum temporum memoria verè,  
 sanctè præclarèque volumina aliquot  
 conscripserunt. In his mehercule non  
 omnino contemnendus est Ioannes Be-  
 lethus Parisiensis scholæ Rector & Do-  
 ctor, idque propter eius tractandi ra-  
 tionem, pietatem, ac venerabilem an-  
 tiquitatem. Scripsit enim multis ab-  
 hinc annis, ut statim ostendemus. Hic  
 autem cum hominum incuria & negli-  
 gentia in tenebris quasi in squalore for-  
 didus lateret, beneficio cum docti, tum  
 pijs sacerdotis ad manus meas peruenit:  
 qui cum à me esset: diligenter perle-  
 ctus, non incommodum fore putavi, si  
 ipse in manus hominum ad commu-  
 nem utilitatem perueniret, quod mi-  
 sera ac insana plebecula ab istiusmodi  
 ceremoniarum contemptu, quem nu-  
 per sub perniciosissimo duce. Luthero ac-  
 cepit, reuocaretur. Tametsi enim non  
 tam præcise ac certò inuenire potue-  
 rim (quod non exiguam mihi attulit

## EPISTOLA

*molestiam (quibus potissimum temporibus vixerit, coniecturam tamen facio longè euentissimam librum hunc scriptum fuisse propè quadringentis abhinc annis: velut ipsius nostri Autoris verba, satis superq̃ declarant. Is etenim in capite de Assumptione virginis Mariæ, religiosissimam ait fæminam appellatam Elizabeth adhuc in viuis esse, agereq̃ in finibus Saxonie, cui quidpiè de Assumptione sentiendum sit, reuelatum fuit, et ab ipsa conscriptum. Hanc ego comperio (si qua Chronicis fides habenda est) ætatis suæ anno trigesimo tertio obiisse sub Frederico Imperatore primo, videlicet anno 1165. Vnde quiuis facile supputet, quo tempore noster Autor vixerit, si, quum hæc scriberet, illa etiãtū vivebat. Possunt nihilominus et vetustatē huius arguere ea, quæ passim suo tempore in Ecclesia observari scribit: quorum pars magna ita abolita est, ita penitus extincta, ut eorum ne minimum quidē modo appareat vestigium. Nec parum profectò ad nostram coniecturam (si modò coniectura dicenda est, ac non potius argumentum) facit, quod eum Tritthemius inter illos*

*scriptor*

# NUNCUPATORIA.

scriptores collocauerit, qui sub Henrico sexto Imperatore claruerunt. Si enim hinc rectè calculum ad Fredericum subduxerimus, comperiemus annos fuisse interiectos circiter triginta. Quot annis hic post Elizabeth. superuixisse facile potuit, ita ut non absimile uero mihi videatur eodem propemodum tempore, & eisdem (ut ego quidem opinor) de causis sex libros de sacro altaris mysterio Innocentium Papam eius nominis tertium scripsisse. Cum enim Ecclesia maxima pateretur detrimenta, atque id quidem circa eius præcipuè officia ac ceremonias, uterq; huic malo quoad eius fieri potuit succurrit. Verùm istud mihi noster Auctor tantò uerius præstitisse uidetur, quantò id agat copiosius. Nam præter officium Missæ quod eruditè sanè & piè Innocentius enodauit, uniuersum hic totius anni officium ea breuitate complexus est, ut in eo tamen uix sit quod desideres. Quocirca ad incudem ipsum reuocandum esse censuimus, ut quod illi deesset, per nos quodammodo possideret. Nouit uerò Deus quantis hoc opus mihi constiterit laboribus, quod nemo rectius intels

A 6      legerit,

## EPISTOLA

legerit, nisi qui nostram hanc editionem  
 cum vetusto illo exemplari, quod in mem-  
 brana tam ignotis sæpè conscriptum  
 fuit characteribus, ut vel ipsa lectio non  
 mediocre mihi fecerit negocium, fide-  
 liter contulerit. Nec profectò æquum mi-  
 hi visum fuit, si in posterum supprime-  
 retur, & non potius communi aëre do-  
 naretur, quando hoc præsertim tempore  
 re ab hæreticis & nouatoribus, quorum  
 copia maior est, quam Reip. Christianæ  
 expediat, quasi in arenam prouocetur.  
 Hi sunt qui Ecclesiæ nostræ ceremonijs  
 innumeras adpingunt sannas & rito-  
 nias, quas noster hic egregiè confutat ac  
 refellit, dum, quid quoque tempore in  
 Ecclesia cani, aut legi, aut etiam fieri or-  
 porteat, piè & apertè explicat. Ex quo  
 sanè quanta huic debeatur gratia, ac  
 quantoperè sit necessarium, ut in lucem  
 emittatur, si ex ipsius laboribus ea ad  
 Remp. peruenire poterit vultus, equi-  
 dem neminem esse existimo, qui non faci-  
 le agnoscat: nisi planè ex eorum numero  
 sit, qui nihil nisi quod ipsi fecerint, & re-  
 cte factum, & dignum gratia esse putant.  
 Hoc itaq; opus, Illustrissime ac Reueren-  
 dislime

# NUNCUPATORIA.

diſſime Princeps, in tuo nomine, ob duas  
 præcipuè cauſas tandem in lucem emiſi-  
 mus. Nam præter humanitatē tuam &  
 beneuolentiam, qua non aliter omnes ad  
 te rapis ſtudioſos, atque cæcias nubes, certè  
 ob ſummam religionem, & Eccleſiæ obſer-  
 uationem, quam in te præ cæteris ma-  
 ximè admiramur, illud opus tibi nuncu-  
 pandum haud abſurdè putauimus, quòd  
 tūm Eccleſiam, tūm eius ritus & ceremō-  
 nias, quā fideliffimè coſeruat. Præterea  
 non incommodè feciſſe uidebor, ſi iſtiusmo-  
 di opus ſub eius fide & tutela depoſuero,  
 quem Deus, ut reliquis Eccleſiæ miniſtris  
 præeſſet, inſtituit. Nec uerò tibi ignotum  
 eſſe arbitror, quā hinc cæteris quoque  
 primatibus proſpectum eſſe queat, ſi illo-  
 rum officium exigat circa Eccleſiæ ritus  
 ac ceremonias obſcura aperire, occulta  
 reuelare, inuoluta euoluere & explicare,  
 ac denique meminiffe ſe omnium agere  
 ueluti ſpeculatores, ut pascua ſa'ubria  
 ſuis tribuant ouibus, ut agnus puri fon-  
 tis exhibeant undas, ut ab ouibus lupos,  
 & ab agnis noxias excludant beſtias, ut  
 errantes reuocent, ut ignaros in Dei ti-  
 more, quantum fieri poteſt, inſtruant.

## EPISTOLA

*Quæ est enim, ut inquit Cyprianus, maior aut melior cura præpositorum, quam diligenti solitudine, & medela salubri, fouendis & conseruandis ouibus prouidere? Quum Dominus loquatur & dicat: Quod infirmatum est, non confortastis, & quod malè habuit, non corroborastis, & quod contribulatum est, non consolidastis, quod errauit, non reuocastis: & quod periit, non inquisistis, & dispersæ sunt oues meæ, cò quòd non sint pastores, & factæ sunt in còmmesturam omnibus bestiis agri, & nō fuit qui inquireret, neque qui reuocaret, propterea hæc dicit Dominus: Ecce ego super pastores, & inquiram oues meas de manibus eorum, & auertam eos, ut non pascant oues meas, & iam non pascant eas: & extraham eas de ore eorum, & pascam eas cum iudicio. Cùm ergo, ut idem pergit, pastoribus talibus, per quos Dominicæ oues negliguntur & pereunt, sic comminetur, quid nos aliud facere oportet, quàm colligendis & refouendis Christi ouibus, exhibere diligentiam*

# NUNCUPATORIA.

gentiam plenam, & curandis lapsorum  
vulneribus, paternæ pietatis adhibere  
medicinam? Sic quoque Paulus breuius  
Episcopi describit officium. Oportet, in-  
quit, Episcopum inculpatum esse,  
tanquam Dei dispensatorem, non  
præfractum, non iracundum, non  
debaechantem, non percussorem,  
non turpiter lucro deditum: sed  
hospitalem, bonarum rerum stu-  
diosum, sobrium, iustum, sanctum,  
temperantem, tenacem eius, qui  
secundum doctrinam est, fidelis  
sermonis, ut potens sit etiam ex-  
hortari per doctrinam sanam, &  
contradicentes conuincere. Non es  
quidem hæc ed à me dicta sint, quasi huius-  
modi te putem ignorare, aut quod te hor-  
rum admonerem, cum utique per te sa-  
tis sapias, nec ullius indigeas monitis, nec  
dum meis. Cum igitur hæc ita sese habe-  
ant, humiliter & obnixè te Princeps Il-  
lustrissimè, oro, ut hunc librum ab inui-  
dis, quos non paucos fortassis habebit, di-  
ligenter defendas, ut qui non exigua ad-  
uersus hæreticos, & ceremoniarum con-  
temptores præbeat argumenta. Nos vi-  
cissim

# EPISTOLA

cissim Christum etiam atque etiam pre-  
cabimur, ut tuam valetudinem cum  
nobis, tum sponse sue Ecclesie diu  
seruet incolumem. Bene vale

Præsul Clarissime. Ex  
Louanio, ipso die  
Agneti.



A D P I V M L E-  
ctorem Cor. Lauri-  
mani Ultraiecti-  
ni Præfatio.

**N**on eram nescius, pie Lector, quum  
hunc de Ecclesiasticis officijs librū  
typis primò excudendum proposuissem,  
quin infinitos propè in me crabrones  
excitarem. Nam tum velut apertis ocu-  
lis fore satis prævidebam, ut noster hic  
qualiscunque labor in varias incurreret  
reprehensiones. Atque id quidem haud  
iniuria. Ut enim omittamus hos, qui  
quantumvis piè satis de rebus istiusmo-  
di, ad Ecclesiam nimirum pertinētibus,  
sentiunt, non possunt tamen sese cohi-  
bere, quin & aliorum laboribus censo-  
riam virgulam quodammodo subdu-  
cant: certè ab eorum morsibus, qui innu-  
mera indies novorum dogmatum com-  
menta excogitant, nullam mihi securi-  
tatē ausim polliceri. Hi sunt, quos se-  
Euangelicos & Paulinos appellari non  
pudet, cū in ijs nihil minus sit, quàm  
quæ in Euangelio præcepta sunt exe-  
qui, quæque à Paulo, qui non sine cau-  
sa di-

sa dictus est vas electionis, sunt tradita, recta ratione expendere. Quod aded verum esse iam inde à multis annis per varios scriptores, eosque non minus pios quam eruditos, abundè ostensum est. Eò enim humana redijt audacia, ne dicam stultitia, ed, inquam, incōsiderata illa ac præceps quorundam hominum libido lapsa est, vt non vereantur quadam per- uicatia in se recipere, quòd ab ijs quàm longissimè abest. Ab horum itaque vi- rulentis impetitionibus, sat scio, tutus esse non potero, qui quod hac in parte fecimus, nunquam sint probaturi. Nam qua ratione ea probent, quæ cum suis insulsis & perniciosis videant pugnare institutionibus? Quæ nos huc sanis at- que euidentibus probata rationibus ad- ducimus, hæc illi planè reiiciūt. Et quid ni verò reiiciāt, si nouam sibi Ecclesiam inuenerint, & in ea nouas, si Dijs pla- cet, instituerint ceremonias? Sed per Deum immortalē, quod insanix genus esse poterit apertius, quàm velle magis sapere Apostolis, qui nostram hanc præ- sentem Ecclesiā à Christo acceperūt, ac- ceptamque nobis quasi per manus tra- diderunt? Hi ergo multa mihi dicturi sunt, multa in eo, quem proferimus ca- uillabūtur, ne esset qui illorum ineptias manifestè conuincat. Eius enim rei po- tissi-

LECTOREM.

tissimū gratia Autorem hūc in lucem  
emittimus, vt semel q̄ ridiculè rideant,  
quæ in nostra fiunt Ecclesia, constare  
possit. Clamabunt imprimis vetustum  
esse, & qui iam à teneis & blattis prope-  
modum confossus sit, itaque in tene-  
bris obcæcatus, vt lucem intueri neque-  
at. Verū nos omnem abhibuimus ope-  
ram, vt ab huiusmodi tineis ipsum ven-  
dicaremus: & omninò id fecimus, vt iam  
lucem facilè agnoscat. In ea, nisi quid  
mea me fallat opinio, tam fœliciter &  
prosperè versaturus est, vt non leue vul-  
nus inde hæretici sint accepturi, quod  
nullum quātumuis efficax medicamen-  
tum fideliter satis curare poterit. Non  
quasi plures non sint, qui idem aut ma-  
ius etiam præstare queant, sed omninò  
hoc nobis persuademus, quòd cum hic  
alijs etiam ecclesiæ nostræ propugnato-  
ribus adiunctus sit, & fortiorem & fa-  
ciliorem multò in hæreticorum aciem,  
si quam instruxerint, faciemus impres-  
sionem, vsque adeò, vt vel hastam abij-  
cere, vel arenam nobis cedere cogentur.  
Enimverò sanè optarim & complures  
alios huiusmodi hæreticorum antago-  
nistas quotidie exoriri, qui consimilibus  
lacertis cum ijs dimicare non subterfu-  
gerent, sed validissimis rationibus, tan-  
quam hastis in manu collocatis, inanes  
eorum

eorum argutias perstringere adorirētur. Nam, si quid in me iudicij est, quod sentio quàm sit exiguum, non arbitror alia ratione fieri posse, vt commodè horum nouatorum obstinata peruicacia comprimatur, nisi semel communi Marte eos ita sacrarum literarum testimonijs velut ensibus confodimus, vt postquam terga dederint, deinceps nihil noui reintegrare audeant. Qua in re Deū Op. Max. facilè adiutorē habebimus, si modò prælum aggrediamur, ac cum perniciosissimis Christianæ Reipub. ciuibus cū publico certamine manus conferre non defugiamus. Nunquam enim patietur Deus, vt quicquam detrimenti ferat Ecclesia, cuius ille caput est. Quamquam verò non ignorem, quin semper ab Ecclesia condita varij ac multi extiterint Heretici, sed hoc ided factum esse certò credimus, vt ita Christus nostram excitaret socordiam. Nunc verò quid dicemus? An non inertī luxu perditī aded dormitamus omnes, vt permittamus sacrosanctam nostram Ecclesiam, quam vnicè defensare deberemus, à nautis, fabris, fullonibus, cerdonibus, balatronibus, tōsoribus, aucupibus, piscatoribus, cetarijs, coquis, factoribus, esledarijs, baiulis, in foro, in compitis & lustris, in compotationibus, in officinis,

in ton-

## LECTOREM.

in constrictis, publicè & priuatim, ita lacerari, ita rapi, ita proscindi & cōculcari, ut iam mille, si dicere fas est, in ea nascentur hereses. Nā nemo ferè est qui nō nouam aliquā de ea excogitauerit opinionem. Sed quo feror? Certè hoc verè dicere possum, pie Lector, nullum satis acerbum posse inueniri, epiphonema, quod isti rei conueniat. Quare, ut ad nos redeamus, haud dubiè, quicquid in huius operis editione præstiterimus, certissimum, istiusmodi hæreticis ac nouatoribus non probatum iri. Sed quid addeò ad nos, si ijs non placeamus, quibus nostra exosa Ecclesia est, cui tanquā matri omnem, ut par est, honorem deferimus? Nihil equidē hos moror, si quod res est ingenuè proferre liceat. Nihil, inquam, curo, si ab illis explodamur, modò à nostris, hoc est, ab ijs, qui verè ac piè de Ecclesia vnica sponsa Christi & matre nostra sentiunt, recipiamur. Non enim hic nobis cornea vsque adeò fibra est, quin ab horum vno, si fieri posset, magis laudari optemus, quàm ab illiusmodi improbis Hæreticis, & Ecclesiæ corruptoribus decem. Fremant ergo illi, per me licet, quibus, ut diximus, nostra sordet Ecclesia, qua tamen an aliquid charius, purius & sanctius esse debeat, non auesim dicere. Quiduis enim potius fatendum

dum est, quam si hic cōtemnamus, quod nobis totius nostræ salutis fons Christus, dum hinc ad patrem emigraret, rāquam optimū quod habuit, pignus reliquit. Quid inquit cōtemnamus? Imò vero ne tam quidem simus inconsiderati, vt quicquam ea de re sinistri suspicemur, quam Christus iam Crucis ligno suffixus in sponsam & charissimā uxorem accepit. Hāc equidē esse arbitror, de qua delicatulus ille puer Salomon mysticè hoc modo cecinit: Tota pulchra es amica mea, & macula non est in te vlla. Formosa admodum sit oportet, in qua ne vnus quidē inueniatur næuus, quæq; ita omnibus formæ dotibus prædita est, vt nihil, quod ad eam rem faciat, deesse vnquam deprehendas. Talis est Ecclesia, atque ita sponsi sui virtutibus exornata, vt si qui eam contaminent, ac suis spurcitijs foedè polluant, morte potius sint piandi, quàm vt vllam hic admittamus excusationē. Quamlibet profecto ignarus non sim, serpentem illum Leviathan ita studiose operam dare per suos administratores, tantosque vndique nimbos & procellas cōcitare, vt hanc velut vnicam salutis nostræ nauiculam ita semel tempestatibus queat inuoluere, quo tandem penitus immergeretur ac periret. Verū hęc omnia ille frustra laborat,

# LECTOREM.

&, quando pugnare hac in parte cum Deo non desinit, certe aduersus stimulum, quod aiunt, calcitrat. Ex his ergo quæ diximus, vel me deinceps tacente, quantopere fuerit necessarium, vt hoc opus de officijs ecclesiasticis in apertum produceretur, facile colligis. Si enim tâ chara nobis Ecclesia esse debeat, q̃ istud ipsum à nobis Christus exigit: si ea innumera omnibus proculdubio Christianis præstet beneficia: si nos de via lassos, & grauibus peccatorum sarcinis onustos, aduenientes vltro excipiat: si in ea, post æstuantis animi perniciosos ardores & desperata vitæ squalentis solatia, blāda recipiamus refrigeria, ac delectabiles auræ susurros sentiamus: si denique ad eam tanquam amœnissimum secessum lymphidis fontibus ac rippis sinaragdinis conspicuum nos conferamus, vbi onere peccatorum deposito tam dulci ac salubri cibo & potu refo-cillamur, vt quicquid molestum sit, facile istic excutiat: profectò eius siue leges, siue ritus, & ceremonias omninò negligere nō possumus. Atque hac quidem in re omnes facile pastores ac sacerdotes habebō imprimis mihi beneuolos, quorum munus præcipuum est, in eiusmodi ceremonijs ita populum & gregem sibi cōmissum edocere, ne quid  
amplius

amplius in hisce addubitent. Nam, si non illud ignorare volumus, quod lip-  
 pis & tonsoribus etiam notum est, cer-  
 tè hinc omnis proficiscitur perturba-  
 tionum in Repub. Christiana collu-  
 uies. Et prò dolor, quàm multi hoc tem-  
 pore, cùm Pastores, tùm Sacerdotes re-  
 periuntur, qui horum non solùm ignari  
 sũnt, verùm etiam quos istiusmodi ad-  
 discete & piget & pudet. Sed hos quæ-  
 so, meminerint, quid illis loquatur Eze-  
 chiel: Et violabant, inquit, me ad popu-  
 lum meum, propter pugillum hordei,  
 & fragmentum panis, vt interficerent  
 animas quæ non moriuntur: & viuifi-  
 carent animas, quæ non viuunt, men-  
 tienti populo credenti mendacijs: pro-  
 pter hoc dicit Dominus Deus: Væ pa-  
 storibus Israël, qui quod infirmatũ fuit  
 non consolidastis, & quod ægrotũ non  
 sanastis. Quid istud obsecro te? Dicam  
 compendiò: Quum magis curant qui-  
 bus ciborum cupedijs ventrem sagi-  
 nent, quàm qua ratione populi errori-  
 bus queant mederi. Nam tum demũ  
 hoc facere intelligenrur, si verbũ Dei, &  
 quæ ad animarum pertinet salutem, po-  
 pulo non interpretantur, posteaquã eos  
 Deus animarum cõstituerit medicos, &  
 pastores eiusmodi, qui dominicũ gregẽ  
 ex Dei sententia, hoc est, vt voluit Hie-  
 rony-



# LECTOREM.

ronymus, scientia & intelligentia pascant. Atqui profectò haudquaquam fieri posse existimo, ut ea quis alterum doceat, quorum ipse rudis sit & ignarus, Benignè itaque hi nostram qualemqualem accepturi sunt industriam, si eam è re sua esse apertè intellexerint. Violabant inquit Propheta, me ad populū meum, cum nimirū potius, quid fortunati Cui aut Veneris iactus portendat, scire laborarent, atque vtrum vinum meratius sit dijudicare, quàm eas addiscere disciplinas, quas cū maxima animarum salute ad populum Dei fideliter transfundant. Sed vae istiusmodi. Quemadmodū enim Iosephus dixit suis fratribus se ad conspectum suum illos neutiquam admissurum, nisi & minimum fratrem secum adduxerint: Ita quoque Christus verus ille Iosephus, & cuius hic umbram tantum expressit cum suis fratribus, videlicet sacerdotibus & sacrosanctæ ecclesiæ pastoribus exostulabit sanguinem, hoc est, animam eorum fratris minimi, eumque de manu ipsorum requireret. Quem quidem si adducere non poterunt, bone Deus, quam male cū ijs agetur. Non equidem quemquam iudico, nec speciatim aliquem perstringo, sed siquid nequid, ut ait Comicus. Nā ut omittam cætera, oppido quàm turpe est ea ignore

rare, in quibus indiēs versamur. Non  
 potest igitur opus hoc non ad eos ma-  
 ximopere pertinere, quorum fidei Ec-  
 clesiæ gubernacula commissa sunt. Hic  
 enim præter rationem legitimè legendi  
 cantandique officium diuinum, ritusq;  
 & ecclesiæ ceremoniās, luculentam sanè  
 ad obscuriora quedam sacrarum litera-  
 rum loca explicationem non vulgari-  
 bus veterum Orthodoxorum testimo-  
 nijs confirmatā habebunt. Perro autem  
 plerosq; fore facile crediderim, qui nos  
 cuiusdam negligentiae atque inconstan-  
 tiae infimulabunt, quasi parum consi-  
 deratè, quæ nos deceant, perpendamus,  
 vt qui iampridem Iurisprudentiæ no-  
 mē dedimus, & in eius castris hactenus  
 militauim⁹, modò ijs nos intermiscea-  
 mus quæ sunt Thebologorum. Fateor  
 equidem me præter professionem face-  
 re, quod si peccare est, fateor id quoq;.  
 Verum, mea quidem sententia, omnis  
 professio in ijs filit, quæ communem  
 spectant vtilitatem. Et certè vniuscui-  
 usque professio est, vt profit quāmplu-  
 rimis, & obsit nemini. Nec verò is sum  
 qui tantum meo tribuam iudicio, vt so-  
 lus omne operis huius in lucem profe-  
 rendi consilium ceperim. Cum enim  
 primò illud ad manus meas peruenis-  
 set, exemplò quibusdam amicis comu-  
 nicaui,

## LECTOREM.

nicauī, quorum iudiciū & doctrina non vulgaris vsqueadeò mihi perspecta fuit, vt nō dubitarim, quidquid tandē mihi persuadissent, vel perpetuo nominis peciculo aggredi. Hi me non solum ad editionem adhortati sunt, verū etiam honestis monitis, ita me interdū oscitantē & somniculosum excitarunt, vt hinc quoq; factum sit quo, opus hoc magis excultum prodire non potuerit. Dedimus itaque operam, vt autor hic, qui iā propè quadringentis annis horridus, incultus, ieiunus & squallidus inter foedissimas chartas à muribus penè totus corrosus delituit, iā tandē in manus eruditorū aliquanto tersior, ornatior ac politior veniret, iis sublatis mēdis, quæ lectori nausam parere potuissent. Quod sanè, quantis mihi constiterit laboribus, tum verius, lector, dixeris, quā singula attenta lectione diligenter discusseris. Vetus enim ille codex manu script<sup>9</sup>, ita arctis ac pressis characteribus fuit exaratus, vt legi admodum mihi fuerit difficilè, vsqueadeò, vt sepe numero, si quā sententiam elicere voluissem, debuerim profectò diuinare, tametsi quidem me non lateat, quā in huiusmodi rebus diuinationo sit odiosa, ne dicam periculosa. Dabis interim veniam, si quæ interdum vocabula occurrant minus latina,

# AD PIVM

quæ eiusmodi sunt, vt mutari non debuerunt. Hic nanque illud cogites velim, quod alibi libens feceris, nempe omnes artes peculiare suos habere dicendi modos. Nemo est, vel mediocriter eruditus, qui non facile sciat ecclesiam quoque non solum sua habere vocabula, sed & quamplurimas dicendi phrasas latinæ linguæ autoribus prorsus inauditas. Verum hæ sunt istiusmodi, vt eas hic mutare si voluissem non potuissem, & si potuissem non voluissem, ne hic mihi accidat, quod pluribus vsu venire solet, qui dum rem illustrare conantur, eam penitus peruertunt. Nec profecto quæquam ostendere debet si hic interdum dilutas, ac vt videbitur, futes inuenerit rationes, cum in nonnullis autor hic non tam veras quam pias ac vulgo familiares habere studuerit, cuiusmodi sunt de dissolutione stellæ à Magis visæ, & cur missa de Defunctis celebretur feria secunda, atque his similes aliæ: qua in re te etiam admonitum volui. Quare ad postremum vnum hoc rogo, pie lector, vt nostram operam & industriam, si quam hic iudicaueris, æquo animo accipias, & eam solum proptitudinem benignè amplectaris, qua non passi sumus hoc opere diutius aliquem defraudari, Certò enim speramus, si non utile, saltem

*LECTOR M.*

tem minus molestum fore ijs , qui sacris  
literis & pietati maximè operam dare  
consueverunt, vt hinc ita deinceps eccle  
siam studiosius amare, colere , atque ob  
seruare discant, quo ad æternam illam  
ecclesiã, cuius nostra hæc dūtaxat ad  
umbratio quædam est, queant suo tem  
pore peruenire. Quod vt faxit Chri  
stus, etiam atque etiam oramus,  
quem in hac editione maxi  
mè honoratum opta  
mus.

VITA IOANNIS BE-  
leth ex Ioanne Tritthemio.

Ioannes Beleth , Gymnafii  
Parifiensis olim insignis The-  
ologus , in diuinis fcripturis e-  
ruditus , & in fæculari philofo-  
phia fufficienter doctus , inge-  
nio promptus , fermone scola-  
fticus , inter Doctores fui tem-  
poris non ignobils . Scribendo  
& difputando nomen fuum ad  
pofteritatis notitiam cum glo-  
ria deduxit . Scripsit enim non  
inutile opus de Diuinis offici-  
is & sermones quoque varios .  
Verùm & alia non pauca fcri-  
piffe dicitur , fed ad notitiam  
meam non venerunt .

# Diuinorum of- ficioꝝ ac eorundem rationum breuis explicatio D. Ioannis Beleth, à Cornelio Laurima- no Ultraieſtino caſti- gata & in lucem edita.

## PROEMLVM AC breuis totius operis partitio.

**I**N primitiua Ecclesia  
prohibitum erat ne quis  
loqueretur nisi esset, qui  
interpretaretur. Quid  
enim obsecro prodesset  
loqui, si non intelligere-  
tur? Certo nihil. Hic illa laudabilis ino-  
leuit consuetudo in quibusdam Eccle-  
siae partibus, ut pronunciato secundum  
literam Euangelio, statim vulgati illud po-  
pulo exponeretur. Quid vero de nostris  
temporibus dicemus, si vix, ac ne vix qui-  
dem vnus inueniatur, qui, quæ legerit  
vel audierit intelligat, quiq; satis animad-  
uertat, quæ viderit aut egerit. Vnde pfe

etd illud verè dicere possumus, quod olim propheta conquestus est: Perit sacerdos quasi è populo vnus. Videtur ergo tacendum potius esse quàm psallendum, silendum omnino, quàm tripudandum, si in hanc temporum infœlicitatem incidimus. Verumenimverò ne aliquando ora canentium ad te Domine Deus tûrpiter claudantur, ad hoc damnum euitandum, triplex adhibebimus remedium, si primò de ecclesiasticis institutionibus, deinde de expositionibus diuinorum sermonum, ac tandem etiam de dierum ratiocinationibus, quàm fieri potest breuissimè, dixerimus. At primum quidem ad eos pertinere poterit qui modo incipiunt, secundum verò ad eos, qui iam profectum aliquem sentiunt, tertium denique ad illos qui ad perfectionem quandam peruenerunt. De his igitur breuiter & compendiose deinceps dicamus, vt per nos aliqua ex parte eorum consulatur ignorantie qui quemadmodum de his rebus sentiendum sit verè nesciunt.

*De rebus specialiter Deo consecratis.*

C A P. I.

**T**ametsi quidem rerum hanc vniuersitatem Deus, ad nostrû maxime commodum, ex nihilo creauerit, vt hinc merito & sit & vocetur omnium dominus



dominus, iuxta illud: Domini est terra & plenitudo eius: ab illa tamen vniuersitate quædam sibi specialiter retinuit. Quemadmodum enim illa in quatuor partes secari potest: ita hic à quolibet parte aliquid sibi propriè vèdicauit. A locis, loca venerāda: à temporibus, dies festos: à rebus, decimas; primitias, oblationes, & si quæ sunt alia, quæ donari solēt: à p̄sonis deniq; quas velut sibi dicatas habet, vt sunt ministri altaris, monachi, & moniales. De quibus sanè oībus videlicet de locis, tēporib⁹, rebus, p̄sonis ac earundē multifarijs officijs, deinceps ordine dicem⁹. Et primò quidē de locis

*De locis. C A P. I I.*

**L**Ocorum itaq; venerabilium alia sunt orationi dicata, alia verò necessitati humane deputata. Loca humanæ necessitati deputata sunt hæc: Xenodochium, nosocomium, gerontocomium, orphanotrophium, prototrophium, brephotrophium. Sic enim patres & religiosi imperatores loca quædā instituerunt, quò se reciperent peregrini, orphani, senes emeriti, infirmi, imbecilles & saucij. Loca autem quæ orationi dicata sunt, quædam sacra sunt, quædam sancta, quædam religiosa. Sacra loca sunt, quæ p̄ pontificē Deo ritè sunt cōsecrata, & quasi sanctificata, quæ di-

uerſis appellantur noībus, præcipuè tamē his: eccleſia, ſacrarium, ſanctuariū, ſa-  
cellū, templū, oratoriū, Dei tabernacu-  
lum, monaſteriū, cœnobiū, κυριακή do-  
minicalis, domus orationis, baſilica, ca-  
pella. Sed ignorandū nō eſt, quin orato-  
riū pro ipſa eccleſia interdū accipiatur,  
atq; etiā quicuiſ locus alius ad orandū cō-  
ſtitutus, vocetur oratorium: cuiuſmodi  
in ſuis cœnobijs ſibi ſtatuerunt mona-  
chi. Sancta verò, ſunt loca immunitatis  
circa monaſteria, ſub tertæ pœnæ inter-  
minatione confirmata: quemadmodum  
apud noſtram Luteriam cernitur velut  
clauſtrum quoddam, in quo ſunt ædes  
Canonicorum. Nam cuiuſcunque ſce-  
leris reus ſit, ſi illuc tanquam ad aſylum  
perfuſerit, maxima ei præſtatur ſecuri-  
tas. Sic muri etiam & portæ ciuitatis,  
ac theatra vt ſancta eſſent, ſancitum eſt  
legibus. Poſtremò locus religioſus ille  
dicitur, in quo integrum hominis cada-  
uer ſepultum eſt, vel tantum etiam ca-  
put. Corpus enim obtruncatum, niſi &  
caput adſit, locum religioſum facere nō  
potest. Quare cum hætenus de locis di-  
ctum ſit, illud vnum adiſci oportet, vt,  
quemadmodum eccleſia ſit ædificanda,  
paucis declaremus. Facto enim loco fun-  
damenti neceſſe eſt vt Epīſcopus eum  
primò aqua luſtrali, quam benedictam  
vocant,

vocant, aspergat, ac tum denique primū fundamenti lapidem, qui crucē sibi impressam habere debet, ipse iaciat, vel iussu eius sacerdos alius, si ipse adesse nequeat. Et omnino quoque necessarium est vt ædificetur versus Orientem, hoc est, versus solis ortum æquinoctialem: nec verò contrā æstiuale sōlstitium, vt nonnulli & volunt & faciunt.

*De Temporibus. C A P. III.*

**H**Is igitur de locis ita breuiter expofitis, dicendū est de Temporibus: Accipimus autem hīc tempora, pro diebus, quorum alij sunt festi, alij solēnes, alij verò profesti. Ac profesti quidem sunt, qui nulla speciali celebritate fulciuntur, sic dicti, quasi procul à festo. Porro aliter Iudæi suos vocāt dies, aliter Ethnici, eorumque philosophi, aliter demū Christiani. Hebræi primum diem appellant sabbatum, qui præcipuus apud eos habetur. Reliqui omnes ab hoc denominati sunt. Vocant enim sequentem diem post sabbatum, primam siue alteram sabbati, & qui deinde sequitur secundam sabbati, & sic de alijs vsque ad diem septimū, qui illis vel septima sabbati vel sabbatum sabbatorum dicitur. Apud Ethnicos verò tam vulgus, quàm Philosophi ijsdem utebantur nominibus, nisi quod in ijs diuersam inter se

habuerint rationem. Vtriq̃ue enim primum diem Solis appellabant: secundū Lunę: tertium Martis: quartum, Mercurij: quintum, Iouis: sextum, Veneris: septimū, Saturni. Sed idēd hos vulgus ita nominabat, quia Solem, Martem, Mercurium & alios, deos esse arbitrabatur: philosophi verō ob hanc causam, quod planetarum horum motibus humanæ vitæ natura constituatur. Proinde nomina hæc sacra scriptura haudquaquam recipit, quāquam passim in vsu habeantur. Christiani deniq; ab his lēge aliter dies nominant, proprijs nimirū appellationibus. Nam sabbatum Iudeorum vsque adeō non abiecerunt, quin cum ijs illud libenter habere velint, partim ob Hebraici sermonis autoritatem, partim etiam ob interpretationis significationem. Sequētem verō diem, vocant diem dominicum, tum propter Christi resurrectionem, tum propter spiritus sancti è coelis missionem: vel quia Ioannes Euangelista in sua Apocalypsi sic ipsum nominavit. Ait enim ibi hoc pacto: Fui in spiritu in die dominico. Sed diē qui proximē dominicā sequitur feriam vocāt secundam, itemque & alios dies ad sabbatum vsq; . Dicuntur autem feriæ à feriando, non quōd à necessarijs vitæ operibus sit feriandum & abstinendum

nendum, sed quoniam toto vite nostræ tempore à vitijs feriari debeamus. Dies festi porrò sunt dies solēnes, qui, vt soli seruarentur, quasi præscripto & quodam instituto recepti sunt. A solo enim vel à solito solenne dictum est. vnde solennia festa vocat ecclesia, quæ certa sunt obseruatione cōstituta. Atq; hinc etiam venit solennitas, quæ quadripartita esse potest, videlicet festiuitatum, stationum, letaniarum, & ieiuniorum.

*De solennitate festiuitatum.*

C A P. I I I I.

**P**Rimò igitur de festiuitatum solennitate agendum est, quæ pluribus nominibus vulgò exprimi solet, nimirum his: festiuitas, festū, celebritas, exitus, transitus, obitus, assumptio, depositio, dormitio, passio, dedicatio, natiuitas, natalis vel natale & natalitium. Festiuitas, dicitur, quasi festi sancti alicuius natiuitas. Natiuitas verò propriè appellatur festum illius natiuitatis, quæ est in carne & in mundo, ita vt hinc solum dicatur natiuitas Christi, beatæ Mariæ & Ioannis baptistæ, quòd horū natiuitates duntaxat ab ecclesia celebrètur. Natalis vel natale & natalitiū vocatur sanctorum ex hoc seculo commigratio. Quia vt seculo & mundo moriuntur, ita tunc cœlo nascuntur. Indif-

ferenter autem tria hæc vocabula usurpantur. Dicitur porro transitus festum, quod est de morte beatorum, quum eorum animæ à corporibus exeuntes per varia loca sibi incognita transire debeant, nempe si dicere liceat, per cælum, aërium, æthereum, cristallinum, donec peruenerint ad cælum empyreum. Obitus appellatur, quasi tum animis angeli veniant obuiam, cuiusmodi de beato Martino legitur. Passio autem nuncupatur quasi tum maximè corpus patiebatur, cum inde anima excederet. Quapropter fieri etiam potest, ut vniuscuiusque obitus appelletur passio, quum ille discessus animæ ac distractio à corpore, non sine magno dolore fiat. Nec enim sine causa est, quod diuus Hieronymus in vitis patrū de quodam viro sancto narrat, qui Dominum rogauerat ut sibi vellet ostendere, quēadmodum è corpore excederet anima absque dolore & angustia aliqua. Nam cum hic quodam die fortè fortuna ab suo veniret tuguriolo, vidit iuxta viam pauperem quendam ante se miserè prostratum, ac iam animam agentem, cui aliquot, ut perspicuè videbat, astabant angeli, qui eius expectabant animam, ut eam ad superos deportarent. Verum hi posteaquam illic multum diuq; expectassent,

## EXPLICATIO.

9

VOX missa è coelis ad Angelos ilicò audita est: Ad quid tandem moramini? Ad quam illi responderunt Dominum præcepisse, vt animam illius sine corporis anxietate educerent; quòd certè facere non poterant. Haud iniuria ergo cuiusque obitus & passio dici potest. Assumptio verò propriè dicitur transitus beatæ Mariæ, & Depositió sancti Ioannis Euangelistæ, qui viuus sepulchrum ingressus est, & se quasi in illud deposuit. Tandè etiã dormitió, mors appellatur sanctorum quæ illis est velut optatissima quies. Sicut enim à somno validiores atque integriores surgere omnes solemus: ita & sancti sine difficultate resurgent in corporibus glorificatis quasi è somno fuissent experrecti. Vnde illud est, quòd Dominus de Lazaro dixit: Lazarus amicus noster dormit.

*Ioan. 11.*

*De Festis. - C A P. V.*

**F**estorum quædam sunt generalia, quædã particularia. Generalia sunt quæ generatim ab oïbus celebrãtur: vt festa Trinitatis, beatæ Mariæ, natiuitatis Domini, Paschæ, Pentecostes, sanctæ Crucis, Apostolorum, Euangelistarum, sancti Ioannis Baptiste & Euangelistæ, Laurentij, Nicolai, Syluestri, Martini, &cæ. Festa autem particularia sunt, quæ tantum in vna coluntur prouincia, vt  
festum

festum, beati Hylarij, quod in Aquitania duntaxat observatur. Vel etiam, quæ in vno fiunt episcopatu, vel in vna villa aut parochia, dicuntur festa particularia. Notandū interim obiter hīc est, in colendis festis dignitatem quandam & ordinem esse attendēdum. Festa etenim Trinitatis digniori cultu sunt celebranda, deinde festa beatæ Mariæ, præcipuè tamen Assumptionis, ac tandem quoque festa sanctæ Crucis, quæ duo sunt. De alijs autem intelligenti facile est iudicare. Quot sunt festa trinitatis, tot beatæ Mariæ esse sciendū est. Causæ verò festorum quæ sint, & cur quædam non suo tempore, sed alieno celebrētur sequentia cōmodius declarabunt.

*De Stationibus. CAP. VI.*

**D**E letanijs quidem modò non incommodè dicendum foret, nisi de ijs tum paulò opportunius essemus dicturi, cū de festis iuxta temporum varietates tractabimus. Operæpretium igitur est vt hoc tempore his supersedeamus ac modò de stationibus agamus, vbi sex sunt consideranda. Primò, quid sit statio, & quamobrem sic appellata: secundò, vnde initium sumpserit: tertio, quot sint earum species: quartò, quare huiusmodi solennitas stationum sit instituta: quintò cuiusmodi sint perficiē-



dæ: vltimò denique quæ fit differentia inter stationes, processiones & letanias. Et quidē statio, prout hoc in loco accipitur, est processio, quæ fit ad aliam ecclesiam, vt Deo persoluantur gratiæ. Dicitur autem statio, quòd stantes Deo agimus gratias, non flexis genibus sicut in letanijs: nec in eis supplicationis vtimur vocibus, sed laudē Deo cantamus. Videntur tamen stationes à veteri lege ad nos fluxisse. Tum enim populus Iudaicus, atque etiam complures Ethnici Hierosolymam conueniebant in maximis solennitatibus, veluti in Paschate & Pentecoste, ut in templo adorarent, ibiq; & munera offerrent, ac Deo tandē gratias pro innumeris beneficiis agerent. Ab hac ergo est cōsuetudine, quod etiamnum nostra ecclesia obseruat, vt omnes pariter ab oppidis, villis, aliisque locis suburbii in septimana Paschali & Pentecostes ad episcopalem ecclesiā cōuenirent. Sunt item aliæ stationes, quæ à Romanis originem traxerunt, qui in eiusmodi frequenter admodum versabātur. Si quando enim diuersis temporibus se ab hostibus undiq; obsessos animaduertebant, aut grauiora sibi imminere pericula, sanctorum intercessionem implorabant, vt quidquid esset periculi tandem cessaret. Quo quidē facto processio-

cessionibus ad eius sancti ecclesiam cōueniebant, cuius patrocínio fuerant liberati, vt tanto beneficio dignas gratias Deo agere possent. Atq; ita sane fiebat statio ad S. Paulū illo die, quo per eius subsidij inuocationem eos liberauerat Dominus. Et sic de alijs. Stationū autem duę sunt species, Alię enim sunt generales, alię particulares. Generales sunt, quę in ijs duabus septimanis, quas modo diximus, ad maiorem semper ecclesiam fieri solent. Particulares verò sunt, quę in diuersis ecclesijs, ex causa, quā statim attulimus, fiunt. Quandoq; etiam fiunt stationes causa, venerationis, nulla alia causa interueniente, vt quum in alicuius sancti festo ad illius ecclesiā itur processione à maiori. Rursus interdum stationes fieri dicuntur, cū ob eandem venerationis causam diebus festis ad diuersa progredimur altaria. Quare ex ijs, quę diximus, satis cōstare arbitror, quę sit stationum institutio. Quibus illud tamen addendū est, quod quemadmodum Romani in sua ciuitate ad pericula euitanda stationes annuatim fieri statuerunt, sic quoque in alijs ciuitatibus ob similē causam suas instituerūt stationes. Non est profectò, quod multum anxij simus circa vestes, quibus in stationibus vti oporteat, cū eiusmodi

eiusmodi esse debeant , quales in choro quotidie haberi licet, hoc semper obseruato , vt illi tempori maximè conueniant, quo fiunt stationes . Non hic ieiunatur sicut in letanijs. Non hic flectuntur, vt dictum est, genua, sed lætitiæ voces cantantur, nimirum responsoria , vt dicimus & antiphonæ, vel his quippiã simile. Fit nonnunq̃ vt , dum peraguntur stationes, in ea ecclesia, ad quã igitur missa celebretur, & interdum non. Vt utamen hæc sunt, absoluta stationis oratione semper vnde exierant, reditur. Inter stationes verò, letanias & processiones hoc interest , q̃ stationes ex causis suprà dictis, eo, quod expositum est, modo fiant: letaniæ quæ supplicationes ac rogationes significant, ad vitanda quidem sunt paricula , atq; omne effugiendum infortunium , sed nō sine ieiunio, & veste humili aut habitu lugubri , vocibus in modum supplicantis. Vnde profectò letaniæ dicuntur supplicationes. Sed euidentius hæc omnia patebūt, cū eadem plenius paulò post simus tractaturi.

*De Processionibus. C A P. VII.*

**P**rocessiones denique due sunt : vna est, quam singulis annis obseruamus in Ramis palmarū . Sic enim illam vocamus dominicā , quæ proximè præcedit Pascham . Atq; hæc quidem illam repræ-

repræsentat processionem, quæ Domino fuit exhibita à turbis Iudæorum & pueris cum ramis palmarum, quum insidēs asinæ Hierosolymam veniret. Altera verò est, quam dominicis diebus celebramus in eius memoriam, quā Discipuli Christo exhibuerunt ipso die Ascensionis, postquam cum eo simul ad montem Oliueti congregiebantur unde illis videntibus assumptus est. Non quòd illud die dominico factum sit, sed processio & omnis istius diei celebratio in diem dominicum translata est, ut à populo tunc maximè ad ecclesiā cōfugiente & simul & solennius coli possit.

*De Ieiunio. CAP. VIII.*

**N**unc videndum est, quid sit ieiunium, unde dicatur, de autoritate & laude, siue commendatione ieiunij, atque eius multiplici distinctione. Primum sanè pertinet ad definitionem. alterum ad interpretationem siue originem. tertium ad confirmationem, quartum ad amorem, quintum denique ad cognitionem. Ieiunium est communis omnium membrorum satisfactio, ut scilicet membra satisfaciant pro peccatis quæ admiserunt, ut si gula peccauit, ieiunet ac sufficit. Qui solus est in culpa, solus sit in pœna. Si oculus, similiter. Vnde Hieremias: Oculus meus de-  
præda-

prædatus est animam meam. Et per fenestras oculorum meorum mors intrauit in animam meam. Sic Augustinus: Oculo nihil nequius. Potest autem dici ieiunium à ieiuno, quod est intestinum quoddam, ut inquit anatomici, quod in homine mortuo prorsus vacuum reperitur. Nam & nos itidem cum ieiunamus à vitijs omninò vacui esse debemus, idque tam in animo quam in corpore. Vnde plenius profectò Augustinus super Ioannem ieiunium definit hoc modo: Magnum & generale est ieiunium ab iniquitatibus & à carnalibus voluptatibus abstinere. Hoc enim ieiunium omnibus numeris est perfectum & absolutum. Cui non absimile est quod Tit. 2. Paulus ait: Sobriè & piè & iustè viuamus in hoc sæculo. Nā quod ut sobriè viuamus, inquit, ad nos planè pertinet: quod piè, ad Dominum: quod iustè, ad proximum. Hinc pietas est cultus Deo exhibitus, cū quo velut ex aduerso pugnat impietas siue idolatria. Quare multi in hoc vocabulo pietatis errant, dū in eo vulgo assentiuntur, quod ille dicatur pius qui è suis bonis libens pauperibus quippiam partiatur, cōtrā ille impius, qui quæ pauperum sunt, ad se rapit. Verūm ne diutius quadam similitudine labamur, & vitia impietati confina-

nia & virtutes, quæ pietatis nomini nō obscure videntur respondere, breuiter describemus. Multum sanè interest inter flagitium, facinus atque impietatem. Nam flagitium in nobismetipsis est: Facinus verò committitur in proximum, & impietas in Deum. Sic quoque magnum statuitur discrimen inter misericordiam, clementiam & pietatem. Ut enim misericordia maximè versatur circa naturam: sic clementiam esse dicimus erga Iusticiā, pietatem erga Deū. Verbi gratia: Misericordia est, si quis ad supplicium aliquem iustè damnatum duci videat, cui ita naturali inclinatioe compatitur ac commouetur, vt ipsum à supplicio liberet. Quemadmodum etiam dicitur misericordia, si quod pauperi est suffuratum, ipsi restituimus. At verò clemētia est, si quem iniustè punitum viderimus, & nos periculis obiecerimus, vt per vim illū eripiamus. Pietas demum est colere Deum, idque ex mero amore, quā Græci vocant λατρεῖν vel θεοσεβειν: nos autem Dei cultum recte appellare possumus.

*De Ieiunij autoritate.*

C A P. I X.

**A**utoritas Ieiunij triplex est. Habet enim autoritatem partim ab antiquitate temporis, partim à loci qualitate

litate, partim denique à præceptorum institutione, & maiestate. Ab antiquitate temporis, quod statim post orbem conditum in ipsa hominis creatione esse cepit cum dicebatur: De ligno scientiæ boni & mali ne comedas. A loci vero qualitate, quia in paradiso fuit institutum: A præceptore, quod non ab homine, sed à Deo ordinatum fuerit. Rursus commédatur à temporibus & personis. Et à temporibus quidem, quod in tempore ante legem, in tempore sub lege, & in tempore gratiæ ieiuniū semper fuerit observatum: Ante legem à Moyse, sub lege ab Helia, in tempore gratiæ à Christo. Eius autem commendatio plena est exēplis. Heva quamdiu abstinuit virgo fuit icorrupta, mansitq; in paradiso. Sed quum præceptum ieiunij violasset, extēplū carnis sensit corruptionem, & sub viro est constituta, ac pauld post è paradiso turpiter eiecta. Ad eundē sanē modum Adamus simul atque ieiunium fregisset, ex delitijs paradisi in hāc mortalitatis miseriam detrusus est. Moyses post ieiunium cum Deo locutus est. Helias similiter post ieiunium igneo curru in cœlū subuectus est. Hierosolyma à Sennacherib tempore Ezechia regis & Isaie centū octuaginta quinque milibus cœlitus vna nocte

Gen. 2,

Gen. 3.

4. Re. 2

2. Par,  
32.

etc

ēte interfectis, fuit liberata, & ne inter cineratos fœterēt, solus Sennacherib cū decem tantum aufugit in Niniuen, vbi sexagesimo die pōst à proprijs suis filijs fuit interemptus. Item, Iona iram Dei concionante, Niniuite in sacco & cinere ieiunium pœnitentiæ agentes consecuti sunt veniam. Sic quoque Iosue filius Naue ieiunio, dum illud per integrum diem agebat ad Gabaon, solis & Lunę cursum cohibuit, & hostes suos superavit. Ab his itaque personis ieiunium cōmendatur. A loco verò quòd in paradiso natum sit. Sequitur ieiunij distinctio.

*De distinctione ieiunij.*

C A P. X.

**I**eiuniū sic primò diuidi potest, quod aliud sit carnis, aliud mentis. Carnis est cū quis abstinere à cibis. Mentis verò quando quis ieiunat à vitijs. Vel etiam carnis ieiunium dici potest, si quando quispiam ob nimiam pinguedinem ieiunat, ne corpore supra modum pinguescat. Verū illud nullius virtutis est adeoque dicendum est potius esse attenuationis. Qua ratione & mentis ieiunium esse volumus contra luxuriam, ne similiter plus æquo pinguescat, ac in malis luxurietur. Secundò ieiunium & hoc modo distinguitur, aliud videlicet esse



esse institutionis, aliud deuotiōis, aliud paritatis, & aliud dispensationis. Ieiunium institutionis est Quadragesima à sanctis patribus olim instituta. Quemadmodum enim in lege veteri, sancti patres rerum suarum omnium decimas & primitias Deo reddere consueuerūt: Ita nos quoque debemus ei decimas & primitias offerre, non solum ex rebus nostris, nēpè ex frugibus, & alijs quæ possidemus, verū etiam ex nobismetipsis scilicet ieiunando, idque corpore quidē à cibis, mente verò à vitijs. Est enim, vt statim diximus, carnis pariter & mentis ieiunium. Offerimus autem Deo ex nobis primitias & decimas, si quando bene operamur.

*De institutione Quadragesimæ & reliquis ieiunandi formis.*


C A P. XI.

**I**Nstituta igitur fuit Quadragesima, pro dierum decima. Sed cur potius quadragenario numero, quàm alio appelleretur, euident ratio est: cū quadraginta dies in anno pro decima liquidd possimus inuenire. Sicut Leuitæ ex decimis, quæ eis offerebantur, sommo sacerdoti partem reddebant decimam: ita & nos decimam damus Christo vero Pōtifici ex triginta sex diebus, qui sūnt in decima trecentorum & quadraginta

C dierum,

dierum, & ex sex horis cum quadrante, quæ sunt ultra dies trecentos & quadraginta. Cùm ergo summatim sint dies quadraginta vnus & quadrans, ex quadraginta habemus pro decima quatuor, quibus cū alijs triginta & sex computatis, exurgunt quadraginta. Restat adhuc vnus dies & quadrans, quæ sunt horæ triginta, quarum pars decima tres sunt horæ, pro quibus in sabbato Paschæ ieiunamus vsque ad noctem. Sunt autem in anno dies trecenti & quadraginta sex, quorum decima pars triginta sex dies sunt, excepta decima quadrantis, pro qua voluit Augustinus, vt in vigilia Paschæ, eius diei missa nocte celebraretur. Vnde est, quod in oratione, quam Collectam dicimus, illo die legimus: Deus qui hanc sacratissimam noctem, &c. Dicitur ergo Quadragesima, quasi cum decima quatuor. Diebus enim triginta & sex adduntur quatuor, qui sunt ex decima. Primus est sanctificationis, hoc est, mundificationis, si sic dicere liceat. Quia tunc homo mundatur & lauatur tam anima, quàm corpore. Reliqui tres sunt primitiarum. Primus dierum quadraginta, est quarta Quadragesimæ. Tres alij sunt, vt dictum est, primitiarum. Et certè ignorandum non est, tres dies ieiuniorum in vnoquoque tempore celebra-

lebrari, qui appellantur primitiæ, quod ita de iis fit dispensatum. Proinde ieiunium dispensationis est, quod in magnarum solennitatum vigilijs fieri dicitur. Solebant enim maiores nostri illa nocte, quæ proximè festum præcedebat, vigilare, vnde & vigiliæ appellabant dies festa proximè præcedentes, ad quas conveniebant iuvenes & puellæ, cātōres & lusores, sicut adhuc fit in plarisque regionibus, vt in Pictauia, præcipue in festis patronorum Ecclesiarum. Sed quoniam multa inde nascebātur incommoda, institutum fuit, vt in locum vigiliarum succederent ieiunia, vt eo demummodo comestationes superflue & ebrietates, quæ crebrò contingebant, tollerentur è medio. Quod in ea forma ab ecclesia ita dispensatum accepimus. Si quis tamen ieiunaret & vigilaret, is vtrique haud malè faceret. Nihil enim vetat bonum duplicare. Dicitur autē huiusmodi institutio, dispensatio, quasi in diuersis (vt sic loquar) pensatio. Nam ieiunium hoc fuit introductum in compensationem vigiliarum, quæ idcirco fuerunt abrogatæ, ne crebræ illæ comestationes atque ebrietates posthac fierent. Aliquando tamen & canonici rigoris est dispensatio iusta de causa ab eo, cuius interest, facta relaxatio, quemadmodum etiam in



hoc loco. Viderunt enim quod melius erat ieiunare, quam vigilare, Ieiunium porro deuotionis est, si quādo quis sua sponte ieiunat, vt in vigilia beati Martini, & beati Nicolai. Ieiuniū paritatis est, quum in vigilia sancti Iacobi, Bartholomei, & aliorum Apostolorum ieiunamus, quibus vt ieiunaretur, statutū non est. Facinus tamen ex eo, quod omnes Apostoli in meritis ac præmijs pares sint. Quorum enim merita æqualia sunt, necessarium planē est vt eorū animæ in cœlis sint æquales. Ob quam sanē causam ecclesia considerauit dignum esse, vt pariter omnes ieiunia haberent. Ex Apostolis autem sex tantū ieiunium habent institutionis, quorū item quatuor quum coniunctim ieiunamus, quatuor duntaxat in vniuersum existunt Apostolorum ieiunia. Nā Petrus & Paulus vnum communiter obtinent, quoniam eodem die passi sunt. Sic Simon & Iudas, qui ita simul duo ieiunia efficiunt. Tertium habet Matthæus, & quartum Andreas. Cur verò his, & non etiam alijs ieiunamus, ratio in promptu est. Vt hoc enim fieret in eorum vigilijs, idēd sancta ecclesia statuit, quod sicut illi pro Christi nomine passi sunt, & nos quoque aliquo saltem modo cū eis patiamur, si beatē cū eis viuere optemus.

Eadem

Eadem ratione etiam de alijs Apostolis instituisse, nisi aliud quippiam impedimento fuisset. Impedimenta autem sunt hæc : Festum Philippi & Iacobi quod ipsis Calendis Maij habemus, quæ semper sunt inter Pascha & pentecosten, & sit tempus lætitiæ & gaudij, ieiunandum non est. Nec obstant ieiunia, quæ in diebus letaniarum siue rogationum occurrunt, cum ea ob aliam fiant necessitatem, ut patebit dilucidius in sequentibus. Nam & tunc ieiunatur ab aliquibus propter spiritus sancti expectationem. Iacobus Zebedæi ab Herode obtruncatus est in diebus azymorum, ita ut neq; ieiunium habeat, neque illi festum celebrari possit. Festum namque eius, quod septimo Calendas Augusti observatur, non sit respectu illius passionis aut mortis, sed translationis. Tunc enim illi primò dedicata est ecclesia in Hispania, ut plenius ostendetur eo in loco, quo eius festum attingemus. Quod autem non ieiunatur Bartholomæo, cuius festum est octavo Calendas Septembris, aliud est impedimentum. Fertur enim vno die fuisse excoriat, & altero obiisse, quàmquam in legenda seu vita eius illud minimè habeatur. Quod si ergo ita sit, necessarium foret, ut eius vigilia secundo die ante festum coleretur, quod esset con-

tra normam aliorum ieiuniorum festi-  
uorum. Vt beato Thomæ ieiunetur, non  
oportet, quia festum eius est in Aduen-  
tu Domini, in quo quasi continuum iei-  
unium debemus obseruare. Barnabas  
propterea non habet ieiunium, quod  
non sit ex numero Apostolorum. Nec  
profecto dicitur Apostolus, nisi quod,  
cùm erat Pauli socius, vt ceteri ad præ-  
dicandum missus sit. Vnde illud: Segre-  
gate Barrabam & Paulum. Matthiæ  
ideò non est institutum ieiunium, quia  
festum eius in Quadragesima frequen-  
tius solet contingere, quando alioqui  
semper ieiunatur. Vel etiam ob eam rē,  
quod ex primitiuis Apostolis non fue-  
rit, sed post Christi passionem per alio-  
rum electionem loco Iudæ substitutus.  
De quo dicitur: Et episcopatum eius ac-  
cipiat alter. Festum denique beati Ioan-  
nis Euangelistæ semper celebratur ter-  
tio die post natiuitatem Christi, quo iei-  
unare non licet propter dies festos. Ni-  
hil interim vetat, quo minus omnium  
Apostolorum ieiunia possint celebrari.  
Optimè enim fecerit, qui ieiunauerit,  
sicut in vigilia beati Iacobi septimo Ca-  
lendas Augusti ieiunant hi, qui ipsum  
colunt. Sed istiusmodi ieiunium voca-  
tur paritatis, quod secundum merita su-  
scipitur: non institutionis. Est rursus iei-  
unium

Act. 13.

Act. 1.  
Psa. 108

iunium aliud inspirationis, aliud circumspectionis. Inspirationis ieiunium est, quale fuit in beato Nicolao, qui etiamnum infans in cunabulis bis in hebdomada ab vberibus matris abstinuit, ac tantum semel papillas quarta & sexta feria suxit. Ieiunium circumspectionis est, quando pro imminente aliqua tempestate, vel hostium periculo, vel simili aliquo infortunio ieiunamus. Deinceps verò ieiuniū aliud est rationabile, aliud irrationabile. Reasonabile appellatur, quod ipsa ratio facile admittit, quā moderatē cibum & potū sumimus, ne inde corpus debilitetur. Vnde inquit Apostolus: Reasonabile sit obsequiū vestrū, non in comestationibus & ebrietatib. &c. Irrationabile est, si quis velit ieiunare duobus aut tribus diebus continuis aut integra etiam septimana, cuiusmodi Deus non approbat, qui vt vitia mori cogantur, non autem vt natura dissoluatur, vult esse ieiunandum. Hinc illud ieiuniū posse prohiberi, quod nonnulli continuant à cœna Domini vsque ad Pascha, satis manifestum est. Sunt item alię ieiuniorum formę, quas eadem breuitate perstringemus. Nam aliud reperitur qualitatis, aliud quantitatis, aliud numeri, aliud summę exactiōis, aliud alteritatis vt sic dicam, aliud xerophagię.

Qualitatis ieiunium vocamus, quū carnis esum nobis in posterum indicimus. Quātitatis, quū quis ad certā mēsuram sibi victū subtrahit, & omnino quantū quoq; die comedat, quasi ponderatū habet. Ieiuniū numeri est, si quando quis ita secū statuat, vt quolibet die non nisi semel posthac cibū caperet, vel bis, idq; ex eo, q̄ qui idem sæpius faciunt, sic ipsi se abijciant ac prosternāt, vt nihil inter eos atque inter bruta animantia planè intersit. Hæc enim vt ad pastum nata sunt potissimū, ita sæpius vnoquoq; die ventrem saturant. Bis sese reficere humanū est, semel autem ( vt fertur ) Angelorum. Quare cū sint, quibus semel duntaxat cum Angelis quoq; die vossi decretum est, huiusmodi ieiunium habere putantur. Sed tolerabilius hoc est, illud verò strictius, quod summæ dicitur exactionis, cuiusmodi habēt hi, qui radicibus & herbis vescuntur, vt in deserto Ioannes Baptista, & in eremo Maria Aegyptiaca, quæ cū duobus tantū panibus traiecit Iordancin, vitamq; austeram & solitariam egit annis quinq;. Alternationis esse dicitur ieiunium, cū quis alternatim ieiunat, nimirum si cū hoc die abstinerit, sequenti comedat. Xerophagiæ aded ieiunium est, si quando quis cibum comedit aridum. Dici-



tur enim xerophagia à ξηρός siccus, & φάγω quod est comedo, quasi dicamus ficcā comestionem, quale esse potest in pomis, pyris, castaneis, prunis, & id genus alijs. Quidam tamen ficcā comestionem esse arbitrantur legumina cruda siue cocta, si modo absque iure comedantur. Postremò inuenitur quoddam ieiunium vanitatis seu simulationis, vt in hypocritis, qui ob fictā sanctimoniam ieiunant, vt ab omnibus suspiciantur: quoddam necessitatis, vt in mendicis & quoddam virtutis, vt in ijs qui verā corpori indicūt abstinentiā, quū à culpa animis abstinent, quum sese victu defraudantes, cibū egenis benignè partiūtur, quē suis ventribus detrahunt, quū deniq; sese esurientibus velint alio suis satiari epulis. De ieiunio igitur, eiusq; multiplici distinctione hactenus.

*De personis. CAP. XII.*

**P**ostquā de temporibus Deo spiritaliter dicatis huc vsque à nobis dictum sit, res ipsa postulat, vt eodem modo de personis diuinis officijs additis, hoc est, ecclesiasticis deinceps dicamus. Ad cuius rei maiorem declarationem sciendum est imprimis tres esse sectas, quæ hominibus maximè probantur, quarū vna est Ethnicorum seu Paganorum, altera Hebræorū, tertia Chri-

Christianorum. Prima est erroris, secunda veritatis, tertia salutis. In prima naufragium patimur, in secunda à periculo quidē eripimur, sed in tertia saluamur. Prima rursus nos à Deo secāt & separat, secūda illuminat, tertia autem penitus saluat & liberat. Verūm mos paganorum cōuersus est in ritū Christianorum. Quæ Dei Opti. Maxi. mutatio sanè pulcherrima est. Christianorum enim personæ tam seculares, quàm ecclesiasticæ ab alijs duabus sectis, nimirum ab Hebræa atque ethnica, desumptæ sunt. Quemadmodum enim apud nos duo sunt personarum genera, laicales videlicet siue populares (λαός enim populus est) & ecclesiasticæ: sic apud ethnicos & Hebræos, à quibus nostræ habuerunt initium. Apud ethnicos personæ seculares erant hæ: Monarcha, scilicet Rom. Imperator, patricij, qui & senatores dicebantur, quorum arbitrio vniuersa ordinabantur: Reges, duces, præsides, præfecti, tribuni plebis, tribuni militum, prætores, centuriones, decuriones, quaterniones, tribuni, quæstores, ædiles, aulæ ianitores. In ritu verò templorum erant Archiflamines, flamines, sacerdotes, in utroque sexu. Nanque apud illos non aliter, atque modò apud nos, erant & mulierum & virorum religiosi conuentus,

tus. Inter poëtas erant carminum iudices, comædi, tragædi, historiographi. Apud Hebræos porro eadem fuit personarum diuersitas. Erant enim quædam sæculares, quædam verò cultui diuino in templis perpetuò addictæ. Et personæ quidem in templis erant hæ: summus sacerdos & minores sacerdotes, leuitæ, nathinnæi, luminum emunctores, exorcistæ, ianitores vel æditui, & cantores. Inter sæculares verò imprimis dux populi erat ad regendum Moyses, & sub eo, quos ipse ad consilium socii sui Ietro constituerat, nempe erant hi: chiliarchi, hecatontarchi, pentecontarchi seu pētecosiarchi, & decarchi, hoc est: millenarij, centenarij, siue centuriones, quinquagenarij, decani. Χίλια enim millenarium numerum exprimit, ἄρχων principem, vnde χιλίαρχος dicitur qui præest mille. Sic ἑκατὸν significat centum, vnde hecatontarchus est, cui centum parent, & pentacontarchus cui quinquaginta. Nam πεντήκοντα quinquaginta sonat. Qui autem decem in potestate habet rectè appellantur decani, à δέκα decē, quòd sint supra denos. Apud Christianos quoq; personæ sunt partim populares, partim clericales. Populares nō sunt diuersæ ab ijs quas apud ethnicos esse diximus, quanuis non vbique. Cle-

ricales sunt, quæ administrant ecclesiam dicunturque ἀπὸ τοῦ κλήρου, quod fors interpretatur, quasi sorte sint electæ. In veteri namq; testamento sacerdotes sorte eligebantur. Quemadmodum etiam ethnici sortitione vnum ex liberis suis ad clericatum eligebant. Possunt, nihilominus dici clericales, quia ipsi accipiunt hæreditatem Domini, nimirum decimas & oblationes. Nam κλῆρος Græcis non solum est, quod nobis fors, sed & hæreditas, Est enim ijs æquiuocum, vnoq; nomine duo hæc significat. Personæ autem clericales diuiduntur in monachos quasi sint soli viuentes à μὸς solus, & ἔχω habeo, quodd ab alijs seorsim soli habitare debeant, & ecclesiasticos. Quæ sit porro personarum diuersitas inter monachos equidē satis notum esse existimo. Totum enim illud ab ordinum varietate petendum est, quā alij albi siue candidi, alij nigri appellantur.

*De personis ecclesiasticis.*

CAP. XIII.

**E**cclesiasticarum personarum genera duo sunt. Aliæ namque sunt dignitatis, aliæ ordinis. Dignitatis sunt, vt Papa, Patriarcha, Cardinalis, Primas, Archiepiscopus siue Metropolitanus, quod eiusdē est significationis, Episcopus, Archidiacon⁹, Archipresbiter. In  
choro

choro sunt decanus, hypodecanus, cantor, subcantor, thesaurarius, scholaster. Ordinis personæ sunt: sacerdos, diaconus, hypodiaconus, acolytus, exorcista, lector, hostiarius. Sunt autem in ordine septem gradus, ad designandam septiformem gratiam spiritus sancti, cuius munere illorum ordinum officia exequuntur. Sed quoniam de ecclesiasticis personis iuxta nostrum tempus tractare proposuimus, videamus quemadmodum à veteri consuetudine tam Echnicorum quàm Iudæorum ad præsentis ecclesiæ cultum facta sit personarum translatio tum secundum ordinem, tum secundum dignitatem. Ac primò quidem secundum ordinem, in veteri testamento erant sacerdotes, quales fuerunt filij Aaron, qui pro populo sacrificia offerebant. Erant prætereá aliqui in populo Magistri, ut fuit Nicodemus. In horum locum nostri successerunt sacerdotes, qui sacrificium altaris Deo pro nobis offerunt, quiq; ad hoc obligati sunt, ut verbum Dei populum sibi commissum doceant. Vocantur autem sacerdotes, quasi sacra dantes, & presbiteri, quasi seniores, non quidem ætate, sed eruditione & moribus. Ordo diaconorum, id est, ministrorum ( tantum enim sonat ) vicē explent Leuitarum. Ut enim in veteri

lege Leuitæ in sacrificijs inseruiebāt sacerdotibus Testamenti veteris: Ita hi in sacramento altaris ministrant sacerdotibus noui Testamenti. Hypodiaconi in locum Nathinnæorum sunt substituti, qui sic dicebantur, quod in humilitate seruiebāt. Quemadmodum enim hi sub Leuitis sacra administrabant: sic illi sub diaconis, vnde & hypodiaconi sunt appellati. In tēplo erant emunētores luminum, qui cādelas & accendebāt & extinguiebant. Hī sunt in nostra ecclesia quos acolytos & ceroferarios dicimus, qui cereas cādelas & thuribulū portāt ac præparant. In tēpore veteris legis exorcistæ, id est, adiuratores, ex doctrina Salomonis dæmones ab hominibus abigebant, sed & nos similiter exorcistas habemus qui illos exorcizant, qui efficiendi sunt catechumeni, nimirum cū ab ijs adiuvando expellunt dæmones. In templo erant cantores: apud nos sunt lectores siue anagnostes. Ostiarij in nostra Ecclesia vicem supplent templi ianitorum. Officium enim ianitorum erat templum claudere & aperire, mūdos recipere, immundos excludere. Ostiariorum autem officium est, catechumenos baptizandos, & pœnitentes per Episcopos iam reconciliatos in ecclesiam introducere.

*Quomo-*

*Quomodo personæ dignitatis à veteribus ad nos fluxerint.*

## CAP. XIII.

**V**idendum modò est, quemadmodum dignitatum personæ à veteribus ad nostram Ecclesiam peruenerint. Et Dominus quidem Papa, id est, pater patrum vel custos patrum, summi pontificis, qui in lege fuit, personam gerit, veluti Romanus imperator, Monarchæ, Senatoria potestas, & patriciorum dignitas, quæ forsitan apud Iudeos obseruabatur, etiamnum in nostra Ecclesia permanet in tribus patriarchis, scilicet Antiochæno, Alexandrino, & Constantinopolitano. Primate, qui tribus Archiepiscopis præsumt, vel præesse possunt, Regem exprimunt, cuius potestas ad tres se extendit ducatus. Metropolitani siue Archiepiscopi cõparantur Ducibus, qui pluribus præsumt Comitibus. Nam & Archiepiscopi pluribus Episcopis præesse dicuntur. Episcopi habent similitudinem Comitum. Coëpiscopi, quorum iam abolita est dignitas, Præfectis adæquantur. Abbates imitantur tribunos militum: Cancellarij, prætores: archidiaconi, cæturiones: decani, decuriones: archipresbyteri loco sunt aduocatorum: presbyteri ædilium, diaconi, quaternionum, hypodiaconi tribunorum,

norum: deniq; exorcistæ, quæstores representant: ostiarii, aulæ ianitores: lectores, carminum recitatores: acolyti, carminum scriptores.

*Derebus quæ Deopotissimum debentur. CAP. XV.*

**N**Vnc autem quod quartò à nobis fuit propositum aggrediamur, ut videlicet, quæ res Deo spiritaliter debeantur, breuiter exponamus, quod abundè satis pateant. Sunt etenim decimæ, primitiæ, vota, sacrificia, oblationes & donationes. Primitiæ à primis hominibus initium habuerunt. Legimus enim Caina & Abelum è frugibus suorū laborum primitias Deo obtulisse, sed Abelum agnos & Caina segetum manipulos. Horum tamen alter, quia & iustè & lata fronte optimum quodque obtulit, Dei gratiam abunde demeritus est, eiusque grex in foetura maximæ fecunditatis abundauit, ob quam rem innocens sub Christi figura primus martyr extitit. Alter verò quoniam iustè primitias non soluebat, cum pessima quæq; daret, Deo displicuit, primusque in peccatum parricidij aut homicidij incurrit, quod laboris sui prouentum non habebat expectatum. Eodem modo & populum Israëliticū ex omni suo labore Deo primitias dedisse ex Dei præcepto accipi-



cepimus. Quare ipsa ratio exigit, vt & nos Christiani similiter faciamus. Quid autem & quomodo dandum sit, satis cumulatè docet nos euētus Abeli & Cainos. Profectò non possumus eius non meminisse, quod à Deo omnia accepimus, & quidquid habemus, quodd ab ipso sit profectū, ita vt vel ob id æquum sit, ei primitias offerre, & quodammodo de acceptis beneficijs refferre gratias. Sed si quærat<sup>r</sup> cui dandæ sint primitiæ & in qua etiam quantitate, facile respōdemus eas sacerdotibus esse largiendas. Quod ita tamen accipiendum non est, quasi necesse sit eas his solis dandas esse, ac non etiam alijs. Nam eremitis & ijs, qui in terrarum abditis latent et inclusi sunt, alijsque religiosis, si placuerit, dare possumus. Nec verò certa & determinata in his quantitas est, aded vt quantum visum fuerit, & non vltra largiri liceat, si modò ex affectu charitatis proficiatur. In veteri lege præceptum est vt ex omnibus bonis darent decimas, quodd ex omnibus Deus sibi decimam voluit, quā tribui Leui in celebratione sui officij appropriauit. Sic nos vtrique similiter facere debemus. Quodd si verò à laicis iniuste possideantur, nihilo tamen minus eas tenemur soluere. Nec sanè licitum est ijs cōnuere, aut de ijs dispensare

sare, sed illos tantisper reddere, donec Deus iniustam eorum possessionem in melius emendauerit. Proinde si quis decimam retinere præsumperit, certè ille transgressor & præuaricator præcepti diuini iam factus est, & mortaliter peccauit. Atque etiam qui hoc fecerit, sciat se non solùm decimam retinere, sed quod & nouem alias partes iniuste non dubitet possidere. Tantùm est non reddere, quod ad Deum pertinet.

*De votis & sacrificijs.*  
CAP. XVI.

**V**ota nostra Deo debemus. Vnde illud: Vouete & reddite, &c. Sed votorum aliqua sunt necessitatis, aliqua spontaneæ volûntatis. Necessitatis sunt, quæ sunt fidei annexa, cuiusmodi in baptismo facimus, dum nos fidem Christi obseruaturos, & Satanæ operibus planè abrenuntiaturos vouemus. Sic necessitatis voto adstringimur ad obseruationem decem præceptorum. Atq, hæc quidem vota omnino mutari non possunt, sed perpetuò sunt obseruanda. Vota spontanea, nonnulla sunt discreta, nonnulla indiscreta. Indiscreta, sunt vota puerorum, dum necdum suæ sint potestatis, sed parentum. Atque huiusmodi licitè omitti possunt, si videatur expedire, vel parètibus, in quorum potestate sunt

sunt constituti, placuerit contraire. Sic vota mulierum indiscreta appellantur, quum sunt in potestate virorum. Verbi causa: Si aliqua puella, quæ nondum esset nubilis, & ad annos suæ pūbertatis adhuc non peruenisset, perpetuam vouisset castitatem, & pauld pōst parentes eam, vt matrimonium contraheret, cogere vellent, posset vtrique nubere, nec teneretur voto satisfacere. Sic eodē modo, si alicuius vxor marito ignorāte votum fecisset de Hierosolymitana profectioe, posset maritus eam, si vellet, reuocare, quodd sub eius manu sit constituta. Sed contrā vxor in eo casu maritum non reuocaret, nisi ipse vouisset castitatem. Illud enim neutri illorum permisum est, nisi quatenus in hoc vtriq; consentiant. Alter igitur sine altero castitatem vouere non potest, nec debet, cū alter alteri debitum persolvere obligetur. Verū nō in huiusmodi solum personis votorum indiscretio intelligitur, sed quandoq; etiam in prouectioribus, & quæ omnino liberæ sunt, vota sunt indiscreta, quæ poena potius digna sunt, quā vt ad effectum producerētur. Quale esse potest, si quis illud se facere voueat, quod perficere nullo pacto possit, vel ex quo ita debilem suā efficeret naturam, & periculū sit, ne oneri succumbat,

bat, & sui ipsius occisor habeatur. Certè quæcunque vota cum consilio & animi ratione facimus, ea perpetuò sunt obseruanda: nec vllò mutanda tempore. Cùm aut in lege veteri multiplex ageretur sacrificiū, vt in Leuitico habetur, in Christianorum seu fidelium ecclesia vnum duntaxat celebratur sacrificium, scilicet corporis & sanguinis Dòmini, de quo quoniam in sequentibus latius dicturi sumus, cùm officium missæ exequemur, modò supersedeamus.

*De Oblationibus & donationibus.*

CAP. XVII.

**N**Vnc de oblationibus. Sicut in lege veteri populus Hierosolymam ad magnas quasdam solennitates conueniebat, nimirum ad Paschatis, Pentecostes, & scenophegiarum festa vt orarent in templo, vbi etiam ex debito vniuersi offerre obligabantur: Ita omnes Christiani ex institutione sanctorum patrum tenentur offerre iuxta modum suarum facultatū in quatuor principalibus solennitatib⁹, nempe natali Domini, Paschate, Pentecoste, & in festo omnium sanctorum, vt inde sibi victum habeant sacerdotes. Præterea offerre debent, quò Paschalis illa candela cerea ematur, quò que cùm oleum tum cera ad ecclesiæ illuminationem comparetur. Aliàs autē

nemo

nemo ad oblationes compellendus est. Si tamen fiant, spontaneę sunt, quemadmodum & illę, quę post confessiones dari consueuerunt. Quod verò in quibusdam ecclesijs vendantur sepulturę, & pro campanarum pulsatione donationes exigantur, perinde est, ac si ecclesię sacramenta venderentur.

*Quid officiũ & quotuplex.*

CAP. XVIII.

**C**Um ergo hactenus, vt propositum erat, de locis, temporibus, personis & rebus Deo spiritaliter dedicatis expositum sit, sequitur vt de eo, quod quintum & vltimum in propositione fuit, nimirum de ecclesiasticis officijs deinceps dicamus. Et primò quidem videndum est, quid sit officium, secūdò vnde dicatur, tertio quemadmodum de eo agendum sit. Officium est, vt ab Isidoro definitur, proprius vel conueniens vnus cuiusq; actus, secundum leges & mores ciuitatis, vel instituta professionis. Alia enim officia habent monachi, alia canonici, alia solitarij atque Eremitę, & sic de alijs. Dicitur autem officium, vt in libro officiorum inquit Hieronymus quasi efficium. Consentaneum enim est, vt suum officium vnusquisque efficiat. De officijs agendum hinc est partim generaliter, partim verò particulariter.

rietur. Sunt enim quædam generalia officia & uniformia, quæ toto anno observantur, ut sunt horarum preces. Vespere, completoria, ac nonnullæ missæ & matutinæ. Sunt autem quædam specialia, quæ pro varietate temporum & solennitatum distantia variantur. Pro varietate temporum, quoniam alia Paschali tempore celebrantur, alia in Quadragesima, alia in æstate, alia denique in Adventu. Pro distemate seu distantia solennitatum, quum aliter fiat in hac solennitate, aliter in alia. Nam in ipso Paschate tres tantum lectiones recitantur, in Natali verò novem.

*De officio generali. CAP. XIX.*

**D**E generali officio primò dicendum est, idque hoc ordine, ut primò quid canendum & psallendum sit videamus : deinde à quo fuerit institutum officium ecclesiasticum : tertio ad quid conducat, quamobrem & quando sit ordinatum : quarto denique à quo fuerit canonizatum & confirmatum. Et imprimis quidem dicimus generaliter nihil esse cantandum aut psallendū, aut etiam legendū, quod à summo Pōtificē nō fuerit approbatū. In primitiva ecclesia diversi diuersa cantabāt, quisq; pro suo libitu, ita tamen si illud, quod canebāt, ad diuinam laudē pertineret. Pluraq; tamē officia

officia obseruabantur, quę ab initio erāt constituta, vel à Christo, vt oratio Dominica, vel ab Apostolis, vt symbolum. Postea ecclesiā velut scissa est. per varias hęreses & scismata. Quod quidem cū vidisset Theodosius Imperator, qui suo tempore omnes hęreses extirpauit. negotium dedit Damaso Pontifici, vt aliquem sapientem & catholicum ad se accerferet, qui ecclesiasticum officium ordinaret. Pręcipit igitur Damasus Hieronymo viro trium linguarum peritissimo, vt qui ad eam rem non erat inidoneus, vt quędam officia ecclesiastica in certum ordinem redigeret. Habebat autem tum tēporis Hieronymus Bethlemie cum Paula & Eustochio atq; aliis virginibus religiosis, postquam iam antea Romę sub septē apostolicis viris habitauerat. Ordinauit ergo hic quantū ad Psalmos attinet, qui quibus diebus canerentur. Sed & Euangelia & Epistolas atq; alia officia in ordinem quędam redegit, vt quid quoq; die cantādum esset, semel constaret. Nam omnes ferē canus composuit, iis exceptis, quos alii ecclesię Doctores postea adiecerunt. Hieronymus itaque cū opus eiusmodi absoluisset, misit Romam, vbi à Damaso Papa fuit approbatum & in comuni cōcilio canonizatum. Postremò Papa Da-

masus

masus eam dedit operi auctoritatem vt postea semper in omnibus ecclesijs obseruaretur, quemadmodum in eo erat ordinatum. Quare ostensum modò est à quo officia ecclesiastica fuerint instituta, qua de causa, quando, in quem finem, & quis ea canonizauerit.

*De ipso officio. CAP. XX.*

**H**is ita consideratis, operæ precium est vt ipsum officium persequamur ordientes ab officio noctis. Hic enim ordo aptus & conueniens est, ne à luce ad tenebras veniamus, sed potius à tenebris prodeamus ad lucem. Sciendū igitur est olim tempore primitiue ecclesiæ vsu receptum fuisse, vt nocte ter surgeretur ad diuinum officium celebrandum: Primò, circa primum somnum habita ratione eius tēporis, quo vulgus se quieti dare consuevit: Secundò circiter mediam noctem: Tertio, paulò ante diem, hoc nimirum ordine, vt, cū nocturni finiti essent, & lectiones cū suis responsorijs perlectæ, priusquam lucefceret aurora apparente, cū pulsu campanarum decantarent. Te Deum laudamus, & sic deinceps laudes matutinas. Ad primam nocturnam surgebant tantùm ministri ecclesiæ, qui, cū tempestiuus iuissent cubitum, iam dormierāt. Sed quoniam frequenter hoc nocturnæ vocabulo utemur



mur, non incommodè fecerimus, si quid per illud significetur, exposuerimus. Accipitur ergo nocturna nocturnæ, pro hora, & nocturna nocturnorum, pro ipsis officijs. Vel nocturna nocturnæ Psalmi appellantur, qui dominicis diebus dicuntur, antiquàm recitantur lectiones. Similiter etiam illi, qui diebus profestis dicuntur, ut in secunda feria: Dominus illuminatio, &c. atque ita de reliquis. Nocturnæ nocturnarum, dicuntur tempora, quibus Psalmi cantantur. Nocturni nocturnorum, vocantur novem Psalmi, & novem Lectiones cum suis responsis. Nunc igitur pergamus. In solennitatibus ad secundam nocturnam pariter surgebant ministri & coniugati tam viri quàm mulieres. Ad tertiam tandem nocturnam communiter surgebant omnes. Sed postea charitate erga Deum algescente cùm feruor ille cultus diuini in hominibus tepesceret, ita ut iam pigriores essent, quàm ut statim illis horis ad officium nocturnum surgerent tam ministri Ecclesiæ, quàm cæteri consultum est, ut mediâ saltem nocte omnes surgerent, iuxta illud Prophetæ: Mediâ nocte surgebam, &c. atq; ita Psa. 123. tum cōtinuò integrum noctis officium absoluerent. Quod quidem etiam nunc plerique religiosorum cōuentus obser-

D uant

uant. Verùm & hæc institutio breui  
abijt in defuetudinem, quum iam cōui-  
uijs & luxui magis vacabāt, quàm Dei  
seruitio. Quapropter iterum aliter sta-  
tutum fuit, vt vel tempore nocturnæ vl-  
timæ vniuersi circa diei crepusculū sur-  
gerent. Nūc autem eò diuinī cultus ra-  
tio demersa est, vt citius surgant pueri,  
quàm ministri Ecclesiæ, & prius cantēt  
passeres, quàm Sacerdotes. Adeo amor il-  
le Dei in hominibus penitus refrixit.  
In memoriam & recordationem primæ  
illius tam laudabilis consuetudinis, eti-  
amnum ecclesiæ æstuali tempore noctur-  
num officium celebrat, tempore nimi-  
rum primæ nocturnæ, quod nos vigi-  
lias vocamus, tametsi verò aliquando tē-  
pestiuus. Fit autem illud duplici no-  
mine, vel ad veterum commendationē,  
vel ad nostram ipsius exhortationem, vt  
videlicet sciamus quàm illi essent so-  
brij in officiis nocturnis tempore hye-  
mali, quos, quum ter quaque nocte sur-  
gerent, breuitas noctis æstualis, haud  
quaquam tardabat. Quotus autem quis-  
que nostrum est, qui iam sole radiante  
ad illud officiū alacriter surgere queat?  
Vsq̃ue adeo hīc sponsi videmur Penelo-  
pes, nati in medios dormire dies. Sed  
quid dico, de officio nocturno? Quot  
sunt numero, qui diurnum rectè curent  
offi-

officiū? Certè, si quod res est, loq. liceat, admodum pauci. Verū ne quis dubitet quibus festis vetus illa obseruetur consuetudo, sciēdū est in trib⁹ illis vigilijs, scilicet Ioannis Baptistæ, Petri & Pauli, & Assumptionis beatæ Mariæ. Quoniam hæ sunt præcipuè solennitates, quas in æstate habemus.

*Cur ter nocte surgebant.*

CAP. XXI.

**C**Ausa verò & ratio quare ter nocte surgerēt huiusmodi adferri potest, quòd quadam similitudine maiores nostri ad hoc moti fuerint. Quemadmodum enim ij, quorum ciuitas ab hostibus obsessa est, facillè ab incurfione interdiu quum communes vireis conferunt, sese defendere possunt, & non vero noctu, ob id noctem ternis diuidere solent excubijs, vt in prima quiete vigilent omnes, quod illud tempus sit periculosissimum, ac paulò post tantum ij circa muros permanent, quorum primo sit vigilare vsq; ad conticinium: deinde verò vt illi surgant, quorum est secundo loco excubias agere, & pernoctare ad galli cantum vsque, atque ita demū & tertij vigiles surgant, donec iam dies sit. Sic sancti patres similē excubandi vicissim consuetudinē sumpserūt ad tutandā sacrosanctā Ecclesiam, quæ vna est om-

nium fidelium ciuitas, quam Diabolus impugnat quotidie, quamque vt semel subuertat conatur modis omnibus, idq; præcipuè noctibus, quando nobis maxime infidiatur. Nox enim peccatis turpibus apta est, furtis, adulterijs, & compluribus alijs, quum homines sperant fore clàm, & minus habent pudoris. Hinc est: Qui malè agit, odit lucem. Nā sicut aperta est lux, ita nihil opertū relinquit, sed cōtra nox vt est obscura, sic erubescere nescit. Quare pfectò nocte accurati⁹ excubare debemus contra inimici latentis insidias, ne ijs ad turpia impellamur.

*De representatione trium temporum.*

CAP. XXII.

**I**llud quoq; notandum est, quod in his trium nocturnarum officijs, tria tempora repræsentamus, tempus scilicet ante legem, tempus sub lege, & tempus gratiæ, quorū quodlibet tribus variatur distinctionibus. Tēporis ante legem prima fuit distinctio ab Adam vsque ad Noë, secunda à Noë vsque ad Abraham, tertia ab Abraham vsque ad Moysen. Tempus verò sub lege has habuit distinctiones: A Moysen vsque ad Dauidem, à Dauide vsque ad transmigrationem Babylonis, à transmigratione vsque ad Christum. Denique prima distinctio temporis gratiæ fuit tempus  
Aposto.

Apostolicæ & Euangelicæ prædicationis, secunda tēpus impugnationis, quod omnes peperit hereses, tertia tēpus pacis quādo oīs est hæresis penitus extincta. His distinctionibus ita semel cōnume-  
ratis, inueniemus nouem fuisse temporū diuersitates, quas non obscurè in numero Psalmorum, quos in officio nocturno cantamus, innumus. Diebus enim festis vsurpamus nouem psalmos, nouem lectiones, nouem responsiones, cum nouem versibus, In vnoquoque nocturno tres sunt psalmi, tres lectiones, tres responsiones, tres versus. Interim tamen sciendum est, nouenarium psalmorum, nouenarium lectionum, nouenarium responsorum, cum totidem versibus, pro vno eodemq; accipi, quantum ad mūdi figuram attinet. In his tēporum diuersitatibus, quas modò enumerauimus, optimè vigilarunt sancti patres, bonis operibus sedulò incumbentes. Quod quidem nos, vt eorum mernis quadam ratione similes efficiamur, in officio nocturno sub nouenario numero psalmorum, lectionum, &c. in laudem Dei exprimimus, excitando nos mutuò ab insidijs Diaboli. Atque ided sanè in tribus nocturnis nouem dicimus Psalmos & lectiones cum cæteris, vt Trinitati imprimis placeamus, ac nouem ordinibus

Angelorum queamus associari. Nec verò ab re est, quod hæc nocte potissimū facimus, quum præsens hæc nostra ciuitas, Ecclesia nimirum, velut vmbra quædam sit cœlestis istius Ecclesiæ, ad quam diuina gratia perueniemus. Celebratur autem officium hoc trium nocturnorū diebus maximè dominicis, in solēnitatibus Trinitatis, & in festis sanctorum ideo, quoniam certò credimus illos Dominicæ resurrectionis, quam dies dominica significat, gaudia iam esse consecutos. Simili ratione in eos festis nouem psalmos cum totidem lectionibus ac responsorijs proferimus, quò eas nouē ordinibus Angelorū associatos esse ostendamus. In noctibus verò istorū dierum qui solennes nō sunt, psalmi duodecim, quos vulgus dietam vocat, cum sex antiphonis canuntur, ac tres lectiones totidemque responsiones recitantur ea ratione, quòd horæ duodecim diei adscribantur, & totidem nocti. Quo quidem fit, vt pro vnaquaque noctis hora psalmū Deo offeramus, quò à nocte erroris & à mētis nostræ cecitate, ad quam nos per peccatum primi parentis detruxit Diabolus, per innumeram dei misericordiam liberemur. Sex antiphonæ designant sex opera misericordiæ, quæ si recte obseruauerimus, ab huius noctis tenebris

nebris ad verā lucem, id est, Christum, haud dubiè perueniemus. Ob id autem hîc duos psalmos coniungimus, vt per eos ostendantur laudes & opera nostra sine charitate nihil valere, quę consistit in dilectiōe Dei & proximi, inter quos nullum est medium. Verùm duos psalmos ita connexos propterea vna absol- uimus Gloria, quia laudes nostrę tunc sunt Deo acceptę, quando in charitate persistimus. Tres postremò lectiones, tres connotant ætates: videlicet, pueritiam, iuuentutem & senectutem. In his enim ne à Diabolo seducamur, optimè vigilando Dominū laudare tenemur.

*De ordinatione sancti Benedicti.*

*CAP. XXIII.*

**B**Eatus Benedictus multò aliter no-  
ctis officium instituit. Non quòd à superiori Ecclesię institutione dis-  
sentiat, sed ob aliā causam, quemadmo-  
dum statim dicemus. Nec sanè in quo-  
quam ei est contradictum, sed quicquid  
fecisset fuit approbatum & corroborat-  
um à beato Gregorio. Cùm enim hic  
vir sanctissimus, & qui spiritu sancto il-  
luminatus esset verè habebatur, creditū  
fuit, quòd alio pacto officium non insti-  
tuisset, nisi idem à spiritu sancto acce-  
pisset. Beatus itaq; Benedictus ad perfe-  
ctiōis vitę culmen aspirans, sex psal-

mos in nocturno primo cantari & quatuor lectiones cum quatuor responsorijis instituit, totidemque in secundo, ut per hoc nobis duplicem vitam, contemplatiuam & actiuam aperte innueret. Nam senarius numerus psalmorum vitam nobis indicat actiuam, in qua sanè conueniens est sex opera misericordiae exercere, si ad perfectionem vite contemplatiue foeliciter peruenire velimus, quæ itidem ut per quatuor Euangelia, ita hic per quatuor exprimitur lectiones. In tertio porro nocturno tria cantica in laudem Trinitatis cantari instituit, à qua nobis omnem vite perfectionem dari certò credimus & speramus. Finiuntur autem illa cantica per Alleluya, quod est cœlestis lætitiæ canticum, ut per hoc euidenter notetur Trinitatem dignam esse cœlesti laude, nec ad eam plenè perfectæq; laudandam satis sufficere laudem humanam. Quæ verò quatuor sequuntur Euangelicæ lectiones, significant laudatores Dei debere per doctrinam quatuor Euangeliorum, quatuor insigniri virtutibus, aded ut hinc per quatuor responsiones designetur laudantium alacritas. Sed ne, dum hoc agunt, totum illud bonum sibi adscribant, verum ut potius laudi diuinæ omne attribuant, & se seruos Dei in omnibus esse agnoscant, commo-



commode subiungitur: Te Deum laudamus. Postea legitur Euangeliū, quod denarium connotat, id est, vitam æternā, quæ videlicet laudantibus dignè reddetur. Per hymnum qui sequitur, nimirum: Te decet laus, &c. gaudium, quod post laborem in denarij remunerationē habebunt sancti, denoratur. Sed quoniā officium monachorum nihil ad nos pertinere videtur, tantū de eo hactenus dixisse sufficiat, & nostrum propositum persequamur.

*De pulsu campanarum & matutini temporis initio.*

CAP. XXIIII.

**C**Um Ecclesiæ ministri ad nocturnum officium surgunt, quemadmodum in castris vigiles sese tubis excitant: ita hi primò pulsant campanas, in signum fidelibus ut pernoctent, & sese aduersus insidiantem Diabolum muniant, ac suum creatorem laudibus extollant, per quem à peccatorū tenebris & ab iniquitate dæmonum se fore liberandos certissimè sperant. Quemadmodum verò pulsandum sit in magnis solennitatibus, diebus Dominicis, festis minoribus & alijs diebus priuatis, oportuniùs dicetur aliàs. Dū igitur pulsantur campanæ, Ecclesia aperta est, quā simul atq; ministri Ecclesiæ ingressi sunt, de-

bent se ante omnia ad sanctorum altaria  
 conferre, ibique pressa voce prostati eos  
 implorare quatenus & se & suum gregem  
 eorum auxilijs bene vigilando à principe te-  
 nebrarum valeant custodire, & perpetuo in  
 diuinis laudibus perseuerare. Sed quoniam  
 campanarum mentionem fecimus, facile illud  
 nobis concedetur, si quod mysterium hic  
 lateat, detracto velut cortice aperiatur.  
 Campana enim significat contionatores,  
 qui perinde nos ad diuinas orationes ad-  
 hortantur. Lignum verò quod ultra cam-  
 panæ caput protenditur, crucem decla-  
 rat Domini, & cauilla (sic enim ferrum  
 illud pensile vocatur, quod Græci rectius  
 ῥόπαλον nominant, cuius pulsu cam-  
 pana sonum reddit) mentem concionato-  
 ris. Nam ut campana pulsari non potest  
 nisi mediante cauilla, ita quoque inuti-  
 lis ille est concionator, qui mente non  
 sit præditus. Cæterum chorda quæ cam-  
 panæ appenditur, sacram exprimit scri-  
 pturam. Quia sicut chorda ex tribus po-  
 tissimum conficitur funiculis, sic triplex  
 omnino esse dicitur scriptura, nempe  
 historica, allegorica atque ethica. Quod  
 autem campana eleuetur ac deprimatur,  
 indicio nobis est sacram scripturam lo-  
 qui aliquando altè & aliquando submis-  
 se. Iam ergo redeamus, unde diuertisse  
 cepimus. Pulsatis campanis hebdomada-  
 rius

rius (ita eum appellamus, cuius est tota hebdomada in choro administrare officium) alta voce incipit: Domine labia mea aperies, id est, aperi, ut sit enallage temporis. Domine, inquam, aperi, & os meum annuntiabit laudem tuam.

An non & antea apertum os habuit, quum orabat? Habuit quidem, sed is est loquendi modus. Non enim dicitur apertum os habuisse, quandiu summissa voce orabat, sed tunc aperuisse, quando illius vox aperte incepit audire. Vel necdum os aperierat ad laudandum Dominum, licet aperuisset ad orandum. Vel etiam tangit religionem sacerdotum primitivæ Ecclesiæ, qui quum irent cubitum signaculo crucis se muniebant, vocem comprimentes ad tempus usque matutinum, & tunc demum vocibus in laudem Dei prorumpebant. Sed quia hoc habet homo à Deo quod ipsum laudet, ideo ab ipso petit, ut sibi os aperiatur, inquit: Domine labia mea aperies. Verum enimvero quum Diabolus semper odio habeat laudem dei, & hominem tunc acerrime impugnet, quando se Dominum laudare promittit, ne laudator Dei à Diabolo superetur, cui haud facile est resistere, divinum implorat auxilium cum ait: Deus in adiutorium meum intende. Vnde profectò etiam nunc

moris est, ut tunc crucis fiat signaculum. Tum diuino fretus auxilio, quod semper præsto adest illud inuocantibus, feliciter auspicatur promissam laudē non solum patri, vel filio, vel spiritui sancto, sed toti Trinitati, cum inquit: Gloria patri & filio & spiritui sancto. Inchoata ad eum modum Dei laude, cantor, qui est quasi præco Ecclesiæ. vel eius vicarius, alios adhuc ante altare suis orationibus insistentes ad laudandum dominum hortatur, quum ait: Venite exultemus Domino, & cetera. In quo Psalmo quædam etiam causæ quamobrem Domino exultandum sit, continentur.

*De Hymno & de ijs, quæ ad tertiam vsque nocturnam fiunt.*

CAP. XXV.

**F**inita exhortatione, quæ ob id appellatur inuitatorium, quod ceteros ad laudem Dei inuitet, sequitur ipsa laus, videlicet hymnus, qui idēd stando canitur, ut in erectione corporum ostendamus, quā in laudando Dominum corda sursum erigere debeamus. Quia nisi mens linguæ consonet, certum est vocem quantumuis clamosam Deo non placere. Antiphona, quæ sequitur, quæq; suauiter modulando canitur, mentis deuotionem, quam in laudando Dominum habemus, designat. Verū idēd illa  
primò

primò incipitur, & finito Psalmo, qui ei modestè accinitur, tota cantatur, quia tunc rectè laudem nostrā, modulamur, si ex bona mentis deuotione incepta, simili deuotione absoluitur. Antiphonæ autem sunt quasi quædam cantilenæ ad animorum recreationem diuinis laudibus insertæ. Versiculus, qui postea cantatur, significat, quòd tunc ab officio psalmorum nos ab officium lectionum vertimus. A pueris hic canitur, vt tum demùm intelligamus nostrum Deo placere seruitium, si cum innocentia hoc agamus. Postea dicitur dominica oratio, quæ inter alias orationes habetur maxima, autoritatis priuilegio. Atque hæc ideo dicitur, vt per eam tentationes Diaboli reprimantur. Cum enim Diabolus sentit nos velle legere lectiones, in quibus sanctorum victoriæ ab ijs contra ipsum obtentæ recitantur, vel quæ ad morum instructionem & virtutum informationem maximè leguntur, tunc acrius impugnat nos. Quare ne ab ipsius impugnatione deuincamur orationi magis, quàm voci incumbimus. Vltima autem pars orationis aperta voce recitatur, scilicet: Et ne nos inducas in tentationem, vt pateat, ad quid illa dicatur oratio, ne videlicet qui lecturus est, id elatiōis glōria faciat, atq; ita per Diabo-

Ioan. 11.

moris est, ut tunc crucis fiat signaculum. Tum diuino fretus auxilio, quod semper præsto adest illud inuocantibus, feliciter auspicatur promissam laudē non solum patri, vel filio, vel spiritui sancto, sed toti Trinitati, cum inquit: Gloria patri & filio & spiritui sancto. Inchoata ad eum modum Dei laude, cantor, qui est quasi præco Ecclesiæ. vel eius vicarius, alios adhuc ante altare suis orationibus insistentes ad laudandum dominum hortatur, quum ait: Venite exultemus Domino, & cetera. In quo Psalmo quædam etiam causæ quamobrem Domino exultandum sit, continentur.

*De Hymno & de ijs, quæ ad tertiam vsque nocturnam fiunt.*

CAP. XXV.

**F**inita exhortatione, quæ ob id appellatur inuitatorium, quod ceteros ad laudem Dei inuitet, sequitur ipsa laus, videlicet hymnus, qui ideò stando canitur, ut in erectione corporum ostendamus, quàm in laudando Dominum corda sursum erigere debeamus. Quia nisi mens linguæ consonet, certum est vocem quantumuis clamosam Deo non placere. Antiphona, quæ sequitur, quæq; suauiter modulando canitur, mentis deuotionem, quam in laudando Dominum habemus, designat. Verū ideò illa  
primò

primò incipitur, & finito Psalmo, qui ei modestè accinitur, tota cantatur, quia tunc rectè laudem nostrā, modulamur, si ex bona mentis deuotione incepta, simili deuotione absoluitur. Antiphonæ autem sunt quasi quædam cantilenæ ad animorum recreationem diuinis laudibus insertæ. Versiculus, qui postea cantatur, significat, quòd tunc ab officio psalmorum nos ab officium lectionum vertimus. A pueris hic canitur, vt tum demùm intelligamus nostrum Deo placere seruitium, si cum innocentia hoc agamus. Postea dicitur dominica oratio, quæ inter alias orationes habetur maxima, autoritatis priuilegio. Atque hæc ideo dicitur, vt per eam temptationes Diaboli reprimantur. Cum enim Diabolus sentit nos velle legere lectiones, in quibus sanctorum victoriæ ab ijs contra ipsum obtentæ recitantur, vel quæ ad morum instructionem & virtutum informationem maximè leguntur, tunc acrius impugnat nos. Quare ne ab ipsius impugnatione deuincamur orationi magis, quàm voci incumbimus. Vltima autem pars orationis aperta voce recitatur, scilicet: Et ne nos inducas in temptationem, vt pateat, ad quid illa dicatur oratio, ne videlicet qui lecturus est, id elatiōis glōria faciat, atq; ita per Diabo-

Ioan. 11.

lum seducatur & auditorum mentes lectionis intellectu ac profectu per ipsius phantasticas tentationes defraudentur. Tunc itaque lector ad librum accedit, ac priusquam legere incipiat benedictionem tanquam legendi licentiam petit à Sacerdote inquires: Iube Domne benedicere. Per quod innuitur neminem debere in Ecclesia legere, nisi petita venia, ut iussus sit, vel ad hoc ante concessus. Sed animaduertendum est, cum, qui lecturus est, hinc Domne dicere, non Domine: quoniam ad hominem loquitur, qui ut est semiplenus & imperfectus respectu nostri Domini, ita syncompato utitur vocabulo. In fine vero lectionis plene inquit: Domine hoc modo: Tu autem Domine. Quod præter ceteros maxime observant monachi, quum dicunt Dominus abbas, non Dominus abbas. Hinc etiam est, quod famuli Dominis suis inservientes si quando illis pocula porrigunt, non debeant utrunque genu flectere, sed duntaxat alterum, nempe sinistrum, per quam partem significatur corporalis servitus, quæ tantum debetur hominibus, & non spiritualis. Nec est acclinandum Principi seculari recta facie, sed ab aure sinistra capite flexo. Finita igitur lectione adiungit lector: Tu autem Domine, non Domne,



ut qui perfectum alloquitur Dominū, & omnino talem qui perfecto & pleno vocabulo dignus est. Nec illud sane ad lectionem pertinet, aut præmissæ lectioni continuatur, sed lector absolute lectione dirigens Sermonem ad Dominū & sese excusans inquit: Tu Domine miserere nostri. Quorum verborū sententia hæc est: Domine fortitan ego peccaui in legendo modulatè pronuncians humane laudis cupiditate, & fortassis etiā peccauerunt auditores, quòd varijs cogitationibus fuerint intenti & lectioni debitum non tribuerint auditum: sed ò tu Domine miserere nostri. Quod autē à cunctis generaliter respondetur: Deo gratias, pertinet ad lectionē, & vox est Ecclesiæ gratias Deo persoluentis. Ac si diceret: Deus paui nos verbis salutis, quæ sunt animæ cibus, de quo beneficio vicissim nos Deo agimus gratias.

*De tertia nocturna.*

*CAP. XXVI.*

**I**N tertia nocturna similiter recitantur lectiones, sed de homelia Euangelij. Quare autem hoc fiat, hæc est ratio: quòd tertia nocturna declaret tempus gratiæ, ut prædictum est superius, quo tractabantur Euāgelica. Notandū interim hīc est fuisse quoddam tempus, quo

quo veritas Trinitatis ab hereticis maxime impugnaretur, sed tandem hæresi confutata atq; eiecta, ac populo ad veritatis cognitionem reducto ordinauerunt sancti patres vt nona lectio de Trinitate legeretur cum suo responsorio. Quod quidem aliquandiu fuit obseruatũ, sed postea tamen neglectum. Cum enim Ecclesiæ lectionem de Trinitate legere non fuerat necesse, vniuersis iam Christianis sanè credentibus, eam legere omisit, sed eius responsoriũ retinuit. Inde est, quod in æstate Dominicis diebus nouũ semper Responsorium de Trinitate cantamus. Quanquã tunc propriè responsorium non dicitur, quòd præmissæ lectioni non respondeat. Nam responsoria lectionibus, quibus subiunguntur semper debent respondere, ita vt inde sic sint nominata. Quemadmodum & versus appellantur, quasi ijs finitis vertuntur responsoria, id est, reuertantur & iterum cantentur, vel saltem eorum particula aliqua. Atque ita soluitur quæstio illa musicæ quæ fit de versibus secundi toni, qui terminantur in c, cum secundus tonus semper in d finiatur. Dicimus enim quòd istic non est finis, sed in repetitione Responsorij. Potest tamen dici quòd commune appelletur responsorium, non quòd præmissæ respondeat lectioni

lectioni, sed illi, quæ de Trinitate legi so-  
lebat. Absolutis nocturnis Ecclesiæ lu-  
mina accenduntur, & pulsantur campa-  
næ, atque alta voce canitur: Te Deum  
laudamus. Quo quidem significatur læ-  
titia & gaudium eius mulieris, quæ in-  
censa lucerna, drachmam quam perdidit  
inuenit. Quod autem istius cantici  
finis, videlicet: Per singulos dies, & alij  
versus qui sequuntur, paulò altius canan-  
tur, designat vicinarum congratulatio-  
nem, qua mulieri ob repertâ drachmam  
congratulabantur. Nam & compul-  
satio earundem repræsentat conuoca-  
tionem.

*De officio diurno.*

*CAP. XXI'II.*

**P**ost noctis officium, agendum est  
de diurno, quod in septem partitur  
distinctiones, videlicet in laudes ma-  
tutinas, horam primâ, tertiam, sextam,  
nonam, vesperas, & completoriû. Missa  
etenim ad officium tertiæ vel nonæ spe-  
ctat: Nam his duabus horis missa regu-  
lariter celebratur. Quod autem diei offi-  
cium septem horis distinctum agimus,  
à Propheta habemus, qui ait: Septies in  
die laudem dixi tibi. Sed cur quæso se-  
pties? Quia quum nocturnum offici-  
um misericordiæ tēpus exprimat, quo  
genus humanû à Diabolo obsessum mi-  
serè

*Psa. 123.*

serè seruabatur, optimè sequitur, vt diei officium tempus designet nostræ redemptionis, aut nostræ liberationis factæ per Christum solem iustitiæ, qui claritate suæ diuinitatis tenebras nostras illuminauit, atq; ex Diaboli seruitute nos extraxit, ita vt inde septies quoque die laudes Deo cantemus, quoniam nos tantū boni munere septiformis gratiæ sancti spiritus accepimus. Quandoquidem verò à tenebris peccatorū per viā poenitentiae ad vitæ libertatē peruenitur, hinc natum est vt diebus profestis seu ferijs ad laudes matutinas caneretur psalmus ille poenitentialis, nimirū: Misere mei Deus. Diebus autē festis excepto. Quadragesimæ tempore: Dominus regnauit decorem. De quo vt de psalmis alijs dicetur postea.

*Quar septies in die laudemus*

*Dominum:*

*CAP. XXVIII.*

**E**St & alia ratio quamobrem septies in die laudemus Dominum, quòd quilibet dies vniuscuiusque representet etatē. Nō quod eam omnis homo habeat, sed quam haberet, nisi peccaret. Hæc autē septem habet varietates, infantis, pueri, adolescentis, iuuenis, viri, senis & decrepiti. Per matutinas laudes repræsentatur infantia, per primā pueri  
tia,

tia, per tertiam adolescentia, per sextam iuuentus, per nonam ætas virilis, per vesperas senectus, per completorium ætas decrepita ac finis humanæ vitæ. In his profectò omnibus ætatibus creatorem laudare tenemur. Quod autem infantia nostræ tempore Dominū laudare possimus, euidentis nobis facit argumentum beatus Nicolaus qui quarta & sexta feria matris vbera virtute abstinentiæ nō sugebat. De alijs ætatibus satis est manifestum. Sunt item quàm plurimæ alie rationes, quare istarum horarum tēporibus Dominum præcipuè laudamus. Rubescēte diei aurora cantamus laudes matutinas, quæ matutinæ nūcupantur, à mane quod bonum est, si lumē est bonum: atque nihil esse melius luce videtur: bonum igitur est mane, quum eo tempore nobis lumē redditur. Appellātur verò laudes, quòd officium laudem potissimū sonet diuinam, quam ei damus, quoniam à tenebris erroris nos ad lucem veritatis reduxit. Hoc igitur tempore laudes Deo canimus, quia eiusmodi hora mundū creauit & Angelos, qui statim atque conditi sunt, suaui cantu ac modulamine creatori suo laudes iubilauerunt. Eodem quoque tempore populum Israëliticum per mare rubrum transduxit incolumē ac Aegyptios submersit,

merſit. Ruſſus eadem hac hora Chriſtus victor à morte ſurrexit.

*De alijs ſex horis. CAP. XXXIX.*

**S**Equitur de alijs ſex horis, ſub quibus item ſex aliæ cõprehenduntur.

Diei itaque duodecim horæ attribuantur, & totidem nocti. Sub prima hora duas complectimur, ipſam videlicet primam & ſecundam: ſub tertia tres, ipſam tertiam, & quartam & quintam: ſub ſexta itidem tres, ipſam ſextā, ſeptimam & octāuam: ſub nonā duas, ipſam nonam & decimam: vespere repræſentant undecimam: completorium duodecimam. At roget aliquis cur potius hiſce diei horis diurnum celebretur officium, ſcilicet prima, quàm ſecunda: tertia quàm quarta vel quinta: ſexta, quàm ſeptima aut octāua: nona, quàm decima? Quoniam iſtæ horæ quibuſdā inſignuntur priuilegijs. Prima enim hora Chriſtus Pilato à Iudæis traditus fuit, & à morte reſurgens prima hora Mariæ Magdalene apparuit. Prima hora viſus eſt in littore ſeptem Diſcipulis piſcantibus: quibus dixit: Pueri habetis aliud pulmenti? Hora verò tertia crucifixus eſt linguis Iudeorum & flagellatus, eademque hora Spiritus ſanctus ipſo die Pentecoſtes Diſcipulis fuit datus. Sexta hora Chriſtus pro nobis ligno crucis clauis

clavis affixus est, atque eadem quoque hora ipso die Ascensionis cum discipulis discubuit. Nona hora exclamans spiritum emisit, & lanceatus è latere corporis sui duo nobis eduxit Sacramenta, aquam videlicet baptismatis & sanguine redemptionis ac saluationis nostræ. Vesperè de cruce depositus est, qua item hora in vltima Cœna cū Discipulis suis cœnauit, vbi illis Sacramentum corporis & Sanguinis sui tradidit, quod nobis saluberrimum Testamentum hinc discens reliquit. Eadem rursus hora duobus suis Discipulis proficiscentibus in Emaus in fractione panis fuit agnitus. Postremò in completorio Patrem pro suis Discipulis orauit, qua etiam hora in Sepulchrum positus est.

*De Psalmis qui hisce horis cantantur.*

CAP. XXX.

**Q**ui Psalmi hisce horis, & quæ cantica debeant vsurpari, equidem satis notum esse puto. Quia verò ad aliam spectent editionem, ac nos de generali officio hoc tempore tractare proposuerimus, paucis quæ hîc sunt præcipienda tradamus. Sciendum ergo est generaliter in matutinis laudibus sex psalmos semper cantari, atque in alijs horis similiter, per quos sex opera misericordiæ, designantur, quibus operarij

operarij in vinea Domini laborantes intenti necessariò esse debent, quæque si pie ac mundo corpore exerceamus, à servitute Diaboli liberati ad vitæ libertatē procul dubio perveniemus, & pro mercede fidelissimi laboris denarium divinum, hoc est, sempiternam vitam recipiemus. Sanè notandum hîc venit quod in laudibus matutinis duos coniungimus psalmos scilicet: Deus Deus meus ad te de luce vigilo: & Deus misereatur nostri, quos vna tantū Gloria finimus. Sed quare hoc fiat huiusmodi potest ratio adduci: Quoniam alter horum Dei significat dilectionem, alter verò proximi. quæ duæ dilectiones vsque adeò inter se sunt annexæ, vt vna sine altera in Christiana perfectione intelligi nequeat. Ad hymnum autē trium puerorū, scilicet: benedicite omnia &c. Gloria patri non adiungimus, quodd propter eiusmodi fidei confessionem in caminum ignis sint coniuncti. Quo quidem facto maximè derogatum est Trinitati. Vel quodd eius hymni postremus versiculus idem significat cū Gloria patri, ne quid in sacris scripturis superuacaneū reperiat. In matutinis verò laudibus non iubilamus nisi in vltima tantum antiphona. Nam cū per laudes, Domini intelligamus resurrectionem, in qua ni  
hil



hil penitus desideravit beatitudine & immortalitate iā consecuta, certè nullo hīc opus est iubilo, qui rei alicuius significat desiderium. Nec etiam in completorio, quod octauam connotat resurrectionem. Non quodd post resurrectionem iubilus esse desinat, quando verius cum ipsis Angelis creatori nostro iubilum finis cantaturi, sed quodd tum suam amitteret significationem, quā alicuius rei dicitur esse desiderium. Tū enim nihil desiderabimus, ut inquit Dominus: In die illa non interrogabitis quicquam. *Ioan. 16.* Dictis itaque ad eum modum psalmis cum antiphona, legit Sacerdos lectionem, quā alio nomine appellamus capitulum, quoniam ex capite epistolæ istius diei sumitur. Legitur autē absq; Iube Domne benedicere, & absq; sacerdotali benedictione, quodd Prælati Ecclesiæ ac sacerdotibus proprium sit eam semper legere, qui legendi veniā nō petunt quū eam alijs dare debeant. Nec est quodd quis nobis obijciat, si in nocturnis (quodd ferè fit) Sacerdos lectionem legerit, an etiam sit necessarium veniam postulare ac dicere: Iube Domne benedicere, quodd eius sit benedictionem & licentiam dare? Dicimus enim quodd si hoc pacto lectionem legerit Sacerdos, eum præter officium suū facere, cum

cum sit lectoris. Verum si hic non adsit, tum facile permittitur ut vel Sacerdos, vel clericus Sacerdotis, vel etiam quispiam alius ordinis minoris tanquam lectorus dicat: Iube Domine, atque ei benedictio à Sacerdote reddatur. Absoluto capitulo non subiungit: Tu autem Domine, quia ratio postulat ut Sacerdos sit perfectus, & qui suggestionibus Diaboli haud facile succumbat. Sacerdos igitur in persona Domini per capitulum nos sensu admonet atque hortatur ore, ut in fide perseueremus & operibus misericordiae perpetuo incumbamus.

*De Hymno & aliis sequentibus.*

CAP. XXXI.

**D**Einde canitur hymnus, per quem lætitia quā ob afflictam habemus libertatem, exprimitur. Sed quia Christus nobis hanc lætitiā acquisiuit, ne ingrati de beneficio accepto videamur, in laudem illius finito hymno prorumpimus, & quia nos liberauit, gratias ei referimus alta voce cantando: Benedictus Dominus Deus Israel. Et quare obsecro? Quia nos visitauit existentes in miseria, & fecit redemptionē plebi suæ. Hoc absoluto cantico cum antiphona, quæ notat dilectionem quam in laudando Dominū habemus, ait ad populum Sacerdos: Dominus vobiscum. Quod sane

nè sumptum est ex libro Ruth. Sic enim legitur Boos & Obed suos salutasse messorum. Ac statim à populo respondetur: Et cum spiritu tuo. Quod ex epistolis Pauli sumptum est. Ac si sacerdos diceret: Laus nostra sit acceptabilis Deo, & gratia sibi accipiat, ac nos premio vite remuneret. Cū autē popul⁹ respondet: Et cū spiritu tuo, idē est, ac si diceret: Tu p nobis preces ad Dominum effundes, sed quia illas preces tantū approbat Deus & exaudit, quæ ex bono animo procedunt, ipse, sine quo nullum bonū est, sit & cū spiritu tuo. Tū Sacerdos quasi suę bonitati diffidēs inquit ad populū: Oremus. Quod humilitatis & euitādæ arrogantię gratia dicitur, quasi dicat: Orate simul mecum, vt quod postulamus, citius impetremus. Tunc dicit orationem, eaque dicta respōdet chorus: Amen, quasi dicat: Ita nobis fiat, quemadmodum orasti. vel: foeliciter tua sit oratio peracta. Sūptum autem est Amen ex Apocalypṡa Ioannis. Atq; ad eundem modū rursus populum salutat Sacerdos, repetitque quod antea dixerat: Dominus vobiscū, quasi dicat: Si gratiam Dei impetraueritis, in ea perseuerate. Et iterum respondet populus: Et cum spiritu tuo, quasi polliceatur: Orasti pro nobis, & nos vicissim pro te oramus. Tū pueri canunt: Be

nedicamus Domino. Quod ex Psalterio acceptum habemus. Quibus rursus chorus respondet: Deo gratias, quod Apostolo acceptum referimus. Eo autē significatur, quod vsque ad finem vitæ in innocentia Deo inservire debeamus, ac illi benedicere pro beneficijs gratias persolvendo. Ultimò sequuntur suffragia sanctorum. Nam quamdiu quidem vivimus, tanquā in lubrico solo & fragili glacie sumus constituti, indiesque cum demonibus vehementissimè confligimus, ita ut sanctorū suffragijs nō possum⁹ non indigere. Post suffragia repetitur Benedicamus dño, non à pueris, sed à sacerdote, quemadmodum etiā in Cōpletorio & magnis solēnitatibus in quibusdā ecclesijs à maioribus. Quo quidem significatur nos fore in æterna beatitudine cū Dño perfectos laudatores. In hac enim vita Perfecti esse non possumus.

*De officio altaris. CAP. XXXII.*

**N**unc de officio altaris dicamus. Et primò quidem de sacerdotum indumentis, eorundemque significatione, ac deinde quid officium Missæ, quid introitus, quid vetropi nominentur, occurrat exponendum. Cætera verò breviter ordine veluti in summa quadam perstringemus. Res enim ardua est, & quæ ingenij nostri vires facilè excedit.

Sacerdos

Sacerdos ergo tanquam aduocatus & pugil cum antiquo hoste pugnaturus, vestibus sacris quasi armis induitur. Sândalia enim pro ocreis assumit, ne quid maculæ vel pulueris affectioni, etiam inhæreat. Sic Amictu pro galea caput contegit: pro lorica totum corpus cooperit Alba, cingulum assumens pro arcu, & subcingulum pro pharetra. Vocatur autem subcingulum quiddam in stola, quod ligatur cum cingulo. Quñ stola collum circumdat, quasi hastam contra renitentē vibrat. Manipulo pro claua utitur: casula quasi clypeo protegitur: manus armatur libro pro gladio. Atque ita instructus, ad postremum per confessionē Diaboli renūciat dominio.

*De confessione sacerdotis ante missam.*

CAP. XXXIII.

**S**Acerdos enim priusquam cantet missam confessionem pronunciet oportet. Nam, ut inquit Salomon, vir sapiēs in principio sermonis accusator est sui. Debet autem peccata confiteri generaliter, nec mensuram excedere. Sic itaque ad certamen munitus contra spiritualia nequitia in cœlestibus, & pro sedanda iudicis ira in subditos ad altare procedit, & populus quasi pro suo pugile oraturus diebus profestis, terræ prostermitur. **Quum** verò cantat

orationes, & reliqua recitat, tum quasi totis viribus aduersus Diabolum pugnat. Nam cum & casulam in humero plicat, velut gladium contra hostem præpatat, ita ut, quum Euangelium legitur, Diabolus, tanquam gladio percutiatur. Sub finem autem pax datur, quo quies populo hoste deuicto ac prostrato nunciatur. Exinde redeundi data licentia, populus deo agit gratias, ac quisque ad sua reuertitur.

*De officio missæ. CAP. XXXIII.*

**O**fficium missæ siue missa, appellatur totum illud, quod à principio usque ad finem dicitur, nempe ab introitu usque ad *Ite missa est*, cuius mens & sententia hæc est: *Ite ad Christum, & ipsum sequimini, quia missa est pro vobis hostia ad Dominum placandum.* Quandoque tamen restrictius & quasi specialius pars, quæ prima canitur, nimirum introitus, officium missæ appellatur, quæ sic dicta est, quod istuc mittatur Angelus. Distribuitur autem missa in quatuor

1. *Thim.* omnino partes: in obsecrationes, orationes, postulationes, & gratiarum actiones. Est enim missa omnis obsecrationis, orationis, postulationis & gratiarum actionis. Prima pars extenditur usque ad offertorium, altera usque ad finem. Dominicæ orationis, quum Amen respondetur,
- 2.

detur, tertia usque ad communionem, quarta usq; ad finem. Ac prima quidem est catechumenorum vel neophitorum quod ferè idem est, quum catechumenus appelleretur nouiter instructus siue sit baptizatus, siue nondum etiam, & Neophitus quoque nouiter instructus siue baptizatus, siue non. Amplius enim aut diutius eis interesse non licet, nō aliter atque Iudæis aut ethnicis, quod nec dum sint membra Ecclesię. Ob quam sanè causam draconus è pulpito alta voce dicere debet; Exeant catechumeni foras. Hinc est quod pars ista nominetur missa, ab emittendō, quoniam tunc foras mittuntur. Cepit autem illud originē ab eo, quod de Domino dicitur: Iesus Ioan. 2. autem non credebat se eis, sciens quid esset in homine. Nam per catechumenos illi significantur, de quibus hoc dictum est. Vocatur itaq; missa totū illud officium, quod est ab introitu, usque ad Ite missa est, quanquam & interdum missam appellamus ea verba, quibus corpus Domini conficitur.

*De introitu, tropis, & linguis, quibus Missa celebrari potest.*

CAP. XXXV.

**I**Ntroitus verò dicitur, quod Sacerdos missam auspicaturus primò ad altare debeat intrare, sicut Episcopus

qui extra chorum quandoque diebus festis Dei armis induitur. Dum enim canitur introitus, intrat ad altare.

Quamobrem etiam diebus profestis bis cani solet, in solennitatibus verò ter.

Quandoque intermiscuntur tropi. Dicitur autem tropus à Græcis, quod nobis est conuersio, quoniam istic quædã fieri solent conuersiones. Animaduertendum hîc est, tribus linguis missam celebrari, Hebraica, Græca, & Latina, quòd titulus Christi iam in cruce pendentis scriptus fuerit Græcè, Hebraicè, & Latinè, Vnde est, quod in vnaquaque missa harum trium linguarum aliquid apponatur. Et ab Hebræa quidem, quòd sit præstantissima: Alleluya, Amen, Sabaoth, Osanna. Alleluya quoniam à diuersis multis modis exponitur, quos & alibi sufficienter diximus, nunc præterire volumus. Iuxta interpretationem tamen Hieronymi, quæ omnium est optima, interpretatur: Laudate inuisibilẽ. Quid Amen sit, satis constat. Sabaoth est exercituum siue militiarum, virtutum & victoriarum. Osanna denique est, salua obsecro. Et ubi quæso? In excelsis. Osi, id est, obsecro, anna, id est, salua. Inde osanna, quasi osianna, ex corrupto & integro.

*De Kyrieleyson. &c.*

CAP. XXXVI.

Sequitur



**S**equitur Kyrieleyson & Christee-  
 Sleyson, &cæt. quod ideo Græcè ca-  
 nitur, vt ostendatur ecclesiam primò  
 in Græcia cœpisse, ac inde Romā postea  
 delatam fuisse, vnde reliqua sunt Lati-  
 na. Cantatur autem ter propter patrem  
 & filium & spiritum sanctum conti-  
 nuò, idq; ternis vicibus, vt simul dica-  
 tur nouies, propter nouem ordines an-  
 gelorum, quibus associari petimus. In  
 quibusdam ecclesijs additur *ἱμῶς*, quasi  
 dicant: Domine miserere nostri. Sôlen-  
 nibus diebus sequitur hymnus de Euan-  
 gelio, siue Euangelicus: Gloria in excel-  
 lis Deo: quod antea solum ad missam  
 dicebatur. Reliqua verò beatus Hilari-  
 us Pietauiensis Episcopus apposuit, sci-  
 licet: Laudamus te, & cætera quæ se-  
 quuntur, quæ etiam ad missam cantari  
 instituit. Verumenimuerò tum illud ca-  
 ni consuetum est, quum festum agitur  
 Apostolorum, martyrum, cōfessorum &  
 eorum, in quorum honorem ecclesia est  
 dedicata, quæcunque etiam illa sit. Eo  
 autem finito Sacerdos salutat populum,  
 inquit: Dominus vobiscum. Quæ sa-  
 lutatio ex veteri sumpta est testamento,  
 nimirum, vt dictum est, ex libro Ruth,  
 pertinetque ad minores Sacerdotes. Est  
 enim & alia videlicet: Pax vobis, quæ  
 vt est sumpta ex Euangelio, ita solum

spectat ad Episcopos, & qui ijs sunt superiores. Quo sanè illud expresse innuitur, quod nouū Testamentum, dignius sit testamēto veteri. Responsio verò populi: Et cum spiritu tuo, ex Apostolo in epistola ad Titum desumpta est. Cum denique ait: oremus, vniuersalem ad se colligit Ecclesiā, quasi esset syndicus aliquis in persona multorū loquens. Hoc enim syndicus significat. Longa vetustate comprobatum est, quod oremus dicimus. Antiqui enim præmissio oremus extemplò orationem communiter subiūgebant. Nos verò omisā oratione, illud tantū, videlicet oremus, seruauimus.

*De oratione, & quoties se in  
missa vertat Sacerdos.*

CAP. XXXVII.

**O**Ratio siue collecta statim subsequitur, quantumuis collecta propriè vocetur oratio illa quæ fit in processione quum populus & vniuersus clerus ab vna Ecclesia procedit ad alterā. Tū enim Sacerdos aut Episcop⁹ collecta omni multitudine, istiusmodi oratione super populū vti solebat, quæ propriè dicebatur collecta. Nunc autē oratione illa prætermisā tantū ( vt diximus) oremus retinuimus. Notandum obiter hīc est Sacerdotem in qualibet missa

missa se quinquies conuertere & septies populum salutare. Primò in ipso exordio: Secundò in Euangelio, quod non in altari, sed in affere vel aliquo leetorio versus Aquilonem legi oportet plicata in humero casula, quod diaconi tū fungatur officio. Teriò cū ad dextrum cornu altaris reuertitur, vnde venerat, dicto symbolo, si fuerit sollemnitas: tum enim se conuertit ad populum. Quartò post offeritorium, cū inquit: Per omnia sæcula sæculorum, & consequenter: Dominus vobiscum, sed non vertit se. Nam, vt dici solet, nemo qui ad aratrū manū applicuerit, retrorsum respectare debet. Quintò quū ait: Pax Domini sit semper vobiscū, nec tū se conuertit. Sextò post cōmunionem, & vltimò in fine. Quod aut ad orationē attinet, sciendū est nunc vnā legi oportere, nunc tres, nunc quinq;, nunc septē, sed non vltra. Et vnā quidem propterea, quod vna sit epistola atq; vnum Euangeliū, vel propter Dei vnitatē. Tres verò propter Trinitatem: nam & Deus numero gaudet impare, vel quia Dominus ter in passione orauit. Sic quinque legi possunt propter quinque partitam Christi passionem, vel quinque eius vūnēra. Verūm septem idē, quod septem in oratione nostra Dominica habeamus petitiones,

vel etiam propter septem dona spiritus sancti, quæ apud Isaïam numerantur. Septenarium enim numerum nullus excedere debet.

*De Epistola, graduali, alleluya, & prosa.*

CAP. XXXVIIII.

**D**Eindè legitur Epistola, quæ est sermo absentis missus ad absentem, à Græco verbo *ἐπιστολή*, quod mittere significat, sic appellata. Tales sunt Petri, Pauli, Iacobi & Ioannis ad varios missæ, quæ hoc in loco ut plurimum leguntur. Sed si contingat (contingit autem sæpè) ut vel ex Apocalypsi vel ex Prophetis aliquid hinc legatur, nihilominus dicetur epistola, idque ob eam causam, quod tum ante Euangelium quodammodo mittatur. Summoperè autem cauendum est, ne quis Epistolam legere presumat, nisi sit hypodiaconus, aut diaconus aut etiã Sacerdos. Melius enim est ut Sacerdos legat etiam si cantet missam, quàm acolitus. Post Epistolam verò cantatur Responsorium cum suo versu, siue Graduale, ut vocant. Appellatum autem est Graduale quod à minoribus in gradibus ante altare vel à maioribus etiam diebus profestis cani soleat: In solennitatibus verò in altioribus, hoc est, in pulpito etiam à pueris. Vel quia gradatim cantatur, vel quia de gradu ad gradum procedere

cedere debemus, hoc est, de virtute in virtutem ascendere. Dictum est idem Responsorium, quod versui respondeat, qui item à vertendo nominatus est, quoniam nos ad orientem vertimus, vel quoniam versu ad Responsum fit regressio, aut ad officium aliud, ut in matutinis. Postea sequitur Alleluya, cuius interpretatio modò exposita est secundum Hieronymum. In huius fine neumatizamus, hoc est, iubilamus, dum finem protrahimus, & ei velut caudam accinimus. Est enim differentia inter neuma neumæ, & pneuma pneumatis. Neuma feminei generis est iubilus, sicut in fine antiphonarum, pneuma verò neutrius generis, est spiritus sanctus. Postea versus dicitur, unde similiter conuersio fit ad alleluya. Sequitur deinceps Sequentia quam nos prosam appellamus. Fertur Notgerus abbas apud sanctum Gallum natione Teutonus primò sequentias composuisse, atque eas postea in Ecclesia cantari institutum fuisse per Nicolaum suum pontificem. Post hunc autem dicitur Hermannus Contractus inventor astrolabii fecisse duas has: Rex omnipotens die hodierna. Et: Sancti spiritus adsit nobis gratia. &c.

*De Euangelio.*

CAP. XXXIX.

E 6

Finita

*Hic episcopus  
fuit Leodicensis  
Circiter  
annum  
850.*

**F**inita sequentia legitur Euangelium, quod triplicem habet inchoationem: Vel per, Initium sancti Euangelij, sicut in principio quatuor Euangeliorum: Vel per, In illo tempore: Vel per aliam determinationem regiae aut alterius alicuius magnae potestatis, ut: Fuit in diebus Herodis. Et: Anno quinto decimo Imperij Tyberij Caesaris. Dicitur autem Euangelium ab *εὐ* bene, & *αγγελος*, nūcius, quasi dicamus bonum & laetum nuncium. Proinde verò Euangelium aliquando esse dicitur secundū historiam, quandoque secundum allegoriam, quandoque secundū personam, quandoque secundum partem, & quandoque etiam secundum totum. Secundum historiam, ut illud: Maria Magdalena & Maria Iacobi & Salome &c. atque illud etiam quod cantatur in natali Domini ad secundam missam de pastoribus. Secundum allegoriam cuiusmodi illud quod in assumptione beatæ Mariæ legi consuetum est de Maria Magdalena & eius sorore Martha, nimirum: Intrauit Iesus in quoddam castellum &c. Quia cū per Mariam Magdalē vitam significetur contemplatiua, per Marthā verò, quæ administrabat, vita actiua: hoc Euangelio docetur in beata Maria virgine vtriusque vitæ fuisse consummationem

tionē, contemplatiuæ scilicet & actiuæ. Secundū personā Euangelii canitur, vt in festo beati Thomæ Apostoli, vbi dicitur: Thomas vn<sup>9</sup> de duodecim &c. Secū dū partē, quemadmodū est in festo sanctæ crucis. Tū enim illud recitatur Euāgelium q̄ est de Nicodemō propter eius extremam particulam, quæ eiufmodi est: Sicut Moyses exaltauit Serpentem in deserto, ita exaltari oportet filium hominis. In hoc autem verbo Christus suā indicauit passionem, & sui corporis in cruce exaltationem. Quocirca Euangelium hoc in quo hæc continetur particula, legitur in festo sanctæ crucis. Secundū totum deniq; , cuiusmodi est exiguum illud, quod in circuncisione Domini obseruatur: Postquā consummati sunt dies octo. Animaduertendum ergo hīc est, quod diebus profestis vna duntaxat candela cerea præcedat diaconum, quum ad legendum Euangelium accedit. Nec id quidem iniuria, cum per illud primus Christi significetur aduentus, qui humilis fuit & occultus, vt quē præuenit vnus tantum præcursor, videlicet Ioannes Baptista, qui fuit verbi lucerna. Festis verò diebus candelæ duæ præcedunt cereæ, quòd in secundo aduentu, qui sollemnis erit & manifestus, duo sint præmittendi præcursores He-

lias scilicet & Enoch. Vel ided etiam quoniam Dominus ante faciem suā binos coniunctim misit Discipulos ad prædicandum. Illud quoque diligenter notandum est, quod simulatque Euangelium inchoatur, vniuersus populus, tam clerici quàm laici, tam qui illud profert quàm qui audit, crucis signum imprimere debeat in fronte, in ore & in pectore. In fronte, quodd locus sit pudoris & verecundiæ. Vnde impudicos homines efron-tes dicimus, quasi sine fronte. Per hoc ergo quod fronti signum crucis imponimus, euidenter ostendimus nos non erubescere, quodd credamus in crucifixum, & eū habeamus Deum & Dominum, qui à Iudeis atque Ethnicis nobis exprobratur. Vnde meherclè Aposto-

*Cor. 1.* lus: Nos autem prædicamus Christum crucifixum, Iudæis quidem scandalum, Gentibus verò stultitiam. In ore autem ided, vt significemus nos audacter crucem Domini prædicare. Denique in pectore ob eam causam, quodd nos paratos esse pro Christi nomine pati ingenuè ostēdamus. Rursum in hoc, quodd os & pectus cruce signamus, aperte innuimus, nos audacter ore fateri & corde credere Christum crucifixum, cuius liber legitur, Deum & Dōminum nostrum esse. Sacerdos itaq; vel diaconus

Euan-



Euangelium lecturus signat se in ore, fronte & pectore, quasi dicat: non erubesco crucem Domini, sed eam ore prædico & corde credo. Libro quoque crucem imprimit, tanquam si diceret: hic est liber crucifixi. Posset autem hoc loco quæri, quemadmodum crucis signum fieri debeat à dextrane in sinistram, an verò à sinistra in dextram? Ac nonnulli quidem sunt, qui crucē à sinistra in dextram fieri velint, atq; ex huiusmodi versu sumpserūt autoritatem: Egressus est à patre, &c. A patre venit filius in mundum, & ideo crucem inchoamus à parte superiori, per quam designatur pater. Sed quod à patre absque vlla intercapidine in mundum venit, per quem sinistram partem intelligimus, idèd postq̃ à superiori parte descendimus, statim à sinistra in dextrā pergimus: nā & postea ad patrē ascendit, quod designat dextera. Alij verò putant quòd à dextra in sinistram fieri debeat, quia Christus à dextera in sinistram, id est, à patre veniens, Diabolum per crucem repulit, qui per sinistram significatur. Dicto igitur Euangelij titulo, respondetur ab omnibus: Gloria tibi Domine. Proposito nanque Euangelio ad legendum, in quo agitur de gloria partim Dei, & partim nostra, quatenus videlicet Christus diabolum

bolum vicit, ac nos redemit, & victor ad patris gloriam ascendit: auditores Euangelij lætantes ad laudem sui creatoris inquirunt atque exclamant: Gloria tibi Domine, quasi dicant: Gloria tua, quæ nobis in hoc Euangelio prædicatur, in ævum nobis sine fine permaneat, semperque crescat & augeatur. Lecto iam Euangelio, quisque dicere debet: Amen. Vel, ut alij volunt, recitato Euangelio, statim dicamus oportet: Deo gratias, quemadmodum post quamlibet lectionem siue capitulum. Sed melius est ut dicatur: Amen, ac nos cruce contra Diabolum muniamus, ne ipse sermones Domini ex pectore nostro rapiat. Necessarium etiam planè est, ut dum legitur Euangelium, velamina capitem dependantur. Euangelica enim prædicatio omnia legis velamina dimouit, atque homines, qui prius Dominum in ænigmate quodammodo & quasi per transennam videbant, modò ipsam veritatem aperta legis cognitione videre & intelligere fecit. Viri itaque aperto capite Euangelium audire debent, ut quinque sensus ad audiendum magis fiant idonei. Inde est quod clerici non nutriant longos capillos, sed altè tonsos ut rectius ac perfecti<sup>9</sup> possint audire. Verum enimvero propterea coronam habent, ut demon-

monstretur inter eos & Dominum nullum esse medium. Non ergo longos habeant capillos clerici, si per longitudinem capillorum significetur multitudo peccatorum. Mulieres verò debent audire Euangelium tecto ac velato capite, etiamsi sit virgo, propter pomum vetitum. Et si eueniat vt virgo capite sit aperto, & velamen non habeat, necesse est, vt mater aut quæuis alia mulier capiti eius pannum vel simile quippiam imponat. Itemq; erecti stare debemus, donec Euangelium pronuncietur, aut capite inclinato, si modò non sedeamus: nisi cogente necessitate. In lege quidem præcipiebatur, vt, dum comederent agnū Paschalem, baculos in manibus tenerent, nos verò diacono legente Euangelium baculos deponimus, quòd Christo prædicante legales obseruantia sint depositæ.

*Quid Symbolum, quando canendum,  
& quot sint numero.*

CAP. XL.

**P**OST Euangelium statim debet subiungi Symbolū fidei, scilicet: Credo in vnum Deum patrem, &c. si sollemnitas fuerit. Nec tamē in omni solennitate, sed in eorum tantummodò festis, quorum in Symbolo fit mentio, vt in festo Trinitatis, in Natali, Circuncisione,

cissione, Epiphania, Paschate, Ascensione, Pentecoste, in festo omnium sanctorum, Transfigurationis Domini, beatæ Mariæ, & omnium Apostolorum, sanctæ Crucis, & omnibus diebus Dominicis. In alijs autē solennitatibus dici non debet. Nec verò in solennitate Angelorum cantari solet, quia illi non credunt, imò iam sciunt, quum plenam & perfectam habeant scientiam. Nec præterea cani consuetum est in solennitate duorum Evangelistarum, qui non fuerunt Apostoli, scilicet Lucæ & Marci. Sunt qui dicunt Symbolum dici debere in festo beati Ioannis Baptistæ, quia tum fuit commemorata Christi natiuitas. Sed eadem ratione qualibet die fit mentio beatæ Mariæ, adeoq; omni die canendū foret. Nonnulli etiam putant, quòd in eorū festiuitatibus cantari debeat, qui illud composuerunt, atq; eius rei gratia huc illud adferunt, quod in Evangelio Ioannis inuenitur, quod nimirum indies fides Apostolorum crescebat propter miracula quæ fiebant, quanquā alibi autoritas habeat, fidem non habere meritū, cui humana ratio præbet experimentum. Pronunciato Symbolo sub finem ipsius debet fieri signum crucis, quoniam verbum est Euangelicū, non secus atque ipsum Euangelium, nisi quod  
fit

Lucæ. 1.

fit verbum abbreviatum. Vnde dictum est de eo: Verbum abbreviatum faciet Dominus super terram. Et hoc modo: Veniet verbum abbreviatū super filios Dei. Similiter quoque in omnibus verbis Euāgelicis signum crucis fieri oportet, quemadmodum sub finem orationis Dominicæ. Gloria in excelsis, Benedictus, Magnificat, & Nunc dimittis. quæ omnia perinde atque Euangelium stando audiri debent. Notandū est quatuor esse symbola: minimū, quod à cunctis cōmuniter in quotidiana oratione dicitur, & quod Apostoli simul composuerunt. Secundū est, quod in prima recitatur. Quicumq; vult saluus esse, quod ab Athanasio Patriarcha Alexādrino cōtra Arrianos hæreticos compositum est, licet plerique eum Anastasium fuisse falso arbitrentur. Tertium est, quod Constantinopolitana synodus edidit, videlicet quod in missa hætenus cani consuetum est. Quartum est, quod ex Niceno Concilio prodijt. Scripsit verò beatus Hilarius Pictaviensis Episcopus librum de synodis, in quo & illud composuit, ac legi oportet in omni synodo vel totum vel saltem eius aliqua particula. Ex quo sanè liquidò apparet, quàm illi errent, qui aliam ibi legunt lectionem.

dam Ecclesijs in magnis solennitatibus preciosa offeruntur Ecclesię vtenfilia, & in altari ponuntur vel in locis competentibus. Tertiõ denum sequuntur manuales laicorũ oblationes. Clerici enim non offerunt, nisi in exequijs mortuorũ & in noua celebratione Sacerdotis. Nam inhumanum videretur, si ij offerre tenerentur, qui ex oblationibus viuunt aliorũ. In offertorio nulla ratione permittitur Sacerdoti vt pixidem aut aliud huiusmodi manu teneat, quò omnem auaritię effugiat suspicionem.

*De sacrificio. CAP. XLII.*

**S**acrificium dicitur quasi quo sacrum efficitur, vbi cognoscendum est, quod olim sacrificiũ ab Apostolis & viris Apostolicis in primitiua Ecclesia vasis ligneis ac vulgaribus vestibus celebrabatur. Tum enimerant (vt dici solitũ est) lignei calices & aurei Sacerdotes. Nunc verò est econtrà. Paulo tamẽ post Seuerinus Papa instituit idem vitreis fieri vasis. Sed quia erant fragilia, Urbanus Papa voluit, vt argenteis vel aureis sacrificaretur, vel etiam ob paupertatem stanneis quę tamen non facilẽ æruginantur. Hostia secundum Hebręos ab ostio nuncupata est, quia ad ostium tabernaculi offerebatur. Secundum ethnicos verò ab holste deriuata est. Nam hostibus

hostibus à domitis (vt ille ait) hostia nomen habet. Dicta est etiam victima à vincendo, & imolatio, quòd istic Christus sacramentaliter imoletur, qui in veritate semel pro peccatis nostris in cruce est imolatus. Appellata autem est imolatio à mola, qua in sacrificijs cõteri solebat genus quoddã frumenti quod far vel ador dicitur. Vnde: Et adorea liba per herbas. Ponebatur enim inter cornua altaris vel animalis cultro istic facto foramine. Mola verò in altari dicitur pars media sub qua reliquiæ sigillatur, & cui in dedicatione Ecclesię crux imprimitur, atque vbi Corpus Christi consecratur.

*De secunda parte missæ.*

*CAP. XLIII.*

**I**Am verò secunda pars missæ quæ propriè missa appellata est, proximè sequitur, nimirum quam orationis esse diximus. Nã prima pars, de qua hætenus dictum est, vocatur obsecrationis. Hæc ergo pars missæ, vt missam appellemus totum officium ab introitu vsque ad ite missa est, si strictim accipiatur, proprio nomine missa appellata est. Habet autem ea quatuor distinctiones. Prima dicitur secreta, altera præfatio, tertia canon, quarta oratio dominica cum sua præfatione. Atque hæc quidem pars extenditur

tenditur vsque ad dominicæ orationis finē: Sed libra nos à malo, Amen, quod tacitè à Sacerdote proferri debet. Hic itaque considerandum est tot debere dici collectas, eodemque ordine, ac de eisdem in secreta post communionem, quot præcesserunt in obsecratione ante Epistolā in exordio missæ, nec plures, nec etiam pauciores, hoc semper obseruato, ne vltra septenarium numerum progrediantur. Summioperè item cauendum est, quod si fortè collecta pro defunctis intermisceatur, ne finalis, sed penultima vel antepenultima dicatur. Quoniam finis ad suum debet retorqueri principium. Ad postremum generaliter cognoscendum est, quod in missa pro defunctis nulla debeat pro viuis oratio intermisceri, hac tamen communi excepta: Deus qui viuorum dominaris simul & mortuorum.

*De Secreta.*

CAP. XLIIII.

Secreta dicitur, quia secretè pronunciatur, cùm tamen olim alta voce diceretur, ita vt ab omnib<sup>9</sup> facilè laicis teneretur. Contigit ergo vt quodā tempore pastores panem super lapidē quemdam ponerent, qui, dum huius Secretæ verba proferrent, in carnem conuersus est, & forsitan transsubstantiatus, vt sic loquar,



loquar, in Copus Christi. In quos diuinitus facta est acerrima vindicta. Nam ad vnum omnes percussi sunt diuino iudicio cœlitus missò. Ex quo quidem facto statutum fuit, vt posthac tacitè ac submisse diceretur. Aut ideo sanè occultè & quasi sub silentio dicitur, ne scilicet vilescat, sicut & ob eandem causam sacræ literæ dicuntur esse obscuræ. Aut tandem ne à laicis cognoscatur, ita vt hinc triplex filëtij sit ratio. Cum autem ait Sacerdos, Orate Fratres, statim incipit orare, & nos similiter hoc audientes secretò orare debemus, ac duos psalmos canere nempè: Exaudiat te Dominus, & sequentem. Sed quando interim dicit, Orate Fratres, perinde est, ac si diceret: Dominus vobiscum tacitè, quum sese vertat ad populū. Quare meminerimus Sacerdotē, se quinquies ad populū conuertere dicēdo Dominus vobiscū, propter quinque apparitiones, quæ fuēre ipso die Paschatis. Et quia vna apparitio fuit non manifesta, quādo apparuit beatę Marię Magdalenę, vt plerique sentiunt, ideo occultè & quasi sub silentio ait Dominus vobiscum tunc, cūm apertè satis dicit: Orate Fratres. Per omnia sæcula sæculorum, id est, per sæcula sibi mutud succedentia. Vel dicuntur sæcula per antonomasiā, sicut Cantica Cantorum.

ticorum. Quæsitum est, cur secretò dicantur orationes, quæ sequuntur post oblationes? Sed nos ideo hoc fieri respōdemus, quòd Iudæi post suscitationem Lazari, statim Iesum voluerunt occidere, qui sese occultauit in ciuitate Ephrē-<sup>1. Io. 11.</sup> in solitudine, & à prædicatione ac miraculorum operatione penitus quieuit & tacuit in sabbatum vsque, quod est ante dominicam in Ramis palmarū, quo venit in domum Simonis leprosi, & apertè prædicauit. Atq; hoc quidem expresse indicat Sacerdotis illa vocis exultatio, qua inquit; Per omnia sæcula sæculorum. Cui subditur Amen. propterea, vt quæ à Sacerdote dicta sint, liquidò cōfirmemus, quia per Christum sæculum creatum est. Amen nanque nomen Dei est. Vnde in Apocalypsi: Ego sum Amē.<sup>Apoc. 3.</sup> testis fidelis. Subiungitur porrò Dominus vobiscum, ac deinde. Sursum corda, quæ scilicet sursum habere debemus ad Dominum in cœlestibus, non in terrenis, vt non quæramus benedictionem Esau, quæ vt caduca ac debilis est, ita in terrenis planè sita est. Idem prorsus nobis manifestè significant Episcopi sandalia, quæ cum superius sint aperta, iis admonemur, vt semper corda habeamus erecta ad Dominum, cumque inferius sint solida, volunt vt habeamus in ter-  

P renis

renis mentem omnino obtusam, quasi non debeamus quærere benedictionem quæ in terrenis est, sed benedictionē Iacob, quæ est in cœlis. Postea sequitur: Gratias agamus Domino Deo nostro. Quia pro omnibus beneficiis, quæ ille in nos benignè contulit, gratias ei merito rependere debemus. Invenitur autē ibi quædam figura ad similitudinem nostrorum Delta, **D** scilicet, vndique clausum, quod in parte præcedenti **U** nostrum complectitur, quod in summitate apertum est, in quorū parte media tractulus per transversum ducitur utramq; in modum crucis partem copulās. Quod quidem non sine causa factum est. Per delta enim circulariter clausum diuinā figuratur natura, quæ nec principium nec finem habuit. Per V exprimitur humana Christi natura, quæ principium in virgine habuit, sed fine carebit. At verò tractulus in medio utramque partem coniungens, crux est, per quā humana sociantur diuinis.

*De præfatione. CAP. XLV.*

**P**Ræfatio dicitur, quasi prælocutio, quæ est ad ministerium præparatio. Notantur enim istic nouem ordines Angelorum, quos ibi præsentēs esse certò credimus. Maiestas quoq; de qua hîc fit mentio, appellata est quasi maior  
stans,

Fortas-  
sis huius  
modi fi-  
gura de-  
picta fu-  
it in li-  
bris ve-  
terum.



stans, vel maior potestas, Sciendum verò est in missa decem esse in vniuersum præfationes, primam de Trinitate, alteram de Natali, tertiam de Epiphania, quartam de Quadragesima siue ieiunio, quintam de Cruce Domini, sextam de Resurrectione, septimam de Ascensione, octauam de Aduentu spiritus sancti, nonam de Apostolis, decimam & vltimam de beata Maria virgine. Post canitur *Vndecl.*  
 ter: Sanctus, Sanctus, Sanctus, quod sum *ma esse*  
 ptum est ex veteri Testamento. Ait enim *potest co*  
 Isaias se vidisse Dominum super solium *munis il*  
 excelsum, & Seraphim clamantia: San- *la de san*  
 ctus, Sanctus, Sanctus. Sed quod sequi- *cta Tri-*  
 tur: Benedictus qui venit in nomine Do- *nitate.*  
 mini, osanna in excelsis, acceptum est ex  
 Euangelio, ita vt, quum illud cantatur, si-  
 gnum crucis fieri debeat. Postremò hinc  
 cantica Angelorum canimus, quia per  
 hoc sacrificium terrena iungi cœlesti-  
 bus non dubitamus, & ideo cum eis in  
 excelsis saluari clamamus.

De Canone. CAP. XLVI.

**D**Einceps verò sequitur Canon, ita  
 enim Græcis dicitur, nobis autem  
 regula, quod per eam regulariter sa-  
 cramenti huius sit confectio. Nuncu-  
 patur etiam actio, quia tunc cum Deo  
 nostra agitur causa. Quamobrem & in  
 festis stantes oramus, in profectis verò

vel ieiunijs prostrati. Sub silentio tribus de causa dicitur. Primò quoniam Deus non oris sed cordis clamorem intendit: vnde & Moyli dixit: Quid clamas ad me? cum tamē ipse taceret. Nihilominus tamen proferimus verba, ne quæ petimus, aut quæ petere debemus, penitus ignorare æstimemur. Secundò ob id submissè Canon dici oportet, ne, si alta voce esset proferendus, longo clamore deficiamus. Vel terciò ob hanc rationem, ne tanti misterij per vsum cotidianum, verba vilescant, & in locis non competentibus passim indiscretè pronuncientur, atque ita tandem extinguantur ac pereant, quemadmodum paulò antè de pastoribus narratum est. Prohibitum enim est per decretum, & sub anathemate datum, vt nullus nisi sacris vestibus, ex libro in altari consecrato, hæc verba proferat. Dicit ergo Sacerdos: Te igitur clementissime Pater, & cæ. Alloquitur Dominum, tanquam præsentem. Incipit autem à litera Tau, T, quæ in modum crucis effecta est. Quoniã per Christi passionem hæc omnia in cruce sunt completa, habentque suam efficaciam. Vnde profectò est, quoddam istic crucifixi imago adpingi debeat. Sequuntur postea multa, vt sunt nomina Apostolorum, Martyrum, Pontificum, Virginum,

num, qui omnes pro Christo nostro se sacrificio exposuerunt. Atque item alia quædam sequuntur, quæ nobis explicare non licet, nisi fortè solis sacerdotibus, & ideo de illis tacebimus. Vnum hoc tamen addemus, nulli hîc concessum esse aliquid vel detrahare vel addere, nisi quandoque nomen illorum, pro quibus specialiter aut nominatim offertur sacrificium.

*De oratione Dominica.*

*CAP. XLVII.*

**N**Vnc dicendū est de oratione Dominica, in qua continentur septem petitiones. Quod autem præmittitur, est quasi beneuolentiæ captatio. Tres priores ad futuram vitam pertinent: Quatuor posteriores quæ sequuntur, ad præsentem. Media autem, ut nonnulli volunt, à communi sumi potest, ita ut ad vtranque referatur, quâ videlicet dicimus: Panem nostrum quotidianum, quem *ἐπιούσιον* Græci, segola Hebraei, nos appellamus aut superessentialē, aut egregium aut etiam familiarem. Sed animaduertere oportet, quum Sacerdos ait Oremus, præceptis, &cæ. nos debere prostratos orare vsque ad finem orationis Dominicæ, si dies fuerint profesti. Si verò festum sit, aut dies Paschalis, certè non prostrati, sed stantes orare debe-

F 3      mus, ac

mus, ac respondere: Sed libera nos à malo, Amen. Quòd autem Dominicā hanc orationem non tacitè aut sub silentio dicat Sacerdos, ratio est, quoniam ex Euangelio petatum est.

*De pace. CAP. XLVIII.*

**P**osteà inquit Sacerdos: Pax Domini sit semper vobiscū, quod spectat ad tertiam partem missæ. Notandum tamen est, quòd tacitè hîc Sacerdotem quandam orationem dicere oporteat, quæ in Ambrosiana Ecclesia apertè pronunciatur. Accepto itaque pacis osculo ab ipsa eucharistia, vt quibusdam placet, vel vt censent alij, ab ipso sepulchro & altari, impartit illud diacono aut subdiacono, vt per eos descendat ad alios. Sed cauendum est, ne ab ipsis viris tradatur mulieribus, ne forsitan lasciuia quippiam in animum aut carnalitatis clanculum subrepat. Agnus Dei ter canitur. Hic est ille verè Agnus declaratus & adumbratus in Paschali, de quo sic habetur in Euangelio: Ecce Agnus Dei, qui tollit peccata mundi. Ter autè ideo canitur, vt eius corpus triforme intelligatur: illud videlicet quod in cœlo est glorificatū: mysticum, quod etiamnum in terra ambulat: & quod in sepulchris vsque ad extremū iudicij examen quiescit. Bis dicitur cum miserere nobis,

nobis, tertio cum dona nobis pacem. In  
cœna verò Domini ter debet dici, cum  
miserere nobis. Sed horum neutrum ad  
iungitur in missa pro defunctis, verum  
ter cum Dona eis requiem. Vbique ob-  
servandum est, vt non continuò, sed in-  
terpolatè ac seiunctim cum oratione in-  
terposita, dicatur. ἀγὼς verò Græcè di-  
citur purus & pius, quia sola piete-  
te vt pura hostia nos redemit. Vel ab a-  
gnosendo, quod sicut agnus solo bala-  
tu matrè cognoscit, ita Christus in pas-  
sione matrem suam cognouerit, ac vir-  
ginem virgini commendauerit. Atque  
hinc quoq; esse potest, quod ter canatur  
Agnus Dei. Quoniam Christus pendēs  
in cruce patrem suum cognouit, ei ad  
mortem vsque obediendo, & eadē cruce  
suffixus agnouit matrem suā, eamq; vir-  
gini commendauit, ac tandem etiā ibi-  
dem humanum genus redimendo agno-  
uit. Quod autē hīc bis repetitur: Mise-  
rere nobis, & tertio variatur per Dona  
nobis pacem, totum illud ex veteri testa-  
mento depromptum est, vbi cum clama-  
rent ad Dominum, dicere soliti erāt: Par-  
ce Domine, parce populo tuo, ad subiū-  
gere tertio: Ne dederis hereditatē tuam  
in opprobrium. Quum igitur dicimus,  
Agnus Dei qui tollis peccata, expresse  
Ioannem Baptistam imitamur, qui ait:



Ecce agnus Dei, ecce qui tollit peccata mundi. Illud certè ignorari non debet olim in primitiva ecclesia singulis diebus, qui canoni missæ intederant, solitos fuisse communicare. Sed postea crescēte multitudine fidelium, fuit institutum ut tantum dominicis diebus communicaretur. Quod etiā pauld post, quū observari non potuit, abiit in desuetudinem, ac tertia subsecuta est institutio, ut saltem ter quoque anno, in Natali, Paschate & Pentecoste omnes Christiani eucharistiam sumerent: Invento tamen triplici remedio, ut singulis nimirum diebus osculum pacis daretur, ac dominicis diebus eulogia, id est, panis benedictus & consecratus, quod in Quadragesima & temporibus abstinentiæ deputatis, saluo ieiunio observari non potuit. Quare tunc huiusmodi fuit primum institutio, ut collecta diceretur super populum sub finem missæ, dicendo: Inclina te capita vestra Deo, quum videlicet minor aliquis Sacerdos celebrat. Sed si Episcopus, inquit: Humiliate vos ad benedictionem.

*De ultima parte Missæ.*

CAP. XLIX.

**V**ltima pars Missæ modò sequitur, quæ dicitur gratiarum actio, atque incipit à communionem. Vocatur autem

autem cōmunio, quasi participatio, quā  
ideo canimus, ut per eam cum sanctis di  
vine gratiæ participes efficiamur. Appel  
latur etiam completio, quoniam per il  
lam missa, ut sic dicā, completur. Tri  
bus verò modis finitur missa, primò per  
Ite missa est in sollemnitatibus, quod est  
quasi abeundi licentia, ac sumptum est  
ab Exodo. Non quidem secundū verba,  
sed iuxta mentem & rei intelligenā,  
quando Israeliticus populus ex Aegy  
pto permissu Pharaonis egressus est. Vel  
etiam quando ē Babylonica captiuita  
te permittente Cyro ad propria re  
gressus est, Deo referens gratias. Sic &  
nos accepta benedictione vltima, ad cœ  
lestem patriam remeare debemus, vbi  
in gratiarum actione semper foeliciter  
viuemus. Dicitur autem Ite missa est,  
quoties cantatur Te Deum laudamus,  
Gloria in excelsis, & Alleluya. Pronun  
ciato Ite missa est, oportet nos respon  
dere: Deo gratias, quæ vox est gratulan  
tis. Secundò verò diebus profectis, dici  
tur Benedicamus Domino, ac petitū est  
ab Apostolo. Tertiò denique in missa  
pro defunctis: Requiescant in pace, quod  
ex sola consuetudine generali natū est.  
Cum ergo dicitur, Ite missa est, debet  
Sacerdos vultum dirigere ad populum,  
quando autem Benedicamus Domino,

vel Requiescant in pace, versus Orientem. Necessè tamen est, ut hæc tria à Sacerdote vel diacono tantum proferantur. Sed in prima missa Natalis Domini, non debet dici: Ite missa est, ne videatur populus licentiam habere redeundi.

*Quibus horis celebretur missa.*

CAP. L.

**T**Ribus horis tantummodò regulariter missa poterit celebrari: tertia nimirum, sexta & nona. Et quidem tertia ideo quòd tum linguis iudæorum sit crucifixus, dum instanter clamarent: Crucifige, crucifige eum, pertuleritque ludibria, maledicta, conuicia, alapas, flagra, insultantium sputus, & coronam spineâ. Sexta verò ob eam causam, quòd tum in crucem actus sit, ac tolerare debuerit clauos rigidissimos & pocula felle tincta, ut sic tandem pro nobis immolaretur. Nona demùm, quia tunc animus exhalauit ac spiritum patri commendauit. Poterit tamen fieri, ut ante primam in Dominicæ resurrectionis memoriam missa celebretur, quod vicarij faciunt, & post primam ante tertiam in eius rei commendatione, quòd Christus inter primam & tertiam traditus fuerit Pontio Pilato Iudæis vociferantibus: crucifige eum, ipso tacente. Cantatur ergo missa diebus festis hora tertia,

tia, profectis sexta, & nona in quadragesima ac alijs diebus ieiuniorum. Nec tamen omnium, quia in sabbatis ieiuniorum quatuor temporum valdè serò celebrari & potest & debet propter sacros ordines: quòd etiam ad sequentem spectet dominicam. In sabbato Paschæ, & Pentecostes serò canitur propter cereæ candelæ, quam cereū nominamus, consecrationem, quod ex eo facilè perpendi aut colligi potest, vbi dicitur: Hæc nox est, atque ex ista oratione: Deus qui hanc sacratissimā noctem, &c. Ipso verò die natalis Domini prima missa cantatur nocte. Potest tamen licitè cantari summo mane, sed tamen prima & tertia prius absolutis. Sic itaque ab illis horis excipitur dies qui Domini natiuitati sacer est, quum noctu prima canatur. Nec id quidem sine causa, vt postea dicemus. Atque etiam sabbatum Paschæ & Pentecostes, quoniam tum temporis expresse dicimus: Hæc nox est, & : Deus qui hanc sacratissimam noctem. Excipiuntur denique dies ieiuniorum propter sacros ordines.

*Quæ missæ quibus diebus debeant celebrari.*

CAP. LI.

**N**Vnc dicendum est quæ missæ quibus diebus debeant celebrari. Fuit enim quoddam tempus, quo dominicū

officium necdum erat ordinatum, ac varia passim hæreses pullulabant. Quo quidem factum est, vt prima feria, ne diuinum officium periret, de Trinitate, secunda de charitate, tertia de sapientia, quarta de spiritu sancto, quinta de angelis, sexta de Cruce, septima de beata Maria virgine cantaretur Sed postea sancitum est vt cessante causa & illud cessaret quod urgente necessitate factum fuerat. Quapropter sanè dominico officio ordinato statutū est, vt prima feria suum peculiare haberet officium de Trinitate, & secunda de angelis, quòd tum creati in bonis gratuitis fuerint, ac lux diuisa à tenebris, hoc est, boni angeli à malis. Nam eo tempore mali cecidère, & boni fuerunt confirmati. Sed prima feria fuerunt angeli creati & in bonis naturalibus constituti. Cantatur autem alia de causa pro defunctis, vt nimirum ijs adhibeamus suffragium angelorum. Eodem quoque die missa pro defunctis celebratur, quoniam, vt plerique aiunt, feria prima refrigerium habent ii, qui sunt in purgatorio, statimq; altero die post ad pœnas solitas & ad laborem redeunt, ita vt eo die, quo eorum laboribus aliquo modo subueniatur, missa pro illis cantetur. Tertia autem feria oportet repeti introitum missæ diei dominici. Pre

ei. Præterea institutum quoque fuit, ut quarta feria ieiunaretur, ideoque dominici diei missa tum caneretur. Sed & quinta feria similiter dicere conuenit officium diei dominicę, videlicet Introitum, Epistolam atque Euangelium, quoddies Iouis maximè cognata sit diei dominicę. Eiusmodi enim die fieri solebat processio in memoriam Ascensionis Domini, quę postea in diem dominicam, ut supra dictum est, fuit translata. Porro autem sexta feria agitur de Cruce, & septima de beata Maria virgine, quodd non temerè ita constitutum accepimus: Miraculosum enim habet initium. Nam quum olim Constantinopoli in quadam Ecclesia imago beatę virginis habebatur ante quam velum quoddam dependebat, quo tota ea cooperiebatur, contingit ut sexta semper feria velum hoc à vesperis ab imagine, nullo mouente decideret, & diuino miraculo quasi deferretur in cælum, ita ut iam plenè ac perfectè ab omnibus conspici posset, ac deinde rursus in sabbato vesperis absolutis ad eandem imaginem descenderet ibiq; permaneret vsque in proximū diem Veneris. Hoc ergo miraculo sæpius visò sancitum est, ut semper illo die de beata Maria in ecclesia caneretur. Potest tamen & aliam habere ra-

*De conse-  
dit. i. c.  
tribus.*

tionem, cur sabbato die officium cante-  
tur de beata Maria. Nam cum ipsa no-  
bis sit porta regni cœlorum, quod per  
diem dominicam commodissimè figu-  
ratur, certè ideo de illa solennizamus eo  
die, qui dominicam proximè, præcedit.  
Hactenus igitur officium missæ expli-  
cuisse satis sit, si intellexerimus neminè  
debere vno eodemque die duas celebra-  
re missas cum vno sacrificio vel cum duo-  
bus, sed vnam cum sacrificio, & aliam  
siccam. Quare huic rei finè imponemus,  
si duas adhuc quæstiones paucis enoda-  
uerim, quarum vna est, an, si Sacerdos an-  
te vespertas comedat, nec postea possit  
dormire, die postero debeat aut possit  
missam celebrare? Nam ipsum non de-  
bere apertè respondemus. Sic altera est,  
possitne celebrare secundam missam in  
eo casu, quo in præcedenti, dum manus  
ablueret, aliquantulum aquæ degusta-  
uit? Certè enim & illud vetitum esse  
sciendum est. Nunc ergo ad alia.

*De vespertis. CAP. LII.*

**I**N vespertis à nobis cantantur quinque  
Psalmi, qui sumus imperfecti, propter  
quinq; sensus, vt videlicet quod p quin-  
que sensus corporeos commissum est,  
per quinque psalmorum cantionem pe-  
nitentia demittatur. Hinc notandum est  
nos eadem ratione quinque digitis pe-  
ctus

Aus tondere, qua quinque canimus psalmos. Monachi verò in quo se perfectiores esse ostendunt, tantum quatuor dicunt. Quicquid enim quadratum est in quamcunq; partem vertatur, manet semper idem; firmum ac solidum. Ad eundem sanè modum perfectus, quocunq; loco aut quocunque tempore, semper idem atque immobilis permanet. Finitis psalmis parua sequitur lectio sine Iube Domine, & sine Tu autem Domine, hoc est, capitulum, ac deinde Responsorium. vel eius loco, versus, tùm hymnus & antiphona, ac deinceps Magnificat. Plerunq; tamen hymnus beatæ Mariæ videlicet Magnificat, loco hymni ponitur, vt præterea nullus alius canatur. Sequitur tandem collecta, quâ orationem diximus. Volumus autem, vt huc vsque à nobis factum est, consuetis & ecclesiasticis, vt qui officia tradamus ecclesiastica, deinceps vti vocabulis. Sciendum ergo est, quod de eodem die, eodemque festo parua debeat cantari lectio. Verbi gratia: Si de precedenti dominica vnum, & reliquū: si de sequenti vnum, & reliquum. Animaduertendum præterea est, quod, quandò fuerit solennitas nouem lectionum, illius vespere tota debent celebrari, vt in festo beati Stephani & beati Ioannis Euangelistæ.

Post



Post vesp̄as necessariò dicitur collecta de sancto, cuius est festum sequens, vel antiphona cum Magnificat. Vnum tamen excipitur, festũ videlicet sancti Syluestri quod etiamsi nouẽ habeat lectiões eius tamen vesp̄e sunt festi sequentis.

*Quot psalmi cantantur in completorio.*

CAP. LIII.

**Q**uatuor psalmi cantantur in completorio ad significandam perfectionem. Tum enim quodammodo ostendimus peccata, quę per quinquę sensus corporeos perniciosissimos satellites admiserimus, iam esse quinquę psalmis præcedentibus remissa. Alia ratio est, quòd Diabolus semper nostro insidietur calcaneo, ita vt postea nec loqui cū aliis debeamus, nec aliud dicere nisi orationes. Quod monachi diligenter obseruant, qui postea non bibunt. Putat enim Diabolus se vicisse, si tunc vicerit. Quare vt breuiter quę hĩc restare videntur, percurramus, post psalmos sequitur capitulum & versus, & deinde hymnus eoq̃ue finito, antiphona ac Nunc dimittis. Postea verò dominica legitur oratio, ac fidei nostrę symbolum, quibus posteaquam nos collectã annexuimus, statim subiungi oportet Benedicamus. Atque hoc quidem in vesp̄is vt à puero canatur omnino consentaneum est.

vt per

vt per hoc demonstreretur nos esse pue-  
ros, nimirum ad laudes Deo referendas.

*Quomodo finiendæ sint orationes.*

CAP. LIIII.

**V**T autem euidens habeatur & ple-  
na cognitio quemadmodum ora-  
tiones, quas collectas vocamus, sint ter-  
minandæ, prius nosse oportet, quodd in  
eis sermo interdum ad patrem dirigitur,  
interdum ad filium, interdum ad spiri-  
tum sanctum, & interdum etiam ad to-  
tam trinitatem. Quando ad patrem, rur-  
sus considerandum est, num ita ad eum  
sermo sit institutus, vt fiat mentio ad  
patrē de filio vel spiritu sancto, an verò  
non. Et quidem si in oratione, quæ diri-  
gitur ad patrem, fiat mentio filij, mul-  
tum interest scire, illāne fiat ante partē  
finalem, an in ipso fine. Quæ idē dixi-  
mus, quodd secundum has diuersitates,  
diuersimodē orationis finis existat. Si  
ergo dirigatur sermo omnino ad patrem  
absque mentione filij & spiritus sancti  
finietur hoc modo: Per Dominum no-  
strum Iesum Christum filium tuum,  
qui viuit & regnat in vnitāte spiritus  
sancti Deus, per omnia sæcula sæculo-  
rum, Amen. Si de spiritu sancto mentio  
ibi fiat, dices: in vnitāte eiusdem spiri-  
tus sancti Deus, cæteris remanentibus.  
Si verò fiat mentio filij ante finalem  
partem

partem dicetur: Per eundem Dominum,  
 &c. vt *suprà*. Si contrà in ipso fine, dice-  
 mus tantùm: Qui tecum viuit & regnat,  
 &c. Quemadmodum videri potest in  
 hac collecta beati Stephani: Omnipotens  
 sempiternæ Deus, qui primitias mar-  
 tyrum in beati Leuitæ Stephani sangui-  
 ne dedicasti, tribue quæsumus vt ipse  
 pro nobis perpetuus intercessor, existat,  
 qui pro suis etiam persecutoribus exor-  
 rauit Dominum nostrum Iesum Chri-  
 stum, qui tecum viuit & regnat in vni-  
 tate spiritus sancti Deus, per omnia sæ-  
 cula sæculorum, Amen. Si ad filium ora-  
 tio instituat, vt in hac: Excita Domi-  
 ne potentiam tuam & veni: ac in alijs  
 de Aduentu Domini, finietur hoc pa-  
 cto: Qui viuis & regnas cum Deo pa-  
 tre, &c. Si autem ad Spiritum sanctum,  
 dicemus sic: Qui cum patre & filio vi-  
 uis & regnas vnus Deus, &c. Et ad Tri-  
 nitatem ita: Qui in Trinitate perfecta  
 viuis & regnas, &c. At verò in exorcis-  
 mis, & quæ fiunt ad pueros efficiendos  
 cathecumenos, ac fontes consecrandos,  
 quandoque fit aqua benedicta, & in id ge-  
 nus multis alijs, dicetur sanè hoc mo-  
 do: Per eum qui venturus est iudicare  
 viuos & mortuos, & sæculum per ignem.  
 Hoc autem ideo fit, quia nulla vox ita ter-  
 ret Diabolum, atque hæc: Qui venturus  
 est

t, &c. vsque adeò vt statim fugere co-  
atur, simulatq; vocē hanc audierit. Ma-  
ximè enim præter cætera iudicium ignis  
extimescit, quòd certus sit se post diem  
iudicij æterno igne punitum iri. Quare  
et eandem etiam causam voluit D. Gil-  
bertus, vt simili modo finirentur ora-  
tiones in officio mortuorum. Verùm ei  
contradici vulgare nostrum Collectari-  
um, affirmans dici oportere: Per Domi-  
num nostrum, &c.

*De diuersitatibus officiorum.*

C A P. LV.

Am ergo dictum est hætenus de Ec-  
clesiasticis officijs generaliter, ita vt  
reliquum modò sit, eorundem explica-  
tionem latius per totius anni circulum  
aggredi. Nam pro temporum varietate  
res variantur officia. Sed operæ precium  
me facturum existimo, si, priusquam ad  
resam expositionem veniam, distinctio  
quatuor temporum præmittatur. Vt  
ergo solaris noster annus quatuor tem-  
porum potissimum successione dilabi-  
tur, scilicet Hyemis, in qua semina iaciū-  
tur, Veris, in quo semina prodeunt, æ-  
statis in qua ad messē albescent, &  
palce succiduntur, Autumni, in quo per  
ventilationem grana à se mutuo sepa-  
rantur, & in horrea reponuntur, paleæ  
autem comburuntur: Ita quoque ma-  
gnus

gnus vitæ præsentis annus durans ab initio vsque ad finē sæculi, quatuor temporū varietate mensurantur. Fuit enim tempus quoddam deuiationis in humano genere, ab Adamo videlicet vsque ad Moysen, quo declinauerunt homines à cultu diuino ad idolatriam. Tunc enim homo reliquit Dominum suum creatorem, ac lapidibus & manuum suarum operibus dixit: Tu es Deus meus. Hoc tēpus haud malè conuenit nocti & hyemi. Quia sicut nox aut hyems nihil lucis habet, nisi contingenter & ex accidenti, vt ex igne vel candela: Sic tempus istud planè erat cæcitatē & ignorantia. Alterum item tempus fuit reuocationis, nimirum à Moysē vsque ad natiuitatē Christi, quo edocti fuere homines per leges & Prophetas de aduentu Christi, de euitatione peccati, & vnus Dei dilectione. Tum dixit Deus Israeli: Audi Israhel, Deus tuus Deus vnus est, illum solum adorabis, & illi soli seruiēs. Tertium verò tempus fuit regressionis, siue reconciliationis vel iustificationis, quod fuit à natiuitate Domini vsque ad Ascensionem eiusdem, per quē facta est gratia hominibus, & prædicatio Euangelij. Quartum denique tempus est peregrinationis, quod ab Ascensione Domini fuit, & duraturū est vsque ad fi-

ad finem iudicij, ubi erit consummatio  
seculi. Hæc eadem tempora solent alijs  
nominibus appellari. Tempus enim de-  
viationis dictum est tempus culpæ &  
pœnæ. Nam propter deviationem ho-  
mo subiectus est culpæ, & propter cul-  
pam pœnæ. Tempus reuocationis nun-  
cupatum est tempus doctrinæ & pro-  
phetiæ. Et quidem doctrinæ, propter De-  
alogum, per quem Deus humanum  
genus docuit, inquiens: Audi Israhel, *Deut. 6.*  
Deus tuus Deus vnus est: Prophetiæ ve-  
ro, quoniam tū huiusmodi salutare acce-  
dimus vaticinium: Ecce virgo concipiet, *Isa. 7.*  
Tempus proinde reconciliationis appel-  
latur gaudij & læticiæ, ac denique pere-  
grinationis, tempus lectus & pugnæ.  
Inde profectò necessarium est, vt pug-  
nemus aduersus carnem nostram, mun-  
dum atque aërias potestates. Maximè  
erò contra carnem, vtpote quod mul-  
to nobis cum illa sit familiaritas, ac nul-  
lit pestis sæuior, quàm hostem habe-  
re domesticum. Prætereâ tempora hæc  
possunt considerari secundum principa-  
les partes diei, vt sunt nox, quæ ad tem-  
pus spectat deviationis, mane ad tem-  
pus reuocationis, meridies ad tempus  
reconciliationis vel regressions, vespere  
ad tempus peregrinationis. Atque  
eorum quodque proprium modò per-  
pende

pende epitheton, ut: Nox est obscura, & qui à veri Dei cultu aberrabant, erant cæci. Eleganter sanè quâdripartita hæc temporum diuisio in homine notari potest. Ante siquidem baptismum nascitur homo & fit filius iræ: in baptismo renascitur, ac fit filius gratiæ: dehinc bene operatur, & Iustitiæ efficitur proles, quum feruore quodam charitatis Deum diligit imprimis, & proximum: tandem cum Christo simul regnabit per mortem transiens ad vitam æternam, factus modò hæres æternitatis, & gloriæ. Atque in qualibet præmissarum partium expositione possunt intelligi Hyems, Ver, Aestas & Autumnus. Eadè quoque tempora designantur per quatuor principales Christi actiones, quæ sunt huiusmodi: Natiuitas, passio, resurrectio, aduentus ad iudicium, cum omnium horum appendicibus: Aded hæc humano generi conueniunt. Christi igitur vita, nostra est doctrina: Christi actio, nostra est lectio: vniuersa denique Christi conuersatio, nostra est instructio: Dixi autem cum suis appendicibus quia ad natiuitatem pertinent circumcisio, apparitio, baptismus, purificatio: Ad passionem referuntur ieiunium, tentatio: Ad resurrectionem, in cælum ascensio, & sancti spiritus missio: Ad aduentum

entum tandem iudicij spectant transfigurationis & miraculorum operatio. Effigies enim fuit, ac plus potuit, post mortem, quam ante transfigurationem quod tunc demum nobis ostendit quidimus futuri. Passio comparatur Hyemi. Natiuitas Veri, Resurrectio Aestati, iudiciū Autumno, quando sedebit vetustus de dierum tenens ventilabrum in manu sua, & percutiet aream suam &c. Item rursus Christi natiuitas comparatur & concordat tempori reuocationis propter Prophetas, qui eam multis modis prædixerunt: passio tempori denudationis: resurrectio tempori regressionis propter latitiam: aduentus iudicij tempori peregrinationis. quia huiusmodi tempus durabit vsque ad extremum iudicij. Vnde Propheta: Ego migrabo & peregrinabor, sicut omnes patres mei. Hæc ergo tempora magni istius antequam considerans ecclesia, in seruitium Dei transformauit, pro qualitate eorum & varietate singulis annis laudabili vtens officiorum diuersitate. Sed cum ita faciat ecclesia, maluit incipere à tempore reuocationis, quam à tempore denudationis. Quare incipit: Ad te leuaui animam meam aspiciens à longe, &c. Quandoquidem nos etiam nunc quasi per speculū cancellos aspicimus, Et durat vsque ad na-

Mat. 3.

ad na-



ad natiuitatem Domini. Toto igitur tempore aduentuū vsque ad natale Domini ecclesia reminiscitur temporis reuocationis, quæ facta est per legem & Prophetas malagma vulneri apponens. Atque ideo tunc legit Isaiam, qui quum incurabile vulnus vidisset, dixit: Omne caput languidum est, & omne cor mœrens, &c. Et rursus: Non est malagma apponere, &c. Malagma autem est genus emplastri, quod epithema appellatum est. Tum ergo inchoatur graduale: Ad te leuauī. Ac si diceret: Tempore deuiationis homines leuabant manus & corda ad opus manuum suarum, atque aiebant lapidi & ligno: Tu es Deus meus. Ego verò ad te leuauī animam meam Deus meus, &c. Atq; ita sanè à tempore reuocationis militiae suæ auspiciatur officia, non à tempore deuiationis, ne videatur incipere ab errore. Bene itaque rem ipsam obseruat, sed ordinem non sequitur, quod frequenter etiam faciunt Euangelistæ. Quare si bonam querat valetudinem, optetque quàm optimè curari, omninò fuit necessarium, vt à Medicis inciperet.

*De cæteris temporibus.*

CAP. LVI.

**T**Empore verò septuagesimæ, quæ est à dominica, vulgò appellata. Circun-

circundederunt me, usque ad octauam  
Paschæ, recolit Ecclesia tempus deuia-  
tionis. Vnde est, quod tum legitur liber  
Geneseos usque ad Regum, vbi de ex-  
fū agitur primorum parentū, & mul-  
rum aliorum, qui omnes cataclisma-  
aut diluuiο sunt submersi. Breuiter  
go tum temporis Ecclesia orat, flectit  
inua, ac ieiunat. Tempore autem Pa-  
chali, quod est Pascha, vel potius ab o-  
auis Paschæ, usque ad octauas Pente-  
stes, tempus gaudij meminit & recon-  
iationis; quippe in quo legatur Apo-  
lypsis, vbi fit mentio de noua ciuitate  
Ierusalem, & Epistolæ canonice cum  
tibus Apostolorum. Hinc pauca sibi  
Ecclesia indicit. Non ieiunat, a genu fle-  
one cessat, albis utitur vestibus, ter-  
rio numero psalmorum & lectionum  
ntenta est, cum tribus Responsoris ac  
idem versiculis. Ab octauis demū  
ntecostes usque ad Aduentum Domi-  
recolit tēpus peregrinationis. In hoc  
nobis perpetua pugna & lucta ad-  
rsus tres, vt dictum est, infestissimos  
stes, mundū videlicet, carnem & Dia-  
lum: Mundus est hostis sophisticus,  
o hostis domesticus, diabolus hostis  
tiquus. Nullus tamen istorum hostis  
efficacior ad nocendum, quā inimi-  
noster familiaris, scilicet caro, quā

fouemus indumentis, & reficimus alimentis, cui tanquam iumento tria debentur: *cibus ne deficiat, onus vt mansuescat, virga vt non indirectè sed directè incedat.* Propter huiusmodi pugnam significandam, legit tunc ecclesia librum Regum, in quo agitur de pugna. Et quia in pugna maximè opus est sapientia, ideo continuatur liber Salomonis. Sed quoniam cum pugna nihil tantopere habere debeamus, atque patientiam, appositè profectò Iobi liber subiungitur. Deinde porrò & Thobiæ liber sequitur propter singularem misericordiam, quã in hoc certamine requirimus. Cui deinceps quoque subiungimus librum Iudith, Ruth, Hester, propter fortitudinẽ, iustitiam & temperatiam. Verum enim uerò quum adhuc frequens sit lucta, necessariò annectitur liber Machabæorum, in quo crebra est aduersus superbiam conflictatio. Nam deuictis omnibus vitijs, restat etiam vincenda superbia. Roget ergo modò aliquis, sub quo illorũ temporum contineatur illud, quod est à Natali Domini vsque ad Septuagesimam? Verùm facile istiusmodi quæstioni occurremus. Nam & ei non ineleganter per quosdam satisfactum esse accepimus. Eius itaque pars vna continetur sub tempore regressions, quod est tẽpus gaudij,

gaudij, vt dictum est, à Natali vsque ad octauam Epiphaniæ. Vnde in quibusdam Ecclesijs albis tam diu vtuntur vestimentis, sicut tẽpore Paschali, & neque ieiunatur, neque flectuntur genua. Pars verò altera, quæ est ab octaua Epiphaniæ vsque ad Septuagesimam, complectitur sub tempore peregrinationis, & leguntur duodecim Epistolæ Pauli, ubi agitur de labore eius, quem luctando ac pugnando pertulit. Nec verò, quando ipso die Natiuitatis Domini Isaias regi soleat, credas diem illum pertinere ad tempus reuocationis. Fit enim hoc sua consideratione, & ante Euangelium in nocturnis & ante epistolam in missa, quod videlicet velut basis columnę supponatur, vt per vtrunque testamentum Natiuitatis Christi perhibeatur.

*Quis ordinauerit officia ecclesiastica,  
de quibusdam diebus.*

*CAP. LVII.*

**H**Aec autem Ecclesiastica officia, vt dictum est, instituit beatus Hieronymus rogatu Damasi Papæ, & quæcumque etiam alia ex veteri & nouo testamento leguntur in ecclesia. Gregorius amen quosdam cantus apposuit, Gelasius quosdã Hymnos, & alij alia. Tempore siquidem Theodosij Imperatoris ordinate psallebant, qui rogauit Da-

G A

masum

masum Papam, vt curaret sapienter ordinare officium ecclesiasticū. Quod diligenter ille effecit, vt supra diximus. Sūt autem in prædictis temporibus dies quidam duplices, vtpote siquando duo simul festa concurrant, in quibus illud obseruandum est, quod in morali philosophia dici solet. Cede maiori, & locū da melioribus. Hoc est, vt excellentius celebretur officium, ac duntaxat de minori fiat commemoratio ipso die, & suū officium reseruetur in crastinum, vt de Petro & Paulo in quibusdam ecclesijs diebus dominicis. Nam primò quidem celebratur de Petro, quòd Princeps fuerit Apostolorum: sequenti verò die de Paulo. Sic de quibusdam alijs in diebus dominicis, ita vt dominica debeat quiescere, ac postea in hebdomada peragi. Quē admodum sanè factum videmus in testamento veteri. Cū enim Salomon templum dedicasset duodecimo die mensis, quo occurrebat scenophegia, celebravit dedicationem templi septem diebus continuis, & post dedicationem distulit scenophegiam. Sunt prætereà in supra dictis temporibus quædam principales dominicæ quibus cætera cedunt festa præter Pascha & Pentecosten, quæ propter resurrectionem & sancti spiritus missionem sunt alijs longè superiores.

res. Atque earum quidem aliqua: vt sunt præstantiores & solenniores, ita in ijs mutantur officia, cuiusmodi sunt dominica in principio Aduetus, & Septuagesima, ac illa quæ est in octaua Paschæ. Aliqua: verò non sunt ita præstantes, quales duæ hæ sunt videlicet: quam vulgari nomine appellamus Latere Hierusalem, & Dominica in Ramis Palmarum. Nam si contingat dies Annunciationis in Ramis Palmarum, aut ipso die Resurrectionis, de eo penitus tacebitur, ac die sabbato, qui præcedit dominicā, quā in Ramis Palmarū vocatā diximus, vniuersum Annunciationis fiet mysterium. Ipsum enim sabbatum ius suum maiori faciliè cedit. Ad eundem sanè modum si eueniat, vt in ipsa Domini Passionis sit festum dedicationis, certè omnino iure eius mysterium celebrabitur in hebdomada sequenti, vt in Ascensione, si idem festum fuerit. Necesse enim est, vt in aliud tempus differatur.

*Quomodo officia ecclesiastica fieri debeant, & qui sint eorum libri.*

## CAP. LVIII.

**V**T igitur ab Aduentu incipiamus, atq; ita de ecclesiasticis officijs per totius anni circulum tractare pergamus, duo in vniuersum nobis sunt diligenter in ijs præcauenda, ne videlicet

coactè fiant & indiscretè. Coacta esse non debent iuxta Prophetam, qui ait: Voluntariè sacrificabo tibi, &c. Sic Obal qui & Beseleel appellatus est, dicitur spontaneè ædificasse templum Domino. Quanquam verò sint, qui putant duos fuisse Obal & Beseleel, & vtrunq; spontaneum in tempore. Indiscretè prohibetur esse, quia immundum est pecus, quod ruminat, & nō findit vngulā. Fissio autem vngulæ accipitur pro discretione. Qui ergo spontanea sacrificia facit & discreta, eum diligit Dominus. Hinc statutum est à sanctis maioribus, quemadmodum Deo seruiremus discretè. Statuerunt enim in vnaquaque hora lectionem. Verbi gratia: In Matutinis & in Missa instituerunt Epistolas & Evangelia, in alijs horis paruas lectiones, quæ dicuntur Capitula. Sed quoniam in lectione & cantu vniuersum ferè versetur officium Ecclesiasticum, operæ precium est scire quinque esse libros lectionum in Ecclesia, ac tres cantus, scilicet Graduarium, Antiphonariū, & Trophonarium. Antiphonarius à digniori nomen sumpsit, hoc est, ab Antiphonis, cū & in eodem libro contineantur Responsa & Versus. Legitur enim in tripartita historia Ignatius Patriarcha Antiochenus adiuisse Angelos cantantes Antiphonas in mon-

monte, qui exinde quasdam Antiphonas in Ecclesia cantari instituit, & psalmos iuxta Antiphonas tonizari. Vnde etiam Antiphonæ sunt appellatæ respectu psalmodiæ, sicut responsum, historiæ. Et cum antea confuse & quasi in chorea cantarentur Psalmi & Antiphonæ, statutum est à maioribus vt scorsim chorus sederet, & alternatim caneret, id est, vt vna pars chori vnū Psalmi versus caneret, atque alia alium. Incipit ergo Antiphonarius hoc modo: Aspiciens à longè. Tametsi verò non sit Gregorianum, hoc est, à Gregorio compositum, sed solummodò ab alio quodam monacho appositum. Quamobrem quidem non deberet meritò procedere ea, quæ Gregorius composuit. Vsu tamen receptum est, vt ab omni Ecclesia diceretur. Nec facilè profectò est, quæ longo vsu inoleuerint emendare aut mutare. Cætera verò sunt sancti Gregorij.

*Dereliquis libris. CAP. LIX.*

**S**ecundus liber est Graduaris, ita à gradibus appellatus, eò quòd diebus festis in gradus ascendi debeat atq; istis cantari in ambone. Dicitur autem ambonis ab ambio ambis, eò quòd locus ille ambitur gradibus vel ab ambo ambæ ambo, quòd nimirum duæ sint viæ isthic, hoc est, in pulpito, quod situm est



Mat. 2.

ante eum locum, ubi recitatur Euangelium. Oportet itaque sint ibi duo paria graduum, vnum à sinistris, quo fiat ascensus: alterum à dextris, quo descensus fiat, iuxta illud: Per aliam viam regressi sunt in regionem suam. Diebus autem profectis canitur in medio chori ante gradus altaris: Eius libri principium est: Ad te leuavi. Tertius liber dicitur Trophonarius, à Græco nomine τροπός, quod est conuersio. Nam à fine regredimur ad principium cātus, vnde & trōphium zona nominatur, quodd ab vno latere vertatur in aliud, circūeundo vsque ad umbilicum. Est autem Trophonarius liber, in quo continentur ij cantus, qui cū introitu missæ cantari solent, & maximè quidem à Monachis, cuiusmodi sunt tropi, Sequentiæ, Kyrieleyson, & Neumę. Tropi dicuntur, quia prius canitur versus, ac postea eleyson: & iterum versus, & eleyson deinde. Hic etiam notandum, quodd semel diximus, neumam fœminei generis absque p, accipi pro iubilo: Pro spiritu autem sancto dicitur Græcè hoc pneuma, pneumatis, Hebraicè ruath, Latinè spiritus. Vnde quidem in Prosa: Descendet in te sanctum pneuma. Postremò trophonarius non habet certum principium, quodd ad placitū canatur. Nemo enim tenetur potius hoc  
vel

vel illud Kyrieleyson in aliquo festo dicere, quàm aliud. Contra verò Antiphonarius certum habet initium, nimirum hoc: Aspiciens à longè: quemadmodum Graduarius principium est: Ad te leuauit. Ab Aduentu enim incipit ecclesia.

*-De quinque libris lectionum.*

CAP. LX.

**N**Vnc de quinque libris lectionum videamus. Et primus quidem est bibliotheca à βιβλος quod liber est, & βιβλίη positio. In eo enim totum continetur vtrunquē testamentum. Atque hinc propter excellentiam, tanquam si dignior & maior esset, solus omnium librorum materiæ nomen retinuit. Fiebant enim omnes libri ex biblo: Vnde bibliopolæ venditores librorum appellantur. Vel rectius ideo liber hic dictus est bibliotheca, quodd instar cuiusdant bibliothecæ multos & varios libros cōplectatur. Secundus verò liber est passionarius, qui tamen plures sunt. Tertius est legendarius, quartus homeliarius, quintus denique sermologus, siue liber sermonum. Redeamus igitur ad primū, & singulos paulò accuratius examinemus. Bibliotheca vox est ambigua & homonyma siue, vt nunc loquuntur, æquiuoca. Vno nanque nomine & locū ubi libri reponuntur, nempe armarium

significat, & volumen aliquod magnum compactum ex omnibus libris noui & veteris testamenti. Sūnt autem viginti duo volumina veteris Testamenti, quæ ibi continentur, & octo noui, scilicet Euangelistæ quatuor, Epistolæ Pauli, Apocalypsis, Epistolæ canonicæ, & Actus Apostolorum. Volumina veteris Testamenti sunt quinque libri Moyfis, videlicet pētateuchus, qui propriè apud Iudæos dicitur thoral, id est, lex, vel libri legis, super quos iurant illi, vt nos super Euangelia tanquam sanctoria in nouo Testamento. Sunt præterea, qui hoc pacto enumerantur: Iosue scilicet, Iudicum cuius extrema pericope pars est libri, Ruth, Samuel, Malachim, quæ duo volumina vnum reputamus, videlicet Regum, quod tamen quatuor habeat partitiones vel distinctiones: Postea in vno volumine sequuntur alij quatuor: Isaias, Hieremias, Ezechiel & Dauid. Sub vno volumine comprehenduntur duodecim prophetæ minores propter nimiam breuitatem. Nouem quæ deinceps sequuntur reputantur hagiographa, ita tamen vt sint autentica, nimirum liber psalmorum, liber Iobi, tres libri Salomonis scilicet parabolæ, siue mauiis dicere prouerbia, Ecclesiastes, & cantica canticorum: liber paralippomenon, Iudith

dith & Hester. Quatuor tandem enumerant apocrip̃ha, librũ videlicet Thobia, Machabæorũ, Philonis, cuius principium est: Diligite iusticiam, & Iesu filij Sirach, qui sic incipit: Omnis sapientia à Domino, &c. appellaturque etiam ecclesiasticus. Verũm hos quatuor quidam non recipiunt, Ecclesia tamen eos approbat, quod argumentum ferè habeant librorum Salomonis, etiam si eorum autores pro certo ac verè nō sciat. Alios duos credimus Esdram composuisse, qui totam bibliothecam veteris Testamenti restituit, cū à Babylonijs esset combusta. Nos itaq; bibliothecam nostram, scilicet vetus & nouũ Testamentum diuersis temporibus legimus iuxta varias historias singulis mensibus vt sic tandem cum totius anni circulo vniuersa absoluat. Vnde equidem non ignoro, quin illud in Aduentu Domini primò sit assignandum & declarandum, sed facilius & dilucidius apparebit si ab alio tempore incipiat assignatio.

*Quid legi debeat in Septuagesima.*

CAP. LXI.

**I**N septuagesima ergo legimus totum pentateuchum, quoad dies isti sint, videlicet quindecim ante pascha. Atq; ita quatuor omninò cantantur historiae, nimirum ex libris Geneseos, & quartus

de exodo. Primus liber Moyses est Gene-  
fis, in quo agitur de origine mundi: se-  
cundus Exodus, in quo de exitu agitur  
populi Israhelitici ex Aegypto: tertius le-  
uiticus: quartus est Numeri, quintus Deu-  
teronomius, hoc est, lex altera, cuius ve-  
lut quandam tradit anacephaleosin si-  
ue recapitulationem. Per illos autem  
dies quindecim vsque ad Pascha legitur  
Hieremias & liber Baruch notarij eius,  
vt quidam testantur, sub eodem volu-  
mine. Et quidem Hieremię Threni siue  
lamentationes recitantur per triduum  
illud ante Pascha, quod appellamus te-  
nebras. Dicuntur autē Threni, eo quòd  
tripliciter exponātur à Paschasio, scilicet  
historicè, allegoricè, & tropologicè. Vel  
à monte Trenaro, vbi primò audite sunt  
animarum lamentationes. Vel ideo eti-  
am Threni appellati sunt, quòd in ijs  
post tertium quemque versum litera sit  
alphabeti. Scriptum enim est opus illud  
quadruplici alphabeto, hoc est, in eo  
quater ipsum alphabetum de integro  
repetitur. Vel denique, quod verius esse  
puto, hæ lectiones propterea dictæ sunt  
Threni, quòd lamentationes contine-  
ant. Apud Græcos nanque θρήνος plan-  
ctus est. Sic itaque historia, quæ quin-  
decim illis diebus narratur, sumpta est  
partim ex libro Hieremię, partim ex  
passione

passione Domini in Euangelio. Nunc transeamus ad octauam Pentecostes, vt ordinem veteris Testamenti simili ratione persequamur.

*Quid legi debeat ab octaua Pentecostes  
vsque ad natale Domini.*

## CAP. LXII.

**T**Vnc ergo vsque ad Calendas Augusti legitur Samuel, Malachim, id est, liber Regum, & Paralippomenon cum historia: Deus omnium. Solet tamē in octaua Pentecostes cantari & legi de Trinitate, quantumuis Alexander papa interrogatus an etiam fieri debeat, dixerit se nescire diem peculiarem de Trinitate, nec de vnitate. Sed officium eius præcipuè propter hæreticos institutum fuisse credimus. Quare hîc vsq; ad Calendas Augusti meminerimus quòd paulò antè cauendum esse præcepimus. Si enim festum erit die dominica, securè mutabimus historiam. Similiter si secunda feria, si tertia, si quarta Calendæ fuerint mensis Augusti, præcedenti dominica historiam liberè mutabimus. Si verò quinta, sexta aut septima, idem facere poterimus dominica sequenti. Atque hanc tanquàm generalem habemus regulam. Quod si denique mensis Calendæ fuerint die profesto, illa dominica mutabimus historiam, quæ Calendis

G 7

sit proxi-

fit proximior, siue ea præcedat, siue subsequatur. A Calendis igitur Augusti usque ad Septembrem leguntur tres libri Salomonis, & duo sapientiæ, qui sunt apocriphi, ita ut media pars cantici canticorum reseruetur usque ad natiuitatem beatæ Mariæ in Septembri, atque altera legatur in eiusdem Assumptione. Nam sermones qui ibi sunt, ut: Cogitis me ô Paula & Eustochium, &: Approbatæ consuetudinis est, &c. Potius in Triclinio, seu refectorio legi debent. Tunc cantatur historia: In principio Deus, antequam terra, &c. quod ad recreationem pertinet. Nam istud aliud In principio, quod est in sexagesima, spectat ad creationem. Proinde à Calēdis Septembris legitur Iobus per quindecim dies, & per quindecim alios dies Thobias, Esdras, Iudith, & Hester cū historia: Peto Domine. In Octobri legitur liber Machabæorum cum historia: ô Adonay Domine Deus, &: Adaperiat Dominns. In nouēbri Ezechiel, Daniel, duodecim prophete, cum historia: Vidi Dominum. Deniq; in Decembri Isaias totus usque ad natalē Domini, nisi quod trāsire debeat idē lector id quod ipso natali legitur, ut Populus gētium: Cōsolamini: Cōsurge, & quod recitatur in Epiphania, ut: Surge illuminare Hierusalē. Hæc nāq; pertinent

tinent ad Christū iam natū: Cetera verò quæ in Aduentu legūtur ad Christū nasciturum. Atque hinc est, quod illa oporteat prætermitti vsque ad natale, quoniā tunc noua audiri debēt. In ieiunijs tamē quatuor temporū, quæ sunt in Aduentu, & in vigilia natiuitatis Domini nihil Isaia legitur, quoniā proprias habēt lectiones, & propria officia. Vnde & alia ieiunia ab his tanquam magis solēnibus officia petere soleant. Quare autem hæc habent & non illa, ratio est, quòd olim pontifex Romanus hisce ieiunijs ordines conferre consuevit. Sed si festū Thomæ euenerit in ipsīs ieiunijs, dicet ecclesia lectiones de sancto & non de ieiunio. Ita enim vsus inoleuit. Hoc ipsum tamen Romana Ecclesia non obseruat, vt quæ sex recitet lectiones de ieiunio, & tres vltimas de homelia Euangelij ipsius festi. In Aduentu aliquando tres sunt historiae, aliquando quatuor si ipse fuerit quatuor hebdomadarū, quod rarò fit. Et tantū quidem habemus de veteri testamento: modò videamus de nouo. Ab octaua Paschæ vsque ad Pentecosten legitur Ioannis Apocalypsis tribus septimanis, & Epistolæ canonicæ duabus sequentibus vsque ad Ascensionem, quæ numero sunt septem. Prima est Iacobi Alphæi, tres sequentes Ioannis



nis Euangelistæ, quinta & sexta Petri principis apostolorum, septima denique Taddæi, qui & Iudas appellatus est frater Simonis. Ab ascensione Domini vsq; ad pentecosten leguntur actus Apostolorum: Primum quidem, &c. Historia est: Dignus es Domine ad omnia præmissa. Ab octaua Epiphaniæ, vsque ad septuagesimam leguntur quatuordecim Epistolæ Pauli tam quæ sunt missæ ad personas quatuor, quàm quæ ad decem ecclesias, vt ad Titum & Corinthios. De Euangelijs & psalmis dicetur suo loco. Ad hunc ergo modum de vtroque testamento dispositum ab Ecclesia habemus. Notandum interim obiter hic est quatuor modis finire lectiones, videlicet per: Tu autem Domine: Hæc dicit Dominus, ¶ conuertimini ad me & salui eritis: & in Threnis Hieremiæ per: Hierusalem Hierusalem conuertere ad Dominum Deum tuum: atq; vltimò in lectionibus mortuorū, per: Beati mortui, qui in Domino moriuntur. Cuius tamen rei vsus in ecclesia admodum rarus est. Sed nos dicimus non quid fiat, sed quid fieri debeat. Cæterum homeliarius, quæ quartum librum esse diximus, legitur in natali & in festis eorum, qui propria habent Euangelia, vt in festo beati Thomæ, in Paschate, Pentecoste cū suis feriis, ac

rijs, ac tandem etiam recitatur diebus dominicis. Octo verò dies Paschæ computantur cum Septuagesima, quòd illa septima sit septimana à Quadragesima, per quam idē designatur, quod per Septuagesimam, in cuius septima decade filij Israhel acceperunt redeundi licentiam, & iam quasi liberi erant, ideoque diebus illis cantica lætitiæ inclamantur. In Sabbato autem in albis, geminatur Alleluya, quoniam finitur Septuagesima. Quo quidem significatur absoluto præsentis huius vitæ cursu nos duplicē accepturos stolum, quum ad nostram illam Hierosolymam peruenerimus. Vocatur autem sabbatum istud in albis, & in Paschali sabbato baptizati tunc albas vestes deponebant, quas octauo die sumpserant. Proinde verò libri Passionarij leguntur in ipsis diebus Martyrum. Sed horum aliqui teste Gelasio, apocriphi sunt, vt de beato Gregorio, de Quirico, & Iulita martyribus, ac qui omnino eiusmodi sunt, vt eos composuisse ferantur hæretici, ob quorum infamiam ab ecclesia interdicuntur. Quot autem sint canonizati, suo loco dicetur. Nec quidem omnes homeliæ sunt approbatæ, vt quædam sunt Origenis, qui ad hæresin declinauit. Quædam tamen eius leguntur ab Hieronymo castigatæ, sed in

sed in ijs subticetur nomen auctoris propter infamiam heresis. Quemadmodum etiam Salomonis nomen in lectionibus supprimitur ob notā idolatriæ, & Moysis propter hæsitationem, quam habuit ad aquas contradictiones, quia Dominum exacerbavit. Non enim dicitur: Lectio libri Genesis Moyſis legiſſatoris, ſicut dicimus: Lectio libri Apocalypſis Ioannis Apoſtoli. Nonnulli tamen hoc pacto in principio Homeliarum dicendum eſſe exiſtimant: Homelia Origenis ab Hieronymo caſtigata. Atque in ſequentibus quaſi hoc modo: Homelia eiſdem. Sunt autem ferè hi qui Homelias poſteris reliquerunt: Auguſtinus Gregorius, Beda & Origenes. Breuiter ergo paſſiones legi debent in feſtis martyrum: legenda in feſtis, qui propria habent Euangelia, vt in beati Thomæ, tres vltimæ lectiones ex homelijs ſint oportet, atque aliæ ex paſſionibus. At verò legendarius appellatur liber, qui vitas & obitus tradit confeſſorum, cuiuſmodi ſunt Hilarij, Martini & aliorum, quos ſacroſancta Eccleſia confirmavit, ita vt in eorum feſtis iſtiuſmodi liber neceſſariò legatur. Vltimò tandem liber ſermonū, qui & Sermologus nominatur, legi conuenit ab Natali vſque ad octauam Epiphaniæ, quos Leo Papa & con-  
plures

plures alij composuerūt. Sed idem liber legitur in Purificatione beatæ Mariæ virginis, & præter festa alia, etiam ipso die Omnium sanctorum. Proinde præcipuas homelias composuerunt Gregorius & Beda, qui tamē nullas, præterquā eas, quas antè Augustinus ediderat, cōposuit. Nanque ille hoc vnū de suo addidit, quodd eas suis verbis quoddammo vestiuit, vsque adeo, vt quum in Augustino verba duntaxat essent disputationis, in Beda sint verba sermonis & lectionis.

*De libris Cantuum.*

*CAP. LXIII.*

**N**Vnc redeamus ad librum Cātuum, idque iuxta dies Aduentum. Primum itaq; responsum sequitur tres versus, quod si per vniuersum annum vagemur, non amplius fieri liquidò comperiemus. Fit enim illud propter tria tempora antiquorum patrum, Aduentum Christi expectātium. Ac primū quidem tempus fuit ab Adamo vsque ad Noë, nempè ad diluuium. Secundū verò vsq; ad Moysen, & tertium vsque ad Christum. Et q̃ terna fiat in eodem responso repetitio, prima videlicet ab altiori, secunda à minus remoto, & tertia rursus à minus remoto & minori, causam habet huiusmodi: Eo nanque modo ostendimus

dimus patres primi temporis remotius ab Aduentu Christi abfuisse, quàm patres secundi vel tertij, atque iterum longius fuisse patres secundi, quàm tertij. Sic quoque tria sunt tempora patrum nouitiorum secundum Christi Aduentum expectantium. Nam horum primū fuit Ecclesiæ primitiæ de Iudæis ad fidem conuersis, & secundum modò præsto est, simul atque gentium siue ethnicorum facta est introductio. Sed tertiū erit quum omnis Israhel saluabitur. Magis ergo remoti sunt, aut potius fuerūt primi quàm vltimi, vt hoc pacto ad vtrunque aduentum allegoria hæc accommodari possit. Gloria patri tribus versibus tandem subiungitur, quòd omne nostrum desiderium & seruitium ad trinum Dominum sit referendum. Non enim istic sit repetitio alicuius partis, sed totius responsorij, quoniā post hanc præsentem vitam omnia tempora consumabuntur. Tunc Deus erit omnia in omnibus, hoc est, consummatio omniū & sufficientia. Verum enim uerò de qualitate officij videamus, deq; temporis reuerentia, continentia & abstinencia. Ad qualitatem pertinet, quid tenendum sit vel omittendum. Et quidem quid tenendum seu obseruandum sit iam aliqua ex parte docuimus, addimusque sub finem.

Aduen-

Aduentuum cani debere septē antiphonas secundi toni, & vnamquamque iuxta ordinem suo die vsque ad Natale. Quæ quidem omnes vel ob id secundi toni sunt, quodd geminam nobis significant dilectionem, Dei videlicet & proximi, vel etiam propter duas naturas in Christo. Sunt autem septem, propter spiritum septiformem, quo illuminati erāt ij, qui Christum expectabant. Sciendum tamen est, his septē antiphonis quę sunt de Sacramento, additas esse duas alias, vnam videlicet de beato Thoma, aliam verò de beata Maria virgine.

*Quæ omittenda sint in Aduentu.*

CAP. LXIII.

**O**Mittenda sunt in Aduentu, vt in Septuagesima, quædam cantica lætitiæ, quemadmodum Te Deū laudamus, Gloria in excelsis, Ite missa est. Verū enimvero quū tēpus istud partim sit lætitiæ, non subticetur Alleluya, sicut in Septuagesima quodd tempus totum mœroris est. Quare considerare poterimus, tria ista sese mutud sequi quidem, sed non semper. Quædam enim ecclesiæ in cathedra beati Petri, etiam si sit in Quadragesima festum istud, dicunt: Te Deum laudamus cæteris verò laudibus tacitis. Quia hoc cantico solemus vti ad intronisandos aliquos in suas sedes.

Nam

Nam & eodem die Petrus in cathedra Antiochæna fuit constitutus. Rursus Gloria in excelsis, & Ite missa est, dicitur ipso die solenni cœnæ, si Episcopus præsens sit, & celebret officium de tribus oleis, sed Te Deum laudamus, non dicitur, quoniam surgitur ad tenebras. Ob quam etiam causam subtitetur in Psalmis & in responsorijs hisce diebus Gloria patri, quia tunc multum dehonesta est trinitas, maximeque illo triduo. Item in prima missa Natalis Domini, canitur Gloria in excelsis, nec tamen dicimus, Ite missa est, donec & tertia missa sit absoluta. Alioquin enim recederet populus, & non audiret matutinas. Vnde nonnulli sacerdotes reseruant collectam siue orationem finalem primæ missæ, donec cantentur matutinæ, ac postea dicunt & concludunt missam cum Benedicamus Domino. Deinde verò incipitur missa secunda, & pari modo finitur, vel per, Ecce completa sunt, in quibusdam Ecclesijs ne populo licentia abeundi detur, sciaturque se adhuc debere tertiam audire missam, sub cuius finem exprimitur, Ite missa est, quæ laus pertinet ad resurrectionem, sicut Gloria in excelsis ad natiuitatem. Atque hæc quidem est ratio, quamobrem vtrunque in Aduentu subtitetur, quodd  
tunc

tunc vtrunque auidè expectetur, sed Te Deum laudamus idèò taceretur, vt cum maiori ardore resumatur ipso die festo: vel, quia nondum præsens est quem expectamus, quum ad præsentem hoc cantico vti soleamus. Sic & pro Dominus regnavit, dicitur Miserere mei Deus, & cantica illa, quæ sunt Annæ, Moyfis, Abacuc, atque alia quæ istic sunt, vt, Ego dixi, & Audite cœli, quæ per singulas hebdomadas dicuntur. Horæ verò beatæ virginis, idcirco subtrahuntur, quòd totum illius temporis officium ad eius laudem sit. Hinc etiam animaduertendum est, quòd in festis nouem lectionum, si quæ sunt, in Aduentu, ad tertiam debeat celebrari missa solennis cum Gloria in excelsis, & Ite missa est. Vnde etiã in plerisque Ecclesijs nigras cappas deponunt ad missam illam, tanquam in Paschali tempore, nec genua tum flecti debent. Missa verò absoluta cappæ resumuntur, & sexta ac nona cātata, auspicatur missa de ieiunio, atque tum diaconus pronunciare debet ad huiusmodi missam, & in omni tempore ieiuniorum. Flectamus genua, exceptis feriis ijs, quæ Pentecosten proximè sequuntur, in quibus propter reuerentiam festi cantica lætitiæ non subtrahuntur, scilicet Alleluya, Te Deum laudamus, atque Ite missa est.

Proinde



Proinde verò neque hic vllius sancti cō-  
memoratio fieri oportet, siue Christi  
Aduentum præcesserit (quum eius tem-  
poris omnes ad inferos descenderint,  
vnde & pro eis non solennizat ecclesia)  
siue secutus fuerit Christi Aduentum  
quum eorum singulis diebus hîc com-  
memoratio fieri debeat. Ecce Dominus  
veniet &c. antiphona est, quæ canitur  
post Benedicamus Domino, & sequitur  
oratio huiusmodi: Conscientias nostras  
quæsumus Domine visitando purifica,  
vt veniens Dominus noster Iesus Chri-  
stus, cum omnibus sanctis paratam sibi  
in nobis inueniat mansionem, qui tecū  
&c. In Antiphona ponitur & omnes  
sancti eius cum eo, & in oratione, cum  
omnibus sanctis, ita vt hinc necessarium  
non sit fieri speciatim aliquorum san-  
ctorum commemorationem. Sed oportet  
intelligamus, hanc orationem per-  
tinere ad secundum aduentum, qui effi-  
citur in mente hominis, quum videlicet  
legitur: Vt veniēs Dominus Iesus Chri-  
stus paratam sibi in nobis mansionem  
inueniat. Verum tunc ad ali non debet  
cum omnibus sanctis. Nā si illud adjicia-  
tur, iam ad tertium aduentum videbi-  
tur pertinere. Est enim Aduentus Chri-  
sti triplex: In carne, in mente, qui singu-  
lis diebus in humanis animis contingit  
per

per spiritum sanctum, & tertius in maiestate, qui aduentus erit in die iudicij. De secundo aduentu, qui fit in humana mente, inquit Salomon: Domine, mitte sapientiam tuam, vt tecum sit, & tecum laboret. Est rursus & alia ratio, quę eiusmodi est, vt duos nobis significet Aduentus, nimirū: Excita Domine potentiam tuam, & veni, vt ab imminentibus peccatorum nostrorum periculis, &c. Ad primum aduentum pertinet, cū dicitur: ~~Te protegente mereamur~~ eripi: ad secundum verò, quū legimus: te liberante saluari.

*De temporibus quibus non debent nuptiæ celebrari. CAP. LXV.*

**I**N Aduentu non debent celebrari nuptiæ, sicut nec in Septuagesima, quod huiusmodi tempora orationi potissimum sint deputata, ac tunc potius ab vxorio lecto quilibet debeat abstinere, quàm eidem adiungi. Pari modo faciendum est in sacris solennitatibus, cum earundem ferijs, sicut in Pascha & Pentecoste. Et certè quidem diebus quoque dominicis, ac in festis Apostolorum præcipuè continendū est. Solēnitates namq; institutæ sunt, vt liberius vacari possit orationi. Verum enim verò rustici contra libentius illis diebus conueniunt, vt vacent potationi, Sed in omnibus his, cau-

tum oportet esse sacerdotem. Sæpenu-  
merò enim accidit, vt mutum pecus do-  
ceat animal diuinum, hoc est, laicus cle-  
ricum. Ac generatim quidem obseruan-  
dum est, quòd quocunque tempore ab-  
stinetur à nuptijs, abstinendum sit ab  
amplexu coniugis, nisi si quando ob fra-  
gilitatem incontinentiæ poscat debitum  
ab vxore, vel illa à viro. Illud enim exi-  
genti persoluendum est, quia vir, vt in-  
quit Apostolus, non habet potestatem  
suae carnis, sed mulier, & contrà. Secun-  
dum has ergo rationes, non debent nu-  
ptiæ celebrari, etiam tribus illis septima-  
nis, quæ festum sancti Ioannis Baptistæ  
præcedunt. Verùm hoc in quibusdā Ec-  
clesijs iampridē in dissuetudinem abiit.  
Fuit tamen ratio, quare Ecclesia consti-  
tuerat ieiunādā esse Quadragesimam  
ante festū sancti Ioānis, sicut ante Nata-  
le. Sed propter fragilitatē humanā, duæ  
illæ Quadragesimæ redactæ sunt in v-  
nam, atq; illa tunc bipartita fuit in tres  
septimanas præcedentes natalem, & tres  
præcedentes festū sancti Ioannis. Quo-  
niam igitur tempora hæc orationi sint  
maximè dedicata, quam ideo institui-  
mus, vt ad cælos perueniamus, quod ta-  
men efficere non possumus sine duobus  
alijs, scilicet ieiunio & eleemosyna, quæ  
ad cælos hominem faciliè deferunt, ideo  
ordina-

ordinatum est ieiunium, vt quod nobis remanserit propter ieiunium pauperibus erogetur, ideoque & sponsus debet abstinere à lecto vxoris, vt liberius ac commodius vacet orationi. Atque ita non fiunt nuptiæ à prima dominica Aduentus, vsque ad Epiphaniam, nec etiam fierent nisi ad octauam vsque Epiphanix, nisi Dominus nuptias tum sui præsentia, tum miraculo decorasset. Præterea in Aduentu sciendum est, quemlibet versum dici posse, si sit de Aduentu, vt: Egredietur Dominus de loco sancto suo in maiestate sua, & veniet ad iudicandum. Et: Veni Domine ad liberandum nos, quod potest dici de quolibet Aduentu. Aduentus enim qui fuit in carne, liberauit animas nostras à seruitute diaboli, Aduentus verò in mente liberat animas à peccato, Aduentus denique in maiestate, liberat corpora. Postremò obiter notandum est, festum beatae Lucie hic adiunctum habere Italicè *charthar*. Quia tunc maximè carnes solent deponi, quemadmodum secūda dominica Septuagesimæ dici, vulgò carnispriuiū.

*De festis & ieiunijs Aduentus.*

CAP. LXVI.

**D**Einceps modò vidèamus de ijs, quæ accidunt Aduentui, vt de eius festis & ieiunijs. Et in primis quidē hîc

cognoscamus, si festum sancti Andreae contigerit prima Dominica, id prosequendum esse secunda feria. Idem observari volumus, de quolibet festo tã Apostolorum, quàm martyrũ, si contingant dominicis priuilegiatis, quos paulò pòst commemorabimus. Sic quoq; si festum eiusmodi ipso dominico cõtigerit, quòd vigiliam habeat, eius secunda feria celebrabitur officium, eritque ieiunium in sabbato, si videlicet inofficiata sit vigilia, id est, si proprium habeat officium. Item si qualibet alia dominica ex priuilegiatis, festum Apostoli, vel præcipuè alicuius martyris, vel alterius sancti, qui proprium habeat officium euenerit, restat videre, an septimana sequens sit inofficiata, hoc est, an proprium singuli eius septimanæ dies habeant officium. Quòd si non habeant, illius Dominicæ officio supersedebimus, atque eius loco festum hospitis, id est, sancti aduenientis ad Dominicam celebrabimus, si verò habeat, manente officio Dominicæ festum transferetur ad secundam feriam, atq; hoc pacto dies Dominica interdum cedit festo, interdum verò non. Et quidam quare? Quoniam ibi officium renouatur. Proinde ieiunia quatuor temporum, in tertia septima Aduentum oportet celebrari, Aduentus autẽ debent  
viginti

viginti & vnum diem, id est, tres septimanas integras habere, præter vigiliam Natalis Domini. Cùm ergo Aduentus semper incipiant à die Dominica, si etiã simili die, videlicet Dominica, Natalis Domini contigerit, necessarium est, vt Aduentus protrahantur quatuor hebdomadis. Alioqui vigilia Natalis Domini, & ieiunia quatuor temporum concurrerent, quorũ vtrumq; peculiare habet officium, & ad diuersa pertinent tempora. Nam vigilia spectat ad tẽpus gaudij, quum nõ sit de Aduentu, sed de Natiuitate, quare ad eundem modum non haberet Aduentus viginti & vnum dies, excepta, vt diximus, vigilia. Si autem cõtigerit Natalis Domini in secunda feria, vel deinceps vsque ad Dominicam, tunc præter dies viginti & vnum, facile habebimus diem, quo faciamus vigiliã, quia ipso die dominico, qui propriũ officium non habet, celebrabitur vigilia, & Alleluya canetur propter dominicã. Sed ieiunabitur sabbato precedenti, tam pro ieiunio quatuor temporum, quàm pro vigilia Natalis Domini. Quantum verò attinet generaliter ad ieiunia, cognoscendum est, cùm ieiunia vernalia primò instituta sint in prima septimana. Veris, æstiuaria in secūda Iunij, Autumnalia in tertia Septembris, Hyemalia in quarta

Decembris, id omne propter multas cōfusions, quæ inde nascebantur, abrogatum esse, & regulariter definitum, quo tempore eorum quodque fieri debeat. Et de hyemalibus quidem dictum est, quod semper in tertia septimana Aduētus fiant. Sed de alijs regulariter sciendum est, quod in prima septimana Quadragesimæ semper incipiant vernalia, in septimana Pentecostes semper æstivalia, autumnalia veterem seruent institutionem, quum semper in tertia septimana Septembris fiant. Cauendum interim diligenter est, ne in computatione illarū septimanarum fallamur. Nam si Calendæ illius mensis, hoc est, ipse mensis incipiat prima feria, vel secunda vel tertia, vel etiam quarta, tum illa eius mensis septimana cōputabitur, & in ea quæ est ab illa tertia, fient ieiunia. Si verò mensis inceperit quinta vel sexta, vel septima feria, tres illas septimanas numerare ordiemur à sequenti Dominica, & eodem modo in tertia fient ieiunia. Atque ita sanè dies precedentes quoad computationem septimanarū planè erunt inutiles. Sic igitur huiusmodi habemus regulam, vt ab illa Dominica, quæ propinquior fuerit Calendis Septembris, id est, pridie mensis semper numeranda sit prima septimana, siue subsequatur, siue

siue præcesserit.

*De anniuersarijs mortuorum, &  
vigilijs Sanctorum.*

CAP. LXVII.

**D**E anniuersarijs verò mortuorum dicimus, quod si contigerit Dominica die, vel alia quauis celebri solennitate non debeant mutari, & in sequentem diem differri, quemadmodum de festis sanctorum diximus, sed potius fiant die præcedenti, vt citius succurratur eorum pœnis, quas in igne purgatorio sufferunt. Vt enim sancti non indigent nostro auxilio & beneficio, ita cæteris defunctis omnino est necessarium. Omni tempore potest celebrari missa pro defunctis, præsentem cadauere, nisi Parasceue. Tunc enim non debet corpus Christi imolari, nec missa cantari, sed die crastino, id est, sabbato poterit missa pro eo cani, & corpus sepeliri. Pari modo etiam faciendum est, ipso die Paschæ. Si enim quis tunc moriatur, postero die missa est celebranda, seruatò corpore tantisper super terram. Nam fieri non debet vt sepeliretur absque missa. Porro autem de vigilijs sanctorum generaliter dicimus, quòd si propriam habeant collectam in missa, eam debere dici ad vesperras. Et si dominica sit in vigilia, dicemus vesperras de dominica, & post alias de

H 4 sancto,



sancto, vel cum Magnificat legemus dñ-  
taxat collectam, vt Moguntina facit ec-  
clesia, & Monachi: vel cū sola Antipho-  
na dicemus orationem siue collectam de  
festo, si propriam & peculiarem non ha-  
beat vigiliam, cui ad postremum subiū-  
gemus: Benedicamus Domino.

*De vigilia Natalis Domini.*

CAP. LXVIII.

**S**equitur vigilia Natalis Domini, que  
propriam habet missam, & propriam  
in ea collectam, quæ item in vesperis di-  
ci debet, quod idem obseruatur in alijs  
vigilijs. Sin contrà fuerit, hoc est, si vigi-  
lia peculiare officium non habuerit, col-  
lecta in vesperis de sequenti festo dici  
oportet. Cantantur ergo in vigilia Na-  
talis Domini hij Psalmi: Laudate pueri  
Dominum, Laudate Dominum omnes  
gentes, Lauda anima mea Dominum,  
Laudate Dominum, quoniam bonus,  
Lauda Hierusalem Dominum. Sed in  
completorio cani debet hymnus: Veni  
redemptor gentium.

*De Natiuitate Domini.*

CAP. LXIX.

**N**unc de ipso die Natiuitatis aga-  
mus, quo ante primos nocturnos,  
tres pannos super altare poni cōsuetum  
est, ad declarationem trium temporum,  
singulisque nocturnis vnum auferri.

Et pri-

Et primus quidem niger erat, pro tempore ante legem: Secundus subcandidus, pro tempore reuelationis, & tertius ruber pro tempore Gratiae, propter dilectum sponsum candidum, & rubicundum. Poteris alibi facile inuenire, quemadmodum veteres interpolatè, & diuersis vicibus ad nocturnos surgere solebant, videlicet in conticinio, nocte media, & in antelucano. Post tertium nocturnum incenduntur lumina Ecclesiae, & recitato Euangelio: Liber generationis, cantatur. Te Deum laudamus, ad consignandam congratulationem, quæ facta fuit ob inuentam drachmam quam mulier perdiderat, in cuius inueniendæ gratiam ea lucernam incendit totamq; domum euertit, hoc est, Ecclesia triumphans ex inferno per Christum omnino extrahitur. Quatuor autem illo die leguntur Euangelia, vnum Matthæi, alterum & tertium Lucæ, quartum Iohannis, vt de Natiuitate Christi quatuor testes perhibeant testimonium. Quanquam sanè duo, vel ad summum tres sufficere possunt, quum in ore duorum vel trium testium stet omne verbum. Quamobrem verò Isaias legatur in primo nocturno, suprâ a nobis ostensum est. Verum diligenter hic animaduertere debemus, trium præcipuè scrip-

maticus, ergo deberet ibi esse lux fulgens, quod verū non est, quia tūc rubet. Sed intelligendum est, vt diximus, de impletionepromissorū; quasi dicamus: tūc lux fulgebit, quum Christus aduenit, qui vera & æterna lux est, cumque omnia quæ de eius aduentu iam multo tempore dicta sunt, complebuntur. Proinde hæc missa, vt & ante dictum est, finitur hoc modo: Ecce cōpleta sunt &c. Prima ergo pertinet ad generationem ex patre sine matre, videlicet æternam: Secunda ad eam, quæ fuit ex matre sine patre, vt temporalem: Tertia autem quasi compacta & coniuncta est, tradit enim vtrunque. Nam quod in eius exordio dicitur: Puer natus est nobis, ad temporalem spectat generationem: ad æternam verò Euangelium Iohannis: In principio erat verbum. Pars tamen illius Euangelij postrema, nimirū: Verbum caro factum est, &c. ad temporalem natiuitatem referenda est. Dicitur autem huiusmodi duplex natiuitas, vt nos haud obscure intelligamus natiuitatem Christi terrestrem nobis proculdubio contulisse natiuitatem cœlestem. Vnde illud est, quod in festo beati Stephani dicitur: heri natus est Christus in terris, vt hodie Stephanus nasceretur in cœlis. Deniq; neumæ, quæ fiunt in mis-

sa, gaudium repræsentant, quæ potius per, e, vt Kyrie, vel per a vt Alleluya fieri solent, quàm per alias vocales, vt per has significentius gaudium spiritale quod restitutum est nobis in partu virginis, cū facta est immutatio huius voculæ Eua, saluante angelo, & dicente Ave Maria. Eius enim nominis, scilicet Heuæ significatio manserat vique ad salutationem Angeli. Hanc aut significationem, nempe luctus Adæ & Heuæ, nascentes expriment pueri, si nimirum puella nascatur profert, vt vulgus quidem existimat, e: cū masculus, a. Illæ igitur neumæ repræsentant dolorem, quem nobis contulit trāsgressio Adami & Eue. Sed gaudium planè restitutum est in beata virgine, cui non dictum est Eua, sed Ave.

*De festis Natiuitatem sequentibus.*

CAP. LXX.

**D**Einceps sequitur ordine conuenienti, vt de ijs festiuitatibus modò tractemus, quæ Christi Natiuitatem proximè sequuntur. Debent ergo vespere Natalis primò integrè celebrari, ac postea conueniunt diaconi quasi in tripudio, cantantque Magnificat cum Antiphona de sancto Stephano. Sed sacerdos recitat collectam. Nocturnos & vniuersum officium crastinum celebrant diaconi, quod Stepha-  
nus

nus fuerit diaconus, & ad lectiones concedunt benedictiones, ita tamen, vt eius diei missam celebret hebdomadarius, hoc est, ille, cuius tum vices fuerint eam exequi. Sic eodem modo omne officium perficient sacerdotes ipso die beati Iohannis, quod hic sacerdos fuerit, & pueri in ipso festo Innocentium, quia Innocentes pro Christo occisi sunt. Sed ignorandum non est, passionem beati Stephani factam fuisse in Augusto, illo die, quo eius celebratur inuentio, & contra inuentionem eiusdem fuisse postero die natiuitatis Domini. Verum enim uerò cum dignius & præstantius sit festum Passionis Inuentione, idcirco translatum est ad tempus natalis Domini. Vel etiam ob hanc rem, quod ei eodem hoc die dedicata sit basilica. Poterit tamen & alia esse ratio, quoniam Stephanus post Domini passionem pro Christo primus martyrium perpeßus est, quod nasci dicitur in cœlis, cuiusmodi natalem nobis Christi natiuitas in carne cōtulit. Consentaneum ergo fuit, vt natiuitati Christi cōtinuaretur natale sancti Stephani, quo per hoc notaretur, natiuitatē vnā sequi ex alia. Vnde etiam est, quod in ipsius vita legitur: Heri Christus natus est in terris, vt Stephanus hodie nasceretur in cœlis. Eodem ferè modo de festo S.

Ioannis Euangelistæ censendum est, quòd quum ille dies quo se deposuit in foueam post celebrationem sacrorum natalis fuerit sancto Ioanni Baptistæ, hic tamen eum illi cessit, de quo dictum erat à Domino: Inter natos mulierum non surrexit maior, &c. atq; festum huius translatum est ad tertium diem Natalis Domini, vt omnes suos comites haberet sponsus, qui rubicundus est, & candidus. Vel ob id etiam, quòd eo die ipsi dedicata sit basilica: vel tandem, quia eo die infusus est: Fuit enim Patriarcha Ephesus. Tunc autem scripsit Euangelium, de quo Beda inquit: Quòd si paulò altius intonasset, vniuersus mundus vix capere potuisset, ita vt hinc quoque Hieronymus eum vociter vocem aquilæ. Simili ratione Innocètes non statim quidem quarto die pòst passi sunt, sed quarto die anno reuoluto. Quandoquidem cum Herodes à filijs suis accusatus erat, debuit Romam proficisci, ibiq; coram Augusto Cæsare causam suam defendere, ita vt simulatq; causam obtinuisset, ac iam rediisset, immane istud facinus perpetraverit, omnes interimens pueros à bimatu & infra. Credebat enim puerum natum magnum fore, cui astra famulabantur, & timebat, ne per illum regnum suum amitteret, de quo plenius

plenius in Matthæo legitur. In festo itaque Innocentium penitus subtrahatur cantica lætitiæ, quoniam ij ad inferos descenderunt. Si verò contingat eorum festum die dominica, tunc nullum subtrahatur, propter diem resurrectionis. Nec etiam in illorum octauis aliqua cantica lætitiæ supprimuntur, vt significemus gaudium, quod accepturi sunt in octaua, id est, in resurrectione. *Ibidem.*

*De Circuncisione. CAP. LXXI.*

**I**N Circuncisione duo simul festa concurrunt, parientis scilicet, & partus, propter octauas. Vnde sanè est, quòd eo die duas missas celebrare debeamus: primam de beata virgine, scilicet: Vultum tuum, aliam de octauis, nimirum: Puer natus est nobis, & dicitur illo die Evangelium Lucæ: Postquam impleti sunt dies octo, &c. Sunt nonnulli alij, qui tria huc festa concurrere arbitrentur, de beata virgine, de octauis, & de Circuncisione. Nam etiam si tum Circuncisus non fuisset, nihilominus tamen fierent octauæ. Sed quoniam modò de octauis mentionem fecimus, non incommodum erit, si eas paulò plenius persequamur. Sūt enim nonnullæ octauæ institutionis, vt sunt eorū, qui habēt vigiliis: nonnullæ deuotionis, cuiusmodi fieri possunt in honorem cuiuslibet sancti: Nonnullæ etiam veneratio-

nerationis, vt sunt ea quæ solius Dei esse dicuntur. Nam octauæ Natiuitatis, Paschæ & Pentecostes sunt venerationis Christi. Sunt item & octauæ significationis, vt Innocentium, per quas nostra significatur resurrectio, quo quidem fit, vt tunc lætitiæ siue laudis canantur cantica. Nam tametsi quidem ad inferos descenderint, resurgent tamen nobiscum in gloria. Quanquam nihilominus & de quibusuis alijs sanctis octauæ significationis dici possunt. Totū interim tempus quod est ad purificationem vsque tractat infantiam saluatoris, ita vt hinc aliorum sanctorum commemorationes fieri non debeant, & quidem maximè sanctæ Crucis, iuxta illud vulgare dictum: Non coques hædum in lacte matris.

*De festo Hypodiaconorum.*

*CAP. LXXII.*

**F**estum Hypodiaconorum, quod vocamus stultorum, à quibusdā perficitur in Circūcisione, à quibusdā verd in Epiphania, vel in eius octauis. Fiunt autem quatuor tripudia post Natiuitatem Domini in Ecclesia, Leuitarum scilicet, sacerdotum, puerorum, id est, minorum ætate & ordine, & hypodiaconorum, qui ordo incertus est. Vnde fit, vt ille quandoq; annumeretur inter sacros



eros ordines, quandoque non, quod expresse ex eo intelligitur, quod certum tempus non habeat, & officio celebretur confuso.

*De Epiphania.*

CAP. LXXIII.

*Vide Innocentium  
Papam.  
III. constit.*

79.

**P**ost hæc sequitur dies apparitionum, siue Epiphaniarum, quæ plures leguntur fuisse eodem die annis tamen diversis. Quarum quidem una effecta est per stellam decimotertio die à Natiuitate Christi. Atque hæc propriè dicitur Epiphania, à Græco verbo ἐπιφάνομαι, quod est appareo. Altera verò facta est per vocem Patris, eodem die anno trigésimo, & appellatur θεοφάνια, à θεός, quod nobis est Deus. Tertia denique nominata est Bethania, nomine connato ab Hebræo & Græco, videlicet à Beth, quod domus est, quæ item alio anno eodem die contigit. Apparuit enim in domo per transformationem aquæ in vinum. Atque hæc quidem tres Epiphaniæ leguntur in Euangelio tanquam eodem die factæ. Quartâ addidit Beda in commentarijs in Lucam, eodem die fuisse factam anno reuoluto, videlicet quæ fuit de refectione panum, diciturque phagiphania à φάγω, quod est, comedo. His omnibus manifestatus est Christus esse Deus. Quatuor ergo festa sunt vno die. Si quæratur qua ratione tam citò reges ve-

ges venire potuerint, cùm ipso die Natiuitatis primò eis stella visa sit, ita vt difficile fuerit ab exteris regionibus, spacio dierum tredecim itinere terrestri venire Hierosolymam. Sed huic nos bifariam respondere possumus, quod nimirum vt plerique affirmant, eis ante Natiuitatem stella apparuerit, vel quòd, vt alij putant, Dromedarijs venerint. Est autem Dromedarius animal paulò minoris staturæ quàm Camelus, cùm tamen cursu sit multò velocior. Potest enim vno die tantum itineris conficere, quantum equus diebus tribus. Si rursum roget quis, quónam stella illa euauerit, respondebimus iterum duobus modis, quòd vel ceciderit, vt quibusdam placet in puteum, vbi etiamnum facile sit conspicua ijs tantum, qui sunt virgines: vel quòd, vt alij opinantur, in priorem materiam sit dissoluta. Cæterùm ipso festo Epiphaniæ ad primum nocturnum non dicimus Venite, idque duplici de causa: tum quia reges ad adorandum Christum non inuitati venerunt, tum ne videamur Herodem imitari. Ipse enim omnes regni sui sapientes ad consilium conuocauit, non vt Christum adoraret, quemadmodum falso dicebat, sed magis vt ipsum perderet. Ab eadem profectò ratione & hoc profectum

ctum est, quod triduo ante Pascham osculum pacis non damus, vt proditori Iudæ nos dissimiles esse ostendamus.

In secundo autem nocturno ad sextam antiphonā canimus: Venite exultemus, quia in sexta mūdi ætate gētes ad Christi fidem peruenerunt, quarum primi fuerunt tres illi reges, qui ad Christum adorandum è regnis suis profecti sunt.

In tertio denique nocturno cantamus Antiphonam Fluminis impetus lætificat ciuitatem Dei, & Psalmum, Deus noster refugium, ordine Psalmorum retrogrado, quod amplius in toto anno non fit, nisi in festo omnium sanctorum.

Sed quare tunc fiat, dicetur alibi. Ideo tertio nocturno, quia tertiò tempore, id est, tempore gratiæ Fluminis (baptismatis scilicet) impetus, ciuitatem Dei, nempe sanctam militantem Ecclesiam, lætificat, hanc mundando & ab omni labe purgando, vt ad septimam ætatem quiescentium foeliciter peruenire possit, vbi tum plenius ac cumulatiùs lætificabitur.

Et quoniam quidē Dei ciuitas in ætate septima quiescentium quasi plenum recipiet statum, cum ab omni pœnalitate eximetur & sui conditoris gratissimo fruatur aspectu, idēd istiusmodi Antiphona septimo loco cantatur. In tertio nocturno Alleluya propterea frequen-

tamus

tamus, ut in tertio tempore per baptismam lätitiam aduenisse monstremus. Ad hunc ergo modum incipi debent matutinae: Domine labia mea aperies. Deinde sequitur hymnus si sit monachalis Ecclesia, Si verò non extemplò subiungitur: Afferte Domino filij, & Deus noster refugium. Ad postremum igitur, ut progrediamur ad cætera, facile suspicandum est reges non venisse solos, sed eos secum magnum aduexisse Principum comitatum.

*De Euangelij apparitionis.*

*CAP. LXXIIII.*

**S**Vnt autem tria Euangelia huius festiuitatis, vnum de baptismo, scilicet Factum est cum baptizaretur, secundum de Magis, nempe: Cum natus esset Iesus, tertium de nuptijs, atque hoc quidem legitur dominica sequenti. Cæterum illud nos latere non debet, duo Euangelia de Christi generatione legi nocte, alterum videlicet in Natiuitate, alterum verò in Epiphania. Quoniam vtraque Christi generatio erat nocte, hoc est, obscura & quæ primorum patrum sensibus percipi non poterat. Vna generatio fit descendendo, altera ascendendo, quòd vna sit carnalis, altera spiritalis. In vna ponitur, Genuit, ut carnalis & temporalis generationis exprimat

*Concilia  
tio Lucae  
& Mat-  
thæi cir-  
ca genea-  
logiam  
Christi.*

matur successio : in altera ponitur, Qui fuit, vt donetur spiritalis generationis adoptio. Prima terminata est in virginis partu, secūda inchoata est per baptismū. Inter octauas Epiphanię & Septuagesimam, legunt quidem respōsoria de Psalmis quę sic dicuntur, quoniam lectionibus debent respondere & conuenire, cū tamen Psalmi non debeant legi nisi illo triduo ante Pascham.

*De festis sanctorum. CAP. LXXV.*

**N**unc ergo ad festa proximē sequentia breuiter transcurramus. Ac de beata Agnete quidem, cuius vitam composuisse dicitur Ambrosius, hoc solum scire sufficiat, quod octauas non habeat institutionis. Cæteroquin octauas habet alterius significationis causa. Eius autem solēnitas celebrari capta est propter quoddam miraculum, quod octauo die suis contigit parentibus, ad eius tumulum lamentantibus. In festo beati Pauli cātantur quidam versus cum Antiphonis, quemadmodum etiam fit in festo beati Laurentij & beati Stephani. Paulus enim plus omnibus laborauit in concionando & prædicando, Laurentius grauius cæteris passus est, & Stephanus pro fide Christi primus martyr extitit. Idem etiam fieri oportet de beata Maria, quod priuilegia: fit in  
virgini-

virginitate, quia virgo virginum & fuit  
& dicta est.

*De dominica post octauas Epiphaniae.*

CAP. LXXVI.

**D**ominica post octauas Epiphaniae  
canitur: Omnis terra adoret te.  
Quare autem hoc fiat, rationem tradunt  
huiusmodi. Cùm enim Augustus vni-  
uerso orbi imperaret ad gloriam Roma-  
ni imperij huiusmodi edictum propo-  
suit & promulgauit, vt quoque anno è  
singulis mundi ciuitatibus Romam ali-  
quis veniret tantum terræ secum adfe-  
rens quantum complexu pugni compræ-  
hendere posset. Quod quidem idè fa-  
ctum est, vt per hoc certò atque euiden-  
ter cõstaret omnes subiectos esse Roma-  
no imperio. Sed postea cum ex illa terra  
factus esset quasi monticulus quidam, in  
hoc à Romanis ad fidem conuersis, Ec-  
clesia in honorem Dei fundata est illa  
dominica. Ad cuius dedicationem Chri-  
stiani ex diuersis regionibus conuene-  
runt. Quia ergo ex omni terra factus est  
monticulus ille in quo huiusmodi Ec-  
clesia sit collocata, idè in dedicationi-  
bus illius diei cantatur officium: Om-  
nis terra adoret te, &c.

*De Septuagesima, Sexagesima, Quinquagesima & Quadragesima.*

CAP. LXXVII.

Postquam

**P**ostquàm dictum sit de illo tempore, quod est inter natalem Domini & Septuagesimam interiectum, ordo postulat, vt deinceps de ipsa Septuagesima & eius gratia de Sexagesima, Quinquagesima, & Quadragesima dicamus, idque hoc potissimum ordine: Primò quid significant, secundò vbi incipiant & vbi finiantur, tertio de earum institutione & quarto de officijs. Septuagesima igitur representat tempus deuiationis siue pœnæ & culpæ. Vnde statim ipsa prima Dominica incipit legi historia libri Geneseos, & legitur vsque ad dominicam, quæ præcedit eam dominicam, quæ in Ramis Palmarum appellata est, vbi agitur de deuiatione & errore primorum parétum. Deponimus hîc etiam Alleluya, in quo sciendū est illud nonnullos facere sabbato eo, quod præcedit ad horam sextam, nonnullos ad nonam, nonnullos ad vespervas, nonnullos etiam nocte ad nocturnos, nonnullos deniq; ipso die dominico ad primam, quæ quidem varietas nata est ex varia dierum inchoatione. Sunt enim quædam nationes, quæ diem auspiciantur à meridie, eumque finiunt meridie diei sequentis: Alij verò ad nonam, & terminant in sequentem nonā: alij rursus à vespervis, & eum deducunt in alias  
vespe-

vesperas, qui rectius faciunt: alij denique inchoant à media nocte, & sequenti nocte media eundem finiūt, quod etiānum observatur secundum decreta Romanorum. Si enim quis alteri pactum fecerit ad certum diem, nō videtur pactum fregisse ante mediam noctem sequentem, si ei tum satisfecerit. Sunt nonnullę ecclesię, quę cum inagno tripudio deponunt Alleluya. Inchoatur autem Septuagesima à dominica qua cantatur, Circumdederunt me, & finitur sabbato in albis, quod est post Pascha. Et ut nos simul de omnibus expediamus, Sexagesima incipit sequenti die dominica post Circumdederunt me, & terminatur in quarta feria post Pascha. Quinquagesima quoque inchoatur tertia dominica post Circumdederunt me, & ipso Paschate finitur. Quadragesimam verò auspicamur dominica qua canitur in Ecclesia, Inuocavit me, atque eandem finimus in coena Domini. Septuagesima autem dicitur, quod septies decē habeat dies. Verum enim verò hæc Septuagesima dierū, quam præsens observat Ecclesia, indicat nobis septuaginta illos annos, quibus Israel fuit in servitute babylonica. Nā quemadmodum illi deposuerunt sua organa dicentes: Quomodo cantabimus canticum Domini in terra aliena? Ita &



nos quoque deponimus cantica laudis. At verò postea sibi data à Cyro Sexagesimo anno redeundi facultate, cœperunt lætari, quemadmodū & nos in sabbato Paschæ resumimus & cantamus Alleluya, eorum innuendo lætitiā, quam ipsi habuerunt ob redeundi licētiā sibi præstitā Sed quemadmodū illi in apparatu reditus, suas colligendo sarcinulas multū laborauerunt: sic nos quoque post Alleluya huiusmodi statim tractum subiūgimus: Laudate Dominum, quo laborem significamus. Illi rursus quemadmodum cum lætitiā redeuntes, itineris tamen labore vexabantur: ita nos per totā Paschalem septimanā Graduale cum Alleluya cantamus. Per Graduale enim laborem exprimimus, per Alleluya lætitiā. Præterea ut illi patriam ingredientēs plenā acceperūt lætitiā: sic nos sabbato quo Septuagesima terminatur, Domino canimus Alleluya. Et profectō tam nostra dierum Septuagesima, quā illorum Septuagesima annorum quāsi quædam historia est, quā totum humani generis exilium ab Adamo vsque ad finem mundi quodammodo figuratur, quod reuolutione septem dierum peragitur, & sub septem annorum milibus concluditur, ut per septuaginta dies vel septuaginta annos

intelli-

intelligamus septuaginta annorum centenas. Ab initio enim vsque ad Ascensionem septem millia annorum computamus. Exinde verò quicquid temporis sequitur vsque ad finem mundi sub septeno millenario comprehendimus, cuius terminum solus Deus nouit. Quemadmodum ergo filij Israhel Septuagesimo anno per Cyrum à captiuitate Babylonica fuerint liberati: sic nos p̄ Christum in septima mundi ætate vel in septimo millenario à seruitute diaboli sumus redempti, restituta nobis innocentia stola per remissionē baptismi. Atque hinc est, quodd in sabbato Paschæ vnum Alleluya cantamus iam spe æternæ quietis & recuperatione patriæ gratulantes. Israhel laborabat in apparādo reditum, & in redeundo: nos quoque in Ecclesia præsentī pro satisfactione decem præceptorū legis laborare debemus. Sed cū finito tempore nostri exilij ventum erit ad patriam, tum vtrāque stola decorabimur, cū videlicet corpus & anima simul glorificabuntur, quod significatur per duo Alleluya, quæ sub finem Septuagesimæ decantantur. Obiter ergo nota, quodd Septuagesima incipit à mœrore, & finitur cum gaudio, sicut psalmi poenitentiales, vt vocant. Septuagesima verò sonat sexies decem, & significat tempus

pus viduitatis ecclesię, ac mœrorem eius propter absentiam sponsi. Licet enim Christus sit nobis pręsens secundum diuinitatem, iuxta illud: Vobiscū sum usque ad consummationem sæculi, tamen secundum quod est homo, in cœlo est, & sedet ad dexteram Patris, id est, patri est cœqualis. Vnde ipse ait: Nōdū enim ascendi ad patrē meū, hoc est, nondum sum ei cœqualis, vt vos opinamini. Dantur hīc tamen sponse in remediū & consolationem sex opera misericordię, quę sunt: pascere esurientem, potum dare sitiēti, visitare infirmum, vestire nudum, hospitio pauperem excipere, & peregrinum: quibus septimum ex *Tobia* additur, nimirum mortuos sepeliri. Hęc sunt data sponsę, vt in eis se exerceat, vtque per eorum, & decalogi obseruationem, sibi mereatur sui sponsi ianuam aperiri, & illius suauissimo amplexu frui. Sic *Quinquagesima* dicta est quasi quinquies decem, significatq; tempus remissionis, quemadmodum in lege veteri annus *Quinquagesimus* dicebatur annus remissionis. Vnde hoc tempore maximē cantatur psalmus *Quinquagesimus*, scilicet: Miserere mei Deus, qui est poenitentię & remissionis. Hoc igitur tempore ieiunamus, vt peccatorum remissionē obtineamus. Postremo

*Tobie. 1.*

Quadragesima commendatur potissimum à loco institutionis: ut dictum est, à tribus temporibus, & à personis; quæ in illis ieiunarunt. Ab institutione, quoniam in paradiso fuit instituta, quando Deus Adamo prohibuit ne comederet de fructu ligni scientiæ boni & mali. A temporibus verò & à personis, quoniam in tempore ante legem à Moyse fuit ieiunatum, in tempore legis ab Helia, in tempore gratiæ à Christo.

*De institutione prædictorum.*

CAP. LXXVIII.

**V**iso quid prædicta significant, de eorum institutionibus subsequenter agamus, & primò de Quadragesima. In primis ergo videndum est, quare vocetur Quadragesima, cum potius dici deberet decima, quòd sit dierum decima. Verùm hoc ita factum est ex consuetudine Ethnicorum siue Gentilium. Quæ admodum enim Hebræi ex omnibus suis bonis decimam partem dabant, ita Gentiles Quadragesimam, & tales reditus vocabant Quadragesimam, vel decimam. Iuxta similitudinē igitur regij fisci vel telonei, aut Romanæ exactiōis dierum decimam, quam Deo persoluimus, Quadragesimā appellamus. Tametsi quidem non habeat nisi triginta & sex dies de decima, & incipiat Quadra-  
gesima,

gesima, vt dictum est, dominica, qua cātatur Inuocauit me. Sed quia Christus ieiunauit quadraginta diebus, & nos debemus esse illius imitatores, additi sunt quatuor dies, vt similiter quadraginta dies ieiunemus. Atque etiam ideo quadraginta dies ieiunamus, vt diebus illis quadraginta à Pascha vsq; ad Ascensionem, quos in lætitia acturi sumus, nō excedamus, quin Christum caput nostrum ad cœlos consequi valeamus. Similiter sentiendum est de Quinquagesima. Cū enim clerici considerabant se præcedere populum ordine, rati sunt æquum esse, vt & sanctitate præirent. Quare duos dies addiderūt & à die dominica ante Inuocauit me, incipiunt ieiunare. Atque ita instituta est Quinquagesima. Vel ideo etiam quinquaginta dies in pœnitentiam ducimus, vt peractis quinquaginta diebus lætitiæ post Pascha, ipso die Pentecostes digni habeamur qui spiritus sancti gratiam suscipiamus. Verū Septuagesimæ institutio huiusmodi sumpsit initium: Melchisedes Papa & Sanctus Silvester statuerunt, vt bis quoque sabbato comederetur, ne propter abstinentiam & afflictionem carnis quam sustinuerant sexta feria, quæ omni tempore ieiunabatur, & adhuc debet ab omnibus ieiuna-

ri, natura debilitaretur. In redemptionem ergo sabbatorum illius temporis, addiderunt vnam septimanam; & sic instituta est Sexagesima; quæ tantum protenditur, vsque ad quartam feriam post Pascha. Sic quoq; aliam habet originem Septuagesima. Nam quum propter venerationem diei Ascensionis, in qua natura nostra cœlos ascendit exaltata vel ultra choros Angelorum, statutum est à sanctis patribus, vt quinta feria semper celebris haberetur. Sed quum nōs eadem die nostra melius procuramus, factum est vt illam diem secundum antiquam consuetudinem solenniter non obseruamus. Pro illis ergo rursus vnam septimanam Sexagesimę addiderunt, incipientes ieiunare à Circumdederunt me. Atque ita instituta est Septuagesima, quæ, vt dictum est, vsq; ad sabbatum post Pascha protenditur.

*De officijs istorum temporum.*

*CAP. LX XII X.*

**H**Is ita breuiter consideratis, videndum est de officijs istorum temporum generaliter. Sciendū igitur est, quoddam quædam hoc tempore omnino intermittuntur, quædam veriātur, & quædam pro alijs mutantur. Intermittuntur tria cātica laudis; scilicet: Alleluya; Gloria in excelsis, & Te Deum laudamus:

excepto tamen quòd in cathedra beati Petri canimus: Te Deum laudamus, quòd hymnus ille intronifandorum proprius sit, & ideo eum cantemus. Quemadmodum in die cœnæ (quod etiam excipitur) Gloria in excelsis dicimus, & Ite missa est, atque in ipso sabbato Paschæ similiter Gloria in excelsis Deo, sed non Ite missa est, nec Te Deum laudamus. Alleluya à Septuagesima vsque ad Pascha non proferimus, sed voces quasdam loco eius vsurpamus. In principijs enim precum horariarum, Laus tibi Domine rex æternæ gloriæ, & in Antiphonis ac responsorijs pro Alleluya dicimus, In æternum. In missa loco Alleluya cum suo versiculo, canimus tractum, vt nos dicimus. Quanquam verò vox hæc: Laus tibi Domine, &c. videatur aequipollere voci huic Alleluya, magnum tamen inter vtramque statuitur discrimen, quòd vox hæc Alleluya angelica sit, illa humana: atque hæc maiorem habeat auctoritatem propter Hebraici sermonis dignitatem, illa verò minorem, ob Latine linguæ inopiam, & paupertatem. Atque in his quidem generatim obseruandum illud est, quod duo hæc: Flectamus genua, & Inclinate capita, sese mutuo commitentur, neutrumque dici debeat die Dominica.

**V**ariantur verò officia ut cùm iste Psalmus : Dominus regnavit , qui est Psalmus lætitię , ac cani consuetus est primus in laudibus , hoc tēpore non canetur , sed loco eius : Miserere mei Deus , qui Psalmus est pœnitentialis. Cantatur tamen diebus dominicis ad primam , ut per hoc significetur nihil debere in Psalterio prætermitti , quin totum per septimanam saltem legatur , quod antiqui vno die facere solebant. Ad primam quoque propter eandem causam canitur : Confitemini Domino , quo innuitur pueros debere instrui , ut in Ramis Palmarum sciant Domino laudes decantare , quoniam hic Psalmus ad illum præcipuè diem pertinet , idque potissimùm ob hunc versiculum : O Domine saluum me fac , &c. Hoc tempore splendidas & ornatas vestes debemus omnes deponere , atque assumere vestes humilitatis. Tēpore quoque Quadragesimæ carnes deponi debent & intermitti , tam solidæ quàm liquidæ. Sunt autem duo genera carnis liquidæ . Alia enim est artificio liquida , ut eliquata per frixuram nempe sanguina , alia verò naturaliter , ut sunt casei & ova . Ait enim Hieronymus contra Iovinianum : Ouum & caseus nihil aliud .



aliud est, quàm caro liquida. Sed quæritur cur hoc tempore pisces comedere liceat, ac non itidem carnes? cur non in quouis ieiunio perinde pisces, atque carnes, nobis omnibusque religiosis sint interdicti? Atque ratio quidem hæc esse poterit, quia Deus aquis non maledixit. Sciebat enim per aquas baptismatis ablutionem fore peccatorum, ita ut elementum hoc meritò sit præstantissimū, quod facilè est animadvertere & abluat sordes, ac spiritus Domini ante mundi constitutionem ferri solitus sit super aquas, quemadmodū nobis scriptura recēset. Sed terræ maledixit Deus in opere hominis. Inde est, quòd omne genus carnis, quod in terra versatur, tam quadrupedia, quàm aues in ieiunijs comedere non liceat. Quanquam enim aues quædam versentur in aëre, quædam in aquis: quæ vel in his, vel extra eas nascantur, magis tamen dicuntur morari in terra, & ad naturam terræ pertinere. Vnde meherclè cū quidam pisces sint, qui ex vna parte habeant formam piscis, & ex alia formam animalis quadrupedis, ut porcus piscis, canis piscis, lusus piscis, qua parte piscis videtur potest in ieiunijs comedi, qua verò non, haudquaquam.

*De festis quæ sunt in principio Septuagesimæ, & primo de Purificatione beatæ Mariæ.*

CAP. LXXXI.

*Leui. 12*

**N**Vnc dicendum est de duobus festis, quæ in principio Septuagesimæ quandoque contingunt celebrari, de festo videlicet beatæ Mariæ & sancti Blasij. Festum autem beatæ Mariæ tribus nuncupatur nominibus. Dicitur enim vel purificatio beatæ Mariæ, vel candelaria, vel ὡσάννη Domini: Purificatio beatæ Mariæ appellatur, quoniam illo die, qui est Quadragesimus à Natali Domini, venit ad templum virgo Maria secundum consuetudinem legis, ut purificaretur. Non quodd immunda esset, sed propter partum more aliarum mulierum. Non enim erat obnoxia legi, quæ hoc pacto præcipit: Mulier si suscepto semine masculum pepererit ab ingressu templi immunda erit diebus triginta tribus, à consortio hominum septem. Beata autem virgo Maria non pepererat ex suscepto semine, iuxta illud: Non ex virili semine &c. voluit tamen legis consuetudinem observare, quoniam non venit Christus legem solvere, sed adimplere. Quare autem candelaria vocetur aliam auctoritatem non habet, sed potius fluxum est ab antiqua consue-

consuetudine Ethnicorum siue Gentilium. Erat enim antiquitus Romæ consuetudo, vt circa hoc tempus in principio Februarij urbem lustrarēt, eam ambiendo cum suis processionibus gestantes singuli candelas ardentes, & vocabatur illud amburbale. Atque ita ab huiusmodi consuetudine illud quod fiebat ab Ethnicis in vsus indiscretos circiter initium Februarij, à Christianis modò fit in festo beatæ Mariæ ad laudem & venerationem ipsius. Vel idèò candelas portamus, vt per hoc imitemur sanctas virgines, quarum beata virgo Maria caput est, vt nimirum accensa nobis lampade castitatis, cum ea templum gloriæ ad verum sponsum ingredi mereamur. Vel etiam appellata est candelaria, propter multitudinem candelarum & significationem, quæ in eis est. In candela enim est cera, ignis, & linum. Cera connotat carnem Christi & virginitatem, ignis spiritum sanctum, linum deitatem in carne latentem. Ὡσαννὴ Domini, idèò dicitur hoc festum, quòd Simeon atque Anna Prophetissa Christo venerint obuiam, cum à suis parētibus adferretur in templum vt præsenteretur. Ὡσαννὴ enim obuiatio siue presentatio dicta est.

*De festo sancti Blasij.*

*CAP. LXX XII.*

**A**lterum huius temporis festum est Blasij. Fuit autem hic sanctissimus medicus, qui multo tempore in rupe quadam latitans hominibus ad se venientibus medebatur, atque eos sanabat. Simili ratione si quæ sua animalia ad eum ducebant ægrota, ea ilicò curabat. Tandem cum factus esset Episcopus vr̄bis Sebastæ captus fuit & in carcerem inclusus, in quem pia quædam mulier cibum ei multo tempore cum candela attulit. Cùm autem ille mortis suę diem iam imminere præsciret, dixit huic mulieri, vt quandiu viueret, singulis annis ipso die obitus sui candelam in eius memoriam offerret, Deus ab infirmitatibus, eam tutaretur, atque in magna prosperitate conseruaret. Quod quidem ita factum est. Multi ergo similiter ita fecerunt si fortè infirmarentur, & valetudinem receperunt. Inde apud omnes passim in consuetudinem abiit, vt si fortè ex dentibus laborat vel ex aliqua alia sui parte, vel etiam si sua ægrotarēt, animalia, offerrent in eius honorem, candelas.

*De Cathedra sancti Petri.*

*CAP. LXXXIII.*

**H**oc item tempore celebrari solet cathedra sancti Petri tam quæ Romæ fuit quæque tempore posterior est, quàm

quàm illa, quæ fuit Antiochiæ. Verùm illa quæ fuit Antiochiæ, solennior profectò est alia, vt vel huius diei collecta quæ est de incathedratione Antiochiæ facta, abunde testatur, diciturque festum beati Petri epularum. Fuit enim consuetudo veterum Ethnicorum, vt singulis annis mense Februarij certo quopiam die epulas ad parentum suorum tumulos apponerent, quas nocte dæmones consumeabant, quum inde non minus falso quàm ridiculè animæ refici credebantur. Putabant enim huiusmodi epulas ab animabus circa tumulos errantibus absorberi. Hæc autem consuetudo atque huiusmodi falsæ opinionis error à Christianis vix extirpari potuit. Quod quidem quum viri sancti animaduertissent, ac penitus illam consuetudinem extinguere voluissent, instituerunt festum de cathedra sancti Petri, tam de illa, quæ fuit Romæ, quàm quæ Antiochiæ, idque illo eodem die quo abominanda illa ab Ethnicis fiebant, vt solemni hoc festo paruæ istius consuetudinis festum omninò extingueretur. Vnde etiam ab illis epulis festum hoc appellatum est beati Petri epularum. Atque hîc obiter intelligamus, veteres dicere solitos fuisse, animas esse quando etiamnum in humanis corporibus essent

*Hæc omnia Durandus in suū tranſulit Rationale, vt vel ipse fateatur.*

constitutæ: manes appellari, si quando forent apud inferos: spiritus verò cum ad cœlos ascendissent: atq; vmbbras quādo adhuc recens erat sepultura, siue quādo circa tumulos errabant.

*De festis generaliter quæ tempore fiunt*

*Septuagesimæ.*

CAP. LXX XIII.

**V**T autem de omnibus magnis solennitatibus quæ infra Septuagesimam celebratur, siue ipso passionis tempore, siue ante, nos simul expediamus (vt sunt tria illa festa prædicta, beatæ Agathæ, sancti Matthiæ, Annunciationis Domini, sancti Gregorij, & si fortè contingat, festum ipsius patroni Ecclesiæ vel eius anniuersarium vel Pascha alicuius annotinum) dicimus generaliter quod cantica laudis scilicet Te Deum laudamus, Gloria in excelsis, & Ite missa est, & alia, quæ si alijs temporibus contingerent, cantarentur, in ijs cani debent, præter Alleluia. Nam huiusmodi festa ad Paschale tempus generatim videntur pertinere. Si verò hic obijciatur quod in Annunciatione Domini Gloria in excelsis, quod canticum est propriū Natalis Domini, & Ite missa est, quod proprium est resurrectionis, & Te Deum laudamus, quod gaudium drachmæ inuentæ designat, cantari non debe-

debeant, quoniam hæc in Annuntiatione Domini illa tempora non habebant, dicimus breuiter, quod etiam si Natalis Domini, vel passio, vel drachmæ inuentio necdum re vera erant, tamen iam certò fore sperabantur. Nam hoc festum est quasi fons & initium festorum Christi. Vocatur autem Pascha annotinum, quando aliquis diem, quo baptisma suscepit, annuatim celebrat, atque eo tum ipsius diei Paschæ officium integrè cantari debet, præter alleluya, si accadat tempore Quadragesimæ. Sed certus interim fis ecclesiam Lugdunensem & Mediolanensem ubi Ambrosius archipræsulatum obtinuit, tempore passionis nullam celebrare solennitatē, verum duntaxat facere commemorationem.

*De Officio Quadragesimæ ac litera Laicorum.*

CAP. ·LXXXV.

**Q**uoniam de officio Quadragesimæ hucusq; generaliter tractatum est, nunc deinceps de eiusdem officio pro tempore agendum est. A Dominica igitur, quam dicimus: Isti sunt dies, usque ad Pascha, versiculus ille videlicet Gloria patri, qui ad laudem pertinet Trinitatis, in officijs planè subticetur. Quoniam ab illa dominica incipit Passio Christi celebrari, in qua tota Trinitas à Iudæis quasi dehonestata videtur.

*Qua*

Qua etiam ratione fit, ut in cantico trium puerorum, scilicet: Benedicite, versiculus ille nunquam cantetur. Quia tunc Deo magna facta est dehonestatio, quando tres pueri, qui ipsum maximè colebant, idola plurimum execrantes, coniecti sunt in caminum ignis. Maximè verò idem iste versiculus triduo illo ante Pâscham subticetur, quòd tum demùm Trinitas maximo affecta sit dedecore. Nam praterquam quod in primis de nece Christi hîc agitur, nunc verberatur, nunc sœdè cōspuitur, alapis cæditur, nunc etiã crucifigitur, vnde Isaias: Vidi-mus, inquit, cum, non habêtem speciem neque decorem. Horarum quoque initia, & lectionum tituli tunc planè subprimuntur, nempè: Deus in adiutorium, &: Lectio libri &c. quia Christus caput nostrum à nobis sustollitur iuxta præsentiam carnis. Ad lectiones non petuntur benedictiones, neque dantur, quoniam pastor Christus, qui gregi suo benedicat, iam non adest. Vel ideo benedictio nō petitur, nec Tu autem Domine dicitur quòd Apostoli his diebus nec ad prædicandum missi sint, nec inde redierint. Ut ergo hoc significemus, nec Iube Domine dicimus, nec Tu autē. Illud quoque considerandum est, quod in Quadragesima duæ recitentur præfationes



nes, vna ieiunij, & altera passionis. Ea quæ est ieiunij à primo ieiunio cantatur, vsque ad dominicam in Ramis Palmarum. Illa verò quæ est Passionis, ab eo die cani incipit vsque ad Pascha. Sed absurdè fortasse alicui factum videbitur, quòd Dominica die istiusmodi cantetur præfatio, quum non sit dies ieiunij. Verùm dici potest, quòd etiam si illo die non ieiunetur numero, qualitate tamen, hoc est, cibo carnali ieiunatur, quemadmodum etiam diebus alijs. Sed quoniam ea quæ à nobis dicta sunt, ad clericos maximè pertinere videntur, nunc pauca dicenda sunt de laicorum scriptura, quæ in duobus potissimū consistit, nempe in picturis & ornamentis. Nam vt ait Gregorius, quod est clerico litera, id laico est pictura. Picturarum igitur aliæ sunt supra Ecclesiam, vt gallus vel aquila: aliæ extra Ecclesiam, vt in fronte forium bos & leo: aliæ intra Ecclesiam, vt sunt icones, statuæ, figuræ, & diuersa alia picturarum genera, quæ vel in vestibus, vel in parietibus, vel etiam in vitris depinguntur. Verùm de his omnibus postea suo loco dicetur, hoc vno tamen modo obseruato, vt sciamus Saluatoris nostri imaginem tribus huiusce modis aptius & conuenientius in ecclesia depingi, vt videlicet aut in throno sedet, aut in

in crucis patibulo pendeat, aut etiam in matris suæ gremio conquiescat. Ornamenta verò in tribus consistunt, in ornamento videlicet Ecclesiæ, chori & altaris. Et ornatus quidem Ecclesiæ consistit in cortinis, aulæis, pallis sericis, purpureis, & consimilibus. Ornatus verò chori, in dorsalibus, ut vocant, tapetis & substratorijs. Ornatus denique altaris versatur in velamentis, crucibus, capsis, textibus & phylacterijs. Est etiam ornatus personarum, quæ vel cantant in choro, vel altari inseruiunt. Sed de his & similibus dicimus, omnia illa quæ ad ornatum pertinent, tempore Quadragesimæ debere abscondi, vel remoueri, vel etiam contegi. Nec crux quoque illo tempore nisi cooperta in ecclesia portari debet. Duo tamen vela retinentur, quorum alterum ponitur per chori circuitum, alterum suspenditur inter altare & chorum, ut non appareant, quæ sunt intra sancta sanctorum. Quo quidem significatur mentibus infidelium diuinarum scripturarum intelligentiam nondum esse apertam. Hæc duo vela diebus Dominicis complicantur, quod hi dies ad tempus Paschatis pertineant. Sic quoque ad primas tenebras quartæ videlicet feriæ ante Pascha, ubi de morte Domini agitur, omnino remouentur, quoniam  
niam

niam eo mortuo velum templi scissum est, ita vt tunc quæ intra sancta sanctorum delituerant, primò omnibus fuerint manifesta.

*Quomodo sit pulsandum in Quadragesima. CAP. LXXXVI.*

**N**unc quemadmodum in Ecclesia pulsandum sit, paucis etiam exponamus. Quod vt melius pateat, primò sciendum est sex esse instrumentorum genera, quibus pulsatur: tintinnabulum, cymbalum, nola, nolula, campana, & signa. Tintinnabulum pulsatur in triclinio & in refectorio: cymbalum in choro, nola in monasterio, nolula in horologio, campana in turribus, cuius diminutiuum Hieronymus ad Eustochium in cœnobijs, esse ait: Quousque campanula in claustro pulsabitur. Signa autem pro quibusuis pulsandi instrumentis accipi possunt, vt quibus quippiam significetur. Generaliter ergo cognoscendum est, quodd non debeamus in tota Quadragesima diebus profestis cōpulsare nec dupulsare (liceat enim hic vulgaribus & cōsuetis vti vocabulis) sed simpulsare, id est, simpliciter pulsare ad horas vel matutinas. Atque in bene constitutis ecclesijs ad primam pulsatur duabus campanis, vnā ad inuocandum, altera ad inchoandum. In tertia autem pulsatur tribus iuxta

iuxta horarum numerum, quæ sub illa cantantur, vna ad mutandum, altera ad congregandum, tertia ad inchoandum. Pari modo fit in sexta & nona, sed & eodem ordine eadem campanæ pulsantur simpliciter ad Matutinas. Ad Missam verò & ad Vesperas duabus pulsantur campanis. In minoribus autem Ecclesijs solummodo pulsandum est simpliciter. Diebus verò dominicis & in solennitatibus, prout in alijs temporibus compulsatur. Sed de his in sequentibus latius dicturi sumus.

*Quare non ieiunemus eo tempore  
quo Christus ieiunavit.*

CAP. LXXXVII.

**S**Olet autem quæri, quum in hac Quadragesima Christi ieiunium imitemur, cur non eo tempore etiam ieiunamus, quo Christus dicitur ieiunasse. Tradit enim scriptura, quòd ieiunare statim cœperit simulatq; esset baptizatus. Verùm, quadruplex est ratio, quamobrem Paschæ ieiunium nostrum cōtinuamus. Prima est, vt si volumus cum eo resurgere, debeamus etiam nos pati cum eo, quòd pro nobis ipse passus sit. Secunda causa est, vt per hoc Israheliticos filios imitemur, qui eo tempore primò ex Aegypto egressi sunt, & postea eodẽ tempore exierunt è seruitute Babylonica.

Quod

Quod inde profectò facile probatur, quia tam illi, quàm hi statim celebrant Pascha, atque egressi sunt. Tertia est huiusmodi, quòd quādoquidem feruor libidinis tempore Veris nos magis soleat incendere, tum temporis maximè ieiunamus, vt corporis æstus refrenemus. Quarta est, quoniam post ieiunium statim debemus Christi corpus accipere, vt mysticè Paschalia capiamus Sacramenta. Hoc est: Quemadmodum filij Israhel priusquam comederēt agnum sese affligebant, & agrestibus lactacis vescebantur: Ita debemus nosmet prius per pœnitentiam affligere, vt digni habeamur comedere agnum vitæ. Animaduerte interim, quòd si in Quadragesima concurrant duo officia, quos dies duplices vocamus, necessarium esse, vt cætetur officium ad tertiam de festo, absque genu flexione, officium verò ieiunij ad nonam non sine curuatione genuum.

*De diebus Priuilegiatis.*

*CAP. LXXXVIII.*

**P**ost hæc verò tradendum est, qui dies sint velut Priuilegiati, qui hoc potissimum tēpore comprehenduntur. Sūt enim priuilegiati dies quatuor quartæ feriæ, quatuor sabbata, tres dies Dominici, vna quinta feria, vnaque sexta feria, atq; vna integra Septimana. Quar

ta

tæ feriæ sunt hæ: Prima est quâ nos incipimus ieiunare in Quadragesima, secunda, septimana sequenti, tertia, in hebdomada post Lætare Hierusalem, quarta in vltima septimana. Quatuor verò sabbata hæc sunt: sabbatum primæ septimanæ, quando celebrantur ordines, sabbatum quartæ, sabbatum quintæ, & sabbatū in vigilia Paschæ. Sic Dominicæ dies sunt hæ tres: Inuocauit me, Lætare Hierusalem, & Dominica in ramis Palmarum. Sed quinta feria est in parasceue. Septimò denique priuilegiata est vltima septimana Quadragesimæ, quæ vel ob id maior dicitur, quòd maius & prolixius habeat officiū. Vel appellatur quoque pœnosa, quia tum maximè corpora & vitia nostra punire debemus. De Priuilegijs ergo istorum dierum ordine prosequamur.

*De Prima Quarta feria.*

*CAP. LXXXIX.*

**P**Rima quarta feria quatuor insignitur Priuilegijs. Primum est, quod tunc incipiamus ieiunare, idq; ideo facimus, quia Christus quarta feria, vt legitur, suū auspicatus est ieiunium, quod diligenter perscrutanti verum esse satis apertè cōstabit. Natus enim est die Dominico, ita vt si quis diligenter exinde computet annos, vsque ad trigesimum,

num iuxta rationes computi, facile inueniet eum tertia feria fuisse baptizatū, ac sequenti die desertum intrans ieiuniū inchoasse. Secundum priuilegium eiusdem diei est, quod confessiones illo die in Ecclesia audiantur, & iudicia confitentibus imponantur. Tertium autem, quia tunc cineres in signum humilitatis capitibus imprimuntur. Quartum denique est, quod illa die eiusmodi fiat processio, qualem per vniuersum annum amplius fieri non contingit. Pœnitentes enim tunc ab ecclesia cum processione & cruce eijciuntur, vt ipso die cœnæ in eandem recipiantur. Nam tunc pœnitentes ab Ecclesia ided eijciuntur & repelluntur, quo Adami & Heuæ exulatus propter æsum pomi representetur.

*De Secunda Quarta feria & Tertia.*

*CAP. LXXXX.*

**Q**uarta feria sequens ob id priuilegiata est quod tum ij, qui sabbato sequenti ordinandi sint, ex sacris literis interrogentur atque examinentur, probenturque num idonei etiam satis sint, ad suscipiendos ordines. Inde profectò est, quod duæ lectiones ad missam leguntur, vna voce naturali vel nocturnali, hoc est, graui ac pressa, altera verò communi. Prior vetus Testamentum significat, posterior nouum, vt per  
hoc

hoc declaretur eos, qui suscepturi sunt ordines, vtriusque Testamenti peritos esse debere. Atq; illud quidem tanquam generalem regulā habemus, quod quotiescunque quarta feria duæ lectiones ad missam leguntur, sequenti sabbato possint ordines celebrari. Ceterum tertia quarta feria, in eo habet privilegiū, quod illo die in Ecclesia instructio & examen fiat eorum, qui in sabbato ante Pascha sint baptizādi. Fit autem instructio illa in hunc modum: Qui baptizari volunt conveniunt ad portas Ecclesiæ, foeminae à sinistris, mares à dextris: atq; à diacono, vel sacerdote interrogantur, an velint baptizari, aut idem perconctatur à susceptoribus. Exorcista tamen debet prius interrogare, num etiam abrenuntient sathanæ, & omnibus eius pompis, ita ut puer, si sit adultus, respōdeat se abrenunciare, si non sit adultus, pro eo susceptor. Verum nullus in susceptorem admitti debet, nisi orationem sciat Dominicam, & minus symbolum calleat, quod tenetur suos docere filios. Nec verò Christianus censeri debet, nec ad testimonium aliquod admitti secundum Decreta, qui horum ignarus est. Quare omnino necesse est, ut illud ex susceptoribus sacerdos inquirat. Alioqui enim, si nesciant, recipi non debent, nisi fortè

2. q. 7.  
non po-  
test. &c.  
sequen.

qu.

Inc: m b.

que: and



fortè promittant, quod quàm fieri potest citissimè illa addiscèt. Tunc demum acolytus scribit eorum nomina, qui volunt baptizari: vnde etiam hic notarius est appellatus, quòd baptizàdorum scribat nomina. Postquàm igitur à Sacerdote satis in fide sint instructi, atque exorcistæ super eos fecerint adiurationes, ab ostiario in Ecclesiam introducuntur, & in naui Ecclesię cōstituuntur, masculi quidem à dextris, fœminæ verò à sinistris. Duo tamen intra sancta sanctorum deducuntur, masculus videlicet & fœmina, quo significatur aliquos ex baptizandis fore saluos. Atq; tum denique legūtur oratio dominica & minus symbolum Græcè & Latinè, propter earum linguarum dignitatem. Sunt enim cæteris digniores: Græca utique propter sapientiam, Latina autem propter potentiam Romanorum. Postea verò quatuor recitantur lectiones & quatuor Evangeliorum initia, tandemque inchoatur missa, cuius cātato offertorio, Archidiaconus vel diaconus pulpitum ascendit, & clamat alta voce: Si quis, inquit, est hîc catechumenus, exeat foras. Isti enim connotant, vt suprâ expositum est, illos de quibus dictum est: Iesus autem non credebat se illis. Ipse enim sciebat quid *Io. 1.* esset in homine. Atque ita tum omnes

catechumeni exeunt foras, quod septies eodem modo de illis agitur antequàm baptizentur.

*De quarta feria. CAP. XCI.*

**I**lla autem quarta feria, quæ est post dominicam Lætare Hierusalem, in eo est priuilegiata, quòd tunc duæ legantur lectiones, quoniam sabbato sequenti celebrantur ordines. Sic quarta feria vltimæ septimanæ, nimirum ea, quæ est ante cœnam, priuilegium obtinet, quia duæ item lectiones tunc leguntur, idque ob eam causam, quòd illo die Christus triginta denarijs fuerat diuenditus, quemadmodum Ioseph triginta argenteis. Non enim seruus maior Domino est, nec discipulus suo magistro. Ab hac ergo quarta feria sumptum est, quòd omni quarta feria ieiunare & abstinere à carnalib<sup>9</sup> semper debeamus. Ex quo quidẽ fit, vt post sextam feriam, hic dies pœnitentibus in abstinentiam semper iniungatur.

*De sabbatis priuilegiatis. CAP. XCII.*

**S**abbatum primæ septimanæ & quartæ ideo gaudent priuilegio, quòd in ijs celebrentur ordines. Verum hinc scias in omnibus festis Apostolorum & dominicis diebus fieri posse ordines, videlicet minores: maiores verò non vtrique, nisi in sex tantummodò sabbatis. Et quidem in illorū primo plures leguntur lectio-

lectiones, inter quas vna est, quæ quādiu canatur nullus sedere debet. Hæc nimirum est hymnus ille triū puerorū, qui pro fide Trinitatis ab eis iā in fornace cōstitutis cātabatur. Ad hūc ergo hymnum genua flectere nō decet, & isti sua flectere noluerunt coram Nabuchodonosoris statua, sicut multi fecerāt principes alij. Similiter in Parasceue genua non flectimus ad orationē quæ fit pro Iudæis, ob derisionem eorū, qui dum Christum deridebant, inqueiebant: Prophetiza nobis Christe, quis est, qui te percussit. In sabbato ante Lætare Hierusalem recitatur epistola Susanna. Nā tum fit statio Romæ in monasterio beatæ Susannę virginis. Atque ita itiam ob similitudinem quandam Euāgelium est de muliere deprehensa in adulterio, quam Dominus liberauit. Ecce quomodo concordant Euangelium & Epistola, vt conueniunt & multa alia. Sabbatum verò quod est ante Ramos Palmarum, hinc suum accipit priuilegium, quod eo tempore Dominus Papa eleemosynas largiatur, hoc est, suum faciat mandatum, quod deberet facere ipso die cœnæ. Sed quia tunc non posset propter prolixum eius diei officium, ideo illud hoc sabbato commodè facit. Aut certè hinc maxime priuilegium habere videtur, quo-

niam eo die Dominus in domo Simonis leprosi pransus est Martha ministrante, & quò Maria pedes eius lachrymis suis lauit, ac proprijs tersit capillis, vnguentumque in caput eius fudit. Meminerimus tamen ex omnibus mandatis Dei, hoc solùm antonomasticè dici mandatum, quod Christus maiori exhibitione illud obseruari atque obsequi præceperit, cum suis discipulis pedes lauaret, inquit: Si ego laui vobis pedes Dominus & magister, & vos debetis alter alterius lauare pedes. Et cum quadam interminatione, qua Petro interminatur: Si non, inquit, lauo tibi pedes, nō habebis partem mecum. Quare propter huiusmodi præceptum vacat sabbatum illud ab officio. Hinc nata est illa authoritas, quòd si quis fuerit aded negotijs intricatus atque oppressus, vt difficulter possit vacare orationi & eleemosynæ simul, saltem mutet cum oratione eleemosynam, & contrà. Sabbatum deniq; ante Pascha, inde priuilegiatum est, quòd tū celebrentur ordines, catechumeni baptizentur, & cādela illa cærea Paschalis consecratur. Verùm eadem missa cōmunis esse oportet diei & ordinibus, pluresq; tum recitātur lectiones.

*De dominicis diebus priuilegiatis.*

CAP. XCIII.

Sequi-

**S**equitur de diebus dominicis: & quidem prima dominica Quadragesimæ in hoc est priuilegiata, quoniam inde inchoatur ipsa Quadragesima, quæ repræsentat tempus illud, quo morati sint atque hæserint in deserto filij Israhel. Sicut enim illi istic morati sunt per quadraginta duas mansiones manna cibati: ita nos quoque ab hac Dominica vsque ad Pascha per quadraginta duos dies à delicijs corporeis abstinentes verbo vitæ reficimur, & orationi vacamus, vt per Christum in terram viuentium introducatur, quemadmodum illi introducti per Iesum Naue filium, siue per Iosue in terram promissionis. Tria notanda sunt in populo Israhelitico, scilicet: Peregrinatio, quæ fuit in Aegypto, quando Iacob & filij eius profecti sunt in Aegyptum. Captiuitas quæ in Babylone cõtigit: atque horum duorum nos meminimus: Tertium fuit dispersio, & adhuc est per vniuersum orbem. Cuius quidem nos mentionem non facimus, quia ab illa nūquam reuocabuntur, quæ facta fuit à Tito & Vespasiano. Vnde dictum est: Tradam eos in manu, de qua non poterunt surgere. Dominica verò Latere Hierusalem, quæ septima est à prima Dominica Septuagesimæ, ob id priuilegio insignita est, quòd

libertatem nobis exprimat redeūdi, quæ fuit concessa filijs Israhel in Babylonia anno sexagesimo, quanquam plenè obtinuerunt anno septuagesimo. Ex quo sanè totum eius diei officium de lætitia est, vt partim illorum exprimamus lætitiā, partim etiam nostram, quam finitis septem etatibus, à mundi exilio liberati habebimus, cum cœlestem paradisum, quæ verè patria nostra est, intrabimus.

*De dominica in Ramis Palmarum.*

CAP. XCIIII.

**D**ominica in Ramis Palmarum ob triplicem rationem meruit priuilegium. Primò quòd eodem die filij Israhel terram promissionis ingressi sint, & siccis pedibus Iordanem transierint. Sic enim contigit, quòd eo anno tot fuerunt dies vsque ad Pascha, quot sunt ab hac die dominica. Secundò autē ideo, quoniam hoc die veniens Iesus à Bethania in Hierosolymam maximo honore exceptus sit, quo etiam die vendentes è templo potentissimè eiecit, quod eius diei priuilegij tertia est ratio. Hic dies tribus nuncupatur nominibus. Dicitur enim Dominica in Ramis Palmarum, q̃ illo die Rami palmarū in processionibus deportentur, in significationem illorum, quos filij Israhel strauerunt in  
via

via Christo iam veniente. Vel quos etiam deferimus in figuram ramorum & florum virtutum, quos portare debemus, si quando ad Christum ibimus. Cum autem palmas non habemus, laurum vel buxum, quod perpetuo suo virore virtutes connotent, deportamus: vel flores etiam, qui simili ratione virtutem significant. Hoc ergo die magnam & insignem exhibemus processionem, ad designandum, quod Dominus veniet ad nos, & ducet nos ad æterna tabernacula. Post processionem oportet veniamus ante crucifixum ac dicamus Benedictus: nec ideo alia processio cessare debet, sed fieri ante tertiam. Obiter itaque hinc considera uxorem Loth in salis effigie fuisse mutatam & transformatam, quod retro respexisset, ut scilicet nos condiret atque instrueret, ne retro eamus. Nam, quemadmodum ait scriptura, nullus qui ad aratrum manum adiecerit, retro debet respectare.

*De quinta feria.*

CAP. XCV.

**F**eria quinta, quæ coena Domini appellata est, quatuor insignitur privilegijs, quorum primum est poenitentium iam in ecclesiam redeuntium. Tunc enim ecclesia ad se recipit poenitentes, quos antè primo die ieiuniorum eiecerat. Reci-

piuntur autem pœnitentes in Ecclesiam  
& separantur à malis non pœnitenti-  
bus quinta potissimùm feria, quod Deus  
volucres fecerit quinta feria ex aquis.  
Qua ratione etiam fit, vt quoddam quasdam  
in aquam remiserit; significemus malos  
in carnalibus rebus sese oblectantes, &  
quoddam quasdam in aëra sustulerit, intelli-  
gamus bonos, atque eos, quos delectant  
cœlestia. Secundum priuilegium est, quia  
nouum Testamentum tunc incepit, &  
vetus fuit terminatum. Tertium autem  
priuilegium huius diei est olei consecra-  
tio. Verumenimuerdò tres sunt potissi-  
mum in ecclesia Dei sacrę vnctionis spe-  
cies, Chrisma, oleū infirmorū, & oleum  
quo vnguntur baptizati. Chrisma con-  
ficitur ex balsamo mundissimo, atque  
oleo purissimo. Namque oleum clarita-  
te alios liquores facilè superat, & balsa-  
mum odore. Quoddam autem oleum alio li-  
quore fit clarius, hoc pacto ostendi po-  
test: Nauta quandoq; mittit anchoram  
in mare, & si fortè illa lapidi affigatur,  
ita vt extrahi non possit, tunc nauta il-  
luc descendit, habens os suum plenum  
oleo in eum vsum, vt si fortassis nō pos-  
sit lapidem illum videre, cui anchora ad-  
hæret, ob turbulentam & tenebrosam  
aquam, effundat oleum. Quo facto tan-  
ta istic nascitur claritas, redditurq; aqua  
tam



tam pellucida propter oleum effusum, ut lapidem nauta facile videre queat. **Chrisma** initium traxit à veteri Testamento, quādo Dominus præcepit Moyse ut cōficeret **Chrisma**, quo vngeret tabernaculum in dedicatione, & arcam testamenti: Atque Aaron & sacerdotes illo similiter vgebantur, & reges: Moyses tamen non legitur vñctus fuisse, nisi vñctione spiritali, quemadmodum & **Christus**. Voluit nihilominus **Christus** materiali nos inungi vñctione, ut per illam materiale consequamur spirituale. Inungitur enim quilibet **Chrisma** te bis in vertice à communi sacerdote, & in fronte ab Episcopo. Cæterum ideo bis, quia post resurrectionem duabus vicibus datus fuit **Spiritus sanctus**, tum quando **Christus** insufflauit Discipulis, inquiens: Accipite spiritum sanctū: tum etiam quando missus est eis idem è cœlo in igneis videlicet linguis. Cum igitur aliquis istiusmodi oleo sancto inungitur, necesse est, ut illud fiat in scapulis, & in pectore potissimum. Ac in scapulis quidem ideo, ne laborem suum frustra expendat in vana, sed sit robustus ad legis onus fideliter portādum. In pectore verò, ut suscipiat intelligentiam mandatorū Dei. Proinde oleo, quod vocatur infirmorum, inunguntur ægri atq;

Iaco. 5.

infirmi. De qua sanè vnctione ait beatus Iacobus in sua epistola: Si quis infirmatur adducat Sacerdotes & orent super eum, & inungant eum oleo sancto, & alleuiabitur eius infirmitas, si nimirū ei expediat & vtile sit, & remittentur ei peccata, videlicet venialia, vel si nō fuerit in mortali peccato. Potest tamen fieri huiusmodi inunctio per vnum sacerdotem: sed hoc fieri non debet, si plures possint adesse. Quartum demū huius diei priuilegium est mandatum. Est autem differentia inter hoc mandatum & illud quod fit sabbato præcedenti. Illud enim fit à prælatis & Ecclesiæ magnatibus, repræsentatque illud, quod fecit Christus: hoc verò quilibet sacerdos facere debet, idq; hoc modo: Primò oportet vt reficiant pauperes, ac postea parū comedant, nec vltrà tamen quàm consuetum est. Deinde debent surgere à mēsa, ac pauperum pedes lauare. Quo facto possunt sese ad mensam recipere, atque iterum comedere, quod ieiunium non frangit, sed interrumpit. Non enim debet quispiam eo die bis comedere, ne ieiunium frangatur, tam respectu vnius horæ, quàm totius septimanæ: Quamuis tamen & in multis locis ita fiat. Est autem iste dies omni alia solennitate solēnior, exceptis tamen solennitatibus Trinitatis,

nitatis, vsque adeò, vt qui possint solennes vestes induere, debeant nō secus atq; in alijs solēnitatibus. Quocirca etiā hoc die omnia lætitię cantica canuntur, quēadmodū in cæteris solēnitatibus, præter Alleluya. Nec dicitur verò Dona nobis pacem, ob eā rem, q̃ nocte sequēti osculo Iudas Christum tradiderit. Atque hīc animaduerte tēpus recreationis incepisse ab illa hora, qua Adamus de Paradiso eiectus fuit, & adhuc est, duratq; vsque ad vniuscuiusq; obitū. Quo quidem patet maius esse recreare quā creare, ita vt hinc etiā dictū sit grauius esse ac maius ex impio facere piū, q̃ creare cœlū & terrā: ac maius fuisse Paulū suscitare in mēte, q̃ Lazarū in corpore. Itemq; & hoc animaduertas Natale Domini festū esse patris, quū per eū pater innotuit mūdo. Quanq̃ verò quod festū patris est, festū etiam sit filij, & spiritus sancti. In hoc enim quod dicitur Verbum, intelligitur Pater verbi. Aut etiam hac alia ratione, quod filius patrem omnibus manifesta-uerit. Pascha autem est festum filij, quia tunc à mortuis resurrexit, & verus Deus apparuit. Pentecoste verò festū est spiritus sancti. Istarum tamen solennitatum quælibet, festum dicitur totius Trinitatis. Indiuisa enim sunt opera Trinitatis, sed ita tamen, vt quedam magis videan-

tur propria esse vni, quàm alteri.

*De Sexta feria Privilegiata.*

CAP. XCVI.

**S**exta deinceps feria quæ & Parasceue appellata est, in eo gaudet privilegio, quòd hoc die Christus passus sit. Quare etiam ab hac sexta feria omnes aliæ Sextæ feriæ suum habent privilegium, sicut à sequenti dominica omnes aliæ Dominicę. Parasceue autem interpretatur præparatio, quod tum Iudæi cibos suos soliti sint præparare, quibus vescerentur sabbato, cùm eis sabbato quicquam præparare interdictum sit. Porro autem ipso die Parasceues vno duntaxat ferculo vescimur, quoniam Christus illo die vnum sibi solummodò comparavit, videlicet latronē. Vnde ipse dixit: Singulariter sum ego donec transeam. At quæritur, cur istum diem celebremus in mœrore, tristitia atque abstinencia, quum soleamus sanctorum passionem in gaudio celebrare. Verùm hoc idèd fieri respondemus, quod sancti statim, simulatque perpassi sint martyrium, ad cœlos ascēderint: Christus verò descēderit ad inferos. Sed quum iam tartara fregit, & sanctorum animas inde reduxit, dieq; tertio resurrexit, ideo tum maximè lætamur. Hinc etiam est, quòd sanctorum patrum passionem, qui ad inferos

feros descenderunt, non celebramus. Solet hîc etiam à nonnullis quæri, quum asinæ insidens Christus honorificè susceptus sit, & in cruce videatur dehonestatus, cur potius adoremus crucem quàm asinam? Verùm facilè illud discuti potest quum honor iste, quem in asina accepit, terrenus fuerit, nec curandum sit de terrenis, ita ut nec hinc quicquam de asina curandum sit. Per crucē verò ruptus fuit ac destructus murus ille peccatorū, qui erat inter nos & Dominum interiectus. Christus enim satisfecit pro nobis. Vnde certè nullus recēter baptizatus, etiam adultus, si vel maxima commiserit peccata, vllō eorum tenebitur, neque secundum pœnam, neque secundum culpam: tenetur tamen habere contritionem. Quemadmodum ergo gladius Davidis, quo Goliath obtruncavit, multo tempore seruatus fuerit, & in honore habitus: ita etiam crux Domini, quæ per illum gladium quodammodo figuratur. Tandem quoque consideremus huius diei officium carere capite, quod Christus caput nostrum tū è nobis sublatus fuerit. Caret enim inuitatorio, ut non imitemur peruersam illam imitationem, quam fecerunt Iudæi quando consilium inierunt, quomodo Iesum caperent in sermone, eumq; mor-

ti traderent. Inde etiam est, quod non  
damus osculū pacis alicui propter oscu-  
lum Iudæ, nec aliquē salutamus: quia cū  
quadā salutatione Iudas Christum tra-  
didit, inquit: Ave rabbi. Verū ideò si-  
gna dedit illis Iudas, qui Christum ce-  
perunt, ne Iacobum pro eo caperent, qui  
illi admodum erat similis, vt hinc etiam  
frater Domini dictus sit. Nota ergo Iu-  
dam dixisse: Tenete eum, quasi dixerit:  
Fortiter eum ligate, & tenere, quia alio-  
qui poterit manus vestras faciliē euade-  
re. Credebat enim eum esse fortem pro-  
pter illud, quod ipse viderat, cū vendē-  
tes & ementes è templo eiecisset. Præ-  
terea viderat, quemadmodum illorum  
manus euasisset, qui ipsum volebant ap-  
prehendere, vnde dicitur: Et transiens  
per medium illorum ibat. Causa autem  
quamobrem Iudas vendidit Christum  
& tradidit fuit huiusmodi: Odium re-  
cens susceperat in Iesum, propter vnguē-  
tum quod Magdalena in caput eius fu-  
derat. Ipse enim erat Domino à locu-  
lis, quos portabat. Quum autem moris  
esset apud veteres, vt qui huiusmodi  
fungeretur officio, pro mercede sua de-  
cimam partē haberet eorum, quæ in Do-  
minorum loculos ponebantur, aestima-  
uit Iudas vnguentum quod beata Ma-  
ria Magdalena fuderat, trecentos valere  
dena-

denarios. Vnde est, quod ipse dixerit: Vt quid perditio hæc? potuit enim istud, &c. Cœpit ergo secum cogitare, quo pacto in Christo recuperaret, quod amiserat in vnguento, ita vt, quum trecentorum denariorum decima sint triginta denarij, ea summa ipsum vendiderit, ac tradiderit. Non debet quoque officium mortuorum habere inuitatorium, nisi corpore præsentem, nec in missa dici, Dona nobis pacem, neque per vniuersum officium, Gloria patri, quia sequitur & imitatur exequias sui saluatoris. Sex itaque huius diei sunt priuilegia: Christi immolatio, inferni expoliatio, mortis cōculcatio, humani generis redemptio, Paradisi apertio, & scripturarum manifestatio. Vbi animaduertendum est, quod Christus sua passione non tantum illos redemit, qui tum erant in lyombo inferni, qui locus dicebatur sinus Abrahamæ, verum etiam omnes homines futuros, qui sancta morte vitam erant finituri. Nec sanè omnes homines, qui in inferno erant extraxit. Vnde Osee Propheta: O mors ero mors tua, morsus tuus ero inferne. Scripturarum hodie facta est manifestatio, quia scripturæ veteris Testamenti, quæ prius erant obscuræ, hodie sunt declarate. Vnde Dominus: Cōsummatum est, inquit, quasi dicat, omnia quæ

quæ de me hucusque scripta sunt, modò sunt impleta, quod scandalum est Iudæis, stultitia Gentibus. *Cor. 1.* Crux igitur Domini multis modis in veteri Testamento fuit præfigurata. Dictum est enim angelo percutienti Aegyptum: Quamcunque domum intraueris, in ea occide omnes primogenitos: tã paruulos, quàm senes, tã viros, quàm mulieres: Sed sicubi scriptum fuerit Tau, nō moraberis. Tau verò signum est crucis, ita vt omnes dānarentur, nisi per signum crucis saluarentur. Sic Moyses in deserto serpentem æneum erexit, & omnes qui eum intuebantur statim à morfu serpentum sanabantur. *Num. 22* Serpens æneus similitudinem habet serpentis, nec est verus serpens. Similiter Christus habuit similitudinem carnis peccatricis, sed non veræ peccatricis, vtpote qui nunquam peccauerat. Dictum est item Danieli ab Angelo: Duæ erunt septimanæ, & post septuaginta septem occidetur Christus dux noster. *Dent. 28* Ita apertè Moyses: Die, inquit, ac nocte erit vita nostra pendens, & videbitis & non cognoscetis. Verum profectò est quod nocte pependerit, quia tenebræ factæ sunt à sexta hora &c. Quod autem die, certum est. Item Hieremias ait: Ponent filiam Pharetræ in renibus meis. Filiam, inquam, pharetræ, id est, lāceam.

Item q;



Itemque: Congregabo omnes gentes, & 4. Re. 20  
 erit, signū eis Tau. T. quod crux est Do-  
 mini. Sic rursus: Ezechias conuertit fa- Psal. 101  
 ciem suam ad parietem. Et Dauid: Scri-  
 bantur hæc in generatione altera, & po-  
 pulus qui creabitur laudabit Dominum:  
 hoc est, nouus populus, nimirū Genti- Hier. 2.  
 lis. Atq; in alio loco alius: Plantaui, ait,  
 vineam meam electam, & versa est in Psal. 68.  
 amaritudinem. Et quare quæso? Quia  
 dederunt in escā meam fel, & in siti mea  
 potauerunt me aceto. Quemadmodum  
 etiam alibi inquit Dauid: Partiti sunt si- Psal. 21.  
 bi vestimenta mea, & super vestem meā  
 miserunt sortem. Quanquam hoc de tu-  
 nica Domini inconsutili dictum videri  
 potest. Sed eodem in loco idem expres-  
 sius: Dinumerauerunt omnia ossa mea.  
 Quoniam vsque ad eum in cruce ex- Ibidem.  
 tenderunt, vt omnia eius ossa facilè di-  
 numerari potuissent. Sic postremò &  
 Isaias ait: Et erit principatus eius super Isaiæ. 9.  
 humerū eius. Nā Christus portauit cru-  
 cem, in qua triūphauit, ita vt vulgò dici  
 cōsuetum sit, Cyrenæū quidē crucē por-  
 tasse, sed non sicut homo & Deus.

*Cur non conficiatur corpus Christi in Pa-  
 rasceue & de ordine eius officij.*

## CAP. XCVII.

**C**Orpus Christi non conficitur hoc  
 die quatuor de causis. Prima est,  
 quia

quia Christus hoc die pro nobis reuera immolatus est, & veritate veniente, debet cessare figura, ac ei dare locum. Secunda, quod istiusmodi die re ipsa ecclesiae sp̄sus sublatuſ sit. Descendit enim ad inferos. Tertia est quoniam tum temporis velum templi disruptū est, & cornua altaris sunt trāsuersa, ita vt nobis nō esset vbi corpus Christi cōficeretur. Quarta, quia Moyses dixit in Exodo : Alius pugnabit pro vobis, & vos tacebitis. Alius, id est, Christus. Sequitur vt de ordine officij huius diei dispiciamus. Nam primò leguntur duæ lectiones ex veteri Testamento, vna ex Lege, altera ex Prophetis, scilicet ex Osee, idque sine titulis. Deinde verò tractus, quem vocant, canitur vnus quatuor versuum, alius pluriū, post quem legitur passio etiā sine titulo. Qua quidē absoluta fiunt orationes pro omni gradu ecclesiae, hoc est, pro gentilibus siue ethnicis, pro Iudæis, pro hæreticis, & pro scismaticis. Atque ita deinceps crux extrahitur, ac cum ea ter in genua procidimus, cantando ter Græcè ἅγιος, & Latine Sanctus Deus, &c. cum tribus versibus. Postea verò Dominicū corpus, quod reseruātū fuit ipso die coenae, altari imponitur, & cantata dominica oratione cum præfatione præposita, scilicet : Oremus præceptis salutaribus

taribus moniti, &c. communicatur, ac deinde verò psalmi vesperarum cantantur cū oratione: Respice Domine. Atque ita tandem officium terminatur.

*Quare ita huius diei officium sit institutum.*

## CAP. XCVIII.

**H**Is itaque historicè prosecutis, quid significant deinceps videamus.

Quòd enim duæ lectiones legantur, declarat Christum passum fuisse pro duobus potissimùm populis, Hebræo nimirum, & Gentili. Sed earum vna ex lege sumpta est, videlicet ex Leuitico, altera ex Prophetis, nempe Osee, quia Christi passio & à lege fuit antè præfigurata, & à Prophetis prædicta, & à Patriarchis sub velamine quodam nobis reuelata. Abraham enim carnem Christi tectim immolauit, cū arietem sacrificaret. Sic Abel quoque quum agnū in hostiam offerret. Quæ ita fuerunt Christi figura tanquàm velamine tecta, vt intelligi nō potuissent, nisi explicarētur. Assimilatus est prætereà in Prophetis, vnde Dominus: sicut fuit Ionas in ventre ceti tribus diebus & tribus noctibus: ita erit filius hominis in corde terre. Recitantur autem lectiones cum passione sine titulo, quòd caput nostrum, videlicet Christus nobis auferatur. Per tractū quatuor versuū intelligimus hominem  
Chri-

Christi passione fuisse redemptum, qui ex quatuor cōflatus est elementis. Hinc est, quòd Christus non in cœlo, neq; in terra sit crucifixus, sed in medio, hoc est, in aëre. Fecit enim pacem inter cœlestia & terrena, atque etiam inter ipsa terrestria pacem conciliauit, posteaquam erāt similitudines & inimicitiae inter vnum hominem atque alterum, sed maiores tamen erant inter angelum & hominem. Ipse verò Christus in omnibus per crucem pacem composuit, quòd quæ inter se disiuncta ac discreta erant coniunxerit, & ex duobus vnum fecerit. Est enim lapis angularis. Aut etiam quatuor illi versus tractus, significant quatuor partes crucis, quæ similis est ultimæ literæ alphabeti Hebræorum, videlicet Tau, quæ sonat, si interpreteretur, signum. Omnia volumina veteris legis significarunt crucem Domini. Hoc ergo die quatuor in vno tractu versus dici debent, ad declarandas quatuor partes crucis, sicut & quinque dicuntur in quarta feria, quod quinquies Christus sanguinē suum effuderit: Primò in circuncisione, secundò in oratione, tertio in flagellatione, quarto in crucifixione, quinto cū esset lanceatus. Tractus qui prolixior est repræsentat magnum istud bellum Davidis contra Goliath. Nam & Christus noster

David.

Dauid hodie magnum Goliath, id est, diabolum, debellauit: Quædam Ecclesię tractum canunt, videlicet: Qui habitat &c. quia Christus à diabolo primum latenter fuit tentatus velut à dracone quopiam latitante sub petra, sed postea in passione tanquam à forti leone acriter fuit vexatus, quod per hunc versum facile exprimitur: Super aspidem & basiliscum ambulabis, & conculcabis leonem & draconem. Passio legitur ideo, quia tū Christus re ipsa patiebatur. Cū autem ventum est ad illum locum: Diuiserunt sibi vestimenta mea, & super vestem meā miserunt sortē, tunc duo hypodiaconi duo mātīlia vel duos alios pannos altari impositos, auferūt, quoddam quatuor illi milites qui Christū crucifigebāt ex duabus eius vestibus sibi indumēta cōfecerunt, historiā ipsam repræsentantes. Aut certè remotio pannorum fugam significat Apostolorum qui erant quasi vestes Christi. Petrus enim ad vocem vnius ancillæ ipsum negauit, & Ioannes nudus aufugit. Tertia vestis, quæ in altari relinquitur, designat vestem Domini inconsutilem non fuisse scissam, vel partitam, sed sortitione vni contigisse. Vnitas enim Ecclesiæ non potest, nec vnquam potuit ab hæreticis & scismaticis scindi, cū nulla sit sapientia aduersus

uersus Dominum. Christus cum in cruce pateretur, & maxima animi angustia affligeretur, prolixè orauit decantâs decem Psalmos, scilicet: Deus Deus meus respice in me, vsque ad: In te Domine speraui, donec peruenisset ad istum versum: In manus tuas Domine commendo spiritum meum, quo emisit spiritum. Quare & nos quoque postquam passionem recitauimus, quæ Christi anxietatem & dolorem exprimit, oramus. Quantumuis sanè mos iste orandi infrequens & insolitus sit. Vsu enim iam pridem receptum est, vt diebus alijs ante Euangelium dicantur orationes.

Verùm hoc die contrà fit ordine permutato, quod & in initio à nobis dictū est, quo quædam officia in Quadragesima transmutari ostensum est. Orauit autem Christus pro tribus, pro se, inquiens: Pater clarifica filium tuum: pro suis, aïens: Pater pro eis, quos dedisti mihi rogo: & pro illis etiam qui credituri erant in eum, dicens: Pater non tantum pro eis rogo, sed pro omnibus illis, qui credituri sunt in me. Ex quo sequi videtur, quòd non debeamus orare pro illis, quos scimus non esse saluandos, veluti pro eis, qui in inferno remanserunt, & pro Iuda, qui desperauit. Sed & nos similiter oramus, partim pro nobis, partim

tim pro omni gradu ecclesiæ, scilicet pro neophytis, gentibus, Iudæis, hereticis, & scismaticis, ut eis Deus gratiam suam infundat, & ad fidem catholicam convertat, flectentes quidē genua pro alijs, verūm non pro Iudæis, quoniam illi illudentes Christo genua flexerunt. Obiter ergo hīc animaduerte id, quod legitur ante genuflexionem non esse orationem, sed adhortationem, quemadmodum est (oremus) & quasi quandā ostensionem pro quibus simus oraturi. Quod verò postea dicitur, oratio est. Item rursus animaduerte tres fuisse illusiones, quas Iudæi genibus flexis Christo exhibuerunt. Et quidem prima fuit, velata eius facie in atrio pontificis. Altera verò in prætorio. Quoniam illo tradito Iudæis à Pilato ut ipsum crucifigerent, milites spineam plectentes coronam flexis genibus illudebant ei. Quod quamvis à Iudæis factum non fuerit, ascribitur tamen illis, quòd causam præstiterint. Tertia denique illusio fuit, quum prætereuntes illi iam in cruce pendentī dicebant. Vah, qui destruis &c. Contra illas tres illusiones nos ante crucis reuelationē tres præmittimus adorationes, cūm dicimus ter hagynos &c. quasi ter honorantes illusum propter nos, idque duabus linguis, quia tertia adhuc filet.

Hinc

Hinc igitur & illud notandum venit, quòd cum multa sint genera linguarū, tres tamen potissimūm existant principales. Prima Latina, propter nobilitatē & dominium Rōmani imperij, secunda Græca, propter sapientiam, tertia Hebræa, vtpote quòd cēterarum linguarum mater sit. His autem tribus linguis descriptus fuit titulus Domini in cruce. Quare præter reliquas linguas hæ tres solūm in missa vsurpantur, dum in ea canimus Græcè Kyrie eleison, Hebraicè Alleluya, & cētera Latinè. Aduersus tres Iudæorum accusationes in Christū, dicimus nos tres excusationes in persona saluatoris, scilicet: Popule me<sup>9</sup>, vbi Christus exprobrat illis sua beneficia, liberationes videlicet ab Aegypto, regimen in deserto, introductionem in terram optimam. Quasi dicat Christus. Tu accusas me, quòd tributū dari negauerim, deberes potius gratias agere, quia te liberaui à seruitute Aegypti: Tu accusas me quod regem me fecerim, verūm satius foret, quòd gratias ageres de eo, quòd splendide & regaliter te in deserto pauerim. Tu denique me accusas, quòd dixerim me filium esse Dei, sed gratitudinis signum potius exhibe, quòd tibi dederim terram lacte & melle manātem. His ergo ita dictis, crux aperta ac nuda profer-  
tur,



rur, ad significandum omnia, quæ fuerant obscura, tunc fuisse manifesta, & salutatur crux hisce verbis: Ecce lignum &c. quoniam per crucem omnibus salus reformatur ac restituitur. Postea autem adoratur, id est, cum reuerentia osculatur. Solus enim Deus adorandus est, & cætera illius causa veneranda. Crux ergo adoratur ideo, ut ostendamus nos debere humiliter facere, quod illi fecerunt superbè. Osculata cruce, dominicū corpus altari apponitur, & tunc sacerdos cum præfatione præposita, videlicet Oremus præceptis, &c. quam addidit beatus Gregorius, cantat orationem dominicam. Quoquidem representatur antiqua Apostolorum consuetudo, quâ in celebrandis missis utebantur. Olim enim Apostoli hæc tantum verba proferebant, quæ dixit Dominus: Hoc est corpus meum, &c. Et: Hic est sanguis noui testamenti, &c. quibus ipsi Apostoli postea addiderunt orationem Dominicam. Atque hæc consuetudo Apostolorum hic repræsentatur, eo modo quo antiquitus celebrabatur, sed Gelasius Papa, Gregorius & Celestinus multa tandem addiderunt, ut supra dictum est. Facta autem communione, statim cantantur vespere cum oratione, & tam missa, quam vespere una finiuntur collecta.

lecta. Hoc ita peracto, crucifixus in suū, locum reponi debet. Ante quem necesse est, vt chorus Psalmos psallat, etiam episcopus vel loco ipsius vicarius eius, idq; tantisper vsq; ad horam illam, qua Christus resurrexit. Atque ita tum celebrare debet mysteriū de resurrectione. Primò namq; prouenit labor, secundò clamor, tertiò autem exauditio, vnde Psalter ille: Ad Dominum, inquit, cū tribularer clamaui, & exaudiuit me. Quare & nos oportet eius esse imitatores.

*De duabus partibus Sacramenti.*

CAP. XCIX.

**N**Vnc dicendum est, quare vna pars sacramenti scilicet corpus sub specie panis reseruetur die coenæ, & altera pars scilicet sanguis sub specie vini non reseruetur, ac duæ quidem sunt causæ, quamobrem corpus reseruetur. Prima est, ne fortasse quispiam ex hac vita sine viatico discedat, quod euenire posset nī reseruaretur, atque institutum ita est ab Innocentio Papa. Secunda est, quòd illis tribus diebus maximè omnes ij religiosi, quibus necessitas est, debeāt communicare. Quare oportet vt Sacramentū illud reseruetur, quoniam eo die consecrari non debet, vt suprà ostensum est. Cur autem sacramentum vini non reseruetur, triplex est ratio: Prima est, quia cū

cūm vinū liquidum sit, nō posset tam bene reseruari, quin quadam negligentia facilē queat labi. Secunda est, quōd dūos sacrificiorum ritus suis temporibus approbauerit Deus, veterem legis, videlicet suo tempore, & nouum hoc tempore. Hos duos ritus significant panis & vinum, licet vtrāque res sit noui sacramenti, panis nempe nouum, & vinum veterem. Nec mirum videri debet, si per rem noui sacramenti vetus sacrificium significetur, cūm & contrā inueniatur, rem videlicet veteris testamenti declarare nouum. Nam quartis ferijs septimanarum quando ordines celebrantur duæ lectiones ex veteri Testamento recitantur, quarum altera quæ sub nocturnali tono exprimitur, vetus significat testamentum: altera verò quæ sub tono communi, nouum. Ex eo itaque, quōd vinum non reseruatur, ostenditur vetus sacrificium cessare debere. Tertia ratio est, quōd idcirco non reseruatur, quia Christus dixit in cœna: Amen dico vobis, quōd amodo nō bibam de hoc genimine vitis, donec bibam illud vobiscum nouum in regno patris mei. Si quis autē roget, num istud vinum, quod eo die in comunione sumitur, ex dominici corporis contactu consecratur, quamuis complurium scripta illud asse-

rere videantur, nos tamē veritatem magis sequētes, & ea quæ sancti patres tradiderunt, dicimus vinum illud omninō non esse consecratū ex illo contactu, sed sanctificatū. Est enim differētia inter cōsecratū & sanctificatū. Consecratum dicitur quod in consecratione, vt ita dicā, transsubstantiatur. Sanctificatū verò est, quod per verborū sanctificationem efficitur sanctū sine aliqua transsubstantiatione, vt aqua lustralis, quam ideo benedictam dicimus. Rursus sanctificatū dicitur, quod à tactu rei sanctificatæ magis efficitur reuerendum. Si autem diceretur, quodd solo cōtactu vinum vel aqua consecraretur: magna profectō inde sequeretur rerum perturbatio & confusio. Sic enim contingeret calicem non posse lauari, indeque efficeretur, vt iam sexcenti panes vnius hostie cōtactu, sine verbo possint consecrari: & si vna aliqua gutta aquæ lustralis seu benedictæ in stagnum vel puteum, qui ex lacunis scaturit, infunderetur, aqua illa perpetuò benedicta maneret: atque eiusmodi infinita alia incommoda ex ea re nascerentur. Iam etiam prætereo si dominici corporis tactu vinum consecraretur, contra Decretum fieri, quod prohibet, ne hoc die consecratio fiat. Quodd autem hīc quæritur, quamobrem Christus Discipulis

*De consecr. di.  
stinct. 5.  
c. Sab-  
bato.*

scipulis prius corpus suum dederit mysticum, quàm in veritate illud offerret, discussum satis apud alios est. Aduertendum ergo hîc est, & repetendum, quod paulò antè à nobis dictum est, utpotè secundum triplicem Christi crucifixionē; quæ hoc die re ipsa facta est, tribus horis, tertia videlicet, sexta & nona per vniuersum annum missas celebrādas esse. Hora enim tertia crucifixus est linguis Iudæorum, aientium: Tolle, tolle, crucifige eum: Hora sexta in cruce positus fuit, & nona expirauit, quapropter hæ horæ ad celebrandas missas canonicè sunt institutæ, quæ Christi immolationē mysticè repræsentant. Diebus enim festis quum à libidine est abstinendum, missa debet tertia hora celebrari, profestis sexta, & in ieiunijs nona, sin aliter fiat, cerrè canonicū & regulare non est. Exceþtis interim ijs temporibus, quibus nocte missa celebrari debeat, vt in Natali Domini, & in sabbato Paschæ. Missa enim quæ tunc celebratur, non ad sabbatum pertinet, sed ad diem resurrectionis. Vnde etiam nunc Romæ & per vniuersum Rauennensium archiepiscopatum, sub quo & Bononiensis Ecclesia continetur, tunc missam nō celebrat vsque in noctem. Quodd autem sic fieri debeat, satis ipsa ostendit oratio, quæ tum

dicitur: Deus qui hâc sacratissimam noctem, & illud quod in cæreis, quem vocant, benedictione canitur: hæc nox est. Sic itidem quotiescunque ordines conficiuntur, nocte missa celebrari debet, quoniam officium maiorum ordinum ad diem spectat Dominicam. Sed quia à ieiunio incipere oporteat, ideo in sabbato post vespèras illud inchoamus, & ad noctem vsque protelamus.

*De officio tenebrarum.*

CAP. C.

**N**Vnc verò considerandum est, quamobrem tribus noctibus continuis officium, quod tenebræ appellantur celebremus, quemadmodum ad illud officium pulsandum sit, quare, & quot candelæ accendantur, & quomodo eæ extinguantur, & deinde etiam de officij qualitate. Posito itaque Christo in cruce tribus horis fuerunt tenebræ, à sexta vsque ad nonam, ita vt complectamur sextam & nonam, dum sol patiebatur eclipsim, nō quidem naturalem, sed miraculosam, quanquam eā infideles iuxta naturā ita accidisse mentiebantur. Quāobrem sanè propter tanti illius miraculi memoriam, per noctes tres illas horas repræsentamus. Ad officium Tenebrarum non campanis pulsandum est, sed ligneis tabulis. Campanæ enim significant

ficant, vt dictum est, concionatores. Atque ideo campanis nō pulsatur, quia cōcionatores, hoc est, discipuli Domini nō solūm nomen eius non prædicauerunt, sed & negauerunt vt Petrus, & fugerunt. Scriptum est enim: Percutiam pastorem, & dispergentur oves gregis. Unde Dominus videns eos ad fugam paratos, ait: Quem quæritis? quasi dicat: Si me quæritis, finite eos abire. Magnus tamē ex ligno editur sonus. Tabula lignea Christum significat, qui in ligno clama-  
bat, prædicabat & orabat dicens: Pater dimitte eis, quia nesciunt quid faciunt. Pulsatur igitur ligno, quoddum solus Christus extitit concionator.

*De numero candelarum.*

CAP. CI.

**D**Icendum modò est de candelis, atque hīc quidem in numero diuersitas est. Quidam enim septuaginta duas accendūt, quidam viginti quatuor, quidam quindecim, quidam etiā duodecim, quidam nouem, & quidam septem. Sed hī tamen omnes nō absque mystica significatione hōc faciunt. Nam septuaginta duæ candelæ septuaginta duos discipulos significant, quorum prædicatio siue concio in morte Christi extincta est. Vel ad designandum quodd Dominus septuaginta duabus horis in sepul-

chro quieuerit per synechdochen, quem-  
admodum dicitur tribus diebus & tri-  
bus noctibus in corde terre latitasse. Vel  
propter septuaginta duas nationes, & se-  
ptuaginta duo gênera linguarû. Vigin-  
tiquatuor candelæ quæ prius accendun-  
tur, & postea extinguuntur, hunc ver-  
siculum: Gloria patri & filio, &cæt. si-  
gnificant, qui vigintiquatuor vicibus  
in nocturnis festiuitatum cantari sole-  
at, & in hoc officio omninò tacetur,  
quoniam laus Trinitatis, ad quam per-  
tinet versus ille, in morte Christi vide-  
tur extincta. Quindecim candelæ duode-  
cim Apostolos & tres Marias signifi-  
cant, qui omnes laudem Dei tunc sub-  
ticuerunt. Sed Apostolis tamen fugien-  
tibus, tres Mariæ, vt quæ minus metue-  
bant, circa eum, quoad poterant, versa-  
bantur. Vnde legitur: Pelli meæ cõsum-  
ptis carnibus adhæsit os meum, & dere-  
lictæ sunt tantummodo labia circa dētes  
meos, id est, mulieres, quæ sunt quasi pel-  
licula quædam. Duodecim candelæ, duo-  
decim exprimunt Apostolos. At verò  
nouem, humanū genus significant, quod  
propter peccatum suum à consortio no-  
uem ordinum angelorum semotum est,  
& à vera luce exclusum. Per septem can-  
delas, septiformis spiritus sancti decla-  
ratur gratia, quæ in cordibus Discipu-  
lorum



lorum penè fuit extincta. Ut ut autem de numero candelarum sit, omnes manu cærea debent extinguì. Et quidem per manum cæream intelligitur manus illa, quam vidit Baltazar rex Assyriorum scribentē in pariete verba huiusmodi: Mane tetel phares, quæ sic exposuit Daniel: Mane, id est, enumeravit, tetel appendit, & phares, diuisit. Hic ergo sensus est: dicit Dominus: Numeravi tempus regni tui, & opera tua bona & mala, & appendi & inueni plus mali quàm boni, atque ideo diuidetur regnum tuum in Persas & Medos. Quod utique factum est per Cyrum & Darium. Quemadmodū igitur regnum illud propter mala opera regis extinctum fuit, & diuisum in perpetuum: ita quoque regnū Iudæorū, propter peccatū in morte Christi cōmissum, diuisum est, & in posterum penitus deletum. Vel quod melius est, manus cærea repræsentat manum Iudæ, quæ fuit cærea, id est, ad malū flexibilis, per quam Christus rex noster, & lucerna vera, traditus fuit & extinctus, quantum in ipso fuit. Atque ita per manū cæream significatur illius manus, de quo Christus ait: Qui mecum intingit manum, &cæ. *Ut Matt. 26* enim hæc extinguit lumen, ita illa verum lumen extinxit, quantum in se fuit. Aliquando verò plures candelæ sine certo

numero incendiūtur, nec obseruatur aliquis numerus, ita vt vel quælibet mulier aut vir suam istic sibi accendat. Per quas candelas significantur Prophete & alij sancti patres, qui propter Christum lumen mundi venturum annunciantes atque alijs verba salutis cōcionantes, & prædicantes varijs vexati pœnis mortui sunt & extincti. Nec verò omnes candelæ simul extinguuntur, sed successiue nunc hæc, nunc illa. Quoniam Discipuli non simul ab eo recesserunt, sed paulatim quum vnus decessisset, abiit & alter. Vna tamen, quæ in earum medio est collocata, non extinguitur, sed absconditur & occultatur, posteaque in apertum profertur, ac eius luce omnia ecclesiæ lumina rursus accenduntur. Hic est Christus, qui licet videretur secundum corpus extinctus, secundum diuinitatem tamen viuebat, quæ illis erat occulta. Hic enim pauld post resurgens cum luce clarissima se suis Discipulis manifestauit, quando in eorum mentibus charitatem iam propemodū extinctam sua illustratione iterum inflammauit. Nunc de ipso officio prosequamur, quodd vnīuersam Christi sonat passionem. Primus ergo versus, à quo noctis officiū alioqui incipi consuevit, nempè: Domine labia mea aperies, subticetur: quodd Christus caput nostrum

nostrum à nobis auferatur. Sic nec Deus in adiutorium dicimus, quia nostro pastore percussio nos illius oues à quo petamus auxilium non habemus. Inuitatorium autem ideo non exprimitur, ne per hoc prauum istud Iudæorum consilium cōtra Iesum factum quodammodo imitemur, sed potius vt ipsum per inuitatorij silentium detestemur. Ad lectiones quoque benedictio neque petitur, neque datur, quod pastor qui gregi suo benedicat modò non adsit. Vel quia per Iube Domine significantur illi, qui eunt concionatum, & per Tu autem, illi qui concionandi munus obierunt, & inde reuersi sunt. Sed nec hi, nec illi tum aderant, siquidem aufugerāt. Debent ergo dici lectiones etiam lamentando, & maximè illæ, quas Threnos appellamus Hieremiæ, qui defleuit sanctum illum regem Iosiam. Luget ecclesia etiam tunc passionem, & mortē Domini. Sed quia propter peccata nostra ipsum amisimus, si eundem volumus recuperare, certè vt ad poenitentiam conuertamur, ideo sub finem lectionum per hunc versiculum, scilicet: Hierusalem Hierusalem, cōuertere ad Dominū Deum tuum, eò admonemur. Leguntur Threni Hieremiæ, hoc est, lamentationes, si verbum verbo interpretemur, quæ ita à Threna-

ro monte sunt appellata, vbi animarum lamentationes, quæ istic puniuntur, sepius audiuntur. Possunt tamen ideo vocari Threni, quodd semper post tertium quemque versum sequatur litera ex Hebraico alphabeto, quod vniuersum in illis lamentationibus quater ordine ponitur. Idcirco autem Hieremiæ lamentationes legimus, quoniam sicut ille deplo-  
rauit mortem Iosie, & destructionē gentis suæ futurā, ita nos deploramus mortem Christi.

*De expositione trium quæ præterea in  
huiusmodi officio obseruantur.*

CAP. CII.

**R** Estant deinceps tria inquirenda: Primò quamobrem in hoc officio noctis Antiphona quæ ad Benedictus canitur, atque etiam totus Psalmus tam alta voce, & quasi terribili cantetur: deinde verò quare quidam tropi in huius officij sine lamentabiliter dicantur. Postremò cur tribus hisce noctibus ipsum officium noctis alta voce, quasi terribili & manifesta decātetur, diurnum autem tacitè ac voce omnino demissa. Verum enimverò quod antiphona ad Benedictus, & ipse etiam Psalmus extinctis candelis voce eleuata, & velut horribili canatur, significat tumultū cohortis, quā cum gladijs & fustibus secum Iudas adduxit,

duxit, quando Christum traderet. Per nocturnum autem officium tenebrarum declaratur prophetia Prophetarum, & per diurnum, prædicatio siue concio Apostolorum. Quapropter officium nocturnis alta voce canitur, quia prophetae apertè quæ de Christo erant ventura prædixerunt, & quod illis Spiritus sanctus dictabat, omni semota formidine nunciauerunt. Sed diurnum officium sub missa voce cantatur, quod Apostoli aut omnino tacuerint, aut certè occultè prædicauerint, & concionati fuerint. Continet autem cohors quinquaginta milites qui ob id in tanto numero cum Iuda missi sunt ad Christum capiendum, quoniam Iudei verebantur, ne populus, qui cum libenter audiebat, si hanc prodicionem sciret, suas interponeret partes ad ipsum liberandum. Aut certè ideo, quia facilè opinabantur eum esse fortissimum, & omnino talem, ad quem capiendum pauci non sufficerent. Videbant namque Dominica præcedenti ipsum solum flagello ex funiculis confecto omnes vendentes & eimentes potenter è templo eiecisse, ac numulariorum, mensas fortiter euertisse. In quo quidem facto præterea viderant fulgorem quendam, quasi quosdam radios igneos, ex ipsius facie exire. Porro autem tropi, id

est, versus illi, qui tribus istis noctibus in fine officij cum Kyrie eleison, & Domine miserere, velut lamentabiliter decantantur significant lamentationes, & dolores mulierum, quæ propter cognationem Iesum ab Galilæa fuerât secutæ. Inter quas erant Maria Magdalene, Maria Iacobi & Salome plorantes iuxta sepulchrum. Tropis cantatis, in quibusdam Ecclesijs ad terram procidentes dicunt: Miserere mei Deus, & Collectam, videlicet: Respice quæsumus Domine super hanc fam. &c.

*De purgatione pavimenti.*

*CAP. CIII.*

**P**ost hæc dicendum est, cur quinta feria Ecclesiæ pavementum munde-  
tur & altaria denudentur, ac deinde quamobrem eadem feria ipsa altaria vino & aqua lauentur, atque asperis ramis, præsertim taxi aut buxi quasi fricentur. Ad primum quidem promptè intelligendum, oportet cognoscamus ecclesiam aliam esse corporalem, aliam spirituales. Corporalis est domus, in qua diuinum officium perficitur, Spiritualis verò est, velut conuocatio quædam fidelium. Sicut enim Ecclesia corporalis lapidibus ex diuersis locis congregatis construitur: Ita quoque spiritualis Ecclesia ex diuersis conuocatur hominibus,

bus, ita ut hinc ecclesia ipsa appellata sit conuocatio. Quanquā nomen illud proprius ac verius spirituali Ecclesiæ conveniat, quā corporali. Homines enim conuocantur, non lapides. Sæpenumero tamen fit ut nomen eius quod significatum est, significanti attribuat. In Ecclesia igitur spirituali, sunt pauimentum Christi pauperes, hoc est, pauperes spiritu, qui in omnibus sese humiliant ut hinc propter humilitatem pauimento maximè assimilentur. Quare obiter notemus tria esse genera paupertatis, quorum primum paupertas dicitur necessitatis, quæ est in egenis: Alterum simulationis, quæ in hypocritis est: Tertium autem vocatur paupertas spiritualis, quæ consistit in bonis. Prima paupertas tolerabilis est, secunda detestabilis, tertia laudabilis, ita ut omnibus ijs beneficiendum sit propter Dominum. Nec sanè ullus sit fortunæ respectus, quantum ad primam paupertatem, vel causæ quantum ad secundam, sed naturæ hominis. Pauimentum ergo Ecclesiæ munit ille, qui pauperibus propter Dominum pedes lauat, cæteraque misericordiæ opera exhibet.

*De nudatione altaris.*

**CAP. CIIII.**

*Sequitur*

**S**equitur de nudatione altaris, quæ pars est in Ecclesia dignior, usque ad-  
 dedò, vt si altare remoueat, ac rursus  
 ædificetur, tota Ecclesia iterum sit con-  
 secrandæ. Verùm contrà, etiam si Eccle-  
 sia remoueat, hoc est, pars eius aliqua  
 aut plures altari immoto, Ecclesia non  
 cōsecratur, sed alia sanctificatione mun-  
 datur. Altare enim Christum significat.  
 Præcepit namque Deus in lege: Altare  
 de terra facietis mihi. Altare de terra, est  
 Christus natus de virgine. Vnde dicitur:  
 Veritas de terra orta est. Hæc est terra,  
 quæ dedit fructū suum, fructū sublimē,  
 Christū videlicet, sublimatū super cho-  
 ros angelorum in cœlis. Nudatio ergo  
 altaris declarat, q̃ Christus in passione  
 sua denudatus visus sit, & despoliatus  
 illis signis, quibus antè in faciendis mi-  
 raculis apparuerat gloriosus, quum so-  
 lus vendentes atque eimenes è templo  
 eiecerat facie ejus splendoris radios emit-  
 tente. Qui enim prius tam potens, tam  
 gloriosus apparuerat, modò in passione  
 visus est debilis & abiectus. Vnde Isai-  
 as: Vidimus, inquit, eum non habentem  
 speciem neq; decorē. Et Hilarius: Ante,  
 ait, passionem apparuit Deus & homo,  
 in passione rotus homo, post passionem  
 totus Deus. Vel etiam altaris nudatio re-  
 præsentat ipsam ac veram Christi nuda-  
 tio-



tionem, quando milites eū spoliauerūt, & eius vestimenta partim sunt partiti, partim sortitione abalienarūt. Aut certè vestem Christi Apostolos esse dicimus, quibus Christus tanquam vestibus quibusdam ornabatur, & per quos nomen illius erat magnificatum. Altare igitur nudatur quoniam Christus à suis Discipulis fugientibus, & nomen eius tacentibus, relinquitur. Proinde vinum & aqua quibus altare lauatur significant sanguinem redemptionis nostræ & aquam regenerationis, quæ ex latere Christi fluxerunt, quando latus eius lancea fuit apertum. Altare ergo abluitur quia corpus Christi verum altare, sanguine & aqua in cruce aspersum fuisse creditur. Rami autem asperi, quibus altare fricatur, significant spineam coronam, qua coronatus est Christus, aut flagella amara, & ictuum vibices, & graues dolores, quos in morte sustinuit. Sunt ideo rami hispidi sicut rami taxi, quibus pauimentum mundatur, quòd nos debeamus vitijs mundari, & in elemosynis pauperibus prouidere, quatenus hi sint, qui nos in æterna tabernacula recipiant. Ipsorum enim est regnum cœlorum, quod intelligendū est de pauperibus bonæ voluntatis siue spiritus.

*Desabbato. CAP. CV.*

*Hic*

**H**is ita de sexta feria prosequutis, transeundum est ad Sabbatum, in quo dicendū prius est de ipsius diei nomine, ac postea de eiusdem officio, seruato ordine. Hoc ergo sabbatum κατ' ἀντονομασίαν propriè sabbatum sanctum appellatur. Sabbatum autē interpretatur requies, quoniam tempore creationis mundi, quam Deus sex diebus absoluit & septimo die ab opere requieuit. Quamobrem in lege Deus præcepit hunc diem ab omni seruili opere obseruari, ita vt in veteri lege haberetur sanctus. Verūm hoc sabbatum κατ' ἑξοχὴν seu per excellentiam ita est appellatum, quia significat requiem Christi ab opere recreationis in septima ætate. Quemadmodum enim Deus opere creationis mundi, sexto die completo, septimo cōquieuit: Ita quoque in sexta ætate, recreationis opere absoluto, scilicet natiuitate, passione & cæteris omnibus, quæ de illo prædicta fuerant, septima ætate requieuit, quæ secundū quorundam opinionem ab ipsius passione fuit auspicata. Alij tamen dicunt eam incepisse à morte Abeli. Quādo enim anima Christi mortalitatem & omnem patibilem corporis qualitatem exuisset, quasi in requie conqueuit.

*De officio Sabbati. CAP. CVI.*

Nunc

**N**Vnc de eiusdem diei officio videntum est, & in principio quidem officij omnis ignis in Ecclesia extingui debet, posteaq; è saxo chalybe aut ferro alterum excuti: quòd fieri debet ex sarmento quoniam Christus de se dixit: Ego sum vitis vera, deinde debet benedicì cū cruce & aqua lustrali. Quo quidem facto cæreus Paschalis, vt vocant, benedicitur, atque incenditur cum duobus parvis alijs cæreis, qui ab illo accenduntur. Vnus enim ab vna parte consistit, alter ab alia inter quos maximus statuitur cæreus. Duo igitur minores cærei declarant sanctos veteris & noui testamēti, qui (tam videlicet hi, quā illi) omnes per Christū sunt illuminati. Vel duo cærei significāt doctrinā Apostolorū & Prophetarū, qui cū Christo in doctrina cōcordant & conueniūt. Tandem verò viginti quatuor in quibusdā Ecclesijs legūtur lectiones. Ac Romæ quidem hoc pacto fieri solet, vt duodecim recitetur Græcè, & totidē Latinè. In nōnullis autē ecclesijs legunt tantū duodecim, & in nonnullis dūtaxat septē. At qui vigintiquatuor legunt, duodecim ob id Græcè recitāt propter authoritatem septuaginta interpretum, quorum auctoritas quondam in Græcia maximè floruit, atque etiam in illa parte Italiae, quæ magna

gnâ olim dicebatur Græcia. Verum duodecim ided dicuntur Latinè propter auctoritatem translationis Hieronymi. In minimis tamen ecclesijs, non habent nisi sex ob senarium numerum, qui quodammodo perfectus est. Qui verò duodecim servant, illud faciunt propter numerum Apostolorum. Lectis ergo lectionibus itur ad fontem cum lætania, atque aqua benedicitur, & cōsecratur. Sed peracto eorum baptismo qui fuerāt baptizandi, reditur pari ratione cum lætania. Qua quidē finita ipsam missam auspicamur à Kyrie eleison. Nā in ea missa introitus, graduale, offertorium & communio præter solitum subticentur. Eodem modo & Agnus Dei à quibusdam quidem dicitur, à quibusdam verò non. Suscepta hostia, statim vespere cantantur, idq; cum duobus tantum Psalmis, nimirum: Laudate Dominum omnes gentes &c. cū Magnificat. Atq; ad eum modum vna adiecta oratione totū eius diei officium absoluitur.

*Quare hæc omnia fiant. CAP. CVII.*

**H**is itaq; sic breuiter, & quasi historicè enarratis, rationes quare hæc omnia fiant prosequamur, & quid significant suo ordine videamus. Ignis, qui antequam novus excuteretur erat in ecclesia, veterem connotat legē. Quod ergo

ergo vetus ignis extinguitur, significat omnia legalia veteris testamēti in Christi passione fuisse completa, & exire debere illa cessare. Saxum, ex quo ignis excitatur, Christus est; super quem tanquam solidam ac firmam petram Ecclesia est ædificata, à qua spiritus sancti ignis procedit. Elicitur tamen aliquādo ignis ex crystallo. Nam si crystallos supponatur orificio phialæ aqua plenæ ad solem, sine mora ignis è chrysallo ilicò excutietur, si igni fomētum quod apponi solet, adjunctum fuerit. Crystallus significat puram & pellucidam Christi carnem, quæ sine labe fuit, Cæreus & renouatus & illuminatus significat q̃ Christus resurgens à mortuis, in carne gloriosa verus Deus apparuerit. Atque ita cæreus illuminatus exprimit Christum, diuinitatis splendore illuminatum, Quod autem ex igne maximi cærei duo minores ac cætera ecclesiæ lumina incēduntur, declarat, non solum Prophetas & Apostolos, qui per minores, duos cæreos, vt paulò ante dictū est, intelliguntur, igne sancti spiritus fuisse illuminatos, sed quod omnes etiam Ecclesiæ fideles eodem igne illustrentur. Simili ratione declaratur diuinitatis plenitudinem in Christo fuisse, quod à quibusdā in principio benedictionis cæreus accendatur.

datur. Quancquàm profectò melius & commodius tum primùm accendi debere videatur, cùm in benedictione agitur de igne. Crux ex thure cereo imprimitur, quod nimirum significat holocaustum, id est, totum incensum, & totum combustum, siue igne assumptum. In veteri nanq; testamēto duo solebant facere sacrificia: matutinum, quod totum incēdebatur, & dicebatur holocaustum. Crux de incenso designat sacrificium legis vespertinum, q̃ imolationē Christi in ara crucis factā idq; in ipso mūdi vespere præfigurabat, quodq; in ei⁹ passione cōpletū fuit.

*Quid per cereum Paschalem significetur.*

CAP. CVIII.

**A**Nnotatur quidem in cereo Paschali annus ab incarnatione Domini. Christus enim antiqu⁹ & magnus annus est, ac dierum plenus, si sumamus computationis nostræ initium à conceptione, quādo beata Maria dixit: Ecce ancilla Domini. Eo namq; dicto statim Christus fuit homo, atque ipsa spiritu sancto plena. Ideo ergo Christus annus dicitur, quòd quemadmodum in dierum anno sit fructuum plenitudo: ita in Christo & fuit, & etiam nūc est omnium bonorū plenitudo & abundantia. Habet enim Christus suos menses, habet suos dies. Siquidem duodecim Apostoli

stoli duodecim menses sunt, & reliqui dies Christiani omnes & fideles, quorū horæ sunt neophyti. Inscribuntur quoque cæreo paschali indiçtio vel æra atque epacta. Quoniam actiones omnium & successiones temporum per Dei dispositionem rectè disponuntur. Vocabatur autem indiçtio antiquitus spacium quindecim annorum, quod ex tribus constat quinquennijs, in quibus orbe triumphato persoluebatur Romanis tributum ex vniuerso orbe. Primò autē quinquennio soluebatur aurum, secūdò argentum, tertid ferrum, ad conficienda arma & æs ad ornandam ciuitatem. Et sic singula quinquennia illius spacij quindecim annorum similiter appellabantur indiçtio. Finitis autē quindecim annis reuertebatur tributorum indiçtio vt prius, quæ, quod ita tribus lustris indicebatur, sic dicta est. Appellatum item est tributum hoc æra æræ, quod eodem modo singulis annis omnis orbis reipublicæ Romanæ quodcunque genus æris persolvere professus fuerat. Prius ergo fuerunt indiçtiones, & postea æræ ab æs æris, sic dictæ. Ad cuius tandem nomenclaturam accessit epacta, quod additionem significat, à Græco verbo ἐπάρχα.

*De consecrando siue benedicendo cæreo.*

CAP. CIX.

Cæreo

**C**Aereus à diacono benedici & consecrari oportet, non autem à sacerdote vel episcopo, etiam si sint præsentes, quantumvis maioris sint ordinis & dignitatis. Per quod quidem intelligitur, quòd Christus resurgens ex mortuis primò sese obtulerit & ostenderit mulieribus, per quas, vtpote quæ erant sexus debilioris, gloriam suę resurrectionis discipulis suis nunciauit. Sed nec illud temerè fecit Dominus. Nam quemadmodum principium mortis per fœminam in mundum intrauit: ita quoq; necessarium fuit, vt initium nostræ restitutionis & salutis per mulierem mundo annunciaretur. Vnde profectò cursoriè considerandum est, mulieres tribus gaudere priuilegijs: quorum primū est, quòd in paradiso sit cōdita ac creata: alterum, quòd ex muliere natus sit Christus: & tertium, quia resurgens à mortuis primò apparuit mulieri.

*Cur tituli hic Taceantur & de Baptismo.*

CAP. CX.

**D**Vabus de cāusis tituli lectionum non præcinuntur, quarum prima est, quoniam Christus caput nostrū necdum nobis sit restitutum. Secūda verò, quia qui sunt baptizandi, ad quos totum illius dici officium pertinet, adhuc in ima ignorantie scripturarum profunditate



ditate immerſi detinentur. Quum ergo ſcripturas nō intelligant, non expedit earū nominare authores. Inde quoque eſt, quod tum lectiones recitentur ex veteri teſtamento, cuius cognitio non niſi ſpiritu renatis perfectè manifeſtatur. Abſolutis lectionibus in magnis quibuſdam eccleſijs letania iuxta numerum religioſorum, qui iſtuc conueniunt, decantatur. In quibuſdam verò Eccleſijs ter dicitur, vt fides Trinitatis repræſentetur. Quod autem eundo ad fontem ac redeundo letania cantetur, declarat ſanctos orare pro baptizandis, vt baptiſmi ſacramētum vera fide percipiant, & iam baptizati deinceps in veritate fidei & Sacramento confirmentur. Sciamus ergo quod in baptiſmo tempore Apoſtolorum aliud nihil dicebatur, niſi hoc tantummodo: Ego baptizo te in nomine patris & filij & ſpiritus ſancti. Sed beatus Clemēs ex doctrina beati Petri inunctionē chrismatis & olei addidit. Poſtea Leo & Damasus ſummi pontifices, ac beatus Ambroſius reliqua adiecerunt, priuſque baptizabant in fluuijs & ſtagnis. Quod verò ſacerdos in aquis ſuauius anhelat, ſignificat fidelē facilē diabolum poſſe abigere. Anhelat igitur iſtic, vt diabolus inde expellatur: leui enim ſtatu poteſt repellī ab illo, qui in Domino,

M      mino,

mino confidit. Cereus in aquis ponitur, quòd contactus corporis Christi in baptismo aquas sanctificauerit, & vim regenerandi illis contulerit. Repræsentat autem cereus super columnam positus & accesus columnam ignis, quæ nocte præcedebat filios Israhel, quando Aegypto exeuntes intrarunt mare rubrum, in quo præfigurabatur Baptismus, ut per desertâ veniret in terrâ promissionis. Extinctus verò ostendit columnam nubis, quæ item eosdem præibat interdiu. Columna enim tria præstabat, protegebat namq; illos à sole, ab hostibus, & nocte eis lucem præbebat. Pari ratione Christus præcedens baptizatos, obumbrat eos contra incitamenta vitiorum, & protegit ab hostibus, scilicet à daemonibus, & à mundanis cupiditatibus, atque illuminat per charitatē. Vnde dicitur: Ignis consumens in nobis vitia. Proinde quòd chrisma in aquas funditur, significat cœlestia terrenis per fidem baptismatis coniungi. Ob quam etiam causam fieri dicimus, quòd sacerdos vocem mutet, & quandoque vtatur voce alta, quandoque demissa. Eo enim nobis innuitur, quòd ima, id est, terrestria per baptismum iungantur cœlestibus. Consecratur igitur aqua veniunt baptizandi, vel à susceptoribus adferuntur,

& bapti-

& baptizantur, sed prius tamen de fide interrogantur. Postea verò oleo inunguntur in pectore, & in scapulis. In pectore quidem, ut capaces sint intellectus mandatorum Dei. In humeris verò, ut sint robusti ad portandum iugum & onus legis. Deinde ter merguntur, quòd in fide Trinitatis baptizentur. Primò recta facie versus aquam, & capite versus Orientem debent immergi: secundò ad Aquilonem capite verso: tertio capite verso ad Meridiem. Ac primò quidè dicere debet: In nomine patris, mergendo puerum in aquam facie versa ad Orientem; postea paululum leuare & dicere: & filij, mergendo eum versus sinistram partem, & iterum paululum leuare, ac dicere: & spiritus sancti, eundem mergendo versus dexteram partem. Arque ita tandem ipsum in altum subleuare, ac susceptoribus committere debet sacerdos, à cuius manu puerum ut hi suscipiant oportet, vnde & susceptores sunt appellati: Non enim debet sacerdos ipsum in aquis relinquere, sed susceptoribus tradere. Tunc baptizatus in vertice capitis inungitur, in eius significationem, quòd spiritus sanctus ei datur. Bis autem datus est spiritus sanctus: Primò Christo adhuc degente in terra,

speravit, inquit: Accipite spiritum sanctum, quorum remiseritis peccata, &c. i  
 Secundò è cœlo, atque ideo bis: quilibet homo inūgitur chrismate: Primò in baptisinate, & in vertice; postea in cōfirmatione ab episcopo, in fronte: datur enim nobis bis spiritus sanctus. In baptisinate quidem datur, ad emundationem & collationem virtutum: In cōfirmatione verò ad corroborationem. Inuncto chrismate baptizato, imponitur capiti eius chrismale, rotunda quardam mitra quæ coronam vitæ significat, vel candida induitur vestis, quæ ad similitudinem cuculli ex albissimo panno conficitur filo rubro supertexto. Candida illa vestis innocentia stolam designat, quæ nobis redditur in baptismo. Et notandum est, quòd huiusmodi albam vestem gestare debeant septem integris diebus, nec cōfirmari nisi illis septem plenè absolutis; propter septiformem spiritum qui datur in baptismo. Sed rubra illa fimbria, quæ vesti isti assuitur & supertexitur, significat passionem Christi, per quam baptismi sacramētum impletur. Aut sanè rubra illa fimbria exprimit funem, quem Raab in Hierico per fenestram dimisit, propter hospitium quod ipsa præstiterat exploratoribus missis ab Iosue, ad cuius signum saluata

saluata

saluata est domus eius cum tota sua familia. Cæterum rursus hîc animaduerte, quod supradictum est, neminem debere in susceptorem accipi, nisi orationē sciat dominicam, & duodecim suæ fidei articulos. Hæc enim duo omnes susceptores vt filiolos suos doceant obligantur, cùm illorū fidei sint quasi fideiussores. Quocirca eos obseruare quàm fieri potest studiosissimè debent, ne vnquam fide & iustitia excidant, vtpotè responsuri in die iudicij de omnibus illis, quæ enormiter isti perpetrauerint. Sacerdos quoque pater &ceptor illorum est quos baptizat, ita vt eos instruere etiam teneatur. Sed quia propter multitudinem omnibus vacare non posset, totum illud curæceptorum committitur. Itemque & spiritualis pater esse dicitur sacerdos illorum, nempe quibus verbum vitę concionatur, & quorum audit confessiones. Vnde sanè grauius ille peccare dicitur, qui ei mulieri concumbit, quæ suæ est parocix, quàm mulieri quæ est alterius, cùm eiusmodi mulier spiritualis sua appelletur filia. Solet apud nonnullos quæstio exoriri de numeroceptorum, & quot debeant esse necessarij ad puerum, è sacro fonte suscipiendum. Verum nos dicimus, quodd vnus facile posset sufficere. Sed quum in ore duorū

vel trium testium consistat omne verbum, ideo ad minus tres necessariò requiruntur, quorum vnus vir sit oportet, & duæ mulieres, nec etiam plures, ne carnalis copula per spiritualem cõiunctionem impediatur. Quatuor autem sunt genera personarum, quas ecclesia in susceptores non recipit, vt sunt abbates, monachi, abbatissæ cum suis monialibus, qui sunt vnum genus. Ad alterum referimus infideles, & ad tertium illos qui necdum sunt confirmari. Hi enim fideles verè appellari non debent, ita vt nec hinc veri testes esse possint. Ad postremum genus referendus est vir cum sua vxore, nisi prius castitatis ambo fecerint votum. Nam si permetteretur, vt ambo eundem puerum è fonte susceperent, iam eiusdem fieret patres spirituales, ita vt inde in posterum sese mutuo carnaliter cognoscere non liceret, quemadmodum in Decretis prohibitum est. Sed & hoc quidem ægrè admittendum est, vt aliqui eum puerum è fonte susceperent, qui cum illis ius est cognationis. Nam dilectio charitatis quantum fieri potest, per baptismum extendi debet. Proinde verò quanquã pagani siue gentiles templa sua circa fontes cõficere soliti sint, atque aquã istic semper in pròptu habere, per cuius asperisionem se purificari

30. q. 4.  
quod vi  
detur.

extrà de  
cog. spi.  
c. 2. et 4

rificari credebant, ita vt illos fontes delubra nominauerint, à diluendo, atque sic naturaliter ad baptisum accesserint: nos tamen ab eorum consuetudine baptismum non sumpsimus. Habemus enim illud à tribus potissimum, quæ in veteri Testamento fuerunt, nimirum à cataclismo, id est, à diluuio, à mari rubro, & ab Iordane, quæ nobis velut figuram baptismi præbuerunt. At roget aliquis, num etiam liceat in cocta aqua vt in ceruisia vel mulso, vel in vino, vel in oleo, vel in alio liquore aliquem baptizare? Verumenimvero nulla in alia re istud facere permissum est, nisi tantummodò in pura aqua, siue illa ex niue & glacie sit resoluta, siue marina, siue fluuialis. Sed hoc animaduertendum est, quod non debeat celebrari baptismus, nisi in sabbato Paschali & Pentecostes. Fieri tamen potest causa necessitatis, quæ triplex est. Prima est causa munitiois, vt si rex ciuitatem aliquam vellet obsidere, tunc loci eius pueri licite baptizantur, ne contingat eos aliquo periculo mori necdum baptizatos. Altera est ægritudo. Accipitur aut hinc latè ægritudo pro quauis naturæ infirmitate, quæ facile potest dissolui, ita vt nesciamus diem neque horam, & ideo frequenter fit baptismus nō sollemnis nec tempesti-

uus, hoc est, non congruo & conuenienti tempore factus. Tertia est, quæ fit causa persecutionis gentilium. Solebant tamen Græci baptismum celebrare in Epiphania, quòd tunc Dominus esset baptizatus, atq; ita baptizabāt tribus diebus continuis. Consideremus interim quatuor esse genera aquæ benedictæ: aqua videlicet, in qua fit iudiciū purgationis, illa quæ in ecclesiæ dedicatione sanctificatur, & qua diebus dominicis aspergimur, atque aqua baptismi, qua aspergi solebamus priusquam chrisinate ungeremus, quod in quibusdam locis etiam nunc obseruatur. Sed postea interdictum est, ne stultulus quispiam atq; rerum imperitus huius aquæ aspersione se iterū à peccatis mundari putet, quum euidenter satis manifestum sit, neminem posse bis baptizari. His ergo duobus sabbatis idè celebratur baptismus, quia in primo per Christi passionem redimimur: in altero, quoniam ipso die Pentecostes datur nobis spiritus sanctus, per quem facta est remissio peccatorum.

*De reliquo officio in vigilia Paschatis.*

CAP. CXI.

**N**Vnc ad propositum redeamus: Celebrato baptismo reditur ad chorum cum letania, eaque cantata, ipsum sacrum siue missa sine introitu inchoa-



tur à Kyrie eleison . Sed introitus propterea subticetur , quod caput nostrum videlicet Christus necdum nobis sit restitutus . A Kyrie eleison ideo incipitur , vt vetus inchoandarum missarum consuetudo , quę fuit ante Celestinum summum pontificem , repręsentetur . Canitur autem ideo Gloria in excelsis , quia Angeli ob renatos baptismo & neophytos in cœlis gloriantur , qui Domino iam nato hunc Hymnum decantarent . Epistola verò Pauli tono ac voce communi legi debet , quoniam doctrinam significat Apostolorum , quę modò baptizatis est predicanda & aperienda . Sed lectiones pręcedentes nocturno tono pronunciantur , quòd Prophetas connotent . Graduale propterea non canitur , quia baptizati nulla adhuc opera , nullumque gradum in virtutibus fecerunt . Alleluya , quę vox est planè angelica , vel ob id maximè cantatur , quòd angeli lætentur baptizatos ex seruitute diaboli ereptos , & ad fidem conuersos esse . Sed quoniam adhuc eis sit laborandum quamdiu quidem in hac vita fuerint , idcirco tractus , scilicet : Laudate Dominum omnes gentes , cōfestim subiungitur . Subticetur porrò offertorium , vt per hoc expresse indicemus mulieres tacitè ad monumentum venisse . Tres

enim Mariæ stabant iuxta sepulchrum cum silentio & voce compressa. Nec pacem ad hanc missam dare debemus, quod Christus necdum resurrexerit, qui nostra pax est, sed Agnus Dei ter dicitur cum Miserere nobis. Quodd tamen tunc de resurrectione canitur, sciendum est hoc fieri in gratiam renatorum, hoc est, eorū qui sunt modò baptizati. Tacetur præterea & cōmunio, quoniā baptizati nondū communicauerūt. Nam ipso die Paschatis debent cōmunicare. Facta igitur communione statim ante collectā siue orationē cantantur vesperæ cum vno psalmo duorū versuum, scilicet Laudate Dominū omnes gentes, & cum hymno, videlicet Magnificat; dicunturque ambo sine Gloria patri. Breuiores ideo sunt vesperæ, ne neophyti qui diuinis nōdum assueuerūt, aliquo officij tædio afficiantur. Gloria patri ob eā causam non dicitur, q̃ filius qui tertia in Trinitate persona est, nondum nobis sit redditus. Sed ideo quoque vesperæ ante orationem missæ decantantur, ne finita missa populus videatur habere redeundi facultatem, quasi amplius nihil debeat expectare. Vel sanè idcirco vna oratione totum absolvitur officium, quoniam baptismi sacramentum vniuersum in Christi passionē consummatur.

*De Tempore regressionis. CAP. CXII.*

**D**ictum est hactenus de duobus temporibus reuocationis nimirum & deuiationis. Nunc verò sequitur tempus ipsum regressionis, non quidem ordine temporum, sed ratione officiorum. Hoc itaque tempus vocatur Paschale, significatque tempus illud quod futurum est post diem iudicij. Quoniam tum temporis ad vitæ patriam quam per Adamum amisimus, propitiante Deo regrediemur. Cognoscendum tamen est, primam huius temporis septimanam communem esse & huic tempori & præcedenti. Pertinet enim tota, ad Septuagesimam, vt super dictum est. Vnde profectò illud est, quod tractus, qui in ipso sabbato Paschæ canitur & graduale per totam illam septimanam cātentur, quæ laborem nobis indicant. Duo etenim illa respectu cantantur Quadragesimæ; Alleluya verò & cætera cantica lætitiæ, propter tēpus regressionis. Dicitur autem hæc septimana Paschalis, quæ à Paschate, primo huius temporis die, sic denominata est.

*De officio huius temporis.*

*CAP. CXIII.*

**V**T ergo temporis huius officium commodè tradamus, & à primo die incipiamus, necesse est videamus pri-

mò de ipso nomine, eiusque ratione & causa, ac deinde de ipsius diei officio. Vocatur dies hic Pascha siue Resurrectio Domini. Est autem Pascha Græca vox diciturque nobis transitus, non passio ut plerique arbitrantur. Hebraicè verò dicitur Phase. Sed ideò diem hunc Græco nomine, & nō Hebraico appellamus, licet Hebraica lingua dignior sit, ut non solum in alijs, verum etiā ne in nomine quidē videamur iudaizare. Propter hanc eandem causam & Pascha & Pentecoste, quas ipsi celebrant, in nostris calendarijs certo die non annotantur: nec unquam eas illo tempore celebramus, quando illi, ne eos in aliquo imitemur, neue hīc rursus quosdā sequamur hæreticos, qui dicebant Evangelium nō posse sufficere ad salutem sine caeremonijs legalibus. Vocamus autem diem hunc Græco potius vocabulo quàm Latino, quod Græca lingua olim apud Romanos tantæ fuerit authoritatis, ut dies solennes, ac dignitates suas Græcis nominibus vocarent, ut Pascha, Pentecoste, ἑπταστήνη, Epiphania, Apostolus, Episcopus, archiepiscopus, &c. Vel dici potest iuxta Augustinum nomen hoc Paschæ diuina constitutione compositum fuisse à Græco verbo τοῦ πάσχειν quod pati interpretatur, & hoc nomine Hebræo Phase

Phase, quod si Latine reddatur sonat transitum. Recte enim duo hæc nomina *πάσχα* & Phase conueniunt in hoc nomine Paschæ tam secundum significationem, quam secundum voces. Secundum quidem significationes, quoniam in passione Christi fuit transitus. Per passionem enim Christus transiit à morte ad vitam, & fecit nobis viam credentibus in resurrectione eius, vt transeamus & nos de morte ad vitam. Quare non immerito nomen hoc vtriusq; nominis habet significationem, atq; ita artificiose etiam in se complectitur significationem eius vocabuli Latinam, vt ex duabus linguis fiat tertia, nempe Latina. Appellatur enim Pascha ipsa dies resurrectionis. Verum tempus Paschale dicitur à dominica in ramis Palmarum vsque ad octauam Paschæ, ita tamen, vt dominica in ramis Palmarum appelletur minus Pascha, quia tunc inducebatur agnus, qui sexta feria debebat imolari. Proprie verò dicebatur Pascha dies quo agnus imolabatur. Modò de causa nominis dicendum est. Vocatur autem tempus hoc Pascha secundum historiam, tropologiam, allegoriam, & anagogen. Et quidem secundum historiam, quoniam populus Israheliticus quando primum celebratum est Pascha transiit

Isa. 134

per mare rubrum, cum ex Aegypto egre-  
deretur. Vel quando Angelus ille exter-  
minator per Aegyptum transiit, inter-  
fecitque totius Aegypti primogenita  
ab homine usque ad pecus, ad illas do-  
mos pertransiens, in quarum foribus non  
inueniebat sanguinem agni, in formam  
literae huiusmodi. T. Secundum allego-  
riam, quandoquidem hoc tempore per  
baptismum ecclesia ab infidelitate tran-  
siit ad fidelitatem. Dicitur enim allego-  
ria alieniloquium, vel potius inuersio,  
quum aliud verbis, aliud sensu ostendi-  
mus. Secundum verò tropologiam, quo-  
niam hoc tempore per confessionem  
transimus à vitijs ad virtutes, diciturque  
tropologia, quasi sermonis ad mores con-  
uersio. Denique secundum anagogen,  
quia Christus nunc à mortalitate ad im-  
mortalitatem transiit, fecitque ut quem-  
admodum iam resurrexit, nos in vltima  
& vniuersali resurrectione ex hac mun-  
di miseria ad aeternam beatitudinem  
transiremus. Nam & illi qui in inferno  
erant tunc transierunt, idque ab inferno ad  
portam paradisi. Dicta est autem anagoge  
ab ἀνὰ sursum & ἀνωγῆ, id est, ductio  
quasi sursum ductio. Volente enim Deo  
à mortalitate transibimus ad immorta-  
litatem, qui transitus subtilis & excel-  
sus est. Sic item in hoc nomine Hieroso-  
lymae

Iymæ quatuor ista possunt inueniri: historia, quemadmodum de ea ciuitate ad quam pergunt hospites & peregrini: allegoria, vt est Ecclesia militans: tropologia, vt quæuis anima fidelis: anagoge denique, vt Hierosolyma coelestis. Intellige tamen Christi transitum anagogicè non allegoricè in prædictis scilicet Pascha & cæteris. De officio autem huius primæ septimanæ generatim dicimus ad nocturnos nocte tres duntaxat Psalmos cū tribus antiphonis, tres item lectiones cum tribus responsorijs idque ex homilijs tantum dici debere. Cæterum in quibusdam ecclesijs ad vnumquodq; responsum annectunt Gloria patri. Fit etiam in plerisque ecclesijs, vt cantato ultimo responso, cum candelis careis & solenni processione cant ex choro ad locum quendam vbi imaginarium sepulchrum compositum est, in quod introducuntur aliquot in personis mulierum, & discipulorum Ioannis & Petri, quorum alter altero citius reuertitur, sicut Ioannes velocius cucurrit Petro: atque item alij quidam in personis angelorum qui Christum resurrexisse dixerunt à mortuis. Quo quidem facto personæ eæ redeunt ad chorum referuntque ea quæ viderint & audierint. Tunc chorus audita Christi resurrectione prorumpit

in altam vocem, inquires : Te Deum laudamus . Ad primam verò nonnulli dicunt tota hac septimana psalmum hunc : Confitemini Domino quoniam bonus, quòd præcipuè de Christi resurrectione agit. Symbolum autem Athanasij: Quicumque vult &c. toto illo tempore non cantatur, quoniam maximè pertinet ad fidem . Sed hoc tempus indicat octavam ætatem, vbi non fides erit, sed res, vbi non figura erit, sed veritas. Paulò tamen aliter in quibusdam Ecclesijs solet fieri, vt in nostra Parisiensi. Sed animaduerte quòd cum Credo in vnum Deum perinde sit fidei Symbolum, ad missam tamè legatur & quòd illud quidem fiat ad instructionem neophytorum in articulis fidei. Aliud verò symbolum quod minus appellatum est, ad primam planè subticetur ob suam significationem. Nam cum venerit quod perfectum est, tum perimetur id, quod ex parte constat. Præterea animaduerte hanc solennitatem vsque aded esse magnam, vt per antonomasiam atq; excellentiam vocetur solennitas solennitatum.

*Quæ circa hoc tempus sint observanda.*

CAP. CXIII.

**P**ost hæc priusquam cetera prosequamur, de quibusdam quæ huc consideranda veniunt, oportet paucis tractemus,



ctemus, videlicet de ornatu templi, de reconciliatione proximi, de modo salutandi, de veneratione huius temporis, de mensa corporis, & postremò de quadam libertate decembris. Ac templum quidem aliud, vt diximus, est materiale, aliud spirituale. Materiale est, quod ex lignis, cæmentis, saxis, lapidibus & cæteris ædificandi materijs confectum est, spirituale verò nos sumus. Vtrunq; circiter hoc tempus mundádum est, vtrunque ornandum & poliendum. Necessè enim est, vt hoc tempore ad balneas veniamus, non vtique ad voluptatem, sed ad eius rei declarationem, vt per extrinsecam corporis ablutionem interiorem animæ purgationem fieri debere intelligamus. Exigit prætereà tempus hoc, vt barbas radamus ac tonsuras & coronas, quas in vertice capitis gestamus, capillosque demamus. Abrasio enim capillorū & barbæ, quæ ex superfluis stomachi nascuntur humoribus, vt vngues ex superfluis humoribus cordis, significat, quòd debeamus vitia & peccata quæ nobis sunt superflua, refecare. Capillos vltra aures demere debemus, vt quinque corporis sensus expeditos & promptos ad seruiendum Deo habeamus. Sed idèd summitatem capitis radimus, quòd per hoc nihil inter nos & Dominum esse demon-

demonstremus. Oportet ergo hinc mundas & solennes induamus vestes, maximeque candidas depositis nimirum nigris & poenitentialibus. Indicat enim tempus hoc secundam illam resurrectionem, qua nos stolam salutis vel glorificationis corpore induemus, & animo stolam iusticiæ. Vel etiam propter renatos, qui albis vestibus tunc sunt induti. Vel denique ob angelos, qui in resurrectione Domini albis vestibus apparuerunt.

*De Ornatu templi materialis.*

CAP. CXV.

**D**E emundatione materialis templi superius dictum est. Nunc verò de ipsius ornatu exponamus, qui triplex est, in ornandis parietibus, in choro & in altari. Ad parietes quidem sunt appendendæ cortinæ, aulæa, & pallæ sericæ. In choro habēda sunt dorsalia tapeta & sedilia clericorū. Sunt aut tapeta tegmina varijs coloribus depicta, quæ præcipuè sub episcoporū pedibus sternuntur, quòd mundana pedibus penitus calcare debeant. Sic & velamen adesse debet, quod ante crucifixum remouetur, retro quem ponitur pallium, quòd quæ prius erant operta ante Christi passionem, modò manifestentur. In quibusdam locis crux in altum erigitur cum vexillis, per quæ Christi victoria designatur. Al-

tare

tare quoque suis ornamentis decoratur, ut crucibus ordine collocatis, capsis, textibus Evangelicis, philacterijs. Est tamen discrimen inter philacterium & philacteriam. Philacterium enim chartula est, in qua decē legis precepta scribebantur, cuiusmodi chartas solebant ante suos oculos circumferre Pharisei in signum religionis. Vnde in Euāgelio: *Matt. 23* Dilatant enim philacteria sua, & magnificant fimbrias. Atque hoc quidem philacterium à *φύλασσω*, id est, custodio, dictum est, & thoral, quod est lex. Philacteria autem philacteriæ, vasculum est vel argenteum, vel aurum, vel etiam chrysellinū, in quod sanctorum cineres & reliquiæ reponuntur. Porro autem tres sunt causæ quamobrē Ecclesiæ thesaurus in magnis solēnitatibus in apertum proferatur. Et primò sanè propter cautelæ considerationem, ut appareat, quàm cautus ille fuerit in seruando, qui istum seruare debuerit: Tum verò propter solennitatis venerationem: tandemque ob memoriam oblationis, quo videlicet in illorum offeratur memoriam qui istiusmodi bona Ecclesiæ prius obtulerunt. Ante altare dependi oportet pulchrum aliquod velamen, nimirum pallium, vel ei simile quidpiam, ceu tabula picta vel aurea si habeatur. Ante quod

quod quidem ornamentum in nonnullis magnis ecclesijs velamenta triū colorum poni solitum est, vnum rubrum, alterum subalbum, tertium nigrum, quæ tria significant tempora. Paschate enim quum prima lectio finita est cum suo responsorio velamē nigrum, quod tempus ante legē indicat, remouetur. Postquā verò secunda cū respōsorio absoluta est, remouetur velamen candidum, per quod tempus sub lege exprimitur. Ita demum & tertia lectione finita ac responsorio, deponitur velamē rubrum, quo tempus gratiæ significatur, in quo per Christi passionem ad sancta sanctorū, id est, ad æternam gloriam nobis patet aditus.

*De reconciliatione proximi.*

CAP. CXVI.

**S**Equitur de reconciliatione proximi: Cū enim illo die communicare omnes debemus, si cū aliquo discordes fuerimus, necessariū oportet vt ipsum nobis reconciliemus. Alioqui certè iudicium nobis sumeremus, quod eleganter à minori probari potest iuxta illud Euāgelicum: Si offers munus tuum &c. Vnde est, quod sacerdos diebus dominicis postquam concionem absoluerit teneatur populo orationem dominicam, & fidei articulos vernacula lingua exponere. Ex qua etiam causa fit, quod  
oratio

oratio dominica alta voce in missa can-  
tetur, vt omnes eam addiscant, & hinc  
ad conciliationem proximi admonean-  
tur. Tota hac Paschali septimana acqui-  
foret, vt nihil aliter modò vsus obtineret  
hoc pacto vnumquemque salutaremus,  
videlicet: Resurrexit Dominus, & qui  
ita salutatus esset, responderet: Deo gra-  
tias, datis sibi mutuo osculis in signum  
dilectionis & charitatis.

*De veneratione huius temporis.*

CAP. CXVII.

**V**Erùm nūc quoque de veneratione  
huius tēporis pauca dicamus. Vt-  
que adeò tempus hoc venerādum & co-  
lendum est, vt omnia ergastula & opera-  
toria & officinas tam mulierum quàm  
virorum occludere debeamus, ac nulla  
venalia exponere, exceptis illis sine qui-  
bus cœnari non posset. Præterea oportet  
nos latomias & cætera genera car-  
cerum relaxare, & captiuos cōmuni aëri  
restituere integra hac septimana, vt gau-  
dio nostro nobiscum communicēt. Sunt  
autem latomiæ lapidiciæ, in quibus cœ-  
duntur lapides, & ad quas damnari so-  
lebant ij qui in opus metalli damnaban-  
tur. Tamen si quidem & pro quouis car-  
cere accipi possit, vel quodd Romæ hu-  
iusmodi latomia in carcere prope Tul-  
lianum fuerit, vel quodd lingua Siculorū  
lato-

latomia Syracusis carcer appellabatur.

Servos autem & ancillas ac omnes qui nostro servitio sunt addicti, profectò ab omni servitutis seueritate eos hoc tempore relaxare debemus, quemadmodum etiam nostros pastores, siue sint equorù, siue porcorum, siue armentorum, siue etiam ouium & caprarum, vt liberè & securè omnes possint ad audiendum diuinum officium conuenire, & communicare. Inhumanum quoq; est hoc tempore debita à debitoribus exigere, ita vt vel hinc tum temporis pascua còmunia esse dicantur.

*De mensa corporis.*

*CAP. CXVIII.*

**N**ihil quod non sit à Sacerdote benedictum, hoc die Paschatis comedere debemus. Vnde etiam nunc in quibusdam regionibus pro more receptum est, vt in magno vase omnia quæ velint illo die comedere fercula ad Ecclesiã deferant, in cuius atrio & vestibulo à Sacerdote cum cruce & aqua lustrali, quam benedictam dicimus, in sacris vestibus benedicuntur. Postea verò sacerdos aliquid sibi de singulis ad suam necessitatem sumit. Et certè nullus quotiàs die quicquam vel edere vel bibere deberet, quod nō ante sit benedictum, vnde beatus Hieronymus de quadam moniali recenset

censet in eo libro, cui Vitas patrum titulum fecit: Cùm enim illa fortè fortuna in hortum suum iret, & lactucas absque benedictione comederet, simul etiã diabolus qui sub eas sese abdiderat, imprudens deglutijt, qui multo tempore eam acerbè vexauit. Debet autem quiuis homo hoc die tria potissimum exercere, misericordiam videlicet, liberalitatẽ, & sobrietatem: Misericordiam, vt egenos & vagabundos ad se suscipiat, eisq; misericordię opera exhibeat, & illis aliquid iuxta quod in lege præceptum est, mittat, qui nihil sibi aut coxerunt, aut præpararunt. Liberalitatem verò maximè hoc tempore quemq; exercere oportet, vt si abudat, vicinis & amicis suis quippiam impartiat. Sed & sobrietatem idèd, quod debeamus illo die magis sobriè comedere, vt sibi quisque parcus sit, alijs verò largus. Obseruet ergo quilibet misericordiam quantum ad pauperes, liberalitatem quantum ad amicos, & sobrietatem quantum ad seipsum.

*De paruo prandio.*

CAP. CXII. X. 1. 2. 3. 4. 5. 6. 7. 8. 9. 10. 11. 12.

**E**Xponendum modò est, de paruo quondam prandio, quod fieri debet ante magnum pradium in Paschate quando communicatum est. Statutum enim est in quibusdã in ecclesijs, & ubiq; terra-

terrarum sic deberet fieri, vt illo die panis & vinum in Ecclesia habeatur, & cū homines communicauerint, detur statim vnicuique panis buxea priusquam recedant, & paululum vini, ne fortè quippiam de sacramento in ore remanserit, quod expuēdo facilè emitti queat. Possēt enim facilè contingere, si nō statim comederetur. Quæ sanè laudata consuetudo omnibus probatur, sumpsitque originē ex institutione beati Benedicti: Instituit namque vir ille sanctissimus ob eādem causam, vt illi, qui alijs fratribus debent in prandio post communionem ministrare, aliquid prius comederent. Atque hoc quidem prandium mixtum appellari solet. Debent autem singulis diebus religiosi cōmunicare, qui vel pomum, vel aroma aliquod, vel tale quippiam saltem comedere debēt, quod nauseam compescat. Eadem etiam consideratione statuit Ecclesia vt missæ tribus certis horis pro dierum qualitatibus celebrarentur. Tertia videlicet hora diebus festis, sexta profestis, & nona in ieiunijs, vt absoluta missa, & peracta cōmunionē, statim accedatur ad prādium, ne prædictam causam incurrant hi, qui communicauerunt. Dixi his tribus horis, quia his celebratis licet prandere pro qualitate dierum, & non prius. Si autem  
fortè



fortè contingat, vt vel hoc die vel quocunque etiam alio, sacramenti aliquid è calice excidat, sciendum est; si de corpore fuerit, quod sumi oporteat: Si verò de sanguine super pannū ceciderit, quod debeat illud omne lambi quantum fieri potest, & si pannus iste lauandus sit, lauetur in piscina. Sed si super lapidem vel lignum ceciderit, debet omnino eradi, & quod abrasum est comburi, ac cinis ille sub altari recondi. Idem faciendum est, si simile quippiam nausea acciderit. Animaduertamus ergo hīc, quòd ob duas præcipuè causas aliquid lauetur, nempè propter venerationem sacramenti sicut sacerdos lauat manus quando sacramentum tetigit, & propter immundiciā, vt quod immundum est, mundum efficiatur. Itemq; & illud animaduertamus, decretum fuisse in quodā concilio Pictauiē. vt nullus vnquā sine lumine aut cōmunicaret aut missam celebraret. Proinde cum eo quod statim diximus, obseruemus neque laicum neq; sacerdotem debere post communionem in talem locum expuere, quo sputū istud pedibus facile possit conculcari, videlicet ante comestionē. Vbi etiam diligenter cauendum est, ne in locum immundum & impurum expuatur. Quod autem hīc quæritur, quemadmodum ca-

non dici debeat, citòne an tardè? respondemus verba debere citò pronūciari, sed tamen discretè. Et cur obsecro citò? ne videlicet muscæ veniētes auferant suavitatem vnguenti. Quod quidē cōstat etiā ex veteri Testamento in Exodo, vbi hoc pacto dicitur: Comedetis festināter. Dicitum est enim illud de imolatione agni.

Exo. 12.

*De quadam libertate Decembris.*

CAP. CXX.

**R**Estat vt de eo nunc agamus, quod vltimo loco in partitione superiori propositum fuit, nimirum de quadam libertate Decembris, quæ hoc tempore in quibusdam locis obseruatur. Sunt enim nonnullæ Ecclesiæ, in quibus vsitatum est, vt vel etiam Episcopi vel Archiepiscopi in cœnobijs cum suis ludant subditis, ita vt etiam sese ad lusum pilæ demittant. Atque hæc quidem libertas ideo dicta est Decembrica, quòd olim apud ethnicos moris fuerit, vt hoc mense serui & ancillæ & pastores velut quadam libertate donarentur, fierentq; cum dominis suis pari conditione, communia festa agentes post collectionem messium. Quanquam verò magnæ Ecclesiæ, vt est Remensis, hanc ludendi consuetudinem obseruent, videtur tamen laudabilius esse non ludere. Notandum quoq; est in plerisque regionibus secundo die post

post Pascha mulieres maritos suos verberare, ac vicissim viros eas tertio die quemadmodū licebat seruis in Decēbri dominos suos impunè accusare. Quòd ob eam rem faciunt, vt ostendant sese mutuo debere corrigere, ne tempore illo alter ab altero thori debitum exigat. Vnde sciendum est in Concilio Eliberitino sub Siluestro pontifice huiusmodi decretum fuisse, vt vir & vxor quando deberent communicare, tribus diebus antequam communicarent, ab amplexibus abstinere, & postea item tribus sequentibus ad minimum, vel quinque vel septem, propter septem dona spiritus sancti. Quod sanè decretū sumptum est ex libro Regum, idque ex eo loco vbi dicitur Dauid fugiens à facie Saul venisse Nobe ad sacerdotem Abimelech, & petiisse ab eo cibum. Qui cū nō haberet quod ei daret, nisi panes propositionis, quos non licebat nisi sacerdotibus comedere, & illis etiam mundis, quum postularet tamē illos sibi dari Dauid: Sunt, inquit, pueri tui mundi? Cui Dauid respondit, si de mulieribus quæris, ab heri & nudius tertius abstinuimus. Alij autem codices sic legunt: Si pueri tui sunt mundi, maximè à mulieribus, manducant. Quasi diceret: Necessitas non habet legem. Si tamen ex coitu sunt im-

mundi, ne in necessitate quidem eis dabo. Et inquit ad eum David: Ab heri & nudius tertius nos continuimus, & sunt vasa puerorum sancta, id est, corpora, in quibus continentur animæ vel ipsi pueri. Porro via polluta est, sed hodie sanctificabitur in vasis. Quasi dicat: Fortè in via hac aliquid immunditiæ contraximus, sed munditia corporum sufficit ad eam mundandam. Nec verò dico, quod si vir ab vxore thori debitum postulet, quod huic illa non reddet, sed debet ipsum placidè monere ne exigat. Si verò instet, nec vllis monitis acquiescat, persoluat, ne exigenti fortè hinc magis peccare accidat, quemadmodum non ita pridem quibusdam Germanis fertur euenisset. In Germania enim quum castè integra quadragesima viuentes vir & vxor seorsim cubuissent, fortè fortuna Paschali nocte cùm ad matutinas surrexissent, mulier exegit debitum. Quam diligenter vir corrigens cùm nihil bonis admonitionibus proficeret, permisit se illud facturum quod peteret simulatque rediret, & sic ad matutinas abiit. Illa verò quasi furibunda domi remansit, & accessit iuuenem quendam sui mariti fratrem, in eadem domo dormientem, petens ab eo, vt se cognosceret. Qui nolens ei acquiescere,

scere, tū propter tēporis venerationē & sanctitatē, tū propter incestū, quod illa impudēter petebat, prorsus se facturum denegavit, atq; iterum hic obdormiuit. Tum mulier ob repulsam, quam passa fuerat, vehementius ardens, dormientem iuuenem obtruncat. Viro autem redeunti domum omnem rem narrat ordine, inquit: Huius mali tu author es, qui hac me facere coēgisti. Proinde longam multamq; ambo egerunt pœnitentiam, nec idēd sunt separati: Quare hac in parte intelligendum est, virum mulieri in omnibus præsē, & in mulierem omne habere imperium exceptis genitalibus, in quibus vtrique par est & dominium & imperium. Vnde dicitur: Vir nō habet potestatem suæ carnis, sed mulier, nec mulier sui corporis, sed vir, hoc est, genitalium, sic enim exponit Augustinus. Hinc etiam est, quod sacerdotes nō habeāt mulieres. Si enim haberent, quotiescunque ab ijs debitū exigerent, istud soluere tenerentur, & sic non possent infra tres dies sequentes altari ministrare. Ac sciēdum præterea est, quod tribus diebus Pascham sequētibus planē sit feriandum, sed quarto die liceat viris rustica exercere opera, foeminæ autem debeant ā nendo abstinere. Magis enim sunt necessaria ea, quæ ad agrorum cul-

turam pertinent quàm ista alia. Vnde Gregorius: Melius est, inquit, fodere & arare die dominico, quàm ducere choreas. Ex hoc sanè fieri dicimus quod singuli isti dies propria & peculiararia habeant officia & propria responsoria, alia autè non itè, sed quasi per quandam accommodationem. In hac porro septimana nihil legendum est ex veteri testamèto, sed quelibet dies sua habet officia. Nec cantandū etiā est: Quicumq; vult, quia hoc tēpus significat futurū illud tempus, q̄ adfore post resurrectionem credimus, quando omnis fides, omnis spes omnino destruetur. Post officium aut̄ hic versiculus dicitur, scilicet: Domine probasti me & cognovisti me, & quidam tacent: sessionem meam. Sed tamen vtrunque dici potest, quo indicatur duplex in Christo natiuitas. Bisariam Prima cantari potest, aut breuius, aut prolixius. Prolixius quidē, cū plena esse dicitur, fitq̄ue in letania & cum precibus. Breuius autem, quum minus plena esse appellatur, ac fit vel tantummodo cum precibus & sine letania, vel sine letania ac sine precibus. Atque hæc est, quam hisce diebus canimus sine precibus, & omnino breuius quàm alio tempore. Magna item in communicandis cautione opus est, vt videlicet sacerdos prius audiat confessionem eorum,

tum, qui sunt communicaturi, & si quis aduersus fratrem suum odium vel criminale aliquid habeat, admonendus prius est, ne communicet antequam fratri suo reconcilietur. Sed si huiusmodi aliquis secum alijs impudenter ingerat, non est ei negandum nec agendū, vt quidā agunt, qui hostias habent & cōsecratas & non cōsecratas, ita vt si aliqui accesserint, qui fraternum odiū exercuerint, vel aliquid criminale, cōmunicent de non consecratis, verū eos grauiter peccare satis manifestū est. Fallūt enim eos: quanq̃ nō minus, imò magis peccant alij, qui sumūt, cum spōtè & voluntariè rei sint. Nā putant se verū corpus sumere, & non pertimescunt illud sumere indignè. Debet ergo sacerdos panē habere consecratum, vt si tales accesserint illo etiā pane cōmunicent. Quatuor autē modis cōmunicatur in ecclesia; vel sumēdo corpus Domini, vel pacem dando, vel benedictionem accipiendo vel etiā sub finē missæ cū dicitur: Humiliate vos ad benedictionem. Quod ideo institutum est, vt si quis hoc modo non communicet saltem illo. In primitiua enim ecclesia praeceptum erat, vt singulis diebus corpus Domini sumeretur: postea verò crescente numero fidelium, vt singulis diebus dominicis. Vnde etiam nunc in Græcia sub anathe-

mate ponitur, qui à tribus diebus dominicis nō communicauerit. Modò autem nos tenemur in tribus solennitatibus, nimirum Paschate, Pētecoste & Natali. Appellatur autem prima illa solennitas Paschæ, agnus & transitus, salutandumq; eo tēpore est, hoc modo: Resurrexit Dominus. Sic & eodem die in principio missæ populo est concionandum, vel post Euangelium, & admonēdi sunt discordes ad cōcordiam. Ob quam quidē causam fieri putatur, vt cūm Dominica oratio in prima dicitur voce submissa, alta & expressa eadem pronuncietur in missa, vt vel eo pacto adhortentur qui in fraterno sunt odio, & ad concordiam discordes excitentur, antequam communicent. Nunquam enim magis indignè corpus Christi sumi potest, quā ad eum modum.

*Expositio quorundam, quæ cūm circa hoc tempus, tum alibi etiam obseruantur.*

CAP. CX XI.

**Q**Vamobrem autem Episcopi & alij Ecclesiastici ferijs hisce Paschali-  
bus ludere possint, modò expositum est. Sed deinceps vt & alia nonnulla, quæ cum hīc, tum alibi fiunt explicemus, hinc ordiemur, videlicet apud quosdam hoc tempore aquarum fieri dimensiones, ne quia tota Quadragesima



ma vigilauerunt, his sanctis diebus velint dormire. Induimus autem hoc etiam tempore albas vestes, tum quod pueri regenerati eas habeant, tum quod eo die angeli in albis visi sint. Ob causas supra dictas tacetur: Quicumque vult, & canitur, Credo in vnum Deum. Animaduerte hic obiter, si forsitan vinum in calice congeletur, sacerdotem debere tantisper exhalare, donec glacies resoluatur. Quod si verò non possit eo modo resolui, necessarium est, ut igni apponatur. Sed si quid casu in calice ceciderit, siue nimirum musca siue aranea, certè quicquid illud est, omne istud sacerdotem deglutire oportet. Proinde verò sabbatum sequens in albis appellatum est, idque ex veteri consuetudine, quum eo die nigras vestes omnino deponebant, atque induiebant albas, sed hoc nonnulli faciunt in sabbato Paschæ. Statim autem dominico sequente nouem lectiones cantandæ sunt, vnde & historiam habent videlicet: Dignus es Domine. Sic enim fit Romæ. Nec his diebus flectenda sunt genua, sed rectè orandum est, quia, ut inquit Ambrosius sub finem Lucæ: Mulieres venerunt ad monumentum, nec flexerunt genua, sed rectè inspexerunt sepulchrum. Nota interim non debere in festo beatæ Mariæ Annunciationis

sequentiam, quam etiam Profam appellatam esse diximus, cantari, etiam causa deuotionis, nec vnquam nisi canatur Alleluya. Moris enim fuit, vt post Alleluya cantaretur neuma. Nominabatur autem neuma cantus, qui sequebatur Alleluya. Postea verò quidam Papa instituit loco neumæ diei sequentiam, quæ quod Alleluya sequatur, sic appellata videri potest. Conceditur nihilominus, vt hoc tempore aliquis genua flectat, modo id non aperte, sed secreto faciat, & ieiunet etiam qui velit. Nam, vt ait Hieronymus, vtinam possemus omni tempore ieiunare. Sunt autem prohibitæ in ieiunio carnes, quemadmodum & oua, caseus, lac, quòd, vt idẽ putat Hieronymus, hæc oĩa sint carnes liquidæ. Beatus tamen Benedictus permisit oua, lac & caseos comedere, vt quamuis libidinis quædam sint incitamenta, ad maiorem tamen coronam & victoriam comedantur. Verùm eis qui ieiunant pisces permisi sunt, sed, vt ait Hieronymus, pisciculi pauci, quo facile intelligitur quòd & parui & pauci esse debeant. Dicitur autem tempus hoc Quinquagesima, quod per tempus istud significetur tempus iubilæi, quo plena erit libertas, & nostra nobis reddetur hæreditas. Vnde profectò & Alleluya cantamus. Verùm genua

nua non flectimus, imò stantes oramus, nisi in letanijs. Ad postremum autem animaduertamus Pascha Iudeorum fuisse figuram nostri Paschatis, & nostrum vicissim significare Pascha futurū, quod erit in fine mundi. Quod vt pateat sciendum est duo esse opera Dei, scilicet opus creationis, & opus recreationis. Opus creationis fuit in principio, cū Deus mundum & omnia quæ in ipso continentur, creauit. Opus verò recreationis fit quotidie, sed Deus illud maximè exercebit in die iudicij, quando omnia in nouabuntur. Tempori vtriusque operis nostrum Pascha conuenit & concordat. Et quidem tempore creationis, quia tūc angeli Dominum laudauerunt, vnde dictum est Iob: Vbi eras cū astra matutina laudarent me, & omnes filij Dei iubilarent antè me? Sic & nos in nostro Paschate renati, Alleluya laudando Dominum cantamus. Tempus verò recreationis pari ratione nostrum Pascha è vestigio repræsentat. Tres enim illi dies qui Pascha præcedunt, indicant tempus Antechristi, cui tres reges manus dabunt, quique postea per eos septem sibi regna subijciet, & decē regna eius imperio inservient. Nam apud nos quemadmodū illo tēpore, videlicet ipso die cœnæ poenitentes in ecclesiam recipiuntur, eodem-

que die pedes, qui sunt corporis Christi extrema pars, lauantur: ita & Iudæi aqua baptismatis extremo tēpore mundabuntur. Vnde: Reliquiæ Israhel saluæ fient. Die verò Parasceue passio recitatur, sicut & tunc ecclesia maximè persequetur. Tunc enim soluetur Sathanas, qui à passione Domini ligatus in inferno detentus fuit, utque hoc die cymbala non pulsantur, sic tunc concionatores siue prædicatores conticebunt. Quare & in tenebris Benedictus alta voce canitur, quia tum temporis Antechristo interfecto multi gaudebunt, ita ut ignis qui in tenebris modò videbatur penitus extinctus & postea elicitur, significet, quòd nimirum illo tempore in ijs in quibus spiritus sancti ignis videbitur extinctus, rursus relucescet. Sic in sabbato baptizantur pueri, & tunc baptizabuntur Iudæi. Ipso die Resurrectionis in persona Christi cantamus: Resurrexi & adhuc tecum sum: sed tunc dicemus illud ipsum in persona nostra, quando resurgentes transibimus ex hac mortalitate ad immortalitatem. Debent ergo in octauis Paschæ nouem dici lectiones ex Apocalypsi, quod ostenditur per responsum, Dignus es Domine. Ideo enim responsum nominatur, quia ut iam sæpe dictum est, lectioni quæ præcessit

cessit, debet respondere. Nec est quod quis obijciat in astate qualibet Dominica responsoriū dici de Trinitate, quū tamen de ea nulla lectio recitetur. Fuit enim illud ita in primitiua Ecclesia institutū, vt videlicet singulis diebus Dominis diceretur & lectio nona & responsorium de Trinitate. Sed quia lectio illa in desuetudinem abiit, tantummodo responsorium remansit. Toto tempore Paschali non debemus flectere genua, nec ex necessitate ieiunare. Sed ex pietate & deuotione utiq;, vt diximus, licitum est. Nam tempus hoc Paschale octauam significat ætatem, in qua erit perfectum gaudium omnibus sanctis. Vnde est quod hic non ieiunamus, nec genua flectimus, sed stantes oramus, ac delicatius & lautius comedimus, nisi in duabus letanijs, de quibus hīc agendum est.

*De letanijs. CAP. CXXII.*

**P**rimò ergo videndum est quid sit letania: secundò quum sint duæ letaniæ, quare vna dicatur maior, altera minor: tertio quamobrem fuerint institutæ: quartò quemadmodum in his ieiunandum sit & vestiendum: quinto & vltimò quid populus in letania debeat cantare. Letania interpretatur Latine supplicatio siue rogatio. Supplicatio

dicatur, quia tunc Deo supplicamus, ut à morte subitanea & ab omni aduersitate nos defendat. Rogatio appellatur, quia tunc sanctos rogamus, ut pro nobis ad Dominum intercedant. Due sunt letaniæ, maior & minor. Maior fit in festo beati Marci Euangelistæ. Dicitur autem maior, tum authoritate institutionis, quod eā instituit Gregorius Papa eius nominis primus, qui & magnus Gregorius dictus est : tum authoritate loci. Fuit enim instituta Romæ, & publico decreto sancitum, ut vbique celebraretur. Alia letania nominatur minor, quia à minori instituta fuit, scilicet à beato Mamerto episcopo, idque Viennæ. Atque hæc non celebratur nisi in ecclesia Cisalpina. Quare autem fuerit instituta prior letania, hanc reddit causam Paulus Montiscassini monachus Longobardorum historiographus. Nam, ut inquit ille, tempore Pelagij Papæ tanta fuit aquarum inundatio in vniuersa Italia, ut aqua ascenderet ad superiores usque fenestras templi beati Zenonis, quod erat Veronæ, nec tamen miraculose aqua templum influit. Ex qua inundatione per Tyberim affluxit in agros multitudo serpentum, inter quos extitit maximus draco, & omnes per duo ostia Tyberis intrarunt mare, Ex horum serpentum

tum venenatu afflato & maximè istius draconis, corruptus est aër, & infectus vsque ad eò, vt inde grauissima pestis inguinaria nata sit, quà homines passim moriebantur. Tum Pelagius Papa indixit ieiunium, & præcepit vt processionem instituerent, quod ita factum est. Sed in ipsa processione ipsemet cum septuaginta alijs expirauit. In eius autem locum institutus est Gregorius magnus, qui huiusmodi letaniam vbique terrarum obseruari præcepit. De secunda letania quæ per triduum celebratur, ait Gregorius Episcopus Turonensis, quòd tempore beati Mamerti Viennæ & circa Viennam fiebant crebrò terræmotus & tanti etiam, vt vel maximæ domus & multæ ecclesiæ inde collapsæ sint & corruerint, quæ tempestas toto anno durauit. Sic etiã sabbato Paschali dū ipse Mamertus diuinum celebraret officiū, igne coelitus demisso combustum est ciuitatis palatium. Prætereà bestię vt lupi & apri ex syluis in ciuitatem exhibant, atq; homines deuorabant. Pro his ergo incommodis beatus Mamertus triduanū indixit ieiunium, ad similitudinem Ninuitarum, præcepitque vt processionem facerent, vt quemadmodum illi per triduanum ieiunium vrbs euaserunt subuersionem, ita hi liberarentur ab istiusmodi

modi aduersitatibus, quod ita factū est. Gregorius autem ille, cuius paulò antè mentionē fecimus, legitur statuta fuisse admodū exigua, vsqueadeò vt quū fortè Romam veniret, omnes ipsum paruipēderent, atque ipse etiam Papa miratus fuerit, quòd tam paruus homuncio factus esset Episcopus, ad quem ille honestè respondit: Ipse Deus fecit nos, & non ipsi nos. Simile quippiam dixit beatus Hilarius cuidam ipsum vocāti Gallum: Non sum, inquit, natus Gallus, sed ex Gallia, & tu es Leo, sed non ex tribu Iuda: sic enim vocabatur.

*De institutione & modo letaniarum.*

CAP. CXXIII.

**I**Nstituit igitur beatus Mamertus, vt singulis annis hæc letania tribus diebus cōtinuis in Ecclesia Cisalpina celebraretur, quod ita Romæ fuit canonizatum. Papa etiam Liberius instituit vt pro fame, pro bello, pro peste, pro clade, & huiusmodi aduersitatibus imminētibus semper letanias faceremus, vt sic illa per supplicationes, orationes & ieiunia euitaremus. Vocantur autem hæ processiones letaniæ Græco vocabulo propter authoritatem Græci sermonis, sicut Pascha & Pentecoste. In his letanijs ieiunandum est cibo Quadragesimali, in vestibus pœnitentialibus. Nam & omnes



nes illo die à mundanis operibus prorsus abstinere debent, etiam serui & ancillæ, ac interessè tantisper processioni, donec ipsa celebretur. Vt, quemadmodum omnes peccauerunt, ita etiã omnes pro venia supplicent. In huiusmodi autè processionibus itur in magnis Ecclesijs septeno ordine, vnde septiformes dictæ sunt. In primo ordine sunt clerici, in secundo monachi & canonici, in tertio moniales, in quarto pueri, in quinto laici puerctæ ætatis, in sexto viduæ, & in septimo coniugati. Sed quod nos non possumus in numero personarum, id supplemus in numero letaniarũ. Septies enim letaniã dicere debemus. Vbi obiter animaduertamus quod Rupertus Tuitien- sis Abbas dixerit vltimã letaniã multis annis incepisse ante primã. Nos autè has letanias idedè maximè hoc tempore facimus, quoniã tum præcipuè bella exoriri soleant, & terræ fructus, qui adhuc sunt teneri, vel in flore, corrumpi iniuria nebularũ, vel pluribus alijs modis possint. Vt ergo Deus hæc oĩa auertat, instituimus letanias, continuantes vltimam Ascensioni, vt per ieiunium & orationes Christũ sequi, & ad coelos ascendere mereamur. Draco qui triduo illo deportatur inflata & longa cauda duobus quidem diebus ante crucem & vexilla, pos-  
stea

stea ultimo retro, significat diabolum, qui tribus temporibus ante legem, sub lege, & tempore gratiæ, quæ per hos tres dies indicatur, homines fefellit, aut fallere conatur. Primis duobus temporibus quasi erat Dominus orbis, vnde Christus eum vocat principem mundi. Tempore verò gratiæ per Christum fuit deuictus, nec audet ita apertè regnare, vt prius, sed per suggestiones homines latenter seducit, quos pigros, & remissos videt in bonis operibus, nec viam vitæ sectantes: sicut in deserto debiles & infirmos, & eos, qui remanebant ultimi, hostes à tergo veniētes, quasi aberrantes interficiebant. Inde profectò est, quod primis duobus diebus præcedit, & ultimo sequatur. Ipse est draco & leo. Draco modò est, quia homines non ita apertè, sed latenter decipit. Leo erit tempore Antechristi, quoniam tunc manifestè sauiet in nomen Christi. Draco fuit, quando Christū super pinnaculum templi vbi multos antè per vanam gloriam seduxerat, latenter fallere voluit, & tentauit inquiēs: Si filius Dei es, mitte te deorsum. Et quasi hoc facere posset securè addidit: Quoniam angelis suis mandauit, &c. Bene enim intelligebat scripturas, sed quod sibi malo erat subricuit, videlicet: Super aspidem & basiliscum

liscum ambulabis &c. Leo autem fuit in passione Domini qui ipsum crucifigere etiam curauit, de illo ait Ioannes in Apocalypsi: Ecce draco magnus rufus habens capita septem & cornua decē, & in capitibus suis diademata septē, & cauda eius trahebat secum tertiam partem stellarum. Per stellas hic significantur homines, qui tripartitō diuiduntur, in perfectos, imperfectos & reprobos. Tertiam ergo partem stellarum trahit secum diabolus, nimirum reprobos, nam hi sunt cauda illius. Alibi vocat eum Christus sathanam: Videbam Sathanam tanquam fulgur de cœlo cadentem. Et ad Petrum inquit: Vade retro me Sathana. Non est autem intelligendum quod vocet eum diabolum, sed aduersarium, quod interpretatur sathanas. Hac enim eius loci mens & sententia est: Vade retro me sathanas, id est, sequere me per imitationem passionis, Noli disturbare passionem meam. Vel certè hæc: Videbat enim Christus, vt ait beatus Hilarius, dæmonem in aurē Petri suggerentem, vt impediret suam passionem, & ait ei: Sathan, Sathan. Ac si diceret, nequicquam & frustra laboras. Et conuersus ad Petrum dixit: Vade retro me, id est, sequere, imitando meam passionem.

Apo. 12.

Luc. 10.

**N**unc dicendum est de quibusdam solennitatibus, quæ hoc tempore in ecclesijs celebrantur, videlicet de festo sancti Philippi & Iacobi, & omnium Apostolorum (sic enim est in magnis & plenis calendarijs) de Inuentione sanctæ Crucis, de festo Ioannis ante portam latinam, & beatæ Mariæ ad martyres, & de commemoratione sancti Michaëlis. Hoc ergo tēpus, vt prædictū est, significat octauam ætatem, vbi bonum quod erit in dispari claritate singulorum, futurum est omnium. Vnusquisque enim gaudebit perindè ob alterius bonum, ac propter suum, & bonum omnium, erit singulorum. Quare quum tempus hoc maximè solennitatibus conueniat, cumque in primitiua Ecclesia Apostoli non haberent particulares solennitates, statutum fuit vt ipsis Calendis Maij celebraretur solennitas in honorem omnium Apostolorum. Hoc etiam die festum est Philippi & Iacobi idque ideo, quia fortè illò die passi sunt. Hic Iacobus minor appellatus est, non vtique ætate, sed vocatione, sicut fit inter monachos, vt qui ante factus est monachus, etiamsi vel puer sit, tamen præcedat eum, qui quantus quantus sit, postea

stea cœnobium ingressus est. Dictus est præterea frater Domini, vel quia similis erat ei facie, vt dicitur, vel ideò, quia erat filius Alphæi, fratris Iosephi viri beatæ Mariæ, & Mariæ sororis eius. Et qui ita ex vtraque parte sanguinis sese contingebant, apud Iudæos fratres vocabantur. Iesus autem putabatur esse Iosephi filius. Hic Iacobus dictus est primus post passionem Christi Hierosolymæ missam celebrasse, & Petrus Antiochiæ. Idem hic Iacobus factus est Episcopus Hierosolymitanus, qui quum nomen Christi prædicaret, & publicè fateretur præcipitatus est à Iudæis è pinaculo templi, & pertica fullonis interfectus. Alter verò Iacobus maior appellatus est, & vocatione & dignitate, quia familiarior fuit Christo. Ad secreta enim sui operis eum vocabat, vt quādo transfiguratus est, & quando mortuum suscitauit in domo.

*De inuentione sanctæ Crucis.*

CAP. CXXV.

**C**Ruce Domini inuenta ab Helena matre Constantini per Iudam, vt narrat historia, festum eius primò celebratum est Hierosolymæ. Sed Eusebius papa trigesimus à beato Petro illud postea vbiq; terrarum celebrari præcepit. Iudas ille, per quē crux inuēta fuit, legitur

tur postea ad fidē fuisse cōuersus, & appellatus mutato nomine Quiriac<sup>9</sup>, creatusque tandem episcopus Hierosolymitanus. De quo quidem diabolus, cū alterum sibi amicum expectaret, sic dixisse fertur: Per Iudam Christus morti traditus est, & per hunc Iudam Christus mortuus exaltatus, sed breui Iulianus amicus meus rex erit, qui me de illo egregiè vindicabit. Quod sanè ita factū est, vt qui ipsum interfecit, quemadmodum dicitur. Ferunt Iulianum hūc Monachum fuisse, & magnum religionis simulatorem, aded vt quædam mulier tres ollas auro onustas, ita vt in earum orificijs aurum cinere cooperiretur, ne facile inueniretur, apud eum deposuerit, eiusque fidei concrediderit: Quandoquidem virum illum sanctū esse credebatur, nec tamen cōfessa est in ijs aurum inesse. Sed eo inuento ab illo & furato ollas cinere impleuit, & mulieri requirenti depositum reddidit. Cū verò Paulò post mulier aurum sibi quæreret, nec inueniret, non potuit, quod ipse haberet, cōnuincere, quod de auro nullos habebat testes. Nam alij monachi, ad quorum testimonium ollas tradiderat, nihil in eis præter cineres viderant, atque ita aurum obtinuit. Quo quum Romam fugisset, & sequenti tempore cōsulatum obti-

obtinuisset, factus est Imperator. Qui cum magicæ artis à puero peritus esset, ac eam multū adamaret, plures sibi magistros asciuit. Cum ergo quodam die absente suo magistro solus domi mansisset, ac legere inciperet dæmonum coniurationes, conuenit ante ipsum magna multitudo dæmonum, qui omnes erant nigri, vt Aethiopes. Tunc ille præ timore fecit signum Crucis, & omnes ilicò euauerunt. Quod quum Iulianus magistro suo referret quærenti quid ipse vidisset: dixit ei magister, signum illud dæmones maximè odio habere. Electus ergo hic in Imperatorem, & adhuc eius rei recordans, cum artem magicam exercere vellet factus est Apostata. Signa Crucis vbique destruxit, & Christianos quantum potuit persecutus est, credens aliter fieri non posse, vt sibi dæmones obtemperarent. Quare etiam tunc Iudam modò appellatū Quiriacum interfecit, per quem crux fuerat inuenta. Legimus prætereà militem quendam similiter Quiriacum vocatū, hunc Iulianum interfecisse. Nam quum hic per Epheson suum duceret exercitum alios gentiles expugnaturus, qui aduersus eum & Romanos insurrexerant, & videret istic quandam Abbateiam, mandauit eis vt sibi prandia pararent. Sed hi planè negauerunt,

uerunt, tum quia apostata esset, tū quia pauperes erant. Tunc ille ad hanc ira excandescens, eis rursus nunciauit, se priusquam annus finiretur locū istum deleturum eosque interfecturum, & omnino effecturum ut istic segetes succresceret. Quo sanè audito timuerūt monachi, sed abbas eorū vir sanctissimus eos in Domino confortauit, & effecit ut sua cōfortatiōe iā ad martyriū essent parati. Quadam verò nocte, cū abbas in oratione persisteret, visa est ei beata Maria monasterium aperire, & ad tumultum cuiusdam militis, qui dicebatur Quiriacus, quiq̃ mortuus erat nondum septem diebus & istic sepultus, venire ac ei ut inde surgeret & se amaret ac de Iuliano eam vindicaret praecepisse. Tum ille surgens, se armis suis, quæ adhuc in templo affixa erant, induit, & equum suum, qui adhuc in stabulo erat, vidente Abbate ascendit, & ad fines Iuliani se contulit. Sequenti die quæcunque viderat abbas, suis monachis narrat ordine. Qui militis tumultum aperientes, ut rem probarent, nec inuenerunt corpus, nec equum, nec arma. Tertia verò die confligente Iuliano cum suis hostibus, interfectus est à prædicto milite, & sequenti nocte miles vidente abbate ad sepulchrum suum redijt, equumq̃ & arma in lo-



in locis suis reposuit. / Post hunc Iulianum fuit Cyprianus homo gulæ & luxurii deditus, qui ad beatam Iustinam virginem, quum ad suam luxuriam concitare vellet, misit quendam dæmonem, qui huiusmodi immunditiæ præerat, sed signo Crucis repulsus est. Misit rursus alium fortiozem, qui eodem modo Crucis signo se deuictum fatebatur, ita vt hinc Cyprianus ad fidem conuersus sit. Tantæ potestatis est crux Christi, per quam ille nos planè immeritos æternæ felicitati restituit.

*De sancto Ioanne Euangelista ante portam latinam.*

CAP. CXXVI.

**N**Ero interfecerat Petrum & Paulum, quo mortuo successit ei Vespasianus, atque ei Titus, cui postea Domitianus. Sub hoc beatus Ioannes Euangelista profectus est Romam, vt istic verbum Dei concionaretur. Domitianus autē ipsum poni curauit in dolium feruētis olei plenum ante portam Latinā, sic enim vocabatur. Sed beat⁹ Ioānes nullam istic sensit læsionē diuina gratia ipsum protegente. Quantū tamē ad illū attinet, martyr fuit. Quapropter festum de illo agitur, non secus ac si martyrium ibi sustinuisset. Tum à Domitiano in Pathmos insulam deportatus est. Sed

O tandem

tandem à Nerua Imperatore reuocatus est. Notemus hîc tres tantùm Apostolos viuos fuisse Romæ: Petrum nempe, Paulum & Ioannem, ac tres item Euangelistas, Ioannem, Marcum, & Lucam. Preterea animaduertamus Christi Apostolos siue Discipulos non ideo fuisse passos, quod Christum prædicabant, sed quod ipsum deificabant, ac Deum esse aiebant sine Romanorum authoritate, quod ipsi prohibuerant.

*De festo beatæ Mariæ ad martyres.*

CAP. CXXVII.

**C**Um singula Romanorum idola nō possent templum Romæ habere, fecerūt Romani vnum templum omnibus idolis, quod dictum est Pârtheon. Illud templum impetrauit dari Ecclesiæ Christi Bonifacius quartus Papa à Phoca Cæsare Constantinopolitano Imperatore, & illud reiectis idolis, omniq̃ue eorum spurcitia dedicauit in honorem beatæ Mariæ & omnium martyrum, (nondum enim fiebant festa confessoribus) & statuit, vt singulis annis celebraretur illo die festum Martyrum, sicut ipsis Calendis Maij festū Apostolorum. Sed quia in illo mense non est tanta copia victualium, vt in alijs (solet enim tunc annona deficere) & populus qui confluebat ad illa solēnia, propter inopiam ciborum

riborum quandoque non poterat bene celebrationi vacare, ideo Gregorius minor, qui eius nominis quartus fuit, duo hæc festa transtulit, & ea Calendis Nouembris quando maior est rerum copia fieri instituit. Nec solum Apostolorum & martyrum, sed etiam Trinitatis, omnium Angelorum & Archangelorum, Patriarcharum, Prophetarum, & aliorum sanctorum atque sanctarum, velut festum generale, cuius item officium ordinavit.

*Quare non celebremus festa sanctorum  
qui cum Christo surrexerunt.*

## CAP. CXXVIII.

**Q**uæritur quare non celebremus hoc tempore festa sanctorum qui cum Christo surrexerunt, vel cum illo in cœlos ascenderunt. Debemus enim de eorum glorificatione gaudere & solennizare, sicut de alijs sanctis, quum certi simus eos ascendisse. Verum eius rei ratio talis est: De morte eorum non solennizamus, quia ad inferos descenderunt. De glorificatione autem in anima festum aut in Pascha aut saltem in Ascensione Domini deberemus celebrare, sed non possumus propter authoritatem & magnitudinem officiorum illorum dierum. Obumbraretur enim eorum festiuitas dignitate maioris solennitatis. Quem-

admodum si cum rege veniret alicuius familiaris propter præsentiam regis non tam diligenter ei obsequeretur, quàm si solus veniret. Ideo ergo statutum est, ut alijs anni temporibus, ijs diebus, quibus Ecclesiæ sibi dedicatę fuerunt, festa illorum celebrentur, ut festiuitas beati Ioannis Baptistę sub finem Augusti, qui tamen circa Pascha mortuus est. Propter eandem sanè rationē festum beati Iacobi Compostellę in Iulio obseruatur. De festo beati Petri ad vincula alibi dicetur. Animaduerte ergo quod festa sanctorū veteris Testamenti, ut Abrahami, Isaci, Iacobi, Daudis, Danielis & aliorum in Græcia & Venetiæ colantur, habeantq; istic suas Ecclesias.

*De sancto Michael.*

*CAP. CXXIX.*

**D**E festo sancti Michaelis dicimus, quod hoc tempore Barbari Apuliam ingressi sint, eamque misere depopulati. Quare Christiani indicto ieiunio triduo auxilium sancti Michaelis implorauerunt. Et cum essent congregati instructaque acie exercitum aduersus hostes produceret, apparuit eis sanctus Michael, quasi illis auxilium præstans, tum hostes versi sunt in fugam. Quia ergo per beatum Michaëlem victoriam obtinuerunt, ideo statutum est

est vt eo die semper festum eius celebraretur.

*De varietatibus huius temporis.*

CAP. CXXX.

**D**Icto de festis, considerandæ sunt quedam huius temporis varietates.

Sunt enim tres hæ septimanæ quasi proprijs vocabulis nuncupatæ. Prima est Paschalis, secunda in albis, tertia expectationis, illa videlicet, quæ est post Ascensionem Domini. Prima dicitur sanctificata, quia homines per baptismum sanctificati tota illa septimana vestem gerunt in qua baptismum susceperunt, quæ significant primam stolam. Secunda septimana appellatur in albis, quoniam tunc baptizati altero sabbato vestes baptismi deponentes, albas induunt vestes. Vel quoniã tunc solent illi qui baptizati sunt confirmari ab episcopis, & alias albas vestes induere, vsque ad sequens sabbatum. Vel certè ideo nominatur in albis, quia significat vitam æternã, in qua vtraque stola vestiemur. Tertia tandem nuncupata est, vt diximus, septimana expectationis, quodd representet tempus illud, quo Apostoli expectauerunt aduentum spiritus sancti. Atque hinc animaduertamus quosdam solere ieiunare ab Ascensione vsque ad Pentecosten, quia Apostoli eo tempore dicuntur ieiunasse.

se. Sed D. Gilberto videtur non esse icitrandum, quod ad Paschale tempus pertineat. Alia item varietas hîc est attendenda. Septimana enim Paschalis non protenditur nisi vsque ad sabbatum in albis, atque ita Pascha pro octauis sex dūtaxat dies habet. Septimana in albis incipit à sabbato in albis, & finitur in altero sabbato, & sic durat octo diebus. Octauæ Ascensionis cūm deberent terminari quinta feria ante Pentecosten, protrahuntur vsq; ad Pentecosten. Nam licet duo dies qui octauis supersunt, ad missam officium suum facile possint ab dominica accipere, tamen non haberent ad nocturnos inuitatorium vel respōsoria, nisi ab Ascensione Domini illa peterent. Vnde profectò decem illi dies pro vna octaua reputantur. Nec id quidem mirum quum totum Paschale velut vna habeatur octaua, quemadmodum etiam tempus illud à Natiuitate Domini vsq; ad octauas Epiphaniæ.

*De Pentecoste.*

CAP. CXXXI.

**H**Is breuiter de Paschali tempore hexpositis, de Pērecoste Domini deinceps agendum est. Populus Israeliticus quatuor præcipuè celebrat solennitates, Pascha scilicet, quia tunc eos Dominus liberauit ab Aegyptiorum seruitu-

seruitute, & à percussione angeli aspersis immaculati agni sanguine postibus. Non enim fuit domus alicuius Aegyptij, in qua nō mortuus aliquis cōspiceretur. In domibus verò Hebræorum minime. Celebrant præterea Pentecosten, quia tunc acceperunt legem, & scenophegiam in Septēbri, quæ interpretatur fixio tabernaculorū. In Hyeme denique celebrant Encenia, id est, dedicationem templi. Nos autem tantum duo istorum seruamus, Pascha videlicet & Pentecosten, sed alia ratione atque illi. Illi enim celebrant Pascha, quòd tunc ab Aegyptia seruitute fuerint liberati: Nos ided Pascha celebramus, quia tunc per Christum redempti sumus. Illi celebrant Pentecosten, quòd tum legem acceperunt, nos ided, quia tunc accepimus spiritum sanctum. Illi acceperunt legem in tabulis lapideis extrinsecus scriptam. In tabulis quidem lapideis, ad designandum eorum duritiem. Extrinsecus verò scriptam, quòd literæ spirituales intelligentiam non pertingebant. Sed spiritus sanctus datus est septuaginta duobus discipulis in corde digito Dei intus spirituales intelligentiam eis dictante. Verū animaduerte aliud esse Pentecosten, aliud quinquagesimam, itemque quinquagesimam multifariam

accipi. Est enim quinquagesima dierum, annorum, Psalmorum, personarum & denariorum. Rursus quinquagesima hæc dierum triplex est. Est enim vna à dominica, quæ vulgò appellatur: Esto mihi, vsque ad Paschā: alia à Paschate, vsq; ad Pentecosten, & tertia, à sabbato in albis, vsque ad sabbatum post Pentecosten. Prima est poenitentiae & afflictionis, secunda lætitiæ & exultationis, tertia velut figuræ. Præfigurat enim octauam ætatem, in qua utraq; stola induemur. Ex quo quidem fit, quod duo Alleluya illa quinquagesima cantamus, quorum primū significat corporis stolam, secundum animæ. Sic quoque tres sunt Psalmorum quinquagesimæ: Prima est à Beatus vir vsque ad Miserere mei: Secunda à Miserere mei, vsque ad Domine exaudi: Tertia denique à Domine exaudi, vsque ad Omnis spiritus laudet Dominum. Hæ quinquagesimæ, dies diluuij significant. Tot enim diebus aquarum fuit inundatio, scilicet centum & quinquaginta diebus. Ideò autem tres quinquagesimas Psalmorum cantamus, vt Deus à tali nos diluuiò & ab omni malo defendat. Quinquagesima porrò annorum erat iubilæus. De quinquagesima personarum habetur in Genesi, vbi Abraham in hunc modum à Do-



à Domino quærit: Si septuaginta, inquit, in populo inueniantur iusti, nunquid eis parces? Ita respondit Deus, & sic postea de sexaginta, & quinquaginta, usque ad decem. De quinquagesima verò denariorum habetur in Euangelio, ubi de duobus agitur debitoribus, quorum vnus debebat centum denarios, alter quinquaginta. Sed hæc de illis dixisse satis sit. Nunc autem ad propositum redeamus. Dicitur ergo Pentecoste à πεντήκοντα quinquaginta, quod dies hæc à resurrectione Domini distat quinquaginta diebus. Hinc πεντήκωστος Latine dicitur quinquagesimus. Sicut enim populus Israheliticus quinquagesimo die à Pascha, quod celebrauerunt in Ramesse, venerunt ad montem Dei Oreb vel Sina, quod idem est, & legem tunc acceperunt. Ita die quinquagesimo à passione Domini spiritus sanctus discipulis in superiori cœnaculo aduētum eius expectantibus datus est in linguis igneis. Et in linguis utique, ut in omni genere linguarum & sermonum facundi essent. In igneis verò ideo, ut inflammarentur amore charitatis. Datus est igitur spiritus sanctus discipulis, cuius gratia est septiformis, quoniam numerum scilicet septenarium, maximè obseruant Iudæi in omnibus, idque non

sine specie figuræ. Ipsi enim celebrant septimum diem videlicet sabbatum, septimam septimanam, nempe Pentecostē, septimum mensem, nimirum Septembrem, qui apud eos ferè habetur celebris & septimum annum, utpote quum serui à Iudæis manumittebantur, si vellent. Si autem aliquis manumitti non vellet, sed in Domini servitute remanere, is ad postes tabernaculi, vel templi dūcebatur, atque eius aures subula perforabantur, quod erat signum servitij, ne amplius manumitteretur, si forsitan postea ex servitute manumitti vellet. Sic quoque hoc anno quæcūque terra ex se gratis procreabat, erant communia. Non enim colebatur eo anno. Pari ratione nos septimo die videlicet in sabbato, baptismum celebramus. Sabbatū enim requiem significat, & nos per baptismū sabbatizamus, id est, requiescimus. Quoniam quando homo baptizatur, habet anima eius quietem, quum per spiritū à vitijis emendata in fidei vnitatem quiescit. Sciendum ergo est duobus tantū sabbatis regulariter baptismū celebrari. Sabbato videlicet Paschali, & Pentecostes. Paschali quidem sabbato, quoniam in passione Christi omnes baptizamur, hoc est, redimimur. Sabbato verò Pentecostes, quia tunc per spiritum sanctum mun-

mundamur, & sanctificamur. Atque huius quidem sabbati officium nunc tradendum est.

*De Officio sabbati Pentecostes.*

CAP. CXXXII.

**O**fficium huius diei nihil discrepat ab officio sabbati Paschæ, excepto quod in eo prima lectio sit de Adamo, id est, de mundi creatione. Hic verò prima est, de Abrahamo. Et huic quidem lectioni de Abrahamo, canticum subiungitur, illi verò de Adamo, non utique. Duæ hæ lectiones illos duos parentes significant, quorum vnus fuit pater erroris & deuiationis, scilicet Adamus: Alter fuit pater fidei & reuocationis, videlicet Abrahamus. Lectioni de Adamo non subiungimus canticum, quod ille non bene nobis cecinerit, quoniam transgressus est Dei mandatum. Vnde non respondemus ei, quasi nobis male cantanti. Quod autem male cantauerit ex eo patet, quod ei dictum est: Maledicta terra in operi tuo. Lectioni de Abrahamo canticum subiungimus, vt qui bene nobis cecinerit, vnde ei dictum est: In semine tuo benedicentur omnes gentes. Tacentur autem hac die tituli, propter paruulos, qui necdum cognoscunt autores noui & veteris testamenti. Mis-  
sa hoc sabbato ita incipit, quemadmo-

dum sabbato Paschæ videlicet, per Kyrie eleison. Proinde Gloria in excelsis tam hoc, quàm illo sabbato canitur, atque etiam die coenæ, sed non nisi in illa ecclesia, in qua consecratur chrisma. Aliibi enim cantari non debet. In vespers deniq; hi dicuntur psalmi: Laudate pueri Dominum, Laudate Dominum omnes gentes, Lauda anima mea Dominum, Laudate Dominum quoniam bonus, & Lauda Hierusalem Dominum.

*De ieiunijs quatuor temporum.*

CAP. CXXXIII.

**D**icendum modò est de ieiunijs primitiarum, quæ in septimana Pentecostes solent cõtingere. Et primò quidem de origine, secundò de institutione, tertio de nomine & eius ratione deinde de officio, & vltimò de ordinibus, quæ in ijs celebrantur, oportet dispiciamus. Origo istorum ieiuniorum sumpta est ex veteri Testamento. Sicut enim populus ille Deo ex omnibus rebus suis dabat primitias: Sic nos ex temporibus primitias, & nõ solum ex temporibus, sed etiam ex omnibus quæ possidemus dare debemus. Nunc sequitur de institutione.

*De institutione Ieiuniorum quatuor temporum &c. CAP. CXXXIII.*

In pri-

**I**N primitiua Ecclesia fuit institutum vt ieiunia hæc quoque anno ter fierent. Sed Calixtus Papa instituit vt quater fierent, sumens rationem ex veteri Testamento. Iudæi namque quater ieiunabant in anno, ante Pascham, Pentecosten, Scenophegiam, id est, ante fixationem tabernaculorum in Septembri, & ante Encenia, id est, dedicationem in Decembri. Præterea si ter fierent, & tres dies singulis vicibus ieiunarentur, anno diuiso in tres partes remanerent semper aliquot dies, quorum primitias non redderemus. Sunt rursus & multæ aliæ rationes, quamobrem quater fiant in anno. Vna est, quod in humanæ naturæ constitutione quatuor sint qualitates, vt potest quod simus calidi, frigidi, humidi, sicci, ex quibus qualitatibus quilibet peccandi petit delectationes. Vt ergo quatuor has qualitates à peccandi libidine refrenemus, quater in anno ieiunamus. Vel talis etiam ratio reddi potest: Homo constat ex anima & corpore, Corpus autem consistit ex quatuor elementis. Sed anima tres potissimum habet proprietates, vti ratione, irasci & concupiscere. Quare vt hæc in nobis moderentur, quater in anno tribus diebus ieiunamus, vt quaternarius numerus referatur ad corpus, ternarius ad animam.

Rursum annus in quatuor tempora dividitur, quorum vnumquodque tres habet menses. Quater igitur in anno ieiunamus tres dies, pro quolibet mense diem vnum. Est iterum alia ratio, cur quater ieiunamus, ob quatuor videlicet anni tempora. In Hyeme enim mandamus terræ semina, in Vere arbores florescunt & vineæ pubescunt, in Aestate metimus nonnullas fruges, & in Autumno colliguntur vux. Quater denuò ieiunamus, quia vt veteres quoque anno quater ieiunabant quadragesimam diem, & nos his temporibus tres dies ieiunamus. Dicuntur autem ieiunia quatuor temporū, vel ieiunia primitiarū, vel ieiunia duplicia, quia fiunt tribus diebus, quibus solemus ieiunare in vna septimana. Sunt verò instituta, vt dictum est, à Calixto Papa, & prima huiusmodi ieiunia fiunt in Martio, in prima videlicet septimana Quadragesimæ, vt in nobis marceant vitia. Non enim omnino possunt extingui. In Aestate fiunt secunda, nimirum in septimana Pentecostes, vt quoniam tunc venit spiritus sanctus, & nos esse debeamus feruētes spiritu. Tertia ieiunia fiunt ante festum sancti Michaëlis, in tertia septimana Septembris, quòd quemadmodum tunc arborū fructus colligantur, & nos quoque deceat

Deo

Deo reddere bonorum operum fructus.  
Quarta postremò fuit in septimana ante Natale Domini, scilicet in Decembri, quia sicut tunc herbæ moriuntur: ita & nos oportet mori mûdo, & renasci Deo. In horum ieiuniorû quarta feria dici debent duæ lectiones: tono siue voce noturnali, vna ex veteri testamento, altera ex nouo tono & voce communi, ad significationem eius, quòd qui ordinandi sunt sabbato sequenti, oporteat vt sint vtriusque Testamenti periri. Idem indicat mitra Episcopalis per duo illa cornua. Debet enim hic vtriusq; testamenti non esse ignarus, quo tanquàm duplici cornu possit ferire fidei inimicos atque hæreticos. Sexta ieiuniorum feria vna duntaxat dici debet lectio, quòd author veteris & noui testamenti vnus & solus sit Deus, atque ex veteri & nouo Testamento vnum factum sit Euangelium. Sabbato autem quatuor recitantur lectiones, antequàm celebrentur ordines, quarum prima pertinet ad populum, secunda ad ecclesiæ primates, tertia ad ministros, quarta ad omnes religiosos. Lectio Danielis ideo sequitur de tribus pueris, quòd qui sunt ordinandi, in fide debeant esse probati, sicut illi fuerunt. Sunt autem hi circa tria potissimû inquirendi, circa naturâ, vtrum videlicet  
ex le-

23. q. j.  
Episcopus.

ex legitimo matrimonio sint procreati, circa literas & circa vitam ac bonam cōversationem. Notemus ergo hīc, quòd Archipresbiter ordinandos prius debeat offerre Archidiacono: vnde hic etiam dicitur vicarius, quoniam in hoc vicē supplet sacerdotum. Eorum enim esset hoc facere. Archidiaconi officiū est eos examinare & scrutari in vita, in natura & honesta conuersatione, atq; ita eos tradere in manus scholasteris, cuius minus est periculum facere in literis. Sic itaque diligenter inquisiti debent tradi in manus Episcopi. Post lectionem Danielis subiungitur cantus Benedicite. Sed quare ad lectionem Danielis non flectuntur genua, suprā dictum est. Epistola Pauli deinde legitur, ad quam genua non flectimus, quoniam ad nouum pertinet testamentum. Huic deinceps tractus subiungitur cum graui cantu, quòd ordinati graues esse debeant & constantes, ne facili superbiæ flatu efferantur. Obiter tamen animaduerte nō permissum esse, vt eadem die bis aliquis ordinetur. Sed si necesse fuerit, potest ordinari sabbato in diaconum, & dominica sequēti in sacerdotem, & postea in octauis Pentecostes potest consecrari in episcopum.

*De tempore peregrinationis ac festis in eo contentis. CAP. CXXXV.*

Ab hoc



**A**B hoc ergo sabbato incipit tempus peregrinationis, quoniam sumus quidem in itinere quo venit ad patriam, sed hostes & aduersarios habemus antequàm illic perueniamus, nimirum carnem nostram, mundum & diabolum. Legimus hoc tempore librum Regum, ubi bella nobis proponuntur & victoriæ, vt & nos contra hostes fortiter pugnemus, & adepti victoriâ in cœlis tandem coronemur. Et notemus obiter apud authores tribus potissimû nominibus appellari Iudæos. Primò, quia vocantur recutiti, vnde Isaias: Recutita, inquit, sabbata, id est, Iudaica, quoniam recisam verendorum cutem habent. Appellantur etiam Palestini: vnde Ouidius: Terra Palestino septima culta viro. Et communi nomine Iudæi ab Iuda filio Iacob, qui vnus fuit ex duodecim Patriarchis. Quantumuis enim duodecim fuerint tribus, quæ à duodecim filiis Iacob descenderunt, à Iuda tamẽ Iudæi ideo sunt appellati, q̃ de regno Iudæ hoc pacto prophetauerat Iacob: Non deficiet princeps de Iuda, nec dux de fœmoribus eius, donec veniat qui promissus est. De tribu autem Iuda venit Dominus noster Iesus Christus. Notemus prætereà, quòd aliquæ sint octauæ deuotionis, vt sancti Nicolai, & sanctæ Mariæ

*Festum  
Geruasij  
ac Pro-  
thasij.*

Mariæ Magdalenæ, qui octauas non habent, sed quoniam sunt quarundam Ecclesiarum patrôni, ideo eis fiunt octauæ. Sunt & octauæ venerationis, vt in magnis solennitatibus, & significationis vt Petri & Pauli, quæ secundam significant stolam quam habituri sunt, videlicet corporis glorificationem. Paulus historiographus diaconus Romanæ curiæ monachus Cassiniensis, cum die quodâ Paschalem carcerum consecraret, fauces eius rauæ factæ sunt, quum prius esset satis vocalis. Vt ergo vox ei restitueretur, in honorem sancti Ioannis Hymnum hûc composuit: Vt queant laxis, &c. vnde in principio petit vocis restitutionem, sicut restituta est Zachariæ merito sancti Ioannis. De quo quidem dicemus, si primò festum Geruasij ac Prothasij breuiter exposuerimus. Et quidem hoc vnum hîc dicimus, quodd in eorum officio cantatur: Loquetur Dominus pacem in plebem suam. Nec hoc sanè sine causa tum temporis dicitur, quodd in horum festo reformata fuerit cōcordia inter Longobardos & Romanum imperium. Cætera de illis historia plenè perstringit.

*De Natiuitate sancti Ioannis.*

CAP. CXXXVI.

**V**Ideamus igitur modò de ipsius sancti Ioannis Natiuitate, & primò

modo quamobrem Natiuitatis eius celebratur cum in peccati fuerit conceptus. Nullius enim conceptio facta in amplexu maris & foemine, potest esse sine peccato. Quidam enim sunt sine patre & matre, ut Adamus: Alij ex patre sine matre, cuiusmodi fuit Hæua: Alij verò ex patre & matre, quod est frequentius, ut Abelus: Alij tandem ex matre sunt sine patre, qualis est Christus. Vnde in persona illius dictum est: Ego sum vermis & non homo, hoc est, secundum legem vermium natus, non autem hominum. Sed animaduertatur hinc hominem prius, ut ita dixerò, seminari, ac postea in vulua concipi, ibique carnem formari: Verùm post quadraginta & sex dies creari animam, & corpori infundi, secundum Theologos, quibus magis credendum est, quàm physicis. Celebratur ergo huius natiuitas secunda, quando nimirum primò exijt in lucem. Nam prima est, quando ipsa anima corpori infunditur. Secunda verò quum prodit in lucem. Quare iuxta secundam, sine peccato fuit conceptus. Sanctificatus enim fuit in vtero quemadmodum Hieremias, in cuius prophetia hoc ita continetur: Antequàm exires de vulua sanctificauit te, &c. Quod quidem in huius figuram fortasse dictum fuit. Sed de quo gene-

Hc. 1.

Matt. 3.

genere sanctificationis hoc istic dicatur, Deus nouit. Sunt qui putent de sanctificatione originali dictum fuisse, idque hoc pacto probare conantur, quod videlicet spiritus sanctus puerum repleuerit, atque adeò vt ex istiusmodi spiritus sancti repletionem, & repleta fuerit mater. Atqui si esset in originali, foret utique & in mortali. Ergo neque puer sancto spiritu esset repletus, neque eius mater. Nec verò refert quod & mali quàm plurimi prophetarunt vt Cayphas & Balaam, & quod asina etiam locuta sit. Verùm cōtra videtur, quod ei peccatum istud originale remissum non fuerit. Dixit enim Ioannes ad Christum: Ego à te debeo baptizari, & tu venis ad me baptizari. Ex quo intelligitur ipsum voluisse ablui à peccato originali. Sed intelligendum planè est ipsum hoc dixisse in persona ecclesię, in qua etiam opinione glossa est peruulgata.

*De Vigilia sancti Ioannis.*

*CAP. CXXXVII.*

**F**estum sancti Ioannis habet vigiliam, hoc est, eius festi dies præcedens, dicitur vigilia vel eius loco ieiuniū: quòd vice vigiliarum est institutū. Fuit enim moris apud veteres, vt in festiuitatibus viri cū vxoribus & filiabus suis ad ecclesiam conuenirent, atq; istic cum

cum lumine & candelis vigilarent. Sed quoniam in his vigilijs crebrò contingebat vt puellæ vitiarentur, ac malitiosi oportunitatem haberent, quo flagitia sua commodè perficerent, idèd factum est, vt vigilia mutarentur in ieiunia. Vnde etiam nunc antiquitatis nomē retinuit. Vocatur enim vigilia. Celebratur autem natiuitas Ioannis, tum propter historiam (habet enim Euāgelium: Et multi in Natiuitate eius gaudebunt quod obseruāt Christiani & pagani) tū propter allegoriā & mysteriū. Per Ioannem enim significatur ortus gratiæ, ex quo quidē fit vt tum magis solēnizemus propter mysteriū q̄ propter ipsam personā. Credimus autē q̄ hic in vtero sanctificatus est, sicut Hieremias, vnde eo die de Hieremia legitur. Sed quo genere sanctificationis nec satis liquet, nec legimus. Plæriq; tamen affirmant ipsum ab omni peccato fuisse mundatū. Saluator autem attulit nobis ortum gratiæ. Hunc Ioannes præcessit annunciatione, natiuitate, prædicatione, passione & ad inferos descensione. Officiū eius partim constat ex veteri Testamento, partim ex nouo, quoniam ipse fuit finis veteris & initium noui. Fuit namque quasi lapis angularis, hoc est, nouum & vetus coniungens testamentum. Quodd autem hoc festo

fecto ieiunamus, totum illud natum est ex sympathia quadam & compassione qua ei compatimur, quod ieiunauerit in deserto atque istic vitam egerit admodum acerbam. Solent porro hoc tempore ex veteri consuetudine mortuorum animalium ossa comburi, quod huiusmodi habet originem. Sunt enim animalia, quæ dracones appellamus, vnde in psalmo: Laudate Dominum de terra dracones, non thracones vt quidam mendose legunt, scilicet terræ meatus. Hæc inquam, animalia in aere volāt, in aquis natant, in terra ambulant. Sed quādo in aere ad libidinem concitantur (quod ferè fit) sæpè ipsum sperma vel in puteos, vel in aquas fluuiales eijciunt, ex quo lethalis sequitur annus. Aduersus hæc ergo huiusmodi inuētum est remedium vt videlicet rogos ex ossibus construeretur, & ita fumus huiusmodi animalia fugaret. Et quia istud maximè hoc tempore fiebat, idem etiam modò ab omnibus obseruatur. Est & alia causa quamobrem ossa animalium conburantur, quod ossa sancti Ioannis in ciuitate Sebastæ ab Ethnicis cōbusta fuere. Cōsuetum item est hæc vigilia arduentes deferri faculas, quod Ioannes fuerit ardens lucerna, & qui vias Domini præparauerit. Sed quod etiam rota vertatur hinc

tur hinc esse putant, quia in eum circulum tunc Sol descenderit ultra quem progredi nequit, à quo cogitur paulatim descendere, quemadmodum vulgi rumor de beato Ioanne Christo adueniente ad summum peruenit, quum Christus putabatur, posteaque descendit ac fuit diminutus, vt vel ipse de se testis est: Me, inquit, oportet minui, illum autem crescere. Quod quidē propterea dictum esse nunnulli arbitrantur, quòd tum dies incipiant minui & decrescere, & in Christi Natiuitate crescere. Verū enim uerò quia aliquando dies ante festum sancti Ioannis decrescant, & ante natale Domini crescant, intelligendum est istud de natiuitate in matre, quando scilicet vterque conceptus est. Conceptus enim est Ioannes diebus decrescantibus, vt in Septembri, & Iesus crescantibus, vt in Aprili. Proinde missa huius diei officium petit partim ex veteri, partim etiam ex nouo Testamento, cum in eo quædam sint testamenti noui, quædam veteris. Nam lex & prophete fuerunt vsque ad Ioannem, ita vt hic fuerit tanquam in medio constitutus veteris & noui testamenti. Postea tamen circumcissus est Christus. Eodem verò die & Ioannes Euangelista in fossam descendit, sed quia propter  
natiui-

natiuitatem beati Ioannis Baptistæ, eius festiuitas plenè venerari non posset trāslata est ad natale Domini. Quare quum neque ibi propter festum sancti Stephani vigiliam habere potuerit hinc esse dicimus quod hoc die duplex missa canatur, altera quidē de vigilia Euangelistæ, nimirum: Iustus vt palma florebit: altera verò de vigilia Baptistæ. Quamquam dicere possimus vigiliam Ioannis Baptistæ plenum habere & absolutum officium. Ex quo sanè fieret, vt illo die non celebraretur vigilia sancti Ioannis Euangelistæ.

*De festo Apostolorum Petri & Pauli.*

*CAP. CXXXVIII.*

**H**Uc vsque de natiuitate sancti Ioannis eiusque vigilia actum est, sequitur deinceps festiuitas duorum Apostolorum, Petri videlicet & Pauli. De his magna est controuersia, vtum eodem die passi sint. Henricus enim Solitarius velle videtur eodem die eos anno tamen reuoluto passios esse. Sed Pelagius Papa, atque alij sancti patres qui de illis scripserunt in Decretis, volunt illos eodem die eademque hora sub pessimo illo Imperatore Nerone fuisse passios. Alioqui enim falsæ essent historiae de illis proditæ. Sed tamen in diuersis locis passi sunt, & diuersis pœnis. Petrus enim



enim cruci fuit affixus: Paulus verò obtruncatus, quæ pœnâ videbatur esse honestior. Nam ciuis erat Romanus, vt habetur in Actibus Apostolorum. Postea verò eorum corpora fuere eodẽ loco eodemq; sepulchro posita, vbi multo tempore simul permanserunt. Sed ad fidem Christianam conuersio Imperatore Romano, & Christiana religione magis ac magis crescente, vtrique Apostolo suam peculiarem ædificauerunt ecclesiã, & cùm vellent corpora separare, dubitarentque quænam ossa Petri, & quæ Pauli essent, illis orantibus ieiunio peracto, responsum est cœlitus, maiora esse ossa prædicatoris, minora verò piscatoris. Atque ita sanè seorsim à sese mutuo ossa fuere separata, & in suis ecclesijs posita. Quanquàm verò horum festa eodem die celebranda occurrât, beatus tamen Gregorius instituit, vt festum Petri ipso die tantùm celebraretur. Maior enim fuerat sanctitate, & Romæ primas tenuerat, sequenti verò die coleretur festum Pauli: Ipso tamen die Petri dicitur in missa oratio siue, vt vocât, collecta, illis duobus communis. Potest ergo hîc missa inchoari vel de sancto Petro, vel per huiusmodi introitû: Terribilis est locus iste. Quia eo die Ecclesia Petri fuit dedicata. Quæritur autem hic

de Lino an Papa fuerit, atque itidem de Cleto. Sed responsum est, & negatum, eosque fuisse discipulos Petri, ac eius vicem in his duntaxat suppluisse, quæ ad actiuam pertinebant vitam, vnum videlicet intra muros, alterum verò extra: Sed Petrus vocabat orationi, vnde etiã nunc Romæ præter Papam & alius quispiam Episcopus est. Cõsiderandum porro est interdum inueniri Paulum Petro esse minorem, & quandoque etiam maiorem vel inter sese eos esse æquales. Sed istiusmodi controuersia hoc modo dissolui potest: Fuit enim Paulus minor Petro, videlicet dignitate, quòd hic fuerit princeps Apostolorum. Verum eodẽ maior fuit prædicatione, & æqualis & par vitæ sanctimonia. Horum itaq; festiua tria habet præcipua, ieiunium, octauas & solennitatem. Ieiunium quidem, quia si cum eis regnare optemus, oportet nos etiam cum ijs cõpati. In solennitate verò propter eorum glorificationem gaudemus. In octauis denique ob illorũ futuram beatitudinem in corpore & anima, cuius certi sumus lætamur.

*De diuisione Apostolorum.*

CAP. CXXXIX.

**D**E festo diuisionis Apostolorũ magnæ authoritatis scriptores varij dissentiunt. Quidã enim volũt di-  
uio-

uisionem hanc intelligendam esse quasi quæ Hierosolymæ post duodecim annos facta esset, quum videlicet Apostoli partiti ac separati fuerint ad concionandum Echnicis. Nonnulli verò putant festum hoc esse accipiendum de diuisione Petri & Pauli, illa videlicet, de qua superius mentio facta est. Illam enim tali die factam fuisse arbitratur, quod utiq; bene fieri potuit. Dicitur autem hoc die magna illa Apostolorum Sequentia, cuius initium est huiusmodi: Cœli enarrant, & Euangelium Ascensionis, sed non integrum, ut quoddam ibi incipit: Et Dominus quidem Iesus postquam loquutus est. Ad cuius extremæ partis probationem nonnulli hîc mentionem faciunt de duobus Discipulis Petri, qui quum ad prædicandum missi essent, & circiter viginti dies iter ingressi, alter eorum mortuus est, & alter ad Petrum redijt. Hunc aiunt fuisse beatum Maternum. Sed Petrus ei tradidit baculum suum, ac ipsum remisit, præciens ut ad corpus socij sui adiret, & illud suo baculo tangeret. Quod quidem cum hic fecisset, è vestigio alter reuixit ad tactum baculi, qui iam mortuus fuerat quadraginta diebus. Et sic verum esse completum est, quod dixerat Dominus: Et maiora horum facietis. Dominus enim quatrídua-

Ioan. 14

num suscitavit Lazarum, quod sanè oppidò quàm magnū fuit: sed magis quod ad tactum baculi Petri reuixit ille, qui iā mortuus fuerat quædraginta diebus.

*De festo sancti Iacobi.*

CAP. CXL.

**F**estum hoc Iacobi est maioris, fratris Ioannis Euangeliste, & filij Zebedæi: Huius corpus quiescit in Compostella, quæ Hispaniæ pars est. Missus enim fuit ut Hispanis verbum Dei concionaretur. Sed propter malitiam & duritiam principum extra vnum ad fidem Christi neminē cōuertere potuit. Quod quum videret vir sanctus Hierosolymā redijt, ut cōspiceret an illi, quos istic reliquerat, etiamnum satis essent in Christi fide confirmati, & inuenit multos in ea errantes, imò qui iam ferè omnino eam deseruerant, propter Hermoginem & Philætum, qui magicis artibus quasi miracula faciebant, quibus homines miserè decipiebant. Verùm hos magos aggreffiens Apostolus ad fidem conuertit, populumq; ad cultum Dei reduxit. Deinde verò quum ad Herodem duceretur, in via paraliticum quendam sanauit, & qui ipsum ducebat ad fidem conuertit, ac baptizauit. Tandem ab ipso Herode fuit obtruncatus. Tum magi illi, qui iam eius facti erant discipuli, cum alijs tribus

bus eiusdem discipulis cum corpore in nauim ascenderunt, & sese sine rectore mari cōmiserunt, vt eis diuina prouidētia sepultūræ locū tribueret. Tandē nauis illa Hispaniæ applicuit, ad regnū Lupæ. Erat autē tum temporis regina quedam in Hispania istoc nomine, cuius vita & mores nomini planè conueniebāt. Ad banc ergo reginam discipuli aliqui exierunt, & illi dixerunt hoc pacto: Dominus Iesus Christus misit ad vos corpus sui discipulī, vt quod recusastis viuum, saltem mortuum recipiatis. Ac narrauit illi totum istud miraculum, quo pacto illuc appulissent. Quod quū audisset Lupa misit eos ad crudelissimum quendam virum qui eos in carcerem detruxit. Sed quum hic praderet, angelus Domini eos è carcere eduxit, qui ciuitatem exeuntes velut peregrini, populo vidente ac nemine impediēte, ad suos redierunt socios. Absoluto prandio Tyrannus ille ad se captiuos adduci iussit. Sed quum venissent ad carcerē qui illuc missi erant, inuenerūt carcerem apertum, nec in eo captiuos, quod Domino suo retulerunt, qui ira percitus extemplò famulis præcepit, vt eos insequerentur. Verūm quum hi à ciuibz passim duos tales viros sibi visos fuisse, & pontem ciuitatis transiisse intellexis-

P 3 sent,

sent, & ad eos impetu quodam cucurrissent, pons fractus est, & in aqua submersi sunt. Quod quidem simul atque audiuiſſet princeps, & ſibi & ſuis timens, motus pœnitentia, alios miſit, qui ſanctos illos viros rogaret, vt ad ſe ſecuri redirent, promittens quodcunque eis placeret ſe facturum. Illi autem redierunt, & populum ciuitatis ad fidem Chriſti conuerterunt. Quod factũ Lupa regina ſummoperè doluit, & redeũtibus ad ſe Diſcipulis nō auſa apertè eis nocere fraudem verbis diſſimulans ait: Accipite boues quos habeo, & plauſtro eos iungite, & quò placuerit corpus Domini veſtri abducite. Dicebat autem iſtud animo planè maleuolo. Nouerat enim boues eſſe indomitos ac fieri non poſſe, vt vel iungerentur, vel curru applicarentur: aut certè ſi poſſet, vt current nunc horſum, nunc illorſum, atque eos ita diſſiparent & occiderent, ac corpus ipſum caderet. Sed nulla eſt ſapientia aduerſus Dominum. Diſcipuli enim poſteaquàm Crucis ſignum fecerunt, ſtatim boues manſueti velut agni facti ſunt, nec hominis contrectationem veriti. Hi ergo Apoſtoli corpus in grandi ſaxo poſuerunt, quod ita ſe corpori aptum reddidit, quaſi humana opera ad id fuiſſet confectum, ſepulchrumque corpori

pori præbuit. Quod quum ita simul cum corpore currui imposuissent, boues sine aliquo rectore recta ad palatium Lupæ currum aduexerunt, nec quieuerunt, donec ad ipsius palatii medium peruenerunt. Quare stupefacta regina, & tanto miraculo exterrita, ad fidem conuersa est & ex suo palatio sancto dedicauit Ecclesiam, omniaque ornamenta, quæ possidebat istic ad cultum Ecclesiæ consecrauit, ac foelicissima tandem morte obiit. Colitur autem festum beati Iacobi octauo Calēdas Augusti, non quod tunc obierit (passus enim est circa Pascha, vt liquidè in huius diei Epistola constat: Misit Herodes rex &c.) sed quod hoc die ei sit dedicata Ecclesia in Compostellata. Nec verò habet ieiuniū Institutionis festum hoc, eā ratione, qua supra ostensum est.

*De festo Petri ad vincula.*

*CAP. CXLI.*

**T**heosebia vxor Theodosij Imperatoris, quum per Alexandriam proficisceretur Hierosolymam, incidit in eius regionis homines, qui tum temporis festum in honorem Augusti Cæsaris colebant de triumpho habito aduersus Cleopatram & Marcum Antonium. Quod quum animaduertisset Theosebia ægerrimè tulit tantum honorem ex-

hiberi Ethnico homini & damnato. Cū autem venisset Hierosolymā datæ sunt ei cuiusdā beneficio catenæ, quibus sub Herode ligatus fuit Petrus. Tandē verò Romam rediens super eo, quod in Alexandria viderat, summum consuluit pontificem, ei que ostendit catenas, quas Hierosolymæ dono acceperat. Iussit itē Papa illas adferri catenas, quibus sub Nerone ligatus fuerat Petrus, quæ simul atque tangerent alias, ita fuerunt cōiunctæ atque implicatæ, ac si semper eadē fuissent. Quo quidem viso, Theodosius iussit consilio pontificis ædificare Ecclesiam in honorem beati Petri, & in ea catenas illas collocauit. Dedicatio autem eiusmodi facta est Calendis Augusti, statuitque pontifex, ut quod indiscreta, & inepta hominum voluntas huc vsq; fecisse principi Romano, modò idē Christianorum pietas in uniuerso orbe semper faceret principi Apostolorū Petro. Atq; ad eum sanè modum solēnitās Petri extinxit solennitatem Augusti.

*De festo Machabeorum.*

*Capitulum XLIIII.*

**H**ic animaduertendum est Machabæos hos non illos esse ex quibus unus fuit Iudas Machabeus, sed qui fuerunt filij Ecclēicitatis, ut quibusdā placet. Alij affirmant Ecclēicitatem matrem fuisse



fuisse aliorum septem fratrum, qui Christi nomine passi sunt & quorum nomina ignorat Ecclesia. Hæc felicitatem vocat beatus Gregorius plusquam martyrem, quod septies passa sit in septem filiis, & octavo tandem in proprio corpore. Certè illa Felicitas cuius hi sunt liberi, quorum festum hic agitur, duplex fustinuit martyrium, vidit enim filios diuersa pati tormenta, & deinde ipsa martyrium fustinuit. Erant enim eius septem filij, tametsi non hos fuisse quidam putent. Meminit autem eorum festum ecclesia tam orientalis, quam occidentalis, quanquam nullius sancti veteris Testamenti præter hos (si ita sint) atq; Innocentes occidentalis Ecclesia festum celebrat, sed orientalis contra multorum habeat festa. Verum hos vtraque colit Ecclesia, quod propter legis obseruationem passi sint, quum carnem porcina comedere recusarent. Est rursus alia ratio quoniam numero septem fuerunt. Atqui septenarius numerus, ut est præter ceteros plenus & perfectus, ita numerum exprimit vniuersitatis. Quare in his septem significantur omnes martyres, tam veteris quam noui testamenti. Atque exhibentur martyribus noui Testamenti in exemplum, ut quemadmodum illi pro sua lege passi sunt, ita

& nos vel mortis periculum pro nostra adire non horreamus, si necesse fuerit. Sanè ergo huiusmodi festum magis celebratur gratia eorum qui significantur, quàm qui significant.

*De inuentione sancti Stephani.*

CAP. CXLIII.

**S**equitur dicendum de festo beati Stephani, idq; de ipsius inuentione. Verum enim uero considerandum est eius inuentionem fuisse factã eo die, quo eiusdem celebratur passio, & contra. Mutatio tamen hæc facta fuit duabus de causis. Prior est, quia Christus natus est in terra, ut homines nascerentur in cœlo. Cũ ergo beatus Stephanus fuerit protomartyr, & martyrium sanctorum sit eorundẽ Natiuitas in cœlis, meritò post natalem Domini colitur Natiuitas protomartyris Stephani. Vnde illud vulgò protritum: Heri natus est Christus in terris, hodie Stephanus nascetur in cœlis. Posterior ratio est, quia ad eius inuentionem cùm maxima hominũ multitudo conuenisset, qui miracula quę quamplurima in inuentione Deus fecit uidebant, maiori cultu annuatim illum diem celebrauerũt, quàm vel diem ipsius passionis. Statuerunt ergo sancti patres, ut festum passionis transferetur ad hunc diem inuentionis, & contra festum in-  
uentio-

uentionis, ad festum passionis: quia hoc dignius est, ut ideo maiori cultu diem illum annuatim celebrarent, & populus diem illū qui Natale Domini sequitur, feruentiori cultu colebat in Augusto. Animaduertamus hic obiter, si festum alicuius martyris & confessoris concurrant, si illustrior sit confessor & plenum habeat officium, collectam siue orationem eius esse praeponendam, & in altera solummodò alterius faciendam mentionem siue commemorationem.

*De festo beati Sixti & Transfiguratione Domini. CAP. CXLIIII.*

**P**ost hæc ordine dicendum esset de festo beati Sixti, sed quia eius passio manifesta satis & nota omnibus est, ad alia transeamus. Hoc ipso die festū fit de Transfiguratione Domini. Nō quòd tali die transfiguratio facta sit, sed quòd tunc temporis ab ijs, qui secum fuerant in monte, primò manifestata & publicata fuerit. Præceperat enim Dominus, ne cuiquam diceret, donec à mortuis resurrexisset. Illi autem vsque in hanc diem tacuerunt. Enimuerò sanè transfigurationem hanc certò constat factam fuisse sub finem Hyemis & circa principium Veris, quum videlicet de illa legitur Euangelium. Et notemus quidem Christi sanguinem eadem hac die con-

*Festum hoc insituit Calixtus tertius, ita ut hinc diceretur sit necessarium caput hoc non esse budius autoris, sed à scriptore quopiam fuisse potest.*

*Sum.* fici ex nouo vino, si inueniri possit, aut  
*d cum* aliquantulum ex matura uua in calicem  
*eo om* expressa, & quodd racemi benedicantur,  
*a, qui-* indeq; homines cōmunicent. Quare autē  
*us vsas* hoc fiat, hec est ratio: quia ipso die cœ-  
*m, exē* nœ dixit Dominus Iesus Apostolis &  
*aria cō* alijs qui cum illo cœnabant: Amen dico  
*anter* vobis, post hac non bibam de genimine  
*ueni-* vitis, donec bibam illud nouum in re-  
*nt, te-* gno patris mei: Quoniam ergo tum di-  
*nerè hic* xerit nouum, & Transfiguratio Domi-  
*mitten* ni pertineat ad illum habitum quem na-  
*lum es-* ctus est post resurrectionem, ideo quæri-  
*e nō pu* tur hoc festo vinum nouum.  
*ianus.*

*De sancto Laurentio.*

CAP. CXLV.

**N**unc de festo beati Laurentij bre-  
 uiter est dicendum: Beatus Sixtus  
 cuius paulò antè mentionem fecimus,  
 in Hispaniam profectus, inde secū duos  
 iuuenes, videlicet Laurentium & Vin-  
 centium eius cognatū adduxit Romam.  
 Horum alter Laurētius nimirum cū eo  
 manlit Romæ, ac grauissima perpeſſus  
 est tormenta, quemadmodū satis copio-  
 se tradit ipsius historia. Cognatus verò  
 eius Vincētius reuersus est in Hispaniā,  
 vitamque ibi glorioſo finiit martyrio.  
 Hoc autem festum tria habet præcipuè,  
 cuiusmodi habere solent magnæ solen-  
 nitates, nempè ieiuniū, ipsius diei solen-  
 nita-

uitatem & octauas. In tribus enim potissimum sanctus hic habet priuilegiū. In ieiunio quidem primū quod solus inter martyres habeat ieiunium, utpote institutionis. Alterū verò in octauis, quoniam hic duntaxat & beatus Stephanus octauas habent inter martyres: beatus verò Martinus inter confessores, ut dicetur postea ubi de ipsius festo agemus. Postrēum eius priuilegium quod habet, consistit in regressibus antiphonarum, veluti habet beatus Paulus. Sed ille habet propter supremam poenam martyrij, hic ob excellentiam predicationis. Tria autem sunt in sacrosancta Ecclesia priuilegia: Baptismus videlicet, prædicationis & martyrij. Verūm Laurentius priuilegiū obtinet martyrij. Nam quālibet multi alij æquē graua sustinuerūt tormenta, ut beatus Vincentius & Georgius, & forsitan etiam maiora ac plura, non tamen ista vniuersa obseruat ecclesia, quæ de illorum tormentis feruntur. Vel etiam propter loci dignitatem eo gaudet præ ceteris priuilegio, quod Romæ passus sit.

*De Assumptione beatæ Mariæ virginis.*

CAP. CXLVI.

**A**gendum deinceps est de Assumptione beatæ Mariæ. In primis tamen scire oportet, quod sanctorum trā-

fitus multis appellatur modis. Dicitur enim exitus, transitus, obitus, natale, natiuitas, natalitium, dormitio, depositio, quemadmodum est Ioannis Euangelistæ, passio, & assumptio. Sed hoc nomen quasi per Antonomasiâ, solummodò de beata Maria dicitur. Verum esse beatam Mariam, quod ad animam eius attinget, assumptam fuisse certò nouimus: an verò corpus illius postea etiam Assumptum fuerit, profectò incertum est. Piè tamen credimus ipsam integrè fuisse assumptam, sed prius anima, ac deinde corpore. Nihilominus tamen mulier quædam religiosissima appellata Elizabeth, quæ etiam nunc in viuis est, habitatque in finibus Saxonie, ait sibi esse reuelatum, quod circiter dies quadraginta Assumptum fuerit corpus post Assumptionem animæ. De qua re opusculum quoddam cõposuit, sed nò est in Romana ecclesia cõprobatum. Quæritur autè quamobrem illo die cantetur Euangelium de beata Maria Magdalena & Martha? Ad cuius rei euidentiore declarationem sciendum est, quandoque Euangelium legi in Ecclesia tot rationibus, quot à nobis antè satis expositum est. Fit namque vt interdum legatur Euangelium propter rem ipsam quam continet, cuiusmodi est de Trinitate: interdum verò

rd propter rei partem aliquam, vt est Liber generationis, quod ob vltimum, versiculum, quo Christi fit mentio, recitatur. Legitur & aliquando propter totum, quale istud profectò est, quod in Circuncisione dici consuetum est: Postquam consummati sunt dies octo, & cetera. Sic nonnunquam propter tempus, vt in prima die Quadragesimæ, ac propter ieiunium: nonnunquam propter letanias, cuiusmodi istud est Euangelium, quod qui, piscis, ac panis mentionem facit. Nonnunquã denique causa loci, veluti hoc quod in Septuagesima legitur: Exijt homo qui seminat, seminare semen suũ, &c. Dicitur aut homo hic fuisse beatus Paulus, qui seminavit semen, id est, verbũ Dei. Atq; ideo illo die recitatur collecta de sancto Paulo, sub cuius finem habetur: Doctoris gentium, &c. Eo nanq; die D. Papa in beati Pauli Ecclesia sacrũ celebrat. Postremò Euangelium aliquando dicitur iuxta historiã. vt in Circuncisione, aliquãdo verò iuxta suam allegoriam, quemadmodũ hoc est, quod in Assumptione Mariæ virginis de Maria Magdalena ac Martha legitur. Quod ergo hic istiusmodi legatur Euangelium, indicat vtramq; vitam, & contemplatiuam & actiuam in vna Maria virgine fuisse. Ipsa enim fuit Magdalena,



gdalenæ, hoc est, quæ circa vitam contemplatiuam versabatur. Ipsa fuit Martha, id est, quæ circa actiuam vitam tota etiam fuit occupata, quemadmodum ex multis locis liquidd probari potest. Nā & in contemptuaria ipsam sedulo versatam fuisse, vel hæc verba satis declarant: Maria autem conseruabat omnia verba hæc, conferens in corde suo. Habet autem festum hoc ieiunium, atque octauas præter cætera Mariæ festa, quum & nullum eius sit maius aut celebrius, quemadmodum de quolibet etiam alio sancto, censendū est, utpote cuius transitus solennior sit, quàm eiusdem festum aliud. Ab hoc tamen excipitur festū Ioannis Baptistæ, quippè quodd eius natiuitas longè maior sit, quàm passio, idq; ob eiusdem significatum atque annunciationem. Notemus verò hic quinque esse festa Mariæ virginis autentica ac cōprobata, quorum primum est Natiuitas. Festum enim Cōceptionis aliqui interdum celebrarunt, & adhuc fortassis celebrant, sed autenticum atque approbatum non est: imò enim uerò prohibendū potius esse videtur. In peccato namq; concepta fuit. Alterum verò est Pariens, hoc est, in Natali Domini. Sed quoniam tum & filij festū agitur, quod plenum exigit officium, nullam eius seruamus

Luc. 2.

Vide cōcilium Basiliense et c. Firmisimè. de consecr. distin. 4

mus



mus solennitatem vsq; in octauas. Tum enim omnia responsoria de beata Maria cantantur cum prima eius dici missa, cuius Introitus est: Vultū tuum. Missa autem secunda de puero est. Tertium festum Mariæ est Purificationis, & quartum Mariæ ad Martyres, quod modò festum Omnium sanctorum appellatum est. Denique quintum est Assumptionis, cuius gratia hæc omnia tradimus. Præterea & illud hîc animaduertere operæ precium est, nempe quatuor in vniuersum esse de beata Maria Euangelia; quorum vnum est: Missus est Gabriel; tamen si quidem non nisi in Aduentu & in eius annunciatione usurpetur; alterum, Exiit illa vocem quædam mulier; tertium, Exurgens autem Maria in diebus illis abiit in montana cum festinatione; &c. ac quartum tandem: Stabat iuxta crucem. Atque hæc quidē tria postrema eiusmodi sunt, vti quodlibetque peculiaris missa de ipsa celebratur, cani aut legi possint. Meminerimus interim festum Annunciationis nō tam Mariæ esse, quam Domini, imò potius huius, quā illius, vt hinc sit, quòd eadem habeatur præfatio in Natali Domini, quæ in eiusdem Annunciatione. In hoc itaque Assumptionis festo Psalmi atque alia quæ generatim dici consueuerunt in dedicatione

2. Cor. 9

tione Ecclesiæ, speciatim de beata Maria cantatur. Vt enim Ecclesia mater est omnium sanctorum, nomenque tenet virginittis, videlicet mētis ac fidei, quæ corporis præfertur virginittati, sponsa Christi dicta, vnde illud: Despondi vos vni viro, virginē castam exhibere Christo: Sic profectò beata Maria dicta & virgo est, & sanctissima sanctorū. Recitantur autē lectiones ex cantico amoris nēpe: Osculetur me osculo oris sui. Vnde & Respōsoria atq; Antiphonæ petuntur. Illud quoque diligenter obseruandū est, nimirum hoc tempore legi oportere libros Salomonis, primò quidem parabolas; idq; ab initio Augusti, deinde Ecclesiasten, ac tādē etiam canticū amoris: cuius dimidium in hoc festo vsq; ad octauas legitur, reseruato altero dimidio vsque in Natiuitatem beatę Marię. Quartò verò recitatur Ecclesiasticus, quintò liber Iesu filij Sirach, sextò denique liber Philonis, scilicet sapientię, qui appellatus est Salomonis, quòd sententias contineat Salomonis: Philonis autem, quòd ille eas in librum redegerit. Nec verò conuenit vt ipso die Assumptionis sermo hīc Hieronymi in ecclesia legatur, sed in Capitulo vtique, ad quod nimirum propriè compositus videri potest. Ad postremū ergo hīc animaduerte,

re, quod paulò antè dictū est, virginitatē videlicet mentis præualere integritati corporis. Quod enim hoc verū sit, facillè ex verbis beatæ Mariæ constare potest. Ait nanque hoc modo: Respexit humilitatem ancillæ suæ: Non inquit, virginitatem, sed humilitatem, hoc est, fidē & puritatem mentis. Atque hæc de festo Assumptionis dicta sufficiant.

*De decollatione sancti Ioannis.*

CAP. CKLVII.

**V**T modò decollationem Ioannis Baptistæ aggrediamur, præcipuè illud cognoscendum est, ipsum tempore Paschali fuisse decollatum & corpus quidem à discipulis suis Sebastæ sepultum, caput verò minimè. Quid autem de capite eius postea actum sit, & quemadmodum in Aquitaniam venerit, dicetur alibi. Mouetur hîc quæstio, quum truncus in alio loco, atque in alio caput fuerit sepultum, in vtro illorum dicatur Ioannes fuisse sepultus? Sed huic controuersiæ ex suprâ dictis dari potest solutio. Pergamus ergo. In eo loco vbi corpus erat situm multa indies Deus & maxima operabatur miracula, ita ut isthuc magna Christianorum turba confluebat. Quod sanè quum Ethnici vidissent, molestè admodū tulerunt, & quoniam hoc tempore imperabat Iulianus

apo-

apostata maximus Ecclesiæ persecutor, in dedecus Christianorum sancti Ioannis Mausolæum destruxerunt, & ossa eius per agros sparserunt. Sed quum & illuc Christiani venirent, nec miracula cessarent, rursus ethnici ossa collegerunt & combusserunt. Verum digitus ille quo Dominum ad Iordanem venientem demonstrauerat, inquiēs: Ecce agnus Dei, comburi non potuit. Multi tamē Christiani, qui Ethnicis intererant, dum ossa colligerent, quę potuerunt, reseruarunt. Atque ob hanc quidem rationem placuit D. Gilberto, festū hoc potius collectionis dici debere, quam decollationis. Non desunt qui putant beatam Theclam digitum sancti Ioannis, qui comburi non potuit, ex oris transmarinis detulisse in Mauritaniā, ibique in honorem beati Ioannis ecclesiam construxisse, quæ hoc die fuit dedicata. Quare statutum fuit à pontifice, vt hic dies per vniuersum orbem Christianum beato Ioanni sacer haberetur, iuxta quod videtur festum hoc appellandum esse dedicationis. Festum Bartholomæi prætermittimus, quod quæ hic essent dicenda, satis cumulatè eius tradat historia. Cōcionatus tamē est verbum Dei in India, vbi primò die fuit excoriatus, altero obtruncatus & translatus Beneuentum.

*De san-*

*De sancti Augustini festo.*

## CAP. CXLVIII.

**C**irca festum Augustini hoc tantum inquisitione dignum esse videtur, ut cum eodem die plura concurrant festa, veluti Augustini, Hermetis & Iuliani, cuiusnam potius officium celebrari illo die debeat, consideremus. Nam in eam rem huiusmodi tradi potest responsio, & in alia his similia: Si omnes martyres essent, illius, qui inter eos maioris esset nominis officium celebraretur. Si verò alius confessor, alius martyr: vel plures fuerint martyres, & si confessor maioris sit nominis, quam martyr, aut priuilegium aliquod habeat, ut beatus Martinus, & eius officium generatim in ecclesia Dei sit institutum, dicendum profectò est officium de confessore & mentio siue memoria facienda est de martyre. Si autem non, celebrandum est de martyre.

*De Natiuitate beatæ Mariæ.*

## CAP. CXLIX.

**D**einceps sequitur Natiuitas beatæ Mariæ. Festum hoc olim fieri non consuevit, sed quodam tempore vir quispiam pius cum noctu oraret audiuit Angelos in cœlo canentes. Idem accidit pluribus annis eadem semper nocte. Quare perijt à Domino ut, quid hoc sibi

sibi rei veller, ipsi reuelaretur. Et indicatum est ei angelos ita in cœlis gaudere, ac velut solennizare, quoddam istiusmodi nocte nata esset beata virgo. Ille igitur rem, quam audiuerat, ad Papam defert qui quum intellexisset eum virum esse sanctum & magnæ autoritatis, credens ipsum vera loqui, instituit vt per totum mundum Christianum, festum hoc celebraretur. Nec verò habet ieiunium, vel octauas institutionis. Potest tamē nihilominus habere deuotionis. Legitur hoc festo Euangelium: Liber generationis, vbi agitur de genealogia Christi. Sed quæritur cur in generatione potius computetur Ioseph, quàm beata Maria, quum Christus non sit filius Ioseph. Verum enim verò in veteri testamento potius solet fieri computatio per viros, quàm per fœminas, nec multum refert per quē hîc fiat computatio, quum Ioseph & beata Maria eandem habuerint generationem. Et sanè Christus maluit fabri filius vocari, quàm vt mater sua lapidibus obrueretur. Reuera filius fabri fuit, non illius Nazaræni, sed fabri eius, qui fabricatus est auroram & solem.

*De sanctis Sapientia, Fælice, & Audasto.*

CAP. CL.

**S**apientia mulier fuit sancta quæ tres habuit filias. Fidem, Spem, Charitatem

tem, quæ omnes martyrium cùm matre susceperunt. Sed de beatis Fœlice & Audacto sciendum est, quodd quum beatus Fœlix pro Christi nomine ad martyrium duceretur, quidam subitò sese in medium protulit, inquit : Et ego sum Christianus, ad quem responderūt catinifices : Ergo & tu venies. Cùm igitur nomen illius ignoraretur, appellatus est Audactus, quasi beato Fœlici audacter associatus.

*De exaltatione sanctæ Crucis.*

CAP. CLI.

**E**xaltata fuit sancta Crux, eiusque festum institutum eo tempore, quo Heraclius vicit Cosdroen regem Persarum. Hic autem Cosdroe quum destructa Hierosolyma, crucem Domini inde abstulisset, facta domo ad similitudinem coeli, fecit sibi in ea sedem, ac lignum à dextris posuit loco filij, gallum à sinistris loco spiritus sancti, atque ita ipse in medio stans se Deum & Domium appellari voluit. Quod audiens Heraclius Imperator Romanus aciem movit iuxta Danubium illum, qui apud Persas est, non hunc qui in Suevia oritur. Nam alterum illum fortè ex his partibus in illas venisse dicere possumus, & nomine huius esse appellatum, sicut Troianum fuisse dicuntur. Hinc victo filio Cosdroes

singul-

singulari certamine crucem Domini tulit Heraclius, voluitque illam in suum locum restituere. Sed quum appropinquaret Hierosolymam, portæ ciuitatis per se fuerunt clausæ, vt non intrare potuerit. Quod quum vehementer admiraretur, audita vox est è cœlo, inquiringem regum non sic intrasse Hierosolymam phaleratum, sed humilem & super asinam sedentem. Atque hic statim suam agnoscens elationem, ex equo descendit, & valde est humiliatus, ac portæ sua spontæ ei apertæ sunt, nudisque pedibus ciuitatem intrauit. In humis ingressu multi diuersorum genere morborum per crucem curati sunt. Ferunt ab Adamo Seth filium eius missum fuisse in paradysum, qui ramum inde sibi datum ab Angelo retulit ad patrem, qui statim illius arboris mysterium cognoscens, eam terræ inseruit, in magnam arborem procreuit. Postea verò quum in templi ædificatione ex diuersis mundi partibus arbores adferentur, allata est & illa & relictæ tanquàm inutilis. Vnde deinceps ad foueas quasdā ciuitatis posita est, per quam commodè transiri possit. Hanc quum vidisset regina Saba noluit transire, sed adorauit. Postea autem reiecta est in probaticam piscinam, quæ tēpore passionis Christi desiccata fuit,

ac tum



ac tum apparuit lignum, cui quum aliud non inuenirent, Dominum affixerunt. Maior verò est festiuitas inuentionis quàm exaltationis, quòd ab Eusebio fuerit instituta, qui eo die fecit populum conuenire ad adorandam crucem. Fuit enim hic pontifex Romanus trigesimus.

*De beato Mauritio eiusque socijs.*

CAP. CLII.

**S** Equitur videndũ de festo beati Mauritij, & Thebea legione. Multæ sunt Thebæ, vna in Aegypto à Busiride rege Aegypti condita, dicta alio nomine Heliopolis. Ex hac oriũdus fuit Mauritius atque inde dicũtur Thebæi: Alia est in Bœotia à Cadmo Agenoris filio condita, à qua dicti sunt Thebani. Tertia est in Iudæa, vnde appellati sunt Thebites. Illi verò qui cum Mauritio mortui sunt erant ex Thebe Agyptiorũ. Cũ ergo Galli exercitũ suũ in Romanos eduxissent, dux Aegypti collegit exercitũ, in quo fuit beatus Mauritius, qui sub se habuit legionem, virorũ scilicet sex milium sexcentorum & sexaginta sex. Verũ quum iam essent in exercitu, tyrannus voluit eos cogere ad adorandum idola, qui venon voluerunt, ita decimã accepit partẽ, atq; interfecit. Quod animaduertens Mauritius, sermonem suum cõuertit ad socios, orans vt viriliter agerẽt &

Q starent,

starent, qui sic ab eo corroborati martyrium perpessi sunt. Sed illi priusquā Romam venissent sunt baptizati.

*De sancto Matthæo.*

CAP. CLIII.

**D**E beato Matthæo hoc tātum dicimus, quòd Leuita fuit, ideoq; in lege magis edoctus. Inde est q̃ profundæ significationis oppositiones aduersus hostes suos fecerit. Fuit autē Hebræus, quare & Hebræis Euangelium Hebraicè scripsit. Vbi obiter animaduerte nos Hebræos dicere, si quando de lingua loquimur: Iudæos cū de ritu vel gente. Postea huius liber translatus est in Græcum, & deinde de Græco in Latinum. Prædicauit autem sub Caio Caligula, qui sic nominatus est, quòd quum nasceretur in expeditione caligis fuerit coopertus. Scripsit verò Ioānes sub Nerua, Marcus sub Nerone. Sed quo tēpore Lucas scripserit, incertū est. Nomen hoc Matthæus, vt inquit Beda in sua orthographia, per duplex et scribitur.

*De festo Angelorum siue Michaelis.*

CAP. CLIIII.

**F**estum Angelorum quod hoc tempore colitur est dedicationis, quando eis basilicæ dedicatæ sunt, quoniam hoc festum omnium angelorum dicitur. De Barbarorū autem fuga & tauro agi-

tur

tur inter Pascha & festum Ascensionis, quando de festo angelorum agitur. Proinde verò de nominibus angelorum dicimus, quòd nec sibi nomina imposuerunt, nec eis à Deo data sunt, sed ab hominibus: à quibus autē, nescimus. Cæterum in festo sancti Michaëlis cū de angelis omnibus agatur, Michaël nominatur, quia ipse præest Paradyso, & ad suscipiendas animas princeps est constitutus. Hic quoniam in Gargano mōte visus sit, ac ipse locum sibi in alto elegerit, ideo ei ubiq; ferè terrarum in edito loco basilica constituitur. Sanctis verò quasi hominibus & terrenis in imo templa dedicantur. Dicunt autem nonnulli tot esse in quolibet angelorum ordine legiones, quot sunt legionis vnitates, scilicet sex mille sexcētæ & sexaginta sex. Certum est tamē plures esse legiones, quàm ordines, vnde Dominus inquit Petro: Nescis quòd si rogauero patrem meum, mittet mihi plusquam duodecim legiones angelorum. Ait Haymo tertius episcopus Halberstatēsis, quòd si quis posset videre spirituales creaturas, ita eas videret ebullire in aëre, tanquam minimas atomos in splendore solis. Constantinus etiam Imperator quū ad oras transmarinas proficisceretur, inuenit Eusebium virum sanctissimum, cui dixit: Vir

sancte, pete à me quo tua Ecclesia dicitur. Ille verò respondit; Ecclesiam suam satis diuitijs abundare, sed se rogare, vt in omnibus mundi plagis scrutentur nomina sanctorum, & eorum passionum tempora, ac sub quibus & quemadmodum passi sunt, rescribat. Quo quidem facto refert Eusebius, quolibet anni die plusquàm quinque milia sanctorum festa concurrere. Vnde fertur Gregorius dixisse: Totus mundus sanctis plenus est. Quòd autem Michael dicitur pugnassee contra draconem allegoricè quidam intelligi volunt, videlicet Michael, id est, Christus. Dicunt tamen alij historicè eise intelligendum, quoniam scilicet mysterio Michaelis & angelorum eius depulsus est diabolus. Quamobrem ita etiam depingitur in ecclesia propter laicos. Quæritur præterea vtrum Michael sit nomē vnus angeli, an verò plurium? Dicunt aliqui vnus esse. Sed putant alij quòd quando vnus angelorum mittitur ad aliquod magnum & mirabile faciendum, is Michael nuncupetur. Certum est autem Michaelem fuisse, qui missus est in Aegyptum, & celebres illas ac famosas plagas fecerit, & mare rubrum diuiserit.

*De sancto Remigio.*

• CAP. CLV.

Sanctus

**S**anctus Remigius Gallorum dicitur Pontifex, quoniam primus regē Gallorum inunxit, atque ideo in tanto honore & veneratione habetur in Francia, ut festum illud obfuscet festum beati Michaëlis.

*De sancto Luca.*

CAP. CLVI.

**L**Vcas natione fuit Syrus, patria Antiochenus, & prædicauit in Bithinia, atq; istic propria morte absq; martyrio vitam foeliciter finiuit. Vixit autem octuaginta annis, & duo volumina posteritati reliquit, Euangelium videlicet, & Actus Apostolorum. Fuit discipulus Pauli, à quo, quæ docuit, didicit, sicut Marcus à Petro. In prologo tamen Euangelij inuenitur quòd ipse didicisset à quibusdam qui à principio fuerunt cum Domino. Ex quo sequi videretur, quòd non ex Paulo didicisset, cū hic à principio cum Domino nō fuerit. Verū quædam ex Paulo didicit, quædam etiam ex alijs: sed maximè tamen à Paulo edoctus est.

*De Symone & Iuda.*

CAP. CLVII.

**I**acobus, Symon, Iudas, qui & Thaddæus, Ioseph, Barsabas, qui & Iustus cognominatus est, ne propter iniustitiam ab Apostolatu fuisse repulsus cre-

datur, fratres fuerunt, inter hos scilicet Ioseph, Barsabam & Matthiam facta est sortitio. Atq; ille quidem Iacobus frater Domini dictus est, quoniam omnes cognati Hebræo idiomate fratres vocantur, vel quia ipsi erat quā simillimus. Ioseph verò cognatus dicitur Domini, vel quia pater putatiuus erat, vel quia cognatus esset ex parte matris, nimirum beatæ Mariæ. De Symone fertur quodd sit crucifixus. Sed prius tamen in Aegypto prædicauit, ac postea venit Hierosolymam, atque istic post beatum Iacobum minorem, qui dictus est frater Domini, creatus est Episcopus. Vixit autem centum & viginti annis, suscitauitq; antequam moriretur triginta mortuos, filium nempe sui hospitis submersum fluctibus, & eius gratia cæteros. Obijt verò annorum centum & viginti in Bosphoro, non in Pastophorio, vt quidam censent. Est autem Pastophorium, vt nonnulli volunt, porticus templi, in qua iacebant custodes templi. Iudas verò prædicauit apud Persas & Medos, atq; istic mortuus est apud Hermenios.

*De festo omnium sanctorum.*

CAP. CLVIII.

**P**OSTEAQUAM hæc de sanctis hucusq; prosecuti simus, necessarium planè est, vt ad maximū illud & generale festum

festum veniamus, videlicet omnium sanctorum. Sed quamobrem istud fuerit institutum, & quare hoc presertim tempore fiat, satis, ut ego quidem arbitror, supra ostensum est. Pauca tamen adhuc de eo dicenda restant, nimirum de ieiunio & ordine ipsius officij. Festum ergo hoc ieiunium habet institutionis, nec debet profecto aliquis comedere nisi à vespèris, nec ieiunium oportet mutari, ut quidam faciunt propter festum sancti Quintini. Ait enim ille: Putasne sancti gaudeant cibis, qui meruerunt vitam ieiunijs? Quoniam autem festum hoc omnium est sanctorum, ideo variatur illius officium, prout habetur varietas sanctorum. Prima enim antiphona, prima lectio, & primum responsum canitur de Trinitate, quod festum est Trinitatis. Secundo loco canitur de beata Maria, tertio de angelis, quarto de Prophetis, quinto de Apostolis, sexto de martyribus, septimo de confessoribus, octauo de virginibus, nono de omnibus sanctis. Atque in horum quidem officiorum lectionibus observatur autoritas. Nam præstantior in Ecclesia, si episcopus præsens fuerit, recitabit lectionem de Trinitate, vel decanus, vel saltem sacerdos, & sic fiet descensus in legendo personarum usque ad pueros. Octauam

namque lectionem leget vnus ex pueris. Nonam enim lectionem maioris est recitare.

*De Officio Mortuorum ac ratione sepeliendi. CAP. CLIX.*

**N**Vnc agendum est de officio Mortuorum, & quidem primò de loco vbi debeant sepeliri, secundò de ijs qui sunt sepeliendi; & de modo ac ratione sepeliendi, tertio quis eam inuenerit, & quamobrem, ac tandem de ipso officio. Non puto esse operæ precium vt eam repetamus diuisionem quam in initio de locis fecimus, ad quam nos lectorem modò remittimus. Verùm illud duntaxat hic sciamus religiosum locum dici eum, iuxta leges & instituta Romanorum, in quo sepelitur corpus alicuius hominis, seu caput tantùm. Ac ideo caput dico, quoniam nullus duas habere potest sepulturas, sed vbi caput est, istic alicuius esse dicitur sepultura. Siue ergo Christianus, siue paganus, siue infans, etiam non baptizatus, aliquo in loco sepeliatur, secundum Romanorum instituta, locus ille religiosus appellabitur. At verò Christiani non eum locum censent esse religiosum, vbi sepelitur Iudæus, vel paganus, vel infans non baptizatus, sed tantùm vbi Christianus, vsque adedò, vt si excommunicatus aliquis sit  
ibi



ibi sepultus, inde extrahatur, atque extra coemiterium eiiciatur. Locus autem iste diuersis appellatur nominibus, vt coemiterium & poliandrium. Atque ipsum sepulchrum huiusmodi: Mausolæum, dormitorium, monumentum, ergastulum, sarcophagus, pyramis, tumulus. Dicitur autem Coemiterium à Græco verbo κοιμάω, quod est sopio, quasi quod istic mortui dormiant, vnde etiam nominatum est dormitorium. Poliandrium locus appellatur, vbi multa sunt sepulchra publica. Mausoleū dictum est à Mausoli sepulchro, quod Arthemisia eius vxor edificauit ita egregijs operibus, vt inter septem orbis miracula numeretur. Attollitur enim in altitudinē viginti quinque cubitorū, ac columnis cingitur triginta sex. Quare ab hoc sepulchro omnia preciosa sepulchra isto nomine Mausolæa sunt appellata. Monumētum verò nominatur à monendo, quodd nos prætereūtes qui in monumētis & sepulchris sunt admoneāt, & se olim fuisse & perinde mortales, vt & nos meminerimus, quodd cineres simus & in cineres reuertemur, puluis & in puluerem redibimus. Tumulus appellatus est, quasi terra tumens, id est, collis, quodd ibi coaceruari terra consuevit. Ergastulū dictū est per Antiphrasin ab ἐργάζομαι operor, quasi

quod in sepulchris corpora minimè laborent, sed requiescant, qui in Dño moriuntur. Sic itē sarcophagus appellatus est à σὰξ σαγὰς, caro, & φάγω comedo, quasi istic caro consumatur & comedatur. Dicitur etiam Pyramis sepulchrum eiusmodi, quod flāmæ habet similitudinem, ita ut è lato in acutum tendat. Est enim altissimum genus sepulturæ. Tale Romæ visitur, in quo positi sunt cineres Iulij Cæsaris, vocaturq; acus sancti Petri, atque etiam nunc in dubio est, an ex vno constet lapide, an verò ex pluribus. Similem pyramidem extruxit Cæsar Turonis, iuxta ripam Liguris, & in ea inclusit cuiusdam sui amici cineres, qui fuit interfectus: Nunc ergo deinceps de ijs qui sunt sepeliēdi dicamus, & prius quidem quibus locis debeant sepeliri, & an locus eis etiam aliquid conferat, nec ne. Ac nonnulli sanè arbitrantur locum mortuo non prodesse, quod hinc confirmare volunt, cū lucifer è cælo fuerit eiectus, & Adam è paradyso expulsus, quæ tamen loca sunt optima, nec quicquam bonitatis eis contulerunt. Item Ioab in tabernaculo fuit interfectus, & Iob in sterquilinio triumphavit. Potest autem locus obesse, ut si quis sepeliatur in Ecclesia, quum non sit dignus. Certè nullum corpus in ecclesia debet

bet sepeliri, nisi sint corpora sanctorum patrum, qui dicuntur patroni, id est, defensores. Ipsi enim meritis suis totam patriam defendunt. Sed ceteri circa Ecclesiam debent sepeliri. Dicunt enim quidam quod locus triginta pedum circa ecclesiam in eum finem debeat consecrari. Alij verò putant solam Episcopi circuitionem, quando Ecclesiam dedicat, sufficere. Olim enim apud veteres solebant homines in suis ædibus sepeliri. Sed propter foetorem cadauerum statuerunt, ut extra ciuitatem sepelirentur, & locum quendam communem ad hoc quasi sanctificarent. Nobiles verò sepeliebantur in montibus, siue in eorum medio, siue in radicibus. Proinde si quis interficiatur in obsidione, vel aliquo tumultu, nec posset habere cœmiterium, sepeliant ipsum ubi possunt. Si verò aliquis moriatur in mari, & terra fuerit vicina, nauigent illuc, ipsumque ibi sepeliant. Sed si procul à terra abfuerint, videantque in medio mari insulam, vertant eo vela, & sepeliatur in insula. Verum si terram penitus non videant, paretur ipsi domuncula quædam ex lignis si possit haberi, & proijciatur in mare. Quo etiã modo fiat, si diues fuerit: Sed cum thesauro suo, si habet, eijciatur, ut qui eum inuenerint, ex thesauro ipsum nobilem

fuisse cognoscant, aut certè amore thesauri ipsum terræ mandent. Verùm enimuerò animaduerte quodocunque sepelitur Christianus, vel quocunque etiam loco Crucem capiti eius apponi debere, ad designandum illum fuisse, Christianum. Vel ob id etiā, quòd summo opere Diabolus signū hoc pertimescat & ad eum locum horreat accedere, qui cruce est designatus. Vidēdum deinceps est vnde cœmiterium initium habuerit, videlicet ab Abrahamo. Hic enim emit agrum ab Ephron Hetæo, in quo duplex erat spelunca, vbi ipse sepultus est cum Sara, Isaac, Iacob, Adam & Heua. Ad hoc enim emit, vt sibi & suis sepultura esset. Duplex spelunca ideo dicebatur, quoniam ibi duo sepeliebantur coniugē, maritus & vxor. Vel quia duæ aderant speluncæ, & in vna sepeliebantur viri, in altera mulieres. Vel etiam, quia duplex fiebat vnicuique spelunca sepeliendo, in modum cathedræ. Sepeliebantur enim quasi sedentes, & pars speluncæ superior quæ à natibus truncū capiebat, dicebatur vna spelūca: Pars verò quæ continebat pedes crura & fœmora, dicebatur spelūca alia. Oportunè hīc considera nō legi in prima ætate nisi duo duntaxat Sacramēta fuisse inuenta, oblationem nimirum & pœnitentiam :  
sed

sed in secūda cultum Dei fuisse ampli-  
tum. Fecit enim Noë arcam, atque illi  
inclusit multa animalia ad sacrificādum  
Deo. In quarta autē ætate diuinus cul-  
tus magis auctus est. Tūc enim lex data  
est, & multa genera sacrificiorum offe-  
rebantur Domino. Sic in quinta ætate  
magis adhuc auctus est. Tum namq; fa-  
ctum est templum, & cultus diuinus  
optimè sanè habuit incrementum. In se-  
xta tandem ætate venit Christus, qui se-  
ipsum obtulit Deo hostiam placen-  
tem, & sufficientem pro omnibus. Por-  
rò autem in cœmiterio Christianorum  
non nisi Christianus sepeliri debet, nec  
tamen omnis. Nullus enim in suo ma-  
leficio interfectus sepeliri debet in cœ-  
miterio, vt latro, si in latrocinio interfi-  
ciatur. Intellige autem hīc maleficiū,  
si sit mortale peccatum, vt interfectus  
in adulterio, & in ludis Ethnicorum. Si  
verò moriatur subitò in ludis consuetis,  
vt in ludo pilæ, potest sepeliri in cœmi-  
terio, sed sine Plālmis & sine exequijs.  
Si præterea aliquis ex prostibulo rediēs,  
vel ex alio loco vbi fornicatus sit, & in  
via occidatur, aut alio casu non confes-  
sus moriatur, si legitimis testibus po-  
test probari eum fuisse fornicatum, nec  
postea confessum, in cœmiterio sepe-  
liri non debet. Si non potest probari, .

sepeliri licebit. Latro in eo loco in quo suspenditur sepeliatur, nisi prius satisfecerit. Si autem satisfecerit, in cœmiterio sepeliatur. Mulier si in partu moriatur, utique in ecclesia sepultura tradi nō debet, sed extra eam. Quare canantur ei exequiæ, & postea sepeliatur in cœmiterio, sed puer excidatur è ventre eius, ac sepeliatur extra cœmiterium. Debent autem mortui ad hunc modum sepeliri, sudarijs videlicet induti, & ut caligas circa tibias habeāt & soleas in pedibus, quo significant ita se paratos esse ad iudicium. Ponantur prætereā capite versus occidentem, & pedibus versus orientem. At verò clerici si sint ordinati, illis indumentis sepeliantur, quibus fuerant ordinati: Si non habeant ordines, more laicorum, & tondeantur ac radantur. Omnium autem corpora debēt lauari, ad significandum, quòd si anima per confessionem à culpa fuerit mundata, utrunq; hoc est, anima & corpus in die iudicii sempiternam habebūt glorificationem. Si verò aliquis in hastiludio moriatur absque pœnitentia, quando videlicet sacerdotem ipse non quærit, sepeliatur instar asini, atque ita quoque si in ripa. Sed si ludi gratia vel propter negociū suum conficiendū nauiget ac pereat, potest sepeliri in cœmiterio. De istiusmodi enim  
non

non iudicat Ecclesia manifestè. Si quis subito moriatur non propter aliquam causam manifestam, sed occulto Dei iudicio, honorificè sepeliatur. Iustus enim quacunque causa moriatur, saluabitur. Qui denique sibi manum inferunt, ac mortem propria voluntate depaciscuntur, non debent in cœmiterio habere sepulturam. Solet autem hîc quæri vtrum post diē iudicij homines sint futuri nudi, an verò vestiti. Et videtur quidem & vestiti, quoniam Angeli semper vestiti solent apparere, & Christus etiam post resurrectionem cum veste visus est, ac in transfiguratione quoque fuit vestitus. Vnde illud: Apparebant vestimenta eius alba sicut nix. Contrà verò videtur quòd erunt nudi, idque ex ea autoritate quòd ea tum sumus futuri forma in qua fuit Adam ante peccatum, atque etiam in meliori: Atqui tunc nudus fuit, ergo & nos similiter erimus nudi. Verùm nihil nos dicendo præsumamus de veste vel de qualitate, nisi vnum hoc, videlicet istic neque deformitatem fore, neque infirmitatem.

*De institutione officij.*

CAP. CLX.

**S** Equitur de officio, & primò quidem à quibus fuit institutum, secundò à quibus fuit auctum, tertio à quibus

bus habuit initium, quartò de modo celebrandi. Officium ergo mortuorū primò ab Apostolis fuit institutum, sed ab Origine vt testatur Isidorus in libro de Ecclesiasticis officijs, fuit auctum, & ex maxima parte ordinatum. Vnde ipsum commendat beatus Augustinus in quodam libro quem ille appellat Enchiridion, inquit eum fuisse secundum in Ecclesiasticis officijs post Apostolos. Officium hoc initium habuit à veteri lege. Legitur enim quòd mortuo Iacob, Ioseph & alij fratres eius vt eis præceperat, cum multis Aegyptijs attulerunt eum in Hebron, sed prius fleuerūt ipsum in Aegypto triginta diebus, ac postea septem in aria Athad. Prætereà legitur quòd mortuo Moyse populus Israeliticus eū deplorauit triginta diebus, quemadmodum etiā ferunt factū fuisse de Aaron & Maria. Verū animaduerte, quòd mortuo Iosue qui eos in terram promissionis introduxerat, non legatur ipsum populus fleuisse, quamuis tamen contrà credatur. Ideo de Iosue tacet historia, quia præfigurauit Christum, & mors eius mortem Christi, videlicet eius qui nos à morte redimens ad vitæ patriam reduxit, vbi neque luctus neque dolor est. Propter figuram igitur de morte illius historia tacet, sicut alibi de patre Melchi-



Melchisedech qui Christum figuravit : quoniam non legitur habuisse patrem, quemadmodum nec Christus patrem habuit hominem. De Moyse (licet melior credatur fuisse quam Iosue) & de alijs qui mortui sunt in deserto, populus dicitur fleuisse, quoniam desertum aliquando alienationem à Deo significat. Pro illis itaque flendum est, qui per peccata sua à Deo alienantur. Ex qua quidem re inquit Salomon : Luctus filij tui sapientis mortui septem diebus : Luctus filij tui stulti æternus, quandoquidem in æternum punietur. Sic : Filius sapiens lætificat partem, stultus verò mœstitia est matris suæ. Septenarius igitur mortuorum luctus & trigenerarius à veteri Testamento sumpsit exordium, quemadmodum enim Jacob filij fleuerunt septem diebus, & Moysen triginta : Ita quoque Ecclesia quandoque septem diebus, quandoque triginta suorum mortuorum celebrat officium. Notemus interim quatuor modis subueniri mortuis : oratione videlicet, amicorum eleemosyna, cognatorum ieiunio & missarum celebratione. Septem ergo diebus nostris mortuis officium facimus, ut ad sabbatum animarum citius valeant pervenire. Aut certe propter septenarium animæ & corpo-

Ecc. 2.

ris. Habet enim anima tres potissimum proprietates, uti nimirum ratione, concupiscere, & irasci. Corpus vero ex quatuor constat elementis. Ut itaque peccata quæ homo commisit per hæc septem deleatur, septenarium mortuis celebramus. Ter decem triginta faciunt. Per ter intelligimus Trinitatem, per decem Decalogum. Quare trigenarium mortuis ideo facimus; ut quod in observatione decem præceptorum deliquerunt, Dei misericordia eis condonetur. Quidam tamen tribus diebus hoc faciunt, ut in eo triduaana Christi sepultura repræsentetur, & quod vivus peccaverit cogitatione, verbo & opere, mortuo remittatur. Quod autem plerique officium faciunt novem dierum, licet ea consideratione hoc faciant, ut per huiusmodi officium illorum mortui à pœnis liberentur, ac novem ordinibus angelorum associantur, non tamen approbatur, sed omnino interdicitur, quoniam ab Ethnicis sumptum esse videtur, qui nonno die cineres & busta suorum recondebant. Sicut enim non imitamur Iudæos in celebrando Pascha: ita etiam in hoc officio Ethnicos imitari planè prohibitum est. Sunt præterea nonnulli qui quinquagenarium faciunt, & alij qui quadragenarium: sed hi utriq; satis cum ratione

ne facere videtur. Qui enim quinquagenariū faciunt ab Abrahamo occasionem sumere videntur, qui ex Domino volēte Sodomam subuertere, quæsiuit, num si quinquaginta in ea essent iusti, illi parceret. Nā & quinquagenarius numerus perfectus est, & significat annū iubilæū, id est, octauā ætatē, in qua erit remissio & plena libertas. Vt ergo animæ mortuorum plenā libertatē & suorū peccatorum remissionē adipiscantur, quinquaginta diebus pro illis à quibusdam celebratur officium. Quadragenariū verò ideo quidam faciunt, ut illis qui decesserunt & transgressi sunt in decē præceptis, & in doctrina quatuor Euangelistarum, condonetur.

*De celebratione mortuorum officij.*

CAP. CLXI:

**P**Rætereā modò videamus de ipsius officij celebratione. Ac primò quidem, ut sciamus, quæ sint tacenda, & secundò quæ sint dicenda, quoniam officium mortuorum imitatur triduanam Christi sepulturam, & illius omnino vestigia sequitur. Sicut ergo tribus illis diebus: ita & in hoc officio omnia cantica lætitiæ subtricemus. Inde etiam est quod Domine labia mea aperies, ad matutinas, vel vigilias mortuorū & Deus in adiutorium, non dicatur in principijs hora-

horarum, neque Venite exultemus, neq;  
Glória patri ad respōsorium, aut sub fi-  
nem Psalmorū. Pari modo ad lectiones  
neque benedictiones petimus neque da-  
mus, nec Tu autem Dñe, nec Deo gratias  
vnq̃ dicimus, vsq; aded vt ne ad missam  
quidem. Posset ramen & alia ratio red-  
di, quamobrem in officio mortuorū hæc  
taceantur: quum enim mortuorum exe-  
quias celebramus, ad plangendum ve-  
nimus, & lachrymandum, non ad solen-  
nizandum. Ob quam rem sanè lætitiæ  
cantica subtricemus. Nam nō bene con-  
uenit huic officio Venite exultemus, nec  
Domine labia mea, sed potius cum eo  
videntur repugnare. Officium autem  
mortuorum à Vesperis incipit, quas in  
hunc modum auspicamur: Placebo Do-  
mino. Quibus absolutis, sequitur com-  
pletorium ac postea vigilie, quarum tria  
sunt genera. In quibusdā enim Ecclesijs  
nouem legūtur lectiones ex Iob. In alijs  
verò totidē, sed ex libro Sapientiæ. Inci-  
piunt aut̃ hę hoc pacto: Melius est ire ad  
domum luctus, quam ad domū cōuiuij.  
Sunt rursus aliæ ecclesiæ, in quibus itidē  
nouem recitantur lectiones, verū ex  
sermone quodam beati Augustini, quem  
ille composuit de mortuis, & quem fi-  
niuit in hunc modum: Beati mortui qui  
in Domino moriuntur, quod à quibus-  
dam

dam dicitur sub finem lectionum loco, Tu autem Domine : quemadmodum in aduentu Domini, in Natiuitate, & in Epiphania lectiones Isaie finiuntur hoc pacto: Conuertimini ad me & salui eritis, & lamentationes Hieremie ad tenebras hac ratione. Ierusalẽ Ierusalem, cõuertere ad Dominum Deum tuum. Verum alijs diebus hoc modò: Tu autẽ Domine, &c. Atque ita sunt quatuor modi finiendi lectiones. Ad missam proinde thus offerri non debet, quamlibet hoc tempore ita vsu receptũ sit. Nam in veteri lege prohibitum fuit ne pro peccato offerretur oleum lætitiæ, nec thus suauitatis: vbi enim peccatum, ibi tenebræ, atque istic non debet esse læticia, nec suauitas, sed luctus & cõtritio cordis. Quocirca & exequiæ, quas nos facimus ob mortuorum commissã, celebrantur. Animaduerte interim in lege Moyfi prohibitum fuisse à Domino, ne thymiamma boni odoris, vel thus sibi sacrificium aliquis adoleret in vsus suos, vt odore eius frueretur, quod si quis faceret, periret è populo suo. Atque ided moris est in Ecclesia, vel ad altare benedictum ac consecratum thus offeratur: quum verò descendit thuribulum vel ad clericos, vel ad laicos, vt tum aliud thus sine benedictione vsurpetur, atque hominibus offe-

offeratur. Consuetum est hîc quæri, cur ad missam mortuorum pax non detur: & sanè triplex assignatur ratio. Prima est, quia officium hoc, vt dictum est, triduanam Christi significat sepulturâ, quando pax non datur propter osculum Iudæ. Secunda, quoniam non communicamus mortuis, quodd nobis minimè respondeant. Vnde profectò etiam est, quodd corpus siue cadauer in ecclesia esse non debeat quamdiu missa de die celebratur, atque aded si adsit, quodd istinc oporteat asportari, dū de mortuis missa canatur. Tertia est, quia sicut ex multis granis simul collectis, vnus efficitur panis, & ex multis racemis vinum exprimitur: Ita quoque ex multis fidelibus quorum quidam sunt boni, & quidam mali, vna cōstituitur ecclesia. Quoniam ergo mortuo homine nescitur vtrum sit ex conformitate Ecclesiæ, & pacem habeat cum suo creatore, ideo ad missam pacem non damus. Non autem dicimus Benedicamus Domino, nec Deo gratias, nec laudes aliquas referimus, quia non est vnde sint agenda, quū necdum appareat eorum requies. Illud prætereà animaduertendum est, officium mortuorum finiri nona hora, & non habere secundas vespèras, quo significatur quodd hoc officium finem habebit, quan-

quando quidem animæ saluandorum ab omni pœna liberatæ sempiterna lætitia perfruatur, nimirum sancti, de quorum glorificatione in anima certa est Ecclesia. Primas & secundas vespervas habent, si in eorum officio nouem lectiones decantentur. Et quidem primas, propter glorificationem animæ, secundas verò propter glorificationem corporis quam habebunt, quæque nunquam finem sit habitura. Si autem non nisi tres lectiones canantur, primas tantum vespervas habebunt. Nunc porro dicendum est, quæadmodum corpus sit sepeliendum, & quomodo tumulandum, & ad ecclesiam deportandum, à quibus, & quando. Quando ergo iam aliquis animam agere videtur, humi collocari oportet super cineres, vel paleas, quo innuitur quod cinis est, & in cinerem reuertetur, quod ut alijs de se exemplum præberet, beatus Martinus fecisse legitur. Debet præterea recitari passio Domini, vel eius pars aliqua ante morientem si sit literatus & doctus, ut moueatur ad maiorem compunctionem. Sic quoque & Crux ante pedes eius esse oportet, ut iam moriens eam intueatur, quod vel inde magis conteratur. Debet recta iacere facie, ut cœlum aspiciat. Priusquam verò expirauerit, necessarium est ut campanæ pulsentur, idque

idque ideo ut populus audiens oret pro eo. Pro mulieribus quidem bis, quoniam mulier inuenit alienationem. Ipsa namque primò fecit, quòd homo alienaretur à Deo. Quare secundus dies non habuit benedictionem. Pro viro autem ter pulsatur, & ab ipso Trinitatis quoddam in homine apparuerit exemplum. Primò enim Adamus formatus est è terra, deinde mulier ex Adamo, ac postea ex utroque creatus est homo, ut ad eum modum hinc nata sit Trinitas quædam. Ad postremum pro ecclesiastico tot vicibus debet compulsari, quot habeat ordines, ut sciat populus pro quo sit orandum. Pari ratione pulsari oportet quando portatur ad Ecclesiam, & quando rursus ex ea ad tumulum. Priusquam autem corpus sepeliatur vel pânus subleuetur, debet sacerdos vel eius vicarius illuc venire cum aqua lustrali seu benedicta ac orationes pro eo ad Dominum effundens, sanctos inuocare, & rogare ut eius animam suscipiant, atque in locum gaudij deferant. Sunt enim quædam animæ, quæ sunt perfectæ, ut, quàm citò exeunt è corporibus, ad cælos euolent. Sunt & aliæ prorsus malæ, quæ ilico ad inferos cadunt. Verùm præter has sunt & aliæ mediæ pro quibus huiusmodi fit cõmendatio, idq; tantum propter



propter incertitudinem. Proinde abluto corpore & velato, oportet portari ad Ecclesiam, ac tunc debet missa cantari, ubi profectò animaduertas in quibusdam Ecclesijs unicuique dari candelam in choro in altera manu, & in altera quod offeratur, ac sic lecto Euangelio ea offeruntur sacerdoti pro mortuo, atque tum huiusmodi cantari solet versus: Hostias & preces. Missa celebrata, ante cadauer præcantat sacerdos, & si plures sint sacerdotes omnes debent habere stolas, ac cum eo orationes dicere. Peracto autem officio præcantationis, portatur ad sepulchrū cum huiusmodi psalmis: In exitu, Confitemini, & alijs, qui ad hoc peculiariter sunt instituti. Verū portari debet à similibus, ut si diaconus fuerit, à diaconis, si sacerdos, à sacerdotibus, si istic præsto sint. Sint verò non, minimè: cū necessitas legi non subijciatur. Sic clericus à clericis, catholicus à catholicis. Si verò fuerit ex fraternitate (& quam ita vocant, & sepe faciunt inter se homines) ab eis debet portari. Sed mulieribus non est permissum aliquorum cadauera deportare, ne earum corpora nuda videantur, quod fortassis aliquando contingeret, quemadmodum nec licitum est eis pacem dare ad evitandam lasciviam. Deinde verò

R. ponitur

ponitur in sepulchrum, & istic aqua apponitur benedicta, ac prunæ cum thure. Et profectò aqua benedicta ideo, ne ad corpus dæmones accedant, quos huiusmodi aqua abigit ac propellit. Solent enim diaboli sæpenumero in mortuorum desæuire corpora, & quod non potuerūt in vita, id faciunt saltem post mortem: Thus autem apponitur propter corporis foetorem remouendum, & prunæ ad designandum quòd terra illa in vsus cōmunes amplius redigi nequeat. Diutius enim carbo sub terra conseruatur, quàm aliud quippiam quod possit istic in Testimonium relinqui. Hedera vel laurus quæ in perpetuum frondium seruant virorem in sarcophago prope corpora ponuntur, ad declarandum quòd illi qui moriuntur, in illo viuere non desistunt: quia quantumuis corpore moriuntur, anima tamen viuunt. Alia sanè ratione in funeribus habebatur cupressus. Nam quemadmodum hæc cæsa non iterum reuirescit, sed tota moritur: ita homo eo quòd moritur, non rursus reuiuiscit. Hæc de mortuis dicta sufficiant, ac de festis quatuor Coronatorum deinceps agamus.

*De festo quatuor Coronatorum.*

CAP. CLXII.

Fuerunt

**F**Verunt quidem nouem, sed quatuor eorum dicuntur Coronati, & eorum nomina hominibus erāt ignota. Hi fuerunt lapicidæ, qui venerant ad construendum templum Dioclesiani, quod erat Romæ. Sed quum cognouisset eos esse Christianos martyrio Coronati sunt, & quum nomina illorum nescirentur, dicti sunt Coronati.

*De solennitate beati Martini.*

*CAP. CLXIII.*

**S**Ciendum verò est de beato Martino, quòd par & æqualis Apostolis sit appellatus, pro suscitatione quorundam mortuorum, vt plarique arbitrantur, cùm idem & multi alij martyres fecerunt & confessores. Verùm potius ob quoddam miraculum quod contigit, cùm Turonis esset episcopus. Nam cùm hybernis mensibus pauper ei seminudus obuiam veniret, orans sibi vestimentum dari: accersito archidiacono statim argentem iussit vestiri. Quod quū archidiaconus facere distulisset, irrupit pauper in sacrarium, quod intrauerat Martinus, conquerens se à clerico dissimulatum, atque algere deplorans. Eo audito, Martinus ilicò occultè suam eduxit tunicam, ac suo concessit peccatori, petijtque ab archidiacono priusquàm celebraret tunicam, quam pauperi emere

R. 2 iusserat,

iusserat, atque eam vilem, hispidam & breuem clanculum induit. Atque ita sanè parauit se ad celebrandarum misfarum solennia. Sed quum ante altare, vt moris est in præfatione, sisteret, manusque ad Dominum subleuaret, ita vt brachia eius facilè ob amplitudinem & breuitatem manicarum conspicerentur, ilicò aurei torques ipsa honestè operuerunt, & supra caput eius igneus globus visus est. Quo quidem declaratum fuit Spiritum sanctum in eum descendisse, ad confirmationem & robur, sicut in Apostolis ipso die Pentecostes. Quapropter ergo non immeritò dictus est par Apostolis. Fuit autem oriundus ex Pannonia, quæ est propè Austriam, vnde etiam fuit beatus Hieronymus. Fecit prætereà multa signa & innumera miracula, quæ conscripserunt Sulpitius & Fortunatus, vt qui ipsum multum adamarunt. Quod autem ad officium attinet cōsiderandum est, hunc solum inter confessores institutionis octauas habere, sicut & beatus Laurétius vigiliam quod ipso die passionis suæ dixerit, quod in eius festo repetit ecclesia: Igne me examinasti, &c. Sed Martin⁹ in agone mortis dixit astanti dæmoni: Nihil in me inuenies cruenta bestia. Ecce quam optimè conueniunt merita. Ergo  
ille

ille tanquam qui cæteros martyrio longè superarit, vigiliam habet, atq; hic cōfessor cæteris item præstantior, solus habet octauas.

*De festo Andreae & Thomæ Apostolorum.*

CAP. CLXIII.

**C**Ognoscere opera præcium est Andræam colore fuisse nigro, barba proluxa, ac statura mediocri. Hoc ideo à nobis dictum sit, ut sciatur qualis in Ecclesia pingi debeat, quod similitudine faciendum esset in omnibus Apostolis atque alijs sanctis. Cæteroquin enim mentiremur in litera laicorum, nempe in picturis. Concionatus autem est in Achaia & Athenis, ac circa illas partes. Valde excellentis fuit meriti, nec id quidem sine causa. Beatus Gregorius adeo ipsi fuit addictus, ut primum eius fecerit officium, & monasterium ei condiderit, ubi itē & monachus extitit. Quadraginta mortuos simul suscitauit, quod de nullo alio legitur. Filius namque sui hospitis, quum nauigaret cum triginta & nouem socijs naue fracta submersus est, cuius pater quum miserè lamentaretur in littore, misericordia motus Andreas fudit preces ad Dominum, & redditi sunt vitæ vninerfi. Tandem ad se Proconsul Aegeas vocauit Andræam, ut idolis sacrificaret, qui quemadmodum

noluit & recusavit, ut in ipsius vita legitur, ita eum cruci affixerunt, reclamanti & inuito populo. Pependit itaque integro biduo in cruce per transversum, ut nonnullis placet, positus. Nihilominus tamen prædicavit, & verbum Dei concionatus est. Tandemq; foeliciter ad superos migravit. Vigiliam institutionis non habet quia in tempore est ieiuniorum, quare necesse non fuit, ut ei vigilia institueretur. De beato autem Thoma nihil equidem, quod hinc dicere necesse sit, habeo, cum vita eius ex historia, quæ de ipso conscripta est, satis abundè cognosci queat. Hoc tamen adiiciendum putavi, ipsum ieiunium institutionis non habere, ob eandem causam, qua neque Andream habere diximus. Legitur verò hinc Euangelium: Thomas vnus ex duodecim. Quæ ratione id fiat satis ex ijs patet, quæ suprâ à nobis dicta sunt.

**Totius**

*Totius operis conclusio.*

**I**Am ergo duplici hætenus ratione pro ingenij nostri tenuitate Ecclesiastica officia, & quæ ad ea pertinere videbantur exposuimus: primò quidem generaliter, ac deinde etiã specialiter, sigillatim eo ordine explicando, quem anni circulus nobis demonstrauit. Festa item sanctorum in suo loco, hoc est, eo die quo celebrari consueuerūt, commodè (vt nos quidem putamus) reseruauimus, vt quo die cuiusque festum fieri dicimus, istic & eiusdem festi ratio haberetur. Nec verò est, quod quis existimet, ita hæc absolutè à nobis tradi potuisse, vt in ijs nihil planè desideraretur, quū diuina officia eiusmodi sint, vt plenè ac sufficiēter in multis explicari non possint.

*Diuinorum officiorum.*

**F I N I S.**

**Soli Deo sit gloria,  
Cum matre nostra Ecclesia.**

**R 4**

**In-**

# INDEX CAPIT- tum quæ in opere hoc Diuinorum officio- rum continen- tur.

<b>P</b> roœmium ac totius operis parti- tio.	pag. 1.
De rebus specialiter Deo consecra- tis. Cap. j.	pag. 2
De locis. Cap. ij.	pag. 3
De temporibus. Cap. iij.	pag. 5
De solennitate festiuitatum. Cap. iiij.	pag. 7
De festis. Cap. v.	pag. 9
De stationibus. Cap. vj.	pag. 10
De processionibus. Cap. vij.	pag. 13
De ieiunio. Cap. viij.	pag. 14
De ieiunij autoritate.	Cap. ix. pag. 16
De distinctione ieiunij. cap. x.	pag. 18
De institutione Quadragesimæ & reli- quis ieiunandi formis.	Cap. xj. pag. 19
De personis. Cap. xij.	pag. 27
De personis ecclesiasticis.	Cap. xiiij. pag. 30
	Quomo-



# CAPITVLM.

Quomodo personæ dignitatis à veteribus ad nos fluxerint. Cap. xiiij.

pag. 33

De rebus quæ Deo potissimum debentur. Cap. xv. pag. 34

De votis & sacrificijs. Cap. xvj. pag. 36

De oblationibus & donationibus.

Cap. xvij. pag. 38

Quid officium & quotuplex. Cap. xviii.

pag. 39

De officio generali. Cap. xix. pag. 40

De ipso officio. Cap. xx. pag. 42

Cur ter nocte surgebant. Ca. xxj. pag. 45

De repræsentatione trium temporum.

Cap. xxij. pag. 46

De ordinatione sancti Benedicti. cap.

xxiiij. pag. 49

De pulsu campanarum & matutini temporis initio. cap. xxiiij.

pag. 51

De Hymno, & de ijs, quæ ad tertium usque nocturnum fiunt. Cap. xxv.

pag. 54

De tertia nocturna. Cap. xxvj. pag. 57

De officio diurno. Cap. xxvij. pag. 59

Quar septies in die laudemus Dominum. Cap. xxviii.

pag. 60

De alijs sex horis. Cap. xxix. pag. 62

De Psalmis qui hisce horis cantantur.

Cap. xxx. pag. 63.

De Hymno & alijs sequentibus. Cap.

xxxj. pag. 66

# INDEX

De officio altaris. Cap. xxxj.	pag. 68
De confessione sacerdotis ante missam.	
Cap. xxxiiij.	pag. 69
De officio missæ. Cap. xxxiiij.	pag. 70
De introitu, tropis & linguis, quibus missa celebrari potest.	Cap. xxxv.
pag.	71
De Kyrie eleison &c.	Cap. xxxvj.
pag.	73
De oratione, & quoties se in missa ver- tat sacerdos.	Cap. xxxvij. pag. 74
De Epistola, graduali, Alleluya, & pro- sa.	Cap. xxxviii. pag. 76
De Evangelio. Cap. xxxix.	pag. 78
Quid symbolum, quando canendum, & quot sint numero.	Cap. xl.
pag.	83
De offertorio. Cap. xli.	pag. 86
De sacrificio. Cap. xlii.	pag. 87
De secunda parte missæ.	Cap. xliij.
pag.	88
De secreta. Cap. xliii.	pag. 89
De præfatione. Cap. xlv.	pag. 92
De Canone. Cap. xlvj.	pag. 93
De oratione dominica.	Cap. xlvij.
pag.	95
De pace. Cap. xlviii.	pag. 96
De vltima parte missæ.	Cap. xlix.
pag.	98
Quibus horis celebretur missa.	Cap. l.
pag.	100
	Quæ

# CAPITVM.

Quæ missæ quibus diebus debeant celebrari. Cap. l j.	pag. 101
De vesperis. Cap. li j.	pag. 104
Quot Psalmi canantur in Completo- rio. Cap. lii j.	pag. 106
Quomodo finiendæ sint orationes. Cap. liii j.	pag. 107
De diuersitatibus officiorum. Cap. l v.	pag. 109
De cæteris temporibus. Cap. l v j.	pag. 114
Quis ordinauerit officia ecclesiastica, & de quibusdā diebus. Cap. l vi j.	pag. 117
Quomodo officia ecclesiastica fieri de- beant, & qui sint eorū libri. Cap. l vii j.	pag. 119
De reliquis libris. Cap. l ix.	pag. 121
De quinque libris lectionum. Cap. l x.	pag. 123
Quid legi debeat in Septuagesima. Cap. l x j.	pag. 125
Quid legi debeat ab octaua Penteco- stes vsq; ad Natale Domini. Cap. l x i j.	pag. 127
De libris cantuum. Cap. l x i i j.	pag. 133
Quæ omittenda sint in Aduentu. Cap. l x i i i j.	pag. 135
De temporibus quibus non debent nu- ptiæ celebrari. Cap. l x v.	pag. 139
De festis & ieiunijs Auentus. Ca. l x v j.	pag. 141

# INDEX

De anniuersarijs mortuorum, & vigi-  
lijs sanctorum. Cap. lxxvij. pag. 145

De vigilia Natalis Domini. Cap. lxxviii.  
pag. 146

De natiuitate Domini. Cap. lxxix. ibid.

De festis Natiuitatem sequentibus.  
Cap. lxx. pag. 150

De Circuncisione. Cap. lxxj. pag. 153

De festo Hypodiaconorum. Cap. lxxij.  
pag. 154

De Epiphania. Cap. lxxiiij. pag. 155

De Euangelij apparitionis. Ca. lxxiiij.  
pag. 158

De festis sanctorum post Epiphaniam.  
Cap. lxxv. pag. 159

De Dominica post octauas Epiphaniæ.  
Cap. lxxvj. pag. 160

De Septuagesima, Sexagesima, Quin-  
quagesima & Quadragesima. Cap.  
lxxvij. ibidem.

De institutione prædictorū. Ca. lxxviiij.  
pag. 166

De officijs istorum temporum. Cap.  
lxxix. pag. 168

De variatione officiorum. Cap. lxxx.  
pag. 170

De festis quæ sunt in principio Septua-  
gesimæ, & primò de Purificatione  
beatæ Mariæ. Cap. lxxxj. pag. 172

De festo sancti Blasij Cap. lxxxij.  
pag. 173

*Purificat. Mariæ. 172*

De Ca-

## CAPITVLM.

- De Cathedra sancti Petri. Cap. lxxxiiij.  
pag. 174
- De festis generaliter quæ tempore fiunt  
Septuagesimæ. Cap. lxxxiiij.  
pag. 176
- De officio Quadragesimæ, ac litera lai-  
corum. Cap. lxxxv. pag. 177
- Quomodo fit pulsandum in Quadra-  
gesima. Cap. lxxxvj. pag. 181
- Quare non ieiunemus eo tempore quo  
Christus ieiunauit. Ca. lxxxvij. pa 182
- De diebus priuilegiatis. Cap. lxxxvij.  
pag. 183
- De prima quarta feria priuilegiata.  
Cap. lxxxix. pag. 184
- De secunda quarta feria & tertia priui-  
legiata. Cap. xc. pag. 185
- De quarta feria. Cap. xcj. pag. 188
- De sabbatis priuilegiatis. Cap. xcij. ibid.
- De Dominicis diebus priuilegiatis.  
Cap. xcij. pag. 190
- De Dominica in Ramis Palmarum.  
Cap. xciiij. pag. 192
- De quinta feria siue Cœna Domini.  
Cap. xcv. pag. 193.
- De sexta feria priuilegiata. Cap. xcvj.  
pag. 198
- Cur non conficiatur corpus Christi in  
Parascue, & de ordine eius officij.  
Cap. xcviij. pag. 203
- Quare ita huius diei officium fit insti-  
tutum.

# INDEX

tutum. Cap. xcviij.	pag. 205
De duabus partibus Sacramenti.	
Cap. xcix.	pag. 212
De officio tenebrarum.	Cap. c.
pag.	216
De numero candelarum.	Cap. cj.
pag.	217
De expositione trium quæ præterea in huiusmodi officio obseruantur.	
Cap. cij	pag. 222
De purgatione pavimenti.	Cap. ciiij.
pag.	224
De nudatione altaris.	Cap. ciiij.
pag.	225
De Sabbato Paschæ.	Cap. cv.
pag.	227
De officio Sabbati.	Cap. cvj.
pag.	228
Quare hæc omnia fiant.	Cap. cvij.
pag.	230
Quid per cereum Paschalẽ significetur.	
Cap. cviiij.	pag. 232
De consecrando siue benedicendo cereo.	
Cap. cix.	pag. 233
Cur tituli hîc taceãtur, & de Baptismo.	
Cap. cx.	pag. 234
De reliquo officio in vigilia Paschæ.	
Cap. cxj.	pag. 242
De tempore regressionis.	Cap. cxij.
pag.	245
De officio huius temporis.	Cap. cxiiij.
	pag.

# CAPITVM.

pag.	ibidem.
Quæ circa hoc tempus sint obseruanda.	
Cap.cxiij.	pag.250
De ornatu templi materialis.	Cap.cxv.
pag.	252
De reconciliatione proximi.	Cap.cxvj.
pag.	254
De veneratione huius temporis.	
Cap.cxvij.	pag.255
De mensa corporis.	Cap.cxviij.
pag.	256
De paruo prandiolo.	Cap.cxix.
pag.	257
De quadam libertate Decembris.	
Cap.cxx.	pag.260
Expositio quorundam, quæ cum circa hoc tempus, tum alibi etiam obseruantur.	Cap.cxxj. pag.266
De letanijs.	Cap.cxxij. pag.271
De institutione & modo letaniarum.	
Cap.cxxij.	pag.274
De festo Apostolorum Philippi & Iacobi.	Cap.cxxiiij. pag.278
De inuentione sanctæ Crucis.	
Cap.cxxv.	pag.279
De sancto Ioanne Euāgelista ante portam latinam.	Cap.cxxvj.
pag.	283
De festo beatæ Mariæ ad martyres.	
Cap.cxxvij.	pag.283
Quare nō celebremus festa sanctorū qui cum	

# INDEX

cum Christo surrexerunt. Ca. cxxviii.	
pag.	285
De sancto Michaële. Cap. cxxix.	
pag.	286
De varietatibus huius temporis.	
Cap. cxxx.	pag. 287
De Pentecoste. Cap. cxxxj.	pag. 288
De officio sabbati Pentecostes.	
Cap. cxxxij.	pag. 293
De ieiunijs quatuor temporum.	
Cap. cxxxij.	pag. 294
De institutione ieiuniorum quatuor temporum &c. Cap. cxxxiiij.	pag. 295.
De tempore peregrinationis ac festis in eo contentis Cap. cxxxv.	pag. 298
De natiuitate sancti Ioannis Baptistæ.	
Cap. cxxxvj.	pag. 300
De vigilia sancti Ioannis. Cap. cxxxvij.	
pag.	302
De festo Apostolorum Petri & Pauli.	
Cap. cxxxviii.	pag. 306
De diuisione Apostolorum. Ca. cxxxix.	
pag.	308
De festo sancti Iacobi.	Cap. cxli.
pag.	310
De festo Petri ad vincula.	Cap. cxliij.
pag.	313
De festo Machabæorum.	Cap. cxliij
pag.	314
De inuentione sancti Stephani.	Cap.
cxliij.	pag. 316
	De fe-



*CAPITVM.*

De festo beati Sixti & transfiguratione  
Domini. Cap.cxluiij. pag.317

De sancto Laurentio. Cap.cxlv.  
pag. 318

De Assumptione beatæ Mariæ virginis.  
Cap.cxlvj. pag.319

De decollatione sancti Ioannis. Cap.  
cxlviij pag.325

De sancti Augustini festo. Cap.cxlviij.  
pag. 327

De natiuitate beatæ Mariæ. Cap.cxljx.  
pag. ibidem.

De sanctis Sapiētia, Fœlice & Audactio.  
Cap.cl. pag.328

De exaltatione sanctæ crucis. Cap.clj.  
pag. 329

De beato Mauritio eiusque socijs.  
Cap.clj. pag.331

De sancto Matthæo. cap. cliij. pag.332

De festo Angelorum siue Michaëlis.  
Cap.cliiij. ibidem

De sancto Remigio. Cap.clv.  
pag. 334

De sancto Luca. Cap.clvj. pag.335

De Simone Iuda. Cap.clviij. ibidem

De festo omnium sanctorum. Cap.  
clviij. pag.336

De officio mortuorum ac ratione sepe-  
liendi. Cap.clix. pag.338

De institutione officij. Cap.clx.  
pag. 343  
De ce-

## INDEX CAPITVM.

De celebratione mortuorum officij.

Cap.clxj. pag.349

De festo quatuor coronatorum.

Cap.clxij. pag.357

De solennitate beati Martini. Cap.

clxij. ibidem

De festo Andræ & Thomæ Apostolo-

rum. Cap.clxiiij. pag.369

Ad Lecto-

AD LECTOREM.

**A**Nnectendus huic Indici & alius foret aliquanto locupletior rerum ac vocum in hoc opere contentarum, nisi metueremus ne in eam prolixitatem propenderet ut haud facile adiungi possit. Tot enim undique res ac materiae sese ingerunt, ut residuae pagellae earum capaces minimè esse queant. Suffecerit igitur solum capita indicasse, unde si libet & reliqua facile veneris. Emitur palsim ab omnibus Prochiron siue Rationale diuinorum officiorum magna auiditate & magno etiam fructu, idque ab iis non immeritò, quorum conditio ut circa istiusmodi officia sint occupati, exigit. Verum quum istud opus prolixius sit, quàm ut ab omnibus commodè perlegatur,

AD LECTOREM.

tur, multi non inconsulto fecerint, si nostrum hoc Diuinorum officiorum opus paruo sibi cōparauerint, in quo ferè omnia, ne dicam interdū plura quā in Rationali continentur, ea breuitate qua fieri potuit maximè cōscripta. Nec vero statim damnes hanc nostram officiorum explicationem, si in ea quamplurima inuenias, quæ & in Rationali ijsdem propemodum verbis nonnunquam continentur, ac putes illinc nostra esse desumpta. Nam illud fieri non potuisse res ipsa satis indicat, cum noster Autor aliquoties citetur in Rationali. Consultius itaq; fecerint, si, qui hæc scire desiderant, hunc potius tanquā fontem adeant, qui quanquam angustior est (vt ferè fit) suis riuulis, puras tamen ex se æquali scaturigine præbebit aquas. Fruere ergo, Lector,

AD LECTOREM.

Actor candide, nostra opera, atque  
illud tecum cogita longè satius  
esse sequi compendia si adsint,  
quàm rei cuiuspiam facere dis-  
pendia, hominisq; esse planè sto-  
lidi, ac parum de se cogitantis,  
qui non eadem (si pos-  
sit) minori & sum-  
ptu & opera ad-  
discere velit.

Vale.

Liber hic nihil continet quod fidem  
aut mores offendar, sed doctissimè &  
exactissimè explicat rationes Divini of-  
ficij.


Ioannes Goëssuini ab Orschot diui  
Iacobi Antuerpiæ pastor  
subscripsit.



*P. Cury A.*













2-4-2.

